

coll. compl. 4^e. [KKJ], 316 pp
front.

9;


EX LIBRIS



de Mol van Otterloo

J. A. Bellman
1725.


8.4.13,
28.2.87



Digitized by the Internet Archive
in 2023 with funding from
Boston Public Library

<https://archive.org/details/harlemum00schr>





THEODORI SCHREVELI
HARLEMUM.

SIVE
VRBIS HARLEMENSIS

Incunabula, incrementa, fortuna varia, in pace, in bello.
Hamorum & Afellorum factio. Obsidiones. Reforma-
tionis cruda initia. Consilia politica. Schismata
Ecclesiastica. Tempora Lycestriana.

Statuta antiqua. Comitum privilegia gratiosa.

Regimen Politicum, Ecclesiasticum, Oeconomicum, Mi-
litare & Scholasticum.

*Tum studia incolarum in quavis facultate & arte,
Et plura id genus.*



LVGDVNI BATAVORVM.
Excudebat SEVERINUS MATTHAEI, 1647.

D. Prætori IOHANNI SCHATTER,

D. Coss. PETRO OLIKAN,

D. AVLO AKERSLOOT,

D. CORNELIO THEODORI GULDEWAGEN,

D. GULIELMO WARMONT.

*Cæterisque Harlemianæ reipub. Senatoribus. Nec non
ejusdem urbis Syndico consultissimo.*



B eo tempore (jam pæne quinquennium est) quo Harlemum quasi postliminio redi jam emeritus , jam rude donatus Vejanii exemplo : ab eo tempore subiit animum cogitatio insuper benemerendi de Patria , de civibus & popularibus meis . Et jam fixum hoc , immotumque animo sedebat , ire in patriæ laudes : Atque adeo Patriæ laudibus immori ; quod jam intendo . Nam cum Harlemum meam absolvisssem , & historiam urbis patriæ ab ipsis natalibus ad umbilicum jam perduxisssem , sensi indies magis senectutis incommoda , infirmitates totius corporis , dolores capitis ingravescere , oculorum aciem hebescere , ingenii vires attenuari , memoriam deficere , & pæne jam evandam , quæ omnia signa jam sunt labantis & fatiscentis ævi . Atque hæc est causa , cur lucubrationes meas , in honorem patriæ quas scripsi senilibus annis , famæ mandarem , & exacto pæne vitæ meæ curriculo jam metæ proximus , sub lucem mitterem , & memoriæ sacras facerem , & æternitati consecrarem . Quos autem Annalium meorum patronos adoptarem , non deliberandum diu fuit , quippe ultro sese offerunt mihi Patres Patriæ , Harlemianæ reipub. ipsa lumina & columina , Prætor , Coss. Syndicus juris legumque peritus , ut qui de me optime meriti , qui hodie sunt & fuerunt . Ac primum quidem ampliff. Ordini hoc debeo , quod me receperunt in numerum civium suorum , apud quos altus & educatus sum : in quorum gymnasio optimis litteris & artibus institutus , atque imbutus fui : qui mihi studiorum meorum authores , & ne quid dissimulem , Mæcenates etiam fuere . Qui in docendi munere & formanda juventute exercitatio ad provinciam scholasticam (urgente gymnasii reformationem synedrio) vocarunt , & proximum à Rectore locum obtinere me voluerunt . Et cum Dordraceni datis ad Magistratum litteris Recloratus honorem mihi deferrent , & dimissionem mei serio peterent ; Consules minime dimittendum rati utilem patriæ civem , & civibus gratum , & de relitteraria

non male meritum, salarium ejus cc. florenorum augmento bearunt, & animos addiderunt, majora tentandi. Et decennio post ingravescente ætate D. & præceptoris mei Corn. Schonei ad Rectorem me promoverunt, & scholæ suæ inauguratum, initiatum solempni more voluere. Nec bene de nobis merendi studium deferbuit, cum non ita multo post, in ordinem amplissimum, & ad arcana Reipubl. admiscere hominem minime ambitiosum. Et post annos circiter xvi, verso rerum cardine, cum cedendum tempori & serviendum scenæ, Lugdunum peterem propter studia filiorum, honestissimo testimonio vitæ bene actæ, & provinciæ sine ullo murmure depositæ, civem & clientem suum profecuti sunt. Et cum post annos xx & amplius redirem in patriam fospes, summa gratulatione à civibus exceptus, à D. consule P. Olikan in primis, qui reduci mihi & honorifice gratulatus est non tantum, verum etiam epulo excepit satis splendide. Nondum dixi omnia, nam cum in templo locum audiendis concionibus idoneum non haberem, nisi in turba, Coss. ejus temporis, locum mihi assignarunt in subsellio ordinis Ecclesiastici. Nec ita multo post, cum Diatribas meas Scholasticas, & orationum selectarum syntagma publici juris fecissem, & D. Prætori, Coss. cæterisque Harlemianæ reipub. Senatoribus dedicassem, honorarium cxx. florenorum decreverunt. Et quadriennio post, cum consilia mea Coss. aperuissem, quod historiam urbis patriæ sub manu haberem, propediem lucem visuram, D. Coss. id gratum sibi futurum testati, simul immunitatem à vectigalibus urbanis ultro concessere usque ad vitam, qua hodie adhuc fruimur ac gaudemus: quam liberalitatem Coss. non tam pretio quam honore metiendam censui, quod eam non nisi summis viris & nobilissimis datam concessamque invenio. Nam Anno 1564. Quæstoriararii, in gratiam D. de Lara Virga immunitas à vectigalibus gratiosa data. Et ab Anno 1568. decretum, ut Coss. iv. & Scabinus primum locum tenens immunes à vectigalibus Urbanis forent, 1. Decemb. Et Anno 1570 propter artem graphicam in qua excelluit, Martino Heemskerckio immunitas data: & eodem Anno Mag. Jacobo Wy virginum Vestalium pastori, Octob. 18. Canonicis item & nobilissimis & bene meritis D. Adriano vander Duyn, & D. toparchæ in Schagen, Anno 1571. Jun. 9. & aliis pluribus non è multis. Longum esset recensere omnia, quæ in me contulistis beneficia, P. C. Præcipua dixi. Fateor & fatebor semper me debendi reum, qui solvendo non sum; tamen ut effugere possim nomen ingrati dabo operam. Et simul specimen daturus gratitudinis meæ; offero Amplitudini vestræ historiam urbis patriæ, ab ipsis incunabulis usque in hunc diem, quam ut benevolo animo accipiatis oro quæsoque, & si donum illud meritis vestris non respondeat, animum offero quovis munere potio rem, ad exemplum Aeschinis.

PROLOGUS

IN LIBROS VI.

HARLEMIADOS.



Quam efficax sit in animis hominum affectus ille in Patriam, quam Ὀδυσσεύς Greci vocant, poëta Sulmonensis indicat, cum nescire se fatetur, unde vis illa animis hominum ingenerata, quod natale solum, & terram illam nutritiam, ament non tantum, sed venerentur, ut communem omnium matrem, & ad bonificam ejus mentionem exultent, & voluptatem capiant non vulgarem; ita ut ejus si maxime velint memoriam deponere non possint: quæ tanta dulcedine hominum animos afficit, ut sibi benda fides vatum maximo, nihil dulcius, nihil amabilius sit, quam Patriæ, quam parentum memoria, cum inquit, Ὀδυσσεύς ὁ γὰρ ὁδὸν ἦς πατρίδα ἐδιδόκειαν εἰσεύετο: Hinc Ulysses apud Calypso, patriam immortalitati prætulisse idem refert. M. Tullius Cicero ut civibus suis Patriæ amorem inculcaret, & aculeum in animis suorum relinqueret, Lærtiadem eundem illum ipsis proposuit in exemplum, quem Itacam, nidulumque illum affixum cautibus, felicitati immortalium Deorum anteposuisse constanter asserit, Homeri auctoritate subnixus. Eundem illum post longos errores terra jactatum & alto, hoc unum optasse ex Homero Naso refert: Fumum de patriis posse videre focis. Quam ejus rei rationem dabimus aliam, quam, quod omni animantium generi natura hoc sit insitum, ut nidos suos, atque latibula ament. Certe feris & belluis etiam hoc datum, agros silvasque querere natalitias. Aves ipse interdum per aëra volantes & vagantes, proprios nidos amant, postea ad cubilia pendula redeunt. Adhæc erratiles bestię, ad habitacula dumosa festinant. Atque adeo cuncta animalia, quoquo te vertas, ibi se norunt refugere, ubi longissima cupiunt ætate constare. Quod natura inserit feris & belluis, id ratio hominibus: unicuique enim Patria vita carior, in qua lucem vitalem primum aspeximus, in qua ab ipsis incunabulis alti atque educati sumus. Atque hæc est causa cur lares patrios & Penates super cuncta homo diligat, & tueatur vir fortis. Ex quibus ita tandem colligimus, Patriæ, parentibusque post Deum magnopere nos debere, quibus vitam debemus, animam debemus, non solvendo. Ita Cicero dicendi baud inutilis auctor hoc vult, ut vita quæ fato debetur, salutem Patriæ potissimum persolvatur. Inde tot clare mortes pro Patria oppetite, non solum gloriose in Rhetorum scholis, verum etiam beatę habitę semper fuerunt; atque adeo terque quaterque beatos eos predicabant, Quis ante ora patrum patriæ sub mœnibus contigisset oppetere. Longum esset ab omni antiquitate exempla petere inde ab Eriichtheo. Codri pietatem quis nescit? Harmodius. Aristogiton, in ore adhuc omnium.

Leonide.

Leonide Lacedemonii, Epaminonda Thebani, immortalis adhuc memoria est. De Marco Curtio qui Diis Manibus se debovit pro salute patrie nulla conticescent secula. Quid memorem Fabiorum gentem, qui patritii omnes, animaque magne Prodigum Paulum Aemilium illum Cannensi clade, aliosque innumerabiles patrie amantes cives? quibus hoc quasi trabali clavo infixum sedebat, omnibus iis qui patriam conseruauerint, auerint, adiuuerint, certum esse ac definitum in cælis locum, ubi beati ævo sempiterno fruuntur. Hac fide subnixi Patrie amantes cives & sapientes, omnia suscipienda reipub. causa putarunt, tam in pace, quam in bello. Fidem faciam eorum quæ jam dixi exemplo meo. Nam cum post longos exantlatos labores, post tot annorum curricula, quibus operam Patrie impendi, quamdiu fata sinebant, & filiorum causa Lugdunum me contulisset antiquum Musarum hospitium, & aliquo etiam ibi loco essem, gymnasio litterario præfectus, tamen nescio quæ vis major me traxerit, ut cum provinciam scholasticam ætas mea jam ingravescent deponere moneret, ne in morem senescientis equi peccarem ad extremum ridendus, & illa ducerem, sensi patrie desiderium, & posthabitis aliis omnibus commoditatibus, ad vitam in otio honesto transigendam, pupugit animum amor Patrie, cuius tanto desiderio tenebar, ut collectis vasis, atque adeo omni suppellectile, Musis Lugdunensibus valedicerem, & in Patriam quasi postliminio redirem, gratantibus civibus & amicis; uti quieti me dare decreveram jam emeritus, & rude donatus; suspensis ad postem (ut sic dicam) armis Veianii exemplo. Et totum quieti cum me dedissem, animum subiit cogitatio (nec quiescere potuit mens ignea) ulterius de Patria merendi, & Patrie laudibus immori jam amiciebam in animo. Quod jam aggredior. Deus optimus maximus, ut adspiret constantibus nostris votorum meorum apex. Ita tria potissimum mihi proponam discutienda eorum, ad Patrie laudem quæ faciunt. Ac primo quidem loco de ipsis patrie incunabulis, & urbis origine dicturus. A fabulosis abstinere est animus. Deinde de urbis incremento, cum crescente indies civium frequentia, pomeria extenderit, & paulatim inter aduersa caput extulerit, arripiti lucta, ut inter sese Virtus & Fortuna contendisse videantur. Postremo de hodierno statu qui ad nostram memoriam peruenit, dicam quam potero paucissimis. Hec pertractare mihi est animus, si longiorem vitam dabit Deus, cuius tutele me etiam atque etiam commendo.

PETRI SCRIVERII.

Elegia.

Cui Titulus

THEODORVS SCHREVELIVS.



*Octius eloquium tenero meditatus ab ungui,
Schonaepatriâ gratus in urbe puer,
Extulit os, didicitque loqui. Iam Tullius alter,*

Alter & Harlemi Quintilianus erat.

Praconemque suum Christi sperabat ovile,

An. 1595

Aspera si posset scabraque scita sequi.

Aptior esse Scholæ visus teneraque juventa,

Aptior & sacris pulcher Apollo tuis.

An. 1596

Extensis magis atque magis Schrevelius alis,

In Trivio Leyda non trivialis erat.

Schonaus moritur, socci vetus atque Terent I

An. 1597

Cultor, Hiantais ter (puto) lotus aquis.

Discipulos, tanto modo Praeceptore beatus,

Accipit haud alia sceptrag erenda manu.

Iam ferulae tristes in amano pectore regnant,

Lapsaque Communi res reparata Bono.

Da veniam senio: juvenes agnosce labores,

Sic erit, ut pubes tota pigrore vacet.

Omne vaser vitium tollet novus iste Palamon:

Perferet haud mores amplius esse feros.

Aptaque Leydana submittet membra Minervæ

Ad laurum, & doctis præmia digna comis.

Hic cum fruge diu, cellæ possessor Alex I,

Figebat certum Gymnasiarcha pedem.

Consilio adscitus Patrum, & Sapientibus urbis:

An. 1607

Iamque ibi sit, si non Factio nata foret.

Publica concordans animos disturbat Enyo:

Quilibet & partes ardelionis agit.

(? ?)

In sibi

An. 1620 In sibi propositas leges jurare neganti
Reſtori juſſum res ſibi habere ſuas.
Ignarone potes Schreveli cedere fuco?
Quanto (eheu) damno conſtitit illa dies!
An. 1622 Sed potes iſta pati. Sapis, ô cordate Magiſter,
O cui Socratico pectora rore madent!
Ne Capitolino ſolio violenter abactus
Vlla venenati ſpicula fellis habes.
An. 1622 Et tua jam pridem cultis PATIENTIA libris
Edita per populos oraque docta volat.
Excolis ingenium privatus in adibus emptis
Ere tuo: curæ curia nulla tua.
Nefcis, ah, quem te Fortuna reſervet in uſum:
Ecce! reſcit mota nube ſerena dies.
FORſ HERA mutavit vultum: te candida Leyda
Praefectum ludi quaerit habere ſui.
An. 1625 Annuiſ: & tecum conjux Teilingia migrat,
Excultura novos qua ſolet arte lares.
Tanti eſt Grammaticas docuiſſe fideliter artes,
Et Mentem pueris inſinuaviſſe Bonam.
Ecquid adhæc Livor? tecto conſunditur ore:
Parciſ & opprobriis improba lingua ſuis.
Sed doleant oculi, rumpantur & ilia Codris,
Inſtauratur honos, accumulantiſ opes.
Et ſua virtuti merces. Quid quaerimus ultra,
Quam tantâ (ô Superi) proſperitate frui.
Hic floſ nobilium, ac ditiſ numerantiſ ephebi,
Protinuſ ad Muſas agmina tota ruunt.
Vt ſchola vix fuerit Stochiana frequentior unquam:
Non bene Trojano quam ſimilemuſ equo.
Namque hoſteſ cæciſ ſtipata reſceſſibuſ iſta
Ab didit: hæc Patria protulit alma Patris.

*Sic aliquot lustris Leyda cum laude peractis ,
 Permissum emerito ponere sceptrâ senî.
 Tradereque imperium Nato florentibus annis ,
 Nata cui clara Consulîs uxor erat.
 Si mentum inspicias , juvenis censebitur esse ;
 Si mentem , credat quilibet esse senem.
 His ita compositis patriam Schrevelius urbem
 Cogitat , & cineres mandat habere suos .
 Sed superest Lachesi quod torqueat : atraque , necdum
 Pernerunt tetricæ filâ colosque deæ.
 Ire per Annales (neque enim cessare putandus)
 Resque domi gestas & monumenta juvat :
 Quem Pelusiâcum quondam cantare Trophæum
 Vidimus & ferris rostra parata suis .
 Nunc ipsos cives Dominoſque ab origine prima ,
 Historicâ donat (munera rara) fide .
 Natalis sic ille loci dulcedine fertur ,
 Vt Patriæ posset Livius esse suæ .
 Harlemum celebrat . Vindictâ nulla cupido .
 Iam dudum offensa dememinitque suæ .
 Amplicat ætatis spatium sibi vir bonus : exlex
 Non poterit vitæ de brevitate queri .
 Ipse suum cor edens vitalia stamina rumpit ,
 Stamina præscripto dissoluenda die .
 Felix ! qui surdâ convicia præterit aure ,
 Quique animal muto vindicatore loquax .
 Fortunam quicumque sapis , reverenter habeto .
 Vtræque cum non sit pagina lecta tibi ,
 Perfer : in exemplum cunctis Schrevelius unus
 Prodeat , & nihili sic cito ronchus erit .*

An. 1642

Corn. Schre
velio.

An. 1598

Scribebam Woelwici, sub mænibus

Lugd. Batav. An. 1647. xxv. Martij.

(? ? 2)

I 70

IN HARLEMI,

*Inter primarias HOLLANDIÆ urbes, inclytæ,
Descriptionem, Autore viro*

Clarissimo

THEODORO SCHREVELIO

HARLEMENSI.

HARLEMVM, nitidis quæ pulchra penatibus effers.
In Batavis illustre caput; cui turribus altis
Barbaricam resonant tot tintinnabula Memphim,
Serratæque rates, veteris vestigia secli,
In Pelusiacas torquent sua rostra catenas:
Quam felix scriptore tuo es, qui prima Juventæ
Flexisset cum frena tuæ & nascentia sensim
Ingenia illustres Patriæ formasset in usus;
Nunc Dominos, urbemque suam, civesque Patresque,
Et sibi devinctæ clara incunabula gentis
Narrat, & exanguem trahit exercetque senectam
Per laudes, Urbs magna, tuas, mentemque disertam
Devovet antiquo, nam fas ita credere, Lemo.

Si patriam servasse pium est, si vindicat urbes,
Assertor quicumque manu est; plus servat eandem,
Qui scriptor cæci tenebris emancipat ævi
Gesta ducum, turreisque Deum, cum civibus arces,
Et deplorati Vefanas temporis iras,
Et sero objectat tot rerum exempla nepoti.
Hoc, SCHREVELI præclare, facis, Tethynque severam
Inter & Amstelios fluctus, tua grandibus ausis
Otia facundus redimis fessusque laborum
Non cupis hos ipsos populis segnescere canos.

Iam Pharius te rector habet Nilusque recludit

Ostia

Offia scribenti Bātavo & miracula Belgis
Parturit Ifiaco succrefcens Fama Canopo;
Et credi vult prifca fibi, jam gloria difcors
Atque armata odiis rabies concuffa fatigat
Oppida & Hamatis partes difcriminat acres
Vocibus & fciffæ ploras certamina plebis.
Eft ubi Caninefas turbas & jurgia magnis
Orditur fcelerata animis, ubi Saxo fuperbus
Imperat & juffis nimium feralibus inftat.
Alba furit victæque iris crudelibus urbi
Incubat & diro mactat Libitina theatro
Belligeras ultrix animas. Bellumque famesque
Quaffat fæva facem, terræ, claffesque lacusque
Et defperatus proferibit mænia Mavors.
Tunc Tarteffiacis Libertas vinctæ catenis.
Horruit immitis furias & juffa Philippi;
Diffimilemque illi Dominum, qui libera jam nunc
Imperia & trabeas nobis fafcēsque fatetur.
Inde per annales Veterum legesque Ducumque
Et Comitum voces raperis, per figna genusque
Nobilium ferasque domos; nec curribus altis,
Sed patriis ftantes virtutibus Æmilianos.

Eft quæ præclaras tandem defudat in artes
Pagina, nec noftro grajum miratur Apellem
Sidere cum donet proprios, nafcuntur in urbe
Praxiteles Zeuxisque tua. fe numina vinci
Agnofcunt, telasque fuas miratur Arachne
Et Pallas minus in ftamen fubtilius ire,
Et prifcos poft fe fuſos & fila relinqui.
Ultima cœleſtes loquitur Facundia vates
Et Chrifti Verique tubas Themidique verenda
Nomina & hac natos Podaliri gente nepotes,

(? ? 3).

Qui-

Quique queant dubias Sapientum ornare cathedras,
Et Phoebo dictare mel os Musisque serenum
Scribere epos, totumque hominem subducere terris,
Et gnaras operum precio divendere dextas,
Artificum varios apices & culmina rerum.
Illa fatiscentes chartis quæ prorogat annos,
Æternosque dies gestis solertia donat,
Scribitur & Batavo debetur prima magistro.
Littera mobilibus cum surgit celsa figuris,
Et lateri socias patitur feriemque legenti
Ordine composito facit, & nunc distrahit illam
Ac dirimit, rursusque aliis se vocibus aptat.

Hæc loqueris, vir docte, tuis moribundaque sacras
Ora renascenti Patriæ. dum terminus ævi
Te manet ordiris laudes & gesta tuorum,
Quæque per innumeros decurrunt secula fastos.
Sic in te, THEODORE, redis, finisque loquendi
Principiis exit similis, sic doctior Hebe
Decrepitos claudit studiis insignibus annos
HARLEMUMQUE tui caput est & meta laboris.

CASPAR BARLEVS.

IN HARLEMVM

Clarissimo à Doctissimoque Senz

THEOD. SCHREVELIO

HARLEMENSI

Descriptam & ornatam.

HArlemum, urbs Batavæ pridem pulcher-
rima terræ,

Nec minus & canis jam veneranda suis;

Sed tamen elapsi tenebris obscurior ævi,

Et pene in tenebris vix sibi nota suis:

Accipit hic primos, nato quos debeat annos,

Et fruitur vita, qua prius usa fuit.

Schrevelium genuisse juvat; quam patria finxit,

Quam dedit, in lucem mens venit illa manu.

Omnia jam prisca sileant miracula vates:

Ex nato mater nascitur illa suo.

BOXHORN,

Clarissimo viro

THEODORO SCHREVELIO,

HARLEMI

Historiam pererudite concinnanti.

Heroos Harlemi ausus mirandaque rerum
Incrementa; quibus perstet Respublica caulis;

No-

Nobilibus queis surgat avis ; Ecclesia vires
Exerat , & claram tollat super æthera famam
Adspice Bel'ga potens. vivos advertere vultus
Hic dabitur , fugit umbra. novo splendore coruscant
Gesta antiqua Patrum, & rerum memorabilis ordo.
Non heic vana fides , non facti credulus error
Decipit incautos mentemque à tramite recto
Ducit , inaccessos aliis celebrare labores
Fata jubent. Heic Fama virum selegit & annos
Æqua sorte pares , pectus cui Palladis arte
Imbutum ratione viget , cui Nestor ab ore
Dulcet fluens distillat epos mundumque benigno
Melle fovet. Debere Viro post fata Nepotes
Nomina , & Harlemi claras in secula laudes,
Vivitis hoc uno. sique hæc æterna supersit
Gloria , non vobis Patri huic adscribite vitam
Progeniem decus ac vestræ miracula dextræ.

Sic fulge Theodore Tuis , sic funere raptus
Teq. Urbemque tuam æternis celebraveris hymnis.

F. PLANTE.

CORNEL.

CORNELII WESTERLÔI,
Commendatio Civitatis HARLEMÆ
IN LAudem

Viri Clarissimi ac Doctissimi
THEODORI SCHREVELII.

Felix Sparna tua nunc arcis fama resurgit,
Et Latius resonat tremulus clangoribus æther.
Aonidum quoties ad præli claustra fremebas;
Cum modo lingua tuas caneret vernacula laudes:
Ingenii quoniam celebris fastigia sparsis
Gentibus haud ignota tui sunt teste Canopo:
Vestibus & quid doctæ novis intexit Arachne,
Per totum pretiis quas distrahit institor Orbem.
Nec tacet alma cohors Cereri quæ pocula miscet:
Hæc mera blanditiis demulcent usque palata.
Ut semper Divæ spirent altaria fumum.
Hinc adeo castam Nymphæ, Zytèpsa tueri
Nititur adiculam, Cererem comitantis ad aras,
Ut vix præter eum reliquis penetrare sacellum
(Vel si sacrificis saturatas myrice vestes
Induerent, quarum limbus colluceat auro,)
Fas sit: ne illuvies cultus immunda profanet,
Infamis vel enim pessundet fama fluentum,
Ordine cuncta suo jungit respublica Lemi;
Nullus ut alterius noceat seu partibus obsit:
Ne vigiles artis laceret discordia cives.
Cujus tam dextrum qui præsumt fascibus urbis
Ingenium fuit, ut cives coluisse putares,
Tempore seu belli Spartam, seu pacis Athenas.
Hoc quorum Pallas, reliquum testatur Iberus.

(??)

Overum

O rerum prudens & præclarissima nutrix.
 Artibus indulgens ! digni tutela patroni
 Digna cliente fuit , nam tot perpeffa labores ,
 Haud unquam stygio jacuit submersa furore
 Quin demum livore vagis caput extulit undis .
 Quot sua concives lustrarunt ora Caballi
 Fonte ? quot ad Sparnam solers manus excudit artes ?
 Ut tibi porrigerent Achelœus & Albula palmam ,
 Atque è Costeri cerebro fluxisse Minervam
 Sponte faterentur , si temporis æra tulisset .
 Omnia quæ pandit vobis hæc scena libelli
 Ausonia fabricata manu docti Theodori .
 Hunc qui præclarum reliquis superaddidit actum ,
 Urbi nam visus solum restare sagaci :
 Qua tot cultrices degebant montis Ithyni ,
 Et sævum pubes lustrat quæ puppibus æquor .
 Quanto ergo patria Screvelius arsit amore ,
 Hinc constat , quod non patiatur nomina condi
 Quorum sancta foris hederacea facta loquuntur :
 Et quæ gesta domi recitat tibi pagina libri ,
 Hecque subinde notat foccum mutare cothurno :
 Impulit ut fortuna rota mutabilis orbem .
 Tam bene Pegaseis libravit singula pennis ,
 Ut non è multis meritis sit præmia civis :
 Nam dum fata virum servant sibi conscius equi ,
 Musæum tanto coluit fervore palæstram ,
 Solertis patriæ quo laudibus immoreretur .

Ejusdem

Ejusdem Ode

DE

Laudibus HARLEMI.

O Ferax arvum proprie colonis
Sedulis sacrum, segetes arena
Qua nec incurvis agitata rastris
Ferre negabit.

Sparna, quem juxta volitant carinae
Carbasis, Nympha domineans palustris
Filius, cujus placidis per oram
Labitur undis.

Lemus hic arcem tenuit superbus
Quam brevi dulces aluere Nymphae
In sui vastam memorem parentis
Nominis urbem.

Artis hac solers operum palaestra:
Qua typis primum pepigit libellum
Coster, ut laudis celebris nec unquam
Fama filescat.

Iure sublimem celebrabit auram
Quisquis Harlemum coluit, Napææ
Qua suo quondam gremio fovebant
Principis aulam.

Signa qui dura crucis ad colenda,
Ostium Pelusiaci Canopi
Pandit, exesa ratis expeditæ
Dente catena.

Hæc tibi scutum peperit cruentum,
Quo, Tagi, victo, furor exolevit
Dum Batavorum sitiebat atris
Faucibus urbes.

*Pileum propter nec acerba mortis
Ferre detrectas Decii Quiritum
Ut neci qui se patria salutis*

Ergo dedere.

*Floreat cum nunc abiit procella
Sole discussa Auriaci Triumphi,
Quo diu felix Duce vim valebat
Vincere virtus.*



SYNOYIZ

HISTORIÆ PATRIÆ.

LIBRIS SEX.

LIBER I.

IN quo hæc fere continentur; Natalitia urbis patriæ, antiquitas ejus & origo. Nobiles ab Haerlem. Bakenes unde, ejus variæ opinionones. Lemus urbis conditor. Incrementa urbis conditæ, urbis ambitus, ædificia tum publica, tum privata, Sacra, ut templa, cœnobîa, monasteria: Structura templi Bavonis: Vel ad ægrorum solatia monumenta & pauperum subsidia; ut Xenodochia, nosocomia, hospitalitatis domicilia, gymnasia, fora. Gerontotrophii fundatio & foundationis sollennia, habita panegyri. Harlemiorum varia fortuna. Expeditio in Ægyptum Pelusiaca: Hamorum & Afellorum factio obstinata. Caninefatum conjuratio data ad militiam novo sacramento Panis & Casei. Ducis Saxonix edita peremptoria & tyrannica, quam sequitur Harlemez obsidionis accurata descriptio: in qua hæc fere observanda; videlicet quæ obsidionem antecesserint, quæ obsidionis tempore acciderint, denique quæ post obsidionem captam jam urbe.

LIBER II.

Indicat, quæ sint illa quæ obsidionem antecesserint: Ac primum quidem Ducis Albani in Belgium adventus inominatus, Amsterodamensium amicæ litteræ. Delegati ad Don Fredericum; Ripperdæ oratio ad cives pathetica. Occupato ab Hispanis Sparendamo, obsidio acceleratur; moræ impatientia fremente Hispano milite. Templum augustum Bavonis, direptum à militibus. Item quæ obsidionis tempore acciderint, ut uno dicam verbo, malorum Ilîas; hic Comitissæ Lumeji expeditio infelix, pugna navalis in lacu Harlemensi. Rerum omnium inopia, extrema angustia, desperationis consilia; conditiones denique dedendæ urbis.

LIBER III.

Ea continet, quæ post obsidionem incommoda. capta jam urbe feditio militum, templi expiatio. Comes de Bossu captus in maritimis, captivi cives liberati, Relligionis reformatæ initia. Parricidium Gulielmi Principis. Controversa inter Ecclesiasticos. Tempora Lycestriana. Induciæ cum Archiducibus, consentiente Hispaniarum rege. Harlemi, dissensio in Ecclesia, repub., de electione & vocatione ministrorum.

V. Articuli contrōversi inter Remonstrantes & Contra-remonstrantes. Synodus Dordraci habita, Scholarum reformatio. Princeps Auriacus Magistratum Harlemi exauctoravit, elegit novum. Seditio rusticana commota plebe. Denique grassante immensi pestilentia, Floræ prostitutæ ortus, & casus repentinus.

LIBER IV.

Continentur Comitum Hollandiæ statuta, privilegia, officia gratiosa, chirographa, donativa, & plura id genus. Harlemum olim Comitum & Magnatum aula. Nobilium stemmata antiqua, & posterioris ævi.

LIBER V.

Politeia Harlemiana describitur, in qua regimen primum Politicum sive de Magistratu, penes quem suprema autoritas. Regimen Ecclesiasticum, sive de Pastoribus, Senioribus, & Diaconis. Tertio regimen Oeconomicum: Item regimen civium militare. Denique regimen pædagogicum seu scholasticum.

LIBER VI.

Nomina refert eorum qui vel eruditione clari, Theologi, Jurisconsulti, Medici, Philosophi, Philologi: vel arte insignes, Pictores, Sculptores, Hyalographi, Statuarii. Mercatores cujuscemodi generis, Textores celebres, Fabri, Artifices. Denique institores, cerdones, & ex infima plebe homines, sine quibus non est respublica. Ex his enim partibus seu membris, corpus reipublicæ compaginaturn sapientissimi quique tradidere.

HAR-

H A R L E M I

ANTIQUIT. ET ORIGO.



ARLEMVM antiquissimam esse urbem loquuntur monumen-

ta veterum. In vita Odibaldi Episcop. Ultrajectens. apud Hedam. Ei proximus adhuc à Dordracò in confessu Ordinum totius Hollandiæ est locus, indiëtis Comitiiis. Eam à multis retrò sæculis conditam fuisse fatentur omnes, sed quo tempore, non satis constat. cuius variæ conjecturæ. iudicet lector quæ verissima sit: mihi suspendere iudicium est animus, nulli obnoxius. Harlemum sive Haralemum, quod quidam malunt, priusquam vallo & mœnibus circumdata, Toparchia seu Dominium fuit Harlemez stirpis, unde & nomen. Quorundam opinio est eam conditam fuisse anno à Nativitate Christi CCCC, quia id testantur Hollandiæ annales: verum ante natalem urbis, Lemum arcem condidisse ad sui, suorumque custodiam, munitissimam, muro circumvallatam, turribus fastigiatam, fossis inaccessam contra prædones, quos debellavit terror hostium; ita ut virtutis ejus fama ad finitimos &

longulè diffitos pervenerit. Pulsis fugatisque prædonibus, totam West-Frisiam infestantibus, ajunt eum in suo territorio vicos primum duxisse contiguos ædificiis; & paulatim mœnia novæ urbis agitalle, & de suo nomine locum illum Heerlemum quasi Lemi dominium nuncupasse; postea Harlemum vulgo dictum, & servatum hoc nomen per multa sæcula, usq; in hodiernum diem. Statim magna vis hominum finitimorum, confluentium undique tanquam ad asyllum. Quæ ad structuram urbis facere videbantur, Lemus ille, ex illustri Frisiorum familia oriundus, undique contulit, & condendæ urbi maximam pecuniæ vim impendit, atque omnem ad ædificandum materiam comportari jussit. Incredibile dictu quanta celeritate fossæ circumductæ, mœnia, ædificia, templa in altum ascenderint: quippe alii fossas ducere, alii mœnia munire, alii vallum obtendere, quod de nova Carthagine refert Maro: Ita omnibus unus amor, par studium ædificandæ urbis. Alii conditorum & arcis & urbis nostræ Le-

Natalitia urbis.

mum volunt Dibbaldi filium & patrem regis Aurundulii; credo ut primordia hujus urbis augustiora facerent; qui postea Frisiorum rex uxorem duxit in celsu Junonem, Gigantis filiam, ex qua filium suscepit, cui Lemi nomen ab avo inditum, ordinis equestris rarum decus; eum esse quem in locis arenosis & sylvaticis arcem condidisse ajunt satis munitam, circiter annum à salutifero partu virginis I O. VI, & postea ex arce urbem, quam Heerlemum quasi Lemi conditoris dominium nuncupavit: postea Harlemi nomen usque in hunc diem invaluit. Atque hæc quidem ex sententia Had. Junii viri incomparabilis. Sunt nonnulli scriptores etiam antiqui, qui Harlemi originem ducunt ex illustri Harlemæorum familia, quorum nobilitas ex Chronicis Hollandicis, Archivis Egmondanis ab Ampsingio, pag. 4, longa serie ab anno M C X X I V. recensetur. Nam quis nescit Guilielmos, Brandanos, Sibrandos, Simones, Didericos, Florentios & innumerabiles alios, ex prima nobilitate equites, & Barones? D. Balduinus ab Haerlem in bello contra Frisones cæsus dicitur An. 1168. Iisbrandus in expeditione ad terram S. Comes fuit Sophiæ Principi Holland.

*Nobiles
Harlem.*

ejusque filio minimo Otthoni, An. 1173. Inter hos Abbatem Egmondanum, & Simonem Harlemos invenies, quorum hic Carmelitarum monasterium fundavit, An. 1249. Et alter Archimandrita Egmondanus. Item Joh. Harlemæum supremæ in Hollandia Curia Senatorem. Mitto cum nobiliss. familiis matrimonia, cum Brederodiis, Asfendelphis, Berchenrodiis, quorum nepotes nostra adhuc memoria vixerunt, & jam vivere desierunt; tam antiqua & nobili stirpe denata. Et si habenda fides Junio, stirpem illam Harlemæam à Frisiorum regibus originem ducere omnino existimat, cujus adhuc exstant insignia in antiquo sigillo XII. merula truncatæ rostris & unguibus, divaricante cruce media argentea, quæ post urbem conditam, tam in pace, quam in bello circumtulerunt urbis incolæ. Postea accessit honos arboris arefactæ, atque emortuæ, coloris argentei in campo nigricante. Unde ista arboris insignia, non ausim dicere. Certum est eam à multis retrò sæculis in honore habitam, usque in hodiernum diem, eamque adhuc in Curia, in foro, in templis, in portis depictam perennare, sive ad memoriam nemoris antiqui, sive ad senescentis

xvi imaginem. Hæc de arce & urbe quas Lemus condidit, aut, quod minus credibile mihi videtur, Harlemæorum posteris. Fuit præterea (ne quid intactum relinquam) arx alia Harlemea, tertio ab urbe lapide in ripa fluminis prope Heemskircham, ea fuit lapidea ex lapide cocto, bipedali in longitudine. Eam dirutam & solo æquatam, sive Tyranni impotenti dominio, sive tumultu publico sævientis populi, constans fama, & agnoscit D. Hadrianus Junius in Batavia sua. Fidem faciet illustre exemplum pietatis & amoris in maritum. Etenim cum loci Dominus, ob vim & effrænatam violentiam tyrannidis specie, justum in se omnium odium contraxisset, cumque arctissima obsidione premeretur, præclusa omni effugii spe, ac deficiente jam annona, & re cibaria, ad deditionem tandem compulsus; uxor singulari in maritum pietate & affectu plusquam vulgari, pacta cum hoste ut sibi exportandi quæ carissima haberet facultas daretur; illa relictis cimeliis, atque omni gaza, conjugem, bulgæ inclusum, juvante in partem pedissequa, extra arcem exportavit. ejus exemplum imitata Guelphes conjunx Bavarix Ducis. Quidquid sit, sive ea c c c c anno, sive

10 vi à partu virginis aut aliquot ultra sæculis, condita sit, eam inter sylvas natam, & ut sic loquar educatam vicus indicat Bakenes, Harlemum vetus, Bacchi silvam volunt, vitibus, ulmisque consitam, & Baccho gentilium Deo sacram. cujus incolæ Bacchiades olim, unde Bakenes dictum putant, allusione ad Bacchi nomen. A Bakenes igitur Bacchiades, qui postea Harlemii nuncupati, quasi Harlemi veteris incolæ & accolæ. Fidem faciet, quod in ejus solo vitium propagines subterraneæ, & radices crassitudine insignes, moliendis ædibus effossæ dicuntur. Alii aliud nominis etymon finxere, quod propius ad nostratum idioma accedere videtur, & ita Bakenes dictum putant à specula & locis uliginosis, quod ibi piscatorum vicinia quondam, qui, cum ad lacum (credo) piscatum exirent, ad ejus loci turrim tanquam ad speculam cursum dirigerent. Sed Pet. Scriverius antiquitatis Battavicæ scrutator summus, Vervecum patriam, fuisse facitè indicat, & inde Bakenes dictum conjicit, quod Baeck antiqua lingua porcum. Nes uliginosa loca significat: neque id adeo absurdum videri debet, quod in silvis & quercetis suis pascuntur benè opinæ: sed

Bakenes unde.

veritas in obscuro est. Verum id certum est, illustrem fuisse locum apud majores nostros duobus abhinc & amplius sæculis, quod nomina indicant tam virorum, quam scæminarum ex prima nobilitate, quos recenset bona fide *Amplingius*, inter quos ordinem ducit *Nicolaus à Bakenes* *Scabinus* An. M CCC LVIII. Usq; ad *Bartholdum à Bakenes* aulæ *Egmondanæ* præfectum, qui uxorem habuit *Sonke Delphensem*, qui obiit An. M D XII. In hac enim stirpe nobiles multi, quorum fit mentio in *Chronicis*: nobiles scutati *Jacobus à Bakenes* An. 1343, & alter ejusdem nominis, An. 1455. Ita *Adrianus à Bakenes* eques terræ S. filius *Jacobi à Bakenes*. Ita nobiles matronæ etiam in hac stirpe *Hillegonda Jacob*, quæ legavit *Johannitis* An. 1322. libras aliquot: *Elisabetha à Bakenes* cum filio *Diderico*, cujus nomen legitur in tabulis domus hospitalis. Item *Katharina à Bakenes*, quæ nupserat *Franco Bouchorstio*, An. 1457. quo anno & testamentum condidit. Redeo unde digressus eram, videlicet *Lemi urbem* inter querceta & dumeta conditam & propagatam, constare ex iis potest quæ jam dixi. Accedit & illud quod ipsum civitatis *Xenodochium* in

sylva fundatum, indicant litteræ donatitiæ *Comitis Florentii*, data An. M CC LXXXIV pridie festum D. *Nicolai*. Tum vicis, plateis, portis, à sylvis vicinis nomen datum, & adhuc hodie plateæ, portæ nemorales; Ita ut amænitas aëris, loci opportunitas, multos, atque adeo ipsos *Comites Venationis* studio delectos, in has partes traxerit, castella condendi, prædiæ ædificandi fastu aulico circa ann. 1280. *Florentius* ejus nominis VII. *Holl. Comes*, *Dianæ* sacram domum condidit. Hinc domus voluptuariæ, quas à volucrum circumstrepentium garritu, *Avium* concentus vocabant. Ubi omnis generis amænitates, nemorenes horti, deliciarumque monticuli, saltus innoxii ferarum sæcundissimi, agri fertiles, & palustres, & aucupii aptissimi, colles ad leporum & cuniculorum venationes, quos *Natura* dedit, nati. Hic lacus piscosi, ad refrigeria æstiva torrentes: Hic *Nympharum* omne genus, in sylvis *Dryades*, & *Hamadryades*, in montibus *Oreades*, in aquis *Najades*, *Sparni* accolæ: ita ut cum *Bajis* *Campaniæ*, certare possimus *Lemi* posteris. Ita *Harlemum* *Vetus*, *Comitum* & magnatum sedes & aula, neque id sine ratione: Nam ut veteres

Ger-

Germaniæ Principes nemora sacra habuerunt (auctor Tacitus) ita in iisdem solennia gentis Comitia, in quibus de repub. ageretur, celebrata, quo sc. sanctitate loci decreta publica augustiora & sanctiora redderentur. Hic mos vetus Germanorum, ita ad posteros fluxit, ut inferioris Belgii Principes, & Hollandiæ Comites, nemora, aut adlita loca nemoribus habitarent, atque in iisdem aula haberetur. Accessit & alia ejus ratio, bellum nempe anniversarium contra Frisones: cum opportuna Comitibus sedes Harlemum tum visa est, ut quæ Frisiis occidentem habitantibus esset proxima. Quot vero arces urbem cinxerint, ruinæ indicant adhuc hodiernæ, inter quas Alberti collis, ubi aula quondam Comitum, & gazophylacium. In eodem tractu utrimque castella, & arces ingenti mole, in propinquo adhuc arcis Cliviæ rudera, Vellefona, Hemerca, Renichomia: Castella, Bavarovicum, Gastricum, Poelenbyrgum, & complura alia, inter quæ & antiquitate & nobilitate longè eminēt castellum Baronum de lata virga, nostratium lingua Bredodiorum, ad Rheni divortia, cujus adhuc supersunt ruinosi parietes, quæ omnia quamvis altissimis fundamentis subnixæ, ta-

men ea partim vetustas, partim flamma abolevit, & novissimè Hispanorum sævitia immanis. Hæc fere urbis nostræ incunabula, ante castellorum & arcium quæ suburbanæ everfionem, quæ variis Fortunæ casibus dejectæ & rursum conditæ, stantibus adhuc tantorū operum monumentis, sed ruinosis. Jam verò quos novæ urbi præfecerit viros urbis conditor, aut Lemi conditoris posterorum nomina non habemus nisi ab An. 1200. ad Annum 1480. quæ partim injuria temporum, partim barbarorum & hostium incursionibus & rapinis intercederunt. veruntamen non est dubium, quin primus urbis conditor statum reipublice imposuerit, & habuerit ad exemplum Romuli conditoris, ut juventus divisa per tribus, in equis, in armis ad subita bella excubarent, consilium Reipublicæ penes senes esset, qui ab auctoritate Patres, ab ætate Senatores vocarentur: alioquin impossibile fore, ut urbs pulchra, sed exigua primum, tanta incrementa caperet, ut inter alias Hollandiæ urbes caput extulerit, *Quantum lenta solent inter viburna Cupressi*. Ea enim totius Keinheimeriæ metropolis, & Caninefatum caput; atque adeo forum causis agendis & decidendis, & quasi suprema

Hol-

Hollandiæ Curia, statuentibus id Hollandiæ Comitibus, & volentibus ibi Justitiæ sedem esse, ubi Justitia optimè administrari ceperat. Inde jus gladii : à quo originationem urbis deducit vir clariss. D. Professor Boxhornius, quippe in confesso hoc ponit : veteri Comitum privilegio (quod jam dixi) huic oppido gladii publici custodiam esse permissam : inde urbi nomen atque insignia fluxisse, tanquam ex tripode adfert : quippe *Her*, aut *Har* dominum notat, *Lemmer* autem gladium, vel gladii laminam. Ex quo tandem ita colligit *Herlem* sive *Harlem*, nihil aliud significare, quam Domini, sive Principis gladium, ad plectendos fontes, in hac urbe à multis retrò sæculis jussu Comitum aservatum ; atque Harlemeis jus datum Carnificem statuendi, quod diploma indicat vetus Gulielmi Comitis consignatum. An. 1345. Unde & gladium urbis insignia vult ; neque novum illud videri, cum Romerſwalia antiquum & nobile Zeelandiæ oppidum, eodem titulo urbis suæ jactet privilegia. Atque hanc certissimam urbis patriæ originationem esse contendit Cl. D. Boxhornius. Quidquid sit, certum est, atque adeo extra omnem controversiam,

post urbem, leges quoque conditas, & præscriptum non solum à suprema Potestate imperandi, sed etiam obtemperandi modum, atque ita paulatim coaluisse inter se civium societatem, dandis accipiendisque legibus, sine quibus nec domus ulla, nec civitas, nec gens, nec rerum natura omnis, nec ipse mundus potest consistere. Ita statum aliquem novæ reipub. impositum, non dubitem, qualem fere in aliis civitatibus adhuc hodie habemus : urbium verò cura, penes cujusque Senatuum & Magistratus semper fuit, quamdiu rempubl. habuimus, quibus concessum intra suum territorium, & leges quasdam condere & ad urbis necessitates onera imponere. Inter hos, Senatores perpetui, Magistratus annui. Inde Senatorum collegia, discreta plebe, quorum non idem numerus, nec ordo : electio ex omni civium numero, qui virtute, sapientia cæteris antistarent. Singulæ civitates sua habent collegia, inter quos primum locum tenent Coss. & Scabini, numero distincta : nam quædam civitates in Senatu Augusto, qui à prudentia *Vroedschappen* adhuc hodie vocantur, habent capita XLVI, quædam XXXVI, quædam XXXI, quædam XXVII, nonnullæ etiam XXI, aut XX. dun-

duntaxat. Quæ collegia tam antiqua quam oppida, ampliari non poterant nisi ab superiore potestate, aut Curia suprema. Personæ semel in ordinem amplissimum receptæ, nunquam exauctoratæ, quoad viverent, perennabant. In locum eorum qui defuncti, aut civitatis desertores, eligi soliti ex eodem collegio alii atque alii liberis suffragiis, aut ex toto Civitatis corpore, qui surrogari soliti in locum eorum. Penes hæc collegia, suprema auctoritas & potestas, de rebus publicis & municipalibus, discernendi & definiendi semper fuit. Et quidquid ab illis decretum, id ratum ab omnibus civibus habetur, nemine contradicente. In eodem isto collegio Magistratus in singulos annos creari soliti Coss. & Scabini. In quibusdam civitatibus electio simplex; in quibusdam duplicato numero denominatio, ex quibus electio penes Principem, aut gubernatorem, aut Curiam supremam: Coss. politia credita est, item administratio bonorum Civitatis, ejusdemque conservatio, & protectio. Scabinis Justitia committitur ex æquo & bono, tam in criminalibus quàm civilibus, usurpantibus supremam pariter & subordinatam potestatem, in capita fortunasque

civium suorum. Vicorum quoque jurisdictio duplex mansit semper. Major minorque, quarum minor per Scultetum & Scabinos, Major per Balivum & feudorum possessores, aut agros colentes potissimos, quos benenatos vocant, jam tum expediri solebat. Erant etiam ut adhuc hodie propriæ cognitiones silvarum & venationum penes Saltuarium ejusque sodales. Hæc fere civitatum Hollandiæ Politia, à majoribus instituta, & nobis quasi per manus tradita, cujus leges & consuetudines pleræque hodie adhuc obrinent. verum de his accuratius postea lib. Annal. Inde incrementa urbis suprà quam credibile est. Sed tum maxime inclaruit, & verticem in cælum sustulit, cum Gulielmus x i v. Hollandiæ Comes Harlemi natus atque educatus à teneris quod dicitur unguiculis: qui anno. ætatis M. c c x i v. Dei gratia Romanorum rex creatus, & jam potens, & in majestatis fastigio positus, patriæ amorem deponere non potuit, sed urbem istam in qua primum lucem adspexerat, ampliss. privilegiis, atque immunitatibus decoravit, eosque præ aliis, qui aut indigenæ atque incolæ in Hollandia essent, singulari prærogativa civis appellari voluit Harlemæos,

*Incrementa
urbis.*

ab antiqua & generosa Harle-
meorum stirpe. Atque hæc de
urbis origine habui dicere, porro
dicturus de proferendo urbis po-
mario, & ampliacione si Deus
vires dederit. Crescente igitur
paulatim civium frequentia &
numero, & auctis brevi tempore
viribus, Comitibus Gulielmi indul-
gentia, ut nulli finitimarum ci-
vitarum, magnitudine aut po-
tentia tum temporis cesserit,
quando de producendis urbis
mœnibus seriò cogitatum, ab
iis qui tum rempub. administra-
bant rerum Dominis: Visum est
à parte meridionali, qua rivus,
sive aquarum divergium, (*Becam*
vocant) opus inchoare; qui Ca-
ninesatum fines terminasse vide-
tur; quique Civitatis antiquæ
mœnia quondam allucebat, nunc
mediam urbem in fori ædisque
primariæ vicinia secans, Spar-
num amnem intrat. Prima igitur
urbis antiquæ mœnia Cani-
nesatum fines disternabant.
De latiori urbis circuitu, & po-
mariis proferendis exstant adhuc
litteræ publicæ (quamvis multo
antiquiores aliæ) in Archivis,
à Philippo II. Hispaniarum
rege, Hollandiæ Comite, quæ
mentionem faciunt geminam
productæ urbis. Quarum prior
censetur initium ducere à versa-
tili tympano, Rotam vocant, quæ

proprie axis in peritrochio, ma-
china quæ ad Sparnum ad exo-
nerandas naves accommodata,
unde Lucret. lib. 4. *Multaque per
trochleas & tympana pondere magno
Commovet atque levi sustollit machi-
na mû: & ita porro tendere me-
ridiem versus, usque ad fossam
veterem, & sic tandem in orbem
præterlabi Bacchi sylvam, vul-
go Bakenes, Sparnum usque.*
Sed cum adhuc nimium angus-
ta visa urbis spatia, decretum
ampliare urbem, cum interjecto
in orbem ad ædificandum spatio
ingenti, locum novæ urbis de-
signarunt. Itaque sulco altius im-
presso, fossam ducere, urbem
colonia extendere, ponte jun-
gere, & muro tueri hinc inde
ceperunt. Neque id solum, ve-
rum etiam Senatus auctoritatem
numero ampliavit amplissimus
Ordo, magno Civitatis incre-
mento & stabilitamento, circa
annum 1333. Cum nulla ad-
huc trans Sparnum ædificia,
aut rara, sustulerunt animos
nostrates, tam secundis urbis
auspiciis, cum latius adhuc
propagasse fines suos acta indi-
cant publica, Scabinorum si-
gillo consignata. Anno 1380,
ipso D. Valentini festo, quod
fuit xlv. die Februarii. Et
ante ea tempora etiam, transu-
lere Penates suos trans Sparnum,
cum

eusa utramque ripam ponte jungerent, magnificis ædibus orna-
rent, & ultrà vicis distermina-
rent. Inde platea in remota ur-
bis parte, Sparni agger, terra ag-
gestus ob amnis impetum, cres-
cente subinde lacu vicino. Et ob
hortorum vicinitatem trans
Sparnum à dumetis proximis
Hage-vicus vulgo dictus, quem
fossa præterlabitur Byrgensis:
Et ultrà fossam quæ mœnia am-
biebat, platea, quæ ad extento-
rium vulgo dictum ducebat, vi-
delicet, ad palorum compagem
illam, in quibus distendere pan-
nos fullo solitus, & solibus ex-
ponere: Et ita tandem Schalc-
vicum usque producta mœnia,
quæ hodie adhuc urbem cingunt
extrema. Ab altera quoque urbis
parte quæ ad subsolanum, agger
etiam Sparno oppositus, muro
inclusus extremo ambitu, ubi
ædificari naves solitæ ingenti
mole: Ita naupegi quoque rece-
pti intra urbis mœnia, abhinc an-
nis circiter ducentis. Anno 1524.
Civitas divisa in x x i v. regio-
nes certa vicorum limitatione.
Denique vigente indies textrinâ,
& telarum pretio indies cre-
scente, ante annos minus quin-
quaginta, nostra memoria, non
producta urbis mœnia, sed ex-
tentorium, quod intra urbis am-
bitum, translatum in agrum sub-

urbanum, ad fullosum & mer-
catorum commoditatem; ut
moliendis novis ædibus signum
tollerent, & novæ structuræ oc-
casionem & locum darent: ubi
vicino templo statim reformato
& restaurato D. Annæ sacro,
plateis metatis & divisis fundis
justa mensura, ductis fossis, ja-
ctis pontibus, id brevi tempore
effectum, ut locus ille ad fullo-
num usum qui destinatus fuerat,
novæ urbis imaginem referret.
Anno 1610. Novissime autem
cum præ multitudine incola-
rum, domicilia nondum suffi-
cerent, & habitacula deessent
commoda, fundum D. Johân-
nis struendis ædificiis destinavit
ampliss. ordo, interjectis ad mu-
tua commercia plateis, ubi cer-
tare inter se videntur adhuc ho-
die fundi istius emptores, de
structura acceleranda & perfici-
enda, durante adhuc fabrica.
Atque hæc quidem de incre-
mento urbis scripta invenio ad
Annalium fidem partim, partim
ad nostram memoriam quæ per-
venere. Quo tempore jacta ur-
bis fundamenta, initio diximus,
deinde, incrementa ejus supra
quam credibile est, ita ut urbis
ambitus hodie sit D C X X X I X.
decempedarum, facta dimensio-
ne à turri quæ à cæco nobili no-
men ducit, usque ad pontem

*Urbis
ambitum.*

Edificia. D. Catharinæ ad septentrionem. Nunc ad ædificia transeo, quæ vel publica, vel privata, vel sacra, ut templa, monasteria, cœnobia, vel ad agrorum & pauperum solatia, ut Xenodochia & hospitalitatis domicilia, intra urbis mœnia quæ sunt. Ac primo quidem loco mihi sese offert basilica, Comitum palatium, ubi Hollandiæ & Zeelandiæ Comites plerique, & regni proceres aulam habuere à temporibus Comitis Florentii ejus nominis II. ab anno 1091. usque ad Philippum ejus nominis primum, qui xxi. Hollandiæ Comes cognomento bonus. Ad fidem facit, quod in fastigio Basilicæ, multorum heroum & Comitum statuæ erectæ, quæ nostra ætate integræ adhuc, ex lapide vivo inauratæ in perpetuam Comitum nostratium memoriam. Inde in propinquo vicus Regius, per quem itare solitus ad sacra Gulielmus ejus nominis II. Romanorum rex, in ordine Comitum Hollandiæ xviii. inde vicus aulæ proximus, in quo Margaritarii, & unionum propolæ habitant ad commercia aulica, circa annum fere 1250. Dein Florentius ejus nominis V. in ordine Comitum xxi. Basilicæ partem eam quæ ad Occidentem, ad pios usus vertit,

& fundum aulæ contiguum Ordinis Dominici religiosis Prædicatoribus donavit, qui vulgo Jacobitæ dicti, quod Parisiis in vico S. Jacobi habitassent, inde vicus Jacobinus adhuc hodie. Comites interim extincti aliquot, Florentius ejus nominis V. violenta morte, præmatura Johannes ejus nominis I. alique qui Hagam antiquam Comitum aulam se contulere, nonnulli comitiorum causa, alii supremæ Curiae splendore. Et quod fidem majorem meo judicio meretur, cum Harlemum limitanea tunc fuerit Hollandiæ civitas, bello Frisico vel sopito vel feliciter confecto, aula Comitum Hagam translata, nemorosam quoque Curiae civitatis destinatam non obnitente Comite. Ante ea tempora Curiam Magistratus habuit in propinquo ad forum, quam postea incoluit Joh. Zurenus vir clarissimus & consularis, ubi vicus Vulcanius seu fabrilis ad orphanotrophium monstrat viam. Ita Comitum aula occupata à Magistratu Politico: qui eo transulere archiva omnia, commentaria, tabulas publicas, arcana rei publicæ: ubi jus dicere, remque publicam curare consuevere majores nostri, usque in hodiernum diem. Sed florente repub. nimis angusti

Curia
antiqua
nova.
Cu-

Anno
1620.
Schola
pub.

Curiae limites visi, quod ad coërcendos maleficos carcerem non haberent intra Curiae parietes. Ita ampliata Civitatis domus, cujus structura magis operosa, quam Comitum antiqua illa. Antiquitate pœne dixerim proximum *Gymnasium* publicum, a multis retrò sæculis conditum, remotum ab omni strepitu, curribus inaccessum, cingente utrimque vico scholastico angusto, proxime Curiam antiquam, conferente jus docendi publice, ad formandam juventutem, in litteris & moribus, Alberto Austriae Duce. Anno. 1389. Postea Musarum domus translata in vicum Jacobitarum, ubi collegium quondam fratrum Cellitarum seu vespillonum sacrorum fuit. Ad Scholam proximè pertinet bibliotheca publica, quam Scholæ vicinam fuisse conjicio, translata me puero in cœnobium Jacobinorum in suprema ædium parte in ipso aulae vestibulo: ubi benè instructa bibliotheca, in qualibet facultate, in lingua qualibet libri, præterea multi codices manuscripti, cui hodie præfunt D. Ioh. Crucius & D. Theod. Wiickenburgius Ecclesiæ Harlemianæ pastores non è multis. Sunt & alia ædificia Civitatis publica ad annonam quæ faciunt, & vitæ inopis subsidia.

Macellum tam vetus quam novum. Prius illud conditum Anno 1385. D. Matthæi festo inchoatum & optimis institutis fundatum: quæ confirmavit etiam dato speciali privilegio Albertus Bavariæ dux in vico olitorio, juxta templum Bavoni sacrum: interjecto ponte, Macellum alterum ad forum, proxime templum, ad occidentem structura magnificum, & si molem operis spectes palatium verius quam macellum. Sic ad suum cuique tribuendum Libræ seu stateræ ædificium publicum, humile primum & obsoletum: Postea captum ædificari novum, ex lapide vivo & quadrato substructum, monumentum ære perennius. Ad tutelam urbis & civium jaculatorum oblectamenta, ædes publicæ. Quarum alteræ prope Gangolphi templum, ubi hodie forum boarium, magnificis receptaculis & atrio spatiofo exornatæ, & horto nemoroso septæ. Alteræ in vico nemorali non procul à porta in usum jaculatorum exstructæ, abrogatis sacris; erat enim locus ille consecratus S. Michaeli, ubi & arborum non feracium densa silva ad amœnitatem civium & incolarum. Ad hæc rerum venalium fora. Quorum primum maximumque ad civium com-

Macellum.

Stateræ ædific.
Anno.
1598.

Ædes publ. jaculator.

Anno.
1520.

Fora.

mercia in urbis mediotulio, Arenam vocant: cujus forensē nundinationem dimidia ex parte Florentius Holland. Comes Alberto à Velsen tribuit An. 1266. Et juxta forum piscatorium, fornicatum, columnis subnixum. Sub dio forum boarium, quod primum in Arena fuit, postea extra Crucis portam Anno 1572. Post famosum incendium, Forum boarium fuit translatum ad aream, ubi templum olim S. Gangolphi. Forum porcinum in lata area prope orphanotrophium: ubi & rei frumentariæ forum: aliud etiam ad pontem piscosum, lacteum, aliaque complura. Hæc publica fere Civitatis ædificia & loca ad civium commercia. Sacrarum ædium cura proxima fuit, cum templa, fana, sacella ædificari cæpere, gliscente paulatim pietatis zelo & numinis reverentia.

Antiquissimum hujus urbis Templum in *Bakenes* fuit, illa enim regio Civitatis Harlemum vetus dicitur, templum adhuc integrum & inviolatum, nisi quod ex parte, civium habitationibus destinatum, manentibus interim templi fundamentis. Postea cum Ecclesia Reformatorum incrementa sumeret indies majora, revulsis parietibus interaneis restauratum ad sacros

usus, ubi Evangelium prædicari cepit, & annuntiari verbum Dei, purum & ab omni superstitione defecatum. Vetustate proximum S. Gangolphi templum, ubi nunc forum Boarium, quod regni procures & Comites, & ordinarie & religiose Gulielmus II. Romanorum rex, in ordine Comitum 18, frequentare solitus, unde & nomen vico. Quando vixerit Gangolphus ille, cui consecratum hoc templum, Chronica indicant antiqua, quod militavit sub Puppino imperatore contra Saracenos illustris heros, rebus feliciter gettis clarus, & vitæ sanctimonia celebris. Cui etiam tribuitur miraculum excitatæ scaturiginis defixo in terram scipione. Quæ D. Ampsingius popularis meus miracula narrat, illa ad risum magis quam ad fidem faciunt. Quo autem tempore conditum hoc templum, non ausim dicere, quippe veritas in obscuro est. Sed certum est, Carmelitarum cœnobium conditum fundatumque fuisse, à nobili ordinis equestri viro D. Simone ab Haerlem, qui relicta domo sua & propriis laribus, fundum donavit, & cœnobium multis donariis ditavit, qui obiit An 1280. ibique in fundo suo sepultus ante sublime altare. In hoc cœno-

Gangolphi templum.

Anno 1249. Carmelitarum cœnobium.

bio

bio tabula fuit in qua Comites depicti omnes à primo stirpis autore Diderico, qui originem duxit (si annalium constat fides) à Trojanorum sanguine, & Francorum regibus, tam stirpe quam virtute bellica nobilis, usque ad Maximilianum Austriæ Ducem, qui Mariam duxerat Ducissam Burgundiæ &c. Comitissam Hollandiæ, Zeelandiæ, ut videre est in Curia, Comitum longa serie. Hoc cœnobium funditus eversum & dirutum nostra adhuc memoria; servata tabula & suspensa in palatio, in honorem Comitum nostratium. Cœnobium S. domus hospitalis, ac juxta templum beati Johannis tam celebre quam antiquum. Nam An. 1110. Iohannitarum ordo cepit, cum debellata Rhodo insula S. Mariæ Magdalenæ die festo, sub vesperam Harlemum appulere D. Ioh. Baptistæ hospitales, in cœnobium non alienum sed suum, quod Iohannes Episcopus Sudensis, nobilis & patrius Ultrajectinus, & Commendator domus S. Katharinæ, traditum sibi à D. Tetrode Canonico Trajectensi D. Mariæ, fundavit & consecravit in honorem Dei, & B. Virginis Mariæ, nec non Ioh. Baptistæ Christi salvatoris nostri præcursoris. Eo ipso

tempore, cum Templariorum ordo, in quavis orbis terrarum parte, uno die extinctus penitus & sublatus dicitur, Veterum annales hoc habent in Gallia, ejusdem Ordinis fratres in vincula coniectos & incarceratos, & Ordinis ejus generalem cum proximo collega Lutetiæ Parisiorum vivos in rogam coniectos, & subjectis ignibus combustos. Illud utrum evenerit Philippi Galliarum regis invidia, an vita dissoluta, dubitatur à multis: quamvis non temere videtur jactatum vulgo proverbium, de iis qui strenue bibunt, & potus sese ingurgitant, ad exemplum Templarios imitari. hoc certum atque indubitatum, bona eorum & redditus annuos ad Rhodiorum Ordinem translatos. Templariorum nomen originem inde habuit, quod, ut Chronica habent antiqua, in templorum vestibulis excubarent noctu interdium, contra Saracenos & Turcas, qui Christianos in terra S. assidue infestabant, expellere eos aliquoties conati, sed frustra. Illi cum rem strenue gessissent, & impiorum Turcarum violentiam armata manu averruncassent, in Ordinem spirituale relati & sanctorum Canones à Papa Eugenio ejus nominis II. Verum, cum ejus ordinis fratres, in nemore

sub-

suburbano Cœnobium habebant mutata statione, cum omnibus facultatibus, & tota suppellectile, in domum hospitalet Johanneritarum commigrarunt consilio & inductione viri nobilis Gulielmi Egmondani. Anno 1313. Nec ita multo post Anno 1316. idem ille jam dictus Episcopus Sudensis atrium regale ædificavit, & anno sequenti templum condidit pulcherrimum & turrim loricatam, anno proximo consummatam. In quo templo nomen Dei, & beatæ virginis Mariæ memoriam & Joh. Baptistæ, summa veneratione coli & celebrari voluit. Quo tempore D. Didericus à Brederoo ad usum sacros calicem donavit ex puro auro. Atque hæc fere S. domus hospitalis primordia fuere, & statim incrementa indies majora. Commendator primus S. domus hospitalis S. Joh., Hierosolymitani Jacobus Sudensis, Episcopus Trajectensis fuit, qui instituit ordinavit fratrem Arnoldum vice-commendatorem, & locum tenentem domus suæ, data plenaria potestate, transferendi, locandi, tradendi sub annuo censu, vendendi, & alienandi bona nostra sita in parochiis quibuscunque. Et tandem Commendatorem & fratres S. domus hospitalis hæ-

redes instituit omnium bonorum suorum, quæ ad summam octigentarum librarum Turo-nentium nigrarum valebant. Et post eum D. Nicolaus, dictus Eggeliin, Capellanus sive sacellanus, Deo & B. Mariæ consecravimus, & Joh. Baptistæ ac viris relligiosis, D. Commendatori & fratribus domus hospitalis omnia bona sua tam mobilia, quam immobilia sibi debita, habita & habenda, acquisita & acquirenda, ubicunque locorum sita sunt, sine ulla exceptione, Anno 1326. Et cum apud Magnates gratiosi essent, crevit potentia Johanneritarum, & locupletior facta domus hospitalis. Ac primum Comitis Gulielmi liberalitas, qui in prælio adversus Frisones cecidit, insignis, qua Commendatori, aliisque ejus Ordinis fratribus, omnia *feudalia*, & emolumenta regalia, quæ in comitatu Hollandiæ jam sunt, aut postmodum futura, exigenda dedit, datis ad fidem litteris, quas & obsignavit, idque ea conditione, ut jam dictus Comes & posterius ejus cum toto comitatu hospitii jure fruantur in domo Beati Ioh. hospitali. Et postea ut pondus adderet promissis, voluntatem avunculi sui litteris sigillatis confirmavit Albertus Comes Palatinus ad Rhenum,

num, Bavariz dux, Anno 1433. Ita Philippus Burgundiz dux Anno 1447, multa largitus donaria, decimas, prerogativas, redditus annuos, stipulatus ut Comites posterius & Comitissz in cœnobio B. Ioh. hospitalis hospitium haberent. D. Didericus à Wassenæ benevolentiz testandæ causa, Commendatori & fratribus S. domus hospitalis legavit jugera novem. Mitto innumerabiles alios qui bene merendi de Iohannitis studio, & pietatis zelo magnam patrimonii partem in domum hospitalem verterunt. Hic ordo Iohannitarum continua Commendatorum successione cæpit ante ccc & amplius annos: quod videre est in aula Principis, ubi suspensa tabula Commendatorum qui Ioh. Baptistam professi, à primo Arnoldo qui fuit anno 1310. usque ad Andream Souvium ultimum Commendatorem Anno 1618.

Verum illustre in primis templum quod Bavoni sacrum, opus sanè operosum & magnificum, quod cum Ephesinz Dianæ templo certare posset, siue molè operis siue structuram respicere quis velit. Templum ut refert Hadrianus Iunius Augustus, & architectorum iudicio celeberrimum, pulcherrimumque, opus firmissimis innixum

columnis, fornice laqueata ex intestina materia, quod spatiofo & quadrato imminet foro. Quo tempore inchoata primum templi structura, quando primæ tantæ operis jacta sunt fundamenta, non satis constat, veritas in obscuro est; nisi quod Petrus Montanus refert, hoc templum consummatum fuisse Anno 1472. Condi cæptum florente repub. & crescente mirum in modum civium numero, & vitæ sanctimonia; consecratum Bavoni, juvante & promovente tantæ molis opus Alberto Bavariz Duce, qui à Papa Bonifacio ejus nominis 1x. obtinuerat indulgentias papales ad promovendam perficiendamque ædis sacræ structuram. Statim ex quavis orbis terrarum parte, mira vis hominum undique confluentium, ad demerenda diplomata venialia à Pontifice. Ita quotannis die Dominico à festo Pentecostes proximo, pecunias liberaliter ad templi ædificationem contulerunt, gazophylacium magnis thesauris ditarunt. Similes indulgentias concessit Papa Clemens ejus nominis v. ad ædificationem templi, quod D. Bavoni consecratum, qui licentiam dedit conferendi bona sua ad ædis S. structuram, bona inquam, inventa, rapta, malè

acquisita obstrepente conscientia, sine ulla bonorum ejusmodi restitutione, si hæres proximus ignoretur. Bullas hæc pontificias & veniales sigillo plumbeo consignatas renovavit, confirmavit, ac stabilivit, cum supplemento errorum qui incidere potuerunt, Sixtus Pontifex, Anno 1472. & post eum Innocentius VI Pontifex, Anno 1490. Tantam enim inesse vim bullis illis papalibus miseri tenebriones credidere, ut de æterna salute non dubitarent, quotquot litteras veniales pretio emisissent. Et quod pro oraculo habitum, hoc omnium animis quasi trabali infixum sedebat, quod simulacrum nummi, in gazophylacium missi sonitum darent, simul etiam volucres animas è purgatorio in cælum evolare. Adhæc nullum tam grave crimen, aut peccatum, quod litteris venialibus expiari non posset. Denique per bullas Pontificias homines omnium scelerum & flagitiorum impunitatem mereri suis persuadebant. Qui tanti operis fabricæ præfuere, eorum nomina non habemus: hoc certum atque indubitatum, duos fuisse non eodem tempore Architectos, arte insignes: id ipsum indicat structura heterogenea & columnarum diversitas. Nam

quæ ad occasum columnæ stru-
ctiles usque ad fornicem lateriti-
am, Tuscanæ videntur, sed du-
plicatis capitulis. Quæ verò ab
ortu hoc est à Choro initium du-
cunt Ionicæ sunt. Certe inter
se architectos illos artis osten-
tandæ studio verisimile est, &
magis eos famæ intentos fuisse,
quam pecuniæ aut lucro. Et
quamvis inter summos artifices
odiosa comparatio est, tamen
anterior templi structura quæ est
ab ortu, summorum Architecto-
rum judicio, symmetria, nitore,
elegantia, eminere videtur,
creditur etiam, devexis leniter
ad columnas spiris. Quicumque
tandem illi tanti operis authores,
immortali memoria digni, digni
quorum nomina columnis in-
scribantur. Præter columnas &
substructiones sursum, lateritiæ
intermediæ fornices conditæ
Anno 1483. Et ante sacrarium
Anno. 1452. Postea propulæum
ad austrum Anno 1490. Ita ædi-
ficantium studia invalescebant
indies magis. Tum è ligno forni-
ces intermediæ affabre factæ con-
camerato trabium nexu. Quarum
prior pars quæ est ab occasu in-
choata Anno 1528: Fornix al-
tera ilignia quæ est ab ortu, in-
choata Anno 1532, perfecta
Anno 1538. Et tum bis itum
per civitatem ad petitiones sub-
sidia-

sidiarias. Author ejus operis fornicari Petrus Bagijn nobilis architectus. Fornix denique laqueata & picturata in templi meditullio cui turrita moles incumbit, subnixa columnis, Anno 1535. Erat enim in templi fastigio turris quoque non magnæ molis. Sed cum nulla esset ad molem templi proportio, Aeditui de exstruenda turri ex lapide vivo, consilia cepere. Opus illud inchoatum Anno 1502, irrito conatu, maximis impensis. Durante enim structura tribus annis impenderunt M C L X X V I florenos: Et minante ruinam fundamento, & fatiscentibus columnis solidis, quibus superstructa, mutatis consiliis turrim è saxo vivo gravem demoliri coacti sunt. Et quoniam tanti operis structura fastigium requirebat, anno proximo qui fuit 1516, è ligno turrim ædificare cepere fastigiatam, lorricatam, surgente in altum gradu ad summum usque verticem, coëmpta ingenti trabium & lignorum strue ad summam librarum xxx. Perducta jam turri ad justam altitudinem, eam plumbo superinducto investiverunt operis structores. Nec ita multò post in turris fastigio erecta Crux librarum C L X I I. ex ferro: constitit libris 11. argenteis,

& solidis V 1: fabricata à Jacobo Simonis Edamensi An. 1519. Perducta jam turri ad justam altitudinem, cura proxima de campanis fuit. Ex ærario publico dati c c. flor. Sed cum Civitatis res accisæ satis, exhausto pœne ærario, Aeditui cum Saccellanis instituta universali collecta, ostiatim subsidia à civibus petivere, & cum satis liberaliter pecunias contulissent, Anno 1503. Septemb. 26. fusa Harlemi Campana incendiaria opera M. Gerardi Campensis immensi ponderis millium librarum x 1: nomen Campanæ datum in ludicro baptismo R O E L A N D V S. Annis aliquot sequentibus, suspensæ Campanæ V I I I. horarum præludio destinatæ, quæ locatæ civi Mechliniensis fuere: pro singulis C. libras & 35 stuferos aeditui pependerunt. Et quoniam campanarum mentionem fecimus, seorsim æramentis & campanis destinatam domum reperio, fabricatam & compaginatam transversarum trabium artificioso nexu à Gerardo quodam de Ry. Ubi campanæ omnes baptismate quoque initiatæ ex veterum superstitione, data singulis ex ordine nomina, Iesus, Maria, Ieronymus, Lambertus, Blasius, Catharina, Veronica, Anna, &

in Divorum ordinem novissimè receptus Bavo : quæ motæ simul sonitum dedere horrendum, ad modum Tonantis Iovis, flagitante id aliquo ex civibus novitatis avido, honorarium pollicitus servili turbæ.

Superna templi contemplati fumus & structuræ sublimioris fabricam, ad inferiora me submittam, tam ad cultum & usum, quam ad ornatum quæ faciunt. Usus inprimis habet initiationis baptisterium ex ære Corinthio Mechliniæ adornatum Anno 1422 : tum baptisterii sella : & circa baptisterium cancelli faberrimè facti ex ferro ad modum eratis. Et cum ædes sacræ jam formam aliquam haberent & strata jam pavimenta essent, Suggestum concionatorium erectum sublime & operosum, Anno 1432. nec siletur nomen artificis, Iacobus statuarius cognomento. In quo primam concionem habuit de Dominica passione minorum fratrum monachus Amstelodamensis gloriosus Anno 1461 : In choro autem sacrarium quasi Sanctum Sanctorum inchoatum inaccessum, oculis aspectabile objecto vitro, conditum perfectumque Anno 1452. Ad cultum pariter atque ornatum Altaria S. Crucis & beatæ Mariæ anno 1435.

Bavoni inprimis, cui hoc templum consecratum, hic honor habitus, ut statua erecta sit ex argento magni pretii, quæ pendebat selibras 1 x. ponderis Coloniensis. Et cum reliquias ejus religiose haberent, qui sacris præessent, decretum ut in cistula argentea Bavonis ossa conderent, & sacra haberent : ita collecta à civibus pecunia parata cistula & consecrata magna veneratione Anno 1472. Et decennio & amplius post, erecta crux argentea librarum v 1. & semi. Et ne quid deesset ad cultum idololatricum, S. Mariæ Statua suspensa de tholo Anno 1506. Multaque alia ornamenta & cimelia ad fascinandos hominum oculos. Ita Pelicanus qui & platea ex ære Corinthio religiose habitus hieroglyphica Christi imagine, quam avem Ægyptiam finxere omnium gentium pictores, sed naturalis historiæ scriptores eam non dari in rerum natura constanter asserunt. Verum de vulture idem fere tradunt Ægyptii quod de Pelicano pictores : Eum, ne fame pereant pulli, femori suo vulnus infligere, & emanantem sanguinem ab illis exforberi. Meminit tamen Pelicani uterque D. Hieronymus & Augustinus, qui tamen nonnihil discrepant in

verbis, in volucris mystica consentiunt: uterque agnoscit matrem volucrem, pullos pastos aut resuscitados sanguine. Salva veritate, sequar communem opinionem, volucrem eam effigiatam in ære, eam impacto in pullos rostro suos occidere, occisos lugere toto triduo, & cessante luctu matrem se vulnerare, & sanguinem fundere super natos pendentes ab ubere, quo lactati illi reviviscunt, quod miraculo proximum. Pelicanus ille qui adhuc hodie effigatus à Johanne Feri, & in choro collocatus ipso S. Crispini festo. Porro ad ornatum cancelli ex ære Corinthio ad chorum secludendum, Mechliniæ facti anno 1510. cuius archetypum Theodorus Sibrandi invenerat. Denique vestibulum ingens ex ligno fabrefactum ad occasum, & duo altera, ad septentrionem & austrum. Anno 1509. Ad ornatum faciunt quoque facella ab utraque templi parte, hinc ad septentrionem, ubi præter aliorum sepulchra monumentum Mag. Martini Heemskerckii pictoris celeberrimi, qui alter Apelles, qui in honorem artis. Apelleæ, legavit certam pecuniam pauperculis, sed honestis, qui in tumulto ejus conjugio initiandi: ubi sacellum proximum Schage-

niorum manibus destinatum. Ab adversa parte è regione ad austrum *Zytheysarum* seu cerevisiariorum sacellum, ubi & arcam habent istius contubernii præfecti. Præter alia ædis sacræ penetralia, Aedituorum conclave, Consistorium, Diaconorum & Leproforum arca, hierophylacis domicilium, & atrium, syndrium fratrum classicorum. Atque hæc fere Civitatis templa præcipua & illustriora fuere. Quare ad Cœnobium accedo, quæ sana sua & templa etiam habuerit, proportionata ad collegium fratrum, tum sororum, quæ virginitatis vota fecissent, qui ea incolebant. Hic primo loco mihi sese offerunt, antiquitatis prærogativa, *Dominicanorum* & *Carmelitarum* cœnobium, quorum prius indulgentia Florentii Comitum V. conditum atque institutum, Anno 1247. qui magnam palatii partem quæ est ad occasum ad pios usus vertit, & Deo consecravit. Posterius fundatum à nobili equestri Ordinis viro D. Simone ab Harlem, cuius supra mentionem fecimus. Prope Harlemum cœnobium olim conditum visitationis Mariæ titulo, circa annum 1406. per venerabilem patrem D. Hugonem Golsmit præbyterum, *Augustinorum monas-*

Dominicanorum & Carmelitarum cœnobium.

sterium Anno 1490. Oct. 20. conditum. *Franciscanorum* minorum fratrum ordo instituto collegio cæpit Anno 1455. *S. Antonii* cœnobium occupatum ab Abbate insulæ D. Mariæ in Betua territorii Culenburgenfis, servato eodem nomine, cujus fit mentio in archivis, Anno 1470 in Augusto. Rursum An. 1484. circa D. Lucæ festum restauratum fratrum *Albatorum* collegium ab Abbate Mariano, quod prius fundatum à Regularibus à lxx. annis retrò. Hoc monasterium nuncupatum postea Protostasia seu Præpositura S. Antonii: & Monachi ab indumento D. Albati: unde adhuc vico nomen. Monachi illi, cum perfuncti sacris vitam genialem agerent, & dissolutè viverent, & Ecclesiæ scandulo essent, omnia eorum bona & redditus assentiente Pontifice, translata ad usum Xenodochii S. Elyzabethæ Anno 1541. Martii. 9. die. Fuit etiam Harlemi *Canonicorum* collegium, quod constabat Decano & Canonicis xlv. derivatum ab antiquo illo, quod institutum Anno 1307 à Nicolao Puttenio & uxore ejus Alytha à Stryen. Hoc collegium translatum, cum sedes Episcopalis Harlemi fuit, ad templum Cathedrale Harlemi sacrum An-

no 1561. Nec pauciora Virginum vestalium cœnobia fuere, quarum hæc præcipua, quæ ab aliquot retrò sæculis condita fuere; cum plurimæ in hoc sexu nobiles & nobiles de plebe, virginis vota fecerunt: quibus signum sustulit Arnoldus Sassenhemius: qui virginalis pudicitie studio, tum in hoc, tum in alterum, quod Harlemi vestalium Choro dicavit & ditavit, (superat fidem, quot latifundia, agros, prædia & annuos redditus haberint,) magni cognomine vulgò celebre, opes suas largiter effudit ante annos aliquot, quod exstrui cœptum anno 1262. Ubi nunc Ecclesia Gallica ab Anno 1590. Proximæ S. Magdalene virginis prope urbis pomæria, ubi nunc atræ luis domus: hujus cœnobii memoria antiqua, cujus fit mentio in litteris antiquis consignatis à Gualthero Bekesteijn, & Ioh. Petri Hals Scabinis, Anno 1475. Maii die 30. S. *Michaelis* sororum conventus olim in trivio memorialis plateæ, ubi nunc jaculatorum hortus, conditus atque institutus Anno 1488. Aprilis 8. die. Nec procul inde *Sorores S. Clare S. Anne* collegium habuere relligiosum. Ita nulla pœne urbis regio, in qua non virginum devotarum collegia. Prope Gangolphi templum

Virginum cœnobiorum complura

plum ad fossam fulloniam *Sorores discalceate*: ad fossam veterem prope pontem Iacobinum *Sorores Aethiopissæ*, nigræ Lipsiæ, nec procul inde *Virgines Zylenses* tam superstitiosæ quam laboriosæ, quæ colo & lana & telis texendis cœnobium ditabant, præposito suo obsequentes: unde & vico nomen. Ad cryptam quæ hodie forum porcinum, usque ad vicum lacteum, *S. Catbarine Virgines* sacraria sua habuere. Et in propinquo *S. Vrsule Virgines*, unde & vico nomen. Prope portam Crucis virginum chorus *S. Margaritæ dicatus*: item alius D. Mariæ sacer, in vico D. Iohannis non procul à porta. Denique *S. Cæcilie Virgines* sacræ, unde adhuc hodie nomen vico. Ita maiores nostri sacrarum litterarum rudes, in id sibi potissimum incumbendum rati Pontificiæ religionis propagandæ zelo, ut brutum vulgus ad vitæ sanctitatem adducerent, cum tot instituta collegia & cœnobialia monachorum & monialium, certantium inter se de vitæ continentia. Sed laudandi in eo potissimum mihi videntur, & posteris signum sustulerunt ad bene merendum de pauperibus, cum tot pauperum & egenorum domicilia condiderunt, legatis duntaxat. Collegium enim ante

sæcula aliquot Harlemi institutum, circa annum à nativitate Christi M C C C. à præfectis Spiritus S. nomen ducens minime dubitandum; quibus pauperum cura & agrorum ex divite penu testamentariæ dispositionis, qui Cameram habere soliti primum in æde sacra D. Bavonis. Ubi hodie Nosocomii tutores arcam habent. Ubi Spiritus sanctus columbæ imagine ad vivum in lapide vivo expressus.

Nec de Conditore S. Domus unquam dubitatum, quippe quod ex tabulis publicis satis constat, Cœnium illum ad Oosterwiick legasse & donasse Harlemianæ Civitati, ad pauperum & agrorum subsidia & solatia, domum cum fundo, sitam in vico vulgo dicto Albf, cingente domum hinc crypta, hinc atrio Gualtheri à Rollandt, voluitque domum istam Spiritui Sancto sacram, unde & nomen; vulgò dicta Coenii domus. Præterea agrorum aliquot jugera, & eorum redditus annuos in hanc domum liberaliter contulit. Atque hæc fere domus ejus primordia fuere, quæ annis sequentibus, civium potentiorum liberalitate ditata, aucta & locupletata, servavit nomen, & in hunc usque diem Domus Spiritui sancto

cto S. appellatur. In hac domo primitus pauperum certus numerus, tam virorum quam fæminarum, qui domicilia distincta & contigua habuere, & ex præscripto demensum in singulas septimanas: dari præterea pueris pauperculis mechanicis sportulas, eosque invitari ad litterarum tirocinia alii voluere, distributis in capita panibus, usitato more. Novissimè in hanc domum admissi, destituti parentibus pupilli pauperculi atque egeni, qui aluntur satis liberaliter, quibus nihil eorum desit, quæ ad victum & amictum pertinent, sed educationis & institutionis prima cura. Ille mos alendi pupillos pauperes & egenos cæpit ab Anno 1523. Verum crescente indies pauperum & ægrorum numero & per consequens onere alimentario; de eo sublevando ab eo tempore seriò cogitatum fuit. Nam simul ac Gerontotrophium fundatum & extructum, jam tum senibus & decrepitis destinatum; domus jam dictæ alumni transire iussi in paupertinæ senectutis receptaculum publicum Anno 1610. Ad hæc crescente interim pupillorum numero, & deficiente ad cubandum quietis loco, Cossære expensa & pensiculata, simili ferè consilio decrevere, ut mu-

lierculæ vetulæ & alimentariæ, quæ tunc erant, commigrarent in domum D. Iohannis hospitalem, ibique contubernium haberent, non destitutæ alimento ordinario. Atque ita Domus Spiritui Sancto sacra ad pupillorum usum & disciplinam tota jam vacavit, ab aliquot retrò annis. Ita Xenodochia condita in pauperum & ægrorum solatia. Ac primum Xenodochium antiquum S. Elysaethæ sacrum: illud quo tempore fundatum & conditum, ejus temporum vetustate memoria intercidit, verum in tabulis publicis ejus fit mentio Anno 1348 trecentis fere abhinc annis. Verum anno 1456 conditum opere magnifico Xenochium S. Elysaethæ sacrum in nemorali platea, & templum, quod se extendebat ad pontem vicinum & posteriori parte ad vicum Regium; sed cum horribili isto incendio quod fuit anno 1576 conflagrasset, & funditus eversum, translatum in Cœnobium minorum fratrum in vico terræ S. Anno 1578. Juxta in eodem vico Gerontotrophium est, paupertinæ Senectutis receptaculum, quod non tam ab antiquitate, quam à structuræ magnificentia commendari potest. Præcipui authores hujus operis *Gerardus Schoo-*

Schooterbos, *Arnoldus Meinardi Fabritius*, *Ioh. de Wael*, *Hendricus Vechteri Coss.* Illi cum de con-
dendo Gerotrophio consilia ca-
perent, res civitatis accisæ satis,
tum ab obsidione, tum ab in-
cendio, fortunam sortilegio
tentandam rati. Et cum de fun-
do laborarent Magistratus, lau-
davit pium eorum institutum
Franciscus à Bekestein, & dona-
vit fundum magna ex parte, pau-
pertinæ Senectutis misertus. Et
Epulum sollenne in singulos
annos iij. Non. Octob. aut die
Dominico celebrandum pro-
ximo. In ejus rei memoriam
condito Gerotrophio in porticu
quæ est ad austrum tale elogium
saxo quadrato & inaurato in-
sculptum;

FRANCISCUS A BE-
KESTEIN THEOD. F.

*Fundi Gerotrophii magna ex parte
donator,*

*annuique epuli ad i v. Octob.
Fundator.*

Paratis jam ad Gerotrophii stru-
cturam loco & fundo, itum est
ad sortes, quas non nisi solenni
modo instituendas Coss. & Se-
natores censuere. Itaq; tabulis in
proximas regiones, Vrbes finiti-
mas, pagos vicinos distributis,
in quibus liberalitatis muneran-
dæ causa, omnis generis Vasa,
pretio cara, arte dædala, signis

horrida, numero pæne infinita,
æri incisa ante Curiam in lo-
culis suspensa. Cumque ordo
amplissimus, bene prudenterque
judicasset, brutum vulgus magis
vivis Virtutum exemplis, quam
mutis præmiorum simulachtis,
ad officia liberalitatis, & opera
misericordiæ permoveri & ab
exsecrando avaritiæ vitio deter-
reri posse, decrevere ludos Sce-
nicos, non Megalenses illos aut
Cereales, non Capitolinos,
aut Circenses, non inpudicos
illos, aut gestu lascivos, aut
dicto mordaces, aut aspectu
obscænos, quales illi in Floræ
honorem, sed argumento sa-
cros, & ad permovendum ho-
minum animos ad liberalitatem
efficaces. In hunc finem, qua-
si ad *πρωτεύειν* convocanda cen-
suit amplissimus Ordo Rheto-
ricæ artis collegia, non pro-
fana illa, sed inaugurata, ac
proinde ea ab extremis Hollan-
diæ finibus voce Præconis præ-
miis luculentis excitanda curavit.
Ita theatra erecta, strata pulpi-
ta, scena ornata, sollennis pom-
pa concessa, gratulatione, &
hospitio publico excepta. Hoc
mandato instructi Collegæ artis
Rhetoricæ Veterani, quo Harle-
mi ludorum istorum sollennia
tabulis publicis mandarunt, &
divulgarunt. Nec diu erat, quod

Camera Vetus, quæ Harlemi adhuc hodie, cujus emblemata, *Nulla fides in occulto*, Codicillos mitterent ad omnes Hollandiæ Cameras, & amice invitarent publicatis quæstionibus & propositis præmiis etiam. I. harum quæstio, *Quæ Virtus efficaciter operetur in Homine misericordie bonum? Et quod sit malum illud quod avarum inquietat maxime.* Quæstio altera, *Quid præmij expectandum iis, qui pauperibus ex amore subveniunt? Et quæ parata pœna illis, qui eos absque solatio demittent.* Ita proposita præmia iis, qui omnium dextrime quæstiones propositas solvissent; iis etiam qui in repræsentandis & ornandis personis decorum optime servassent: tum actoribus & cantoribus, qui optime agerent canerentve. Emblemata etiam accuratissime depicto & figurato promissum præmium. Nec præmio fraudare eos voluit Coss. liberalitas, qui ex remotiss. Hollandiæ partibus, & longe dissitis venissent. Denique iis quoque deberi præmia censuit ordo Senatorius, qui ad paupertinæ senectutis subsidia plurimum contribuissent. Ita XII. Camera infra scriptæ, fidem & litteras obsides dederunt ad studia artis Rhetoricæ excitanda, se venturas ad ludorum sollennia, ad præscriptum

Aug. diem x. Ubi advenere, hospitia singulis cameris destinata, in suburbano nemore, ubi & pernoctarunt; die postero, missa sorte, ordo datus, quem sequerentur personati, in hunc fere modum: Ordinem duxit Camera,

1. Leidenfis Flandrorum. 2. in ordine Schiedamensis. 3. Catvicensis ad Rhenum. 4. Haerferwoudana. 5. Leidenfis Hollandiæ. 6. Vlaeringensis. 7. Amstelodamensis. 8. Nortvicana. 9. Haestrajectenfis. 10. Goudana. 11. Hagæ comitana. 12. Ketteliorum denique. Quo die tanquam ad *partheneion* convenere inusitata Hominum frequentia, ab omni parte, tam Borealis, quam Australis Hollandiæ, cujusce modi generis nobiles, ignobiles, patritii, plebeji, matronæ etiam in cameratis curribus sublimes, Virgines nobiles & puellæ, Viri, pueri, adhuc Amsterodamensium plerique filii in equis, qui in campo publico & Vireto solennem illam pompam scenicam patienter expectabant. Donec tandem personati in Urbem venerent, eo ordine quem fors dederat. Urbem intrantibus exhibita Spectacula. Ac primum prope hortum publicum civium sagittariorum erecta arcatriumphalis, in qua Virgo HARLE-

MIA repræsentata cum insignibus Pelusiis, comitata virginum agrestium choro, quæ introeuntes festiva & amica gratulatione excepit omnes. Ex eo loco Camerae omnes à Camerae Urbis primaria servato ordine deductæ ad hospitalem mansionem. Postero autem die rursum singulæ ad theatrum reversæ, ad declarandum animi sensum, quid sibi vellent quæ personati repræsentassent. Theatrum Attalicè & magnificè instructum, aulæis Babylonici ornatum, in quo dia *Rhetorica* in veste regia & palla versicolori, sublimis in throno sedebat, accinentibus ad singulos actus Musis: illa Cameris gratulata, gravitate dicendi omnium ora in se convertit. Ita postea agendis ludis scenicis datæ feriæ per dies aliquot, quorum exstant exemplaria. Hæc sunt ea quæ fundationem Gerotrophii antecessere, quam subsecuta structura magnifica, cui præsuere Campius & Livius de Fraji, non infimi nominis architecti. Atque hæc fere hujus Urbis Xenodochia sunt ad pauperum & ægrorum solatia Utriusque sexus. Ad disciplinam ergasterium conditum prope templum Gangolphi antiquum Anno 1609. Ubi quondam atræ luis domus Ubi domus peste

laborantium conditum anno 1566. Postea ad averruncandam pestem, domus altera ad ægrorum refrigeria, condita Anno 1602. in cænobio S. Magdalene prope Urbis antiquæ mænia. Hierocomium Elephantiacis & leprosis destinatus locus jam ab aliquot sæculis: Inde bulla de fundato hospitali S. Lazari, Sacellum S. Jacobi institutum Anno 1319. Quod litteræ indicant donatitiæ Gerardi Arnoldi Haren Egmondani: exstat ejus rei diploma datum à Comite Hollandiæ gratiosum in hanc sententiam: Nos Prætor, Scabini, & Senatores reipub. Harlemianæ, notum facimus universis & singulis, quod legitimus Hollandiæ Comes D. noster, donaverit eam prærogativam, Ut ex omni provincia Hollandiæ & Zelandiæ lepra infecti veniant ad S. Jacobi sacellum in territorium à Dykendam, ad lustrandam lepram & curandam. Veritatis testandæ causa, hæc litteras publici juris fecimus, in lucem datas, appenso sigillo nostro, An. 1413; die Veneris à D. Jacobi festo. Ibidem quoque *Gyrgathus*, locus in quo mente emoti, vineti aut inclusi tenentur ab anno 1564, usque in hunc diem. Johannitarum & Cœnii Xenodochia anti-

Nosocomium.

qua quoque Coenii orphanotrophium dicatum & conditum Anno 1394. tandem abrogatum crescente orphanorum numero, manente adhuc hodie Johannitarum Xenodochio. Sunt præterea Xenodochia minora instituta ad pauperum quorundam subsidia duntaxat, quælia S. Jacobi, Remigii, Antonii, Martinii, Item B. Mariæ & S. Barbaræ, quæ iisdem fere temporibus instituta ab Anno 1430 & sequentibus aliquot. Horum S. Jacobi peregrinantium hospitium, quod à *Simone Gijssberti Coman* testamentaria dispositione institutum; ab Elysaetha vidua Johannis Bette domo & fundo locupletatum Anno 1436. Remigii sacellum notum ex litteris donatiis quæ consignatæ Anno 1431. S. Pontiani die, in quo VII mulierculis alimenta præbentur: Sicut in S. Barbaræ XI I. S. Antonii sacellum Johannes Nicolai à Diertssen ædificandum curavit extra portam Schalevicensem, quod legavit cum omnibus redditibus Decano cum juratis fratribus & sororibus contubernii S. Crucis, præsentibus & futuris, quod litteræ indicant sigillo consignatæ à Simone Junio ab Adrichem, Gerardo à Nortwyck, Scabinis, Anno 1440.

Eodem anno Beatæ Mariæ hospitium S. Valent. die institutum à Nic. Brensons filio, litteræ consignatæ à Joh. Bekesteinio & Simone Junio ab Adrichem. S. Martini Xenodochium è regione atræ luis domus pro ancillis valetudinariis, aut vetulis, à cerevisiarum coëtoribus conditum Anno 1472. Aug. 16. die, quod tempore incendii conflagravit & funditus eversum Anno 1576. Et biennio post restauratum à sythepsis ejus temporis primariis, S. Petri domicilium conditum pio instituto à Petro Wtenhage, & Luberta ab Heussen conjugibus, Anno 1558. alumni in hac domo XI I. mechanici fere omnes, quamvis ex hac domo prodire viri eruditione clari Egbertus Verhoeven & Magist. Hendricus Geesteranus, qui Ecclesiæ quæ est Harlemi pastores fuere non vulgares. Longum esset recensere contubernia omnia, quæ Cameras, aut hortulos vocant. Antiquissima illa Camera quæ in Bakenes, quam condidit in proprio fundo *Theodorus à Bakenes* Anno 1395. translata postea in vicum Pomonæ. In Bakenes fuit & Camera altera D. Petri Wtenhage, & Uxore ejus Luberta ab Heussen, condita Anno 1558, translata quoque

Camera

in

Hortuli.

in vicum Cæcilie Anno 1600. Camera quoque in vico minorum fratrum condita à viris locupletibus Jacobo Jacobi, qui Xenodochio S. Elyzabethæ diu præfuit cum summa laude, & Cornelii Wy altera. Ad hæc contubernia adhuc alia in civitate nostra, quæ propter amœnitatem *Hortuli* vulgò dicuntur. Inter hos antiquitate anteit, qui à stirpe Loo nomen ducit, à Simone conditus & Uxore ejus Godelia Gulielmi, in vico fororum discalceatarum, ejus hortuli reditus administrantur à tutoribus Xenodochii S. Elyzabethæ. *Ætate* proximus hortulus Nicolai ab Heussen viri consularis, institutus primum Anno 1538. Et post eum *Hortulus Gratiæ* sive domunculæ cum areolis, xlii personis tam viris quam fæminis promiscue alendis, destinatus, à Giißberto Molineo & Gulielmo Diert, conditus in vico Jacobi Anno 1554. quod indicant litteræ quibus rem venditam percessionem in manum Coss. sequestrarunt, præsentibus duobus Scabinis Joh. Zureno & Johanne Gael. Hortulus item Petri Frederici Deyman conditus Anno 1565.

Sic Margaritæ Nicolai Lotzen filia, honestæ matronæ in vico terræ S. conditus an. 1585.

Nec otiosum sæculum sequens in condendis hortulis ad pios usus. Nam anno fere sæculari, pauperes bonorum suorum Heredes voluit Franciscus Loenius, instituto D. Corn. Schonæo R. qui bona ejus administraret. Is obiit Anno 1605. Et ut voluntati faceret satis, promissi reus in vico fratrum Albatorum fundum emit exstructo domicilio pro xlii fæminis pauperculis, quæ initiata Anno 1607. Iacobus Zaffius ibidem Cameras v. condidit Anno 1609. Anno 1610 Geertruda Borrits in vico Pomonæ angusto, exstare quoque largitatis suæ qualecumque pignus voluit pietati-cultrix. Denique institutorum hortulus, in vico, ubi quondam fratres Albati cœnobium habuere institutum Anno 1613.

Qui mos nondum exolevit. Fuisse & alias matronas tacita charitate insignes non me fugit. Inter quas non malè audiebat Agatha Hermanni filia, soror Wolphardi Hermanni. (qui ad Bantam rem strenue gessit, cujus mentionem facit Cornelius Westerloo in suo poemate, quod inscribitur Leo Batavus.) Hæc inquam in corporis sui ornatu parca fuit, ut multum pro facultatibus in pauperes conferret.

Hactenus ædificia dixi publi-

ca, tum quæ ad ornatum & decus faciunt, tum quæ ad civium commercia; ad hæc quæ ad usum sacrorum, templa, cenobia, monasteria celebriora, & antiqua; tum quæ ad pauperum solatia faciunt & ægrorum, tam senum, quam puerorum, virorum & fæminarum, tam civium quam peregrinorum & hospitum. Superest, ut de antiquis ædibus familiaribus eminentioribus illis pauca subjiciam coronidis loco, quæ nostra adhuc memoria pleraque integra. Ac primum quidem in ipso aditu vici S. Iohannis, qui viam aperit ad ædem D. Iohanni sacram, ædificium sublime instar arcis fuit, à D. Brederodiis inhabitatum, ubi & aulam habuerunt: postea separatim in partes: anteriorem partem incoluit Thomas Blommart mercator celebris, nec rudis litterarum: posteriorem ædium partem incoluit D. ab Alchemade, qui uxorem duxit Goedelam Berckenrodiam. Nec procul inde castrum antiquum ubi contiguas ædes habuit Gerardus Stuyver, & postea quæstores Coltermanni pater & filius. Ibi dem quoque ampla & antiqua Bekesteiniorum domus; & in eodem vico Magnatum domus, minacibus in pariete statuis. In

vico Vulcanio castrum fuit, atque etiamnum est, sublime, quadratum, quod inhabitavit nobilis rebus gestis & virtute bellica Gerardus de Long, & posterius ejus. In eodem vico domus quoque in modum arcis condita, quam inhabitant Rolandii olim, & Rampii adhuc superstites. Complura ejusmodi ædificia fuisse, quæ ad formam castelli propius accederent, causam hanc fuisse conjicio, metum Barbarorum latrocinantium, nondum urbe satis munita, ad versus hostium incursiones tuti essent. Præterea Schageniorum domus tam ampla quam magnifica, quasi heroum palatium. Et quod ad ornatum urbis maxime facere videtur, Berckenrodiorum domus eminent inter alias potentiorum civium ædes, tres eodem fere tempore ædificatæ, tam sublimes, quam magnificæ: una domus in arena ad forum, altera in vico Zilenfi, tertia ruri condita primo ab urbe lapide. Arx stirpis Berckenrodia, quam habitare soliti nepotes, aut æstuante Canicula, aut grassante peste. Hunc Berckenrodium, qui ædes illas extruxit, ajunt vel XI filios aut filias habuisse spurias, quas cum nobiles elocarēt, in dotem singulis dedit 600 florenos. Præ-

ter ædificia tam publica & privata ad voluptatem faciunt non parum Sparnus & silva. Urbem interlabitur Sparnus amnis navigabilis : hoc flumen etsi à Rheno corrivatum non est dubium, tamen à lacu immensum aucto ortum habere, communis opinio est : Idem euntium redeuntiumque navium continuo percursu ac commeatu amœnum, incolarum utramque ripam obsidentium oculos jucundo prospectu pascit. Hinc Sparendamum pagus Harlemo vicinus, ubi Sparnæ emissarium & cataracta in sinum Yum illic excurrentis per plura emissaria ; ab altera parte in lacum fertur pleno amne. Lugdunum versus silvarum amœnitas, quæ obsidionis tempore, propter Boreæ penetrabile frigus, funditus extirpata. verum Anno 1585 Coll. & Senatores consilia ceperunt de condenda nova silva & propaganda, subacto & æquato solo. Ioh. à Schooterbosch, cujus pater tum temporis consul, Silvano primam arborem consecravit, addito hoc voto, ut Deus incrementum daret. Sed de his plura dicere supersedeo. Ad rerum gestarum memoriam antiquam à multis retrò annis quæ pertinent, porro dicturus. Ac primum quidem ab antiquitate commen-

dabile, quod Frisones ferro & igne grassati, totam Borealem Hollandiam infestarunt, rapinis vexarunt, neque à sacris abstinuerunt, incenso cœnobio Egmondano, contempto etiam Diderici Comititis imperio, quem inaugurare Comitem noluere refractarii. Quod cum indigne tulisset, in Frisiam duxit exercitum, & militari manu agros eorum depopulatus est, & rebellantes Frisones sub jugum misit, & contumaces armis subactos parere coëgit. Verum non ita multò post, recollectis viribus rebellarunt, & in West-Frisiam reversi, ferro & igne grassati, excitato etiam Alcmariæ & Harlemi incendio, sacra, profana rapuere. Passa est & multa alia & graviora hæc Civitas ; vastationes fædas, incursiones plustquam barbaricas, rapinas latrocinantium Caninefarum, & tandem obsidionem, cujus prima occasio fuit hæc. Nam cum Anno 1132. Frisones ducente exercitu Florentio, cognomento Nigro, (qui Diderici Comititis frater) copias cogerent, & ex toto illo tractu collectis copiis & viribus, vastarent agros, prædia diriperent, castella incenderent comitum antiqua, Harlemum usque grassarentur in contumeliam fratris, &

di-

Harle-
meorum
Expedi-
tio in æ-
gypt.

ditionis ejus interitum, iis affi-
dus præliis & excursionibus
fortiter restiterunt. Verum inter
cætera Harlemeorum facinora,
illud in primis memorabile, quod
capto subactoque ad Nili ostia
Pelusio æternum sibi nomen pe-
pererunt Harlemo-Batavi. Cu-
jus occasio fuit hæc. Cum Ale-
xander III ejus nominis Pon-
tifex, & Fredericus Romano-
rum Imperator, qui pontificio
relligionis zelo, vulgato publi-
co edicto instituerunt generalem
in honorem Crucis navigatio-
nem, ad recuperandam & de-
bellandam Hierosolymam, mis-
so etiam magni nominis legato
Moguntiam ad Rhenum, qui
in Germania ingentem exerci-
tum conscriberet: Cujus præ-
cipua capita fuere magni He-
roes, & totius orbis Chri-
stiani illustres viri; inter quos
ordinem duxit Fredericus ejus
nominis I. Romanor. Impera-
tor, proximi Philippus Galliæ
rum & Richardus Angliæ re-
ges, Baviaræ item, Saxoniar,
Aultriæ, Lotaringiæ Duces,
tum Flandriæ, Hollandiæ,
Cliviæ Comites: Harlemæi da-
to quoque ad militiam Chri-
stianam sacramento, Florenti-
um XI II. Hollandiæ Comitem
secuti, multique alii Principes
& Heroës, qui Anno 1188.

mare ingressi, *vela dabant ventis*,
spe potiundæ urbis S. Delati in
Calabriam ad lævum Italiæ cor-
nu Fredericus Imperator, cura-
rum æstu fluctuans, & præsa-
gæ mali mens parum quieta, roga-
vit Abbatem, viæ comitem,
sacrarum litterarum antistitem,
& prophetiæ spiritu plenum,
quem tandem finem & succes-
sum navigatio ista habitura esset.
Cogitabundus aliquamdiu se-
dens, tandem ita respondit. *In
hac expeditione totius orbis Christiani
Principes & Monarchæ, qui in ea-
dem nobiscum classe, insauftis avi-
bus, atque irritò conatu Terram S. pe-
tunt: quippe nondum fata sinunt, si
quid Veri mens augurat, Plura dicere
horret animus.* Et simul conticuit.
Verum Cæsar responsò non ac-
quiescens, reliqua quæ futura
essent, tam prospera, quam ad-
versa, eloqui eum iussit, nec quic-
quam celare. Tum Abbas gra-
viter ingemiscens, fata ejus præ-
dicit, (utinam sim vanus Vates,
inquit.) Et, si fas dicere, Impera-
tor noster naufragio peribit, nun-
quam ad suos rediturus. His au-
ditis nonnihil consternatus ani-
mo Imperator, *Spem vultu simulat,*
premit altum corde dolorem, & suos
serio cohortatus, cursum per
Bulgariam dirigit, & recta ten-
dit in Terram S. & potenti ma-
nu oppida & castella obvia cepit
uf-

usque ad desertum Sur. Sed Hierosolyma potiri non datum. Sed ne quid intentatum relinqueret, de obsidendo Pelusio (Damiatam vocant) consilia incunt confæderati Principes, *Per varios casus per tot discrimina rerum*, Pelusium delati: Ubi cum aliquandiu morati portum, carinis in accessum, objectis catenis ferreis, & diu in anchoris fluctuarent, cum traheretur in longum obsidio, frementibus impatentia militibus: tandem instructa triremi Harlemei, (excogitato novo commento) cuius tum proram, tum carinam serrato dente munierant: ita seu mole, seu acumine rostratæ Navis, viam ad Urbem aperuerunt, & interrupta ingenti catena ferrea, interiorem in sinum penetrarunt, obnitentibus frustra Barbaris & Sarracenis castella duntaxat tuentibus. Hinc adversariorum clamor & ejulatus, Clafsicorum plausus & gaudium, Et sic hoc stratagemate, revulsis catenis, patefacto & reſerato portu, Classi Christianorum rei bene gerendæ signum sustulere, & occasionem præbuere potiundæ urbis. Capta deditaque urbe, pulsus, fugatisque hostibus, cum vota perſolvissent Deo suo Christianorum exercitus, uni & trino: convocatis Proceribus Impera-

tor cognomento Barbarossa Florentium Hollandiæ Comitem, in Bataviæ gentis honorem, amplissimis præmiis donavit, & Harlemono-Batavis, in æternam rei bene gestæ memoriam insignia donavit, *fulvum stellis cingentibus ensen*: quibus boni ominis causa Hierosolymæ Patriarcha latam Crucem superaddidit. *Cruz* signum susceptæ expeditionis in terram S. Signo illo ornari soliti eorum omnium clypei & signa militaria, qui expeditionem S. contrà Sarracenos susceperant: unde monetis inscriptio, *In hoc signo vinces*. Ita reversi in patriam nostratium cives, alio ab orbe, partæ vitutis insignia & scuta retulerunt; & triumphum egerunt de subactis, debellatoque Pelusio. Cujus rei memoriam aliquot post sæculis observavit Harlemea pubes, ut ipsis Calendis Januarii ineuntis anni naviculas serratis proris instructas, & bellatorum imagines bacillis suffixas, in publicis supplicationibus circumferrent, qui mos nondum exoleverat me puero. Verum omnem dubitationem tollunt campanæ Damiatricæ, quæ in summo turris fastigio pendulæ, quæ æris Corinthiaci tinnitu acuto, quasi triumphum adhuc hodie canunt partæ ad Pelusium Victoriæ, &

*Virtutis
Harl.
insignia*

lætitia ad huc indices hodie, cessante incendio.

Porro Harlemiorum varia fortuna, nunc prospera nunc adversa. Ac primo quidem urbe jam florenti, & bene constituta republica, diu pax alta, quæ producendæ urbis pomeria occasionem dederat: inde tanta civium potentia & felicitas, ut nulli urbium finitimarum cesserit, & Harlemum Caninesatum caput diceretur. Sed mutavit vultum fortuna, ut Harlemea virtus magis inclaresceret. Secuta enim bella, incendia, incursiones, vastationes, & plura ejus generis mala. Quippe fuit & altera Caninesatum expeditio, qua rebellant adversus nobiles, cum spreto Comitum Florentii imperio, quod adhuc minorenis esset, majores indies copias contraxerunt, & translato in militarem disciplinam imperio, effreni insolentia, & violentia plusquam barbarica, castella & arces, & illustres nobilium domos ingenti ruina everterunt, destruxerunt. Ita ordinis equestris viri & Magnates, bonis, fortunisque omnibus exuti, Harlemum se recipere coacti omnes: ut tuti intra mœnia vindicare sese à Barbarorum violentia possent. Postea desavientie paulatim ferocia, retro cedere cum parati

essent, & ad suos redire, accendit animos Gysbertus ab Amstel, qui ipsis à consiliis erat, vir magnæ autoritatis: Illi novos spiritus sumere, & eductis illico copiis in Keinhimeriam reversi, recta Harlemum tendere, & oppidum satis munitum obsidere ausi, & milite cingere jam ferociore, opimis spoliis, & rapinis. Ibi cum incaluerit animi pugnandi studio, dato ad prælium signo, clangentibus buccinis, & tympanis reboantibus, Urbem adoriuntur, & facto in muros impetu oppugnant, *Quæ globus ille virum densissimus*, omni telorum genere, balistis missilibus, jaculis, tum lapidum & silicis grandine, plurimis, qui in armis adversi starent & pugnarent pro aris & focis, è medio sublatis. Atrox sane prælium, opponentibus sese oppidanis, & omnem vim hostium propulsantibus balistis, jaculis, hastis præpilatis, securibus. Nec virtute cuiquam civium, recepti in urbem Nobiles cedebant, vinctæ cupidi, periculis obvii. Verum cum Caninesates extrema tentassent & potiundæ urbis spes nulla, dissipatis copiis sedes suas repetierunt, respirantibus aliquamdiu à cruento bello Harlemeis. verum non ita multò post supervenere alia atque alia non-

Obsidio
Harl. I.

Anno
1268.

mi-

minus atrocia, cum Geldrofriones, cum IV. aut V. millibus hominum Medenblicum invaserunt, & misso in urbem igne funditus everterunt, & eadem expeditione in Westphrasiā delati, Victoria feroces Alcmariam vi ceperunt, abductis etiam aliquot in captivitatem civibus, incendio grassati per agros vicinos & latifundia Harlemum usque: ubi in ipsas Urbis portas arietabant, repulsam passi. Post annos aliquot cessante bello, secuta incendia, quibus obnoxia hæc civitas, quasi fatali malo. Ac primum quidem Anno. 1328 incensis urbis portis inimico igne brevi temporis spatio, civium aliquot potentiorum ædes, pauperum tabernæ in cineres reductæ, templa, sacella aliquot eversa, Xenodochia etiam, excepto D. Mariæ sacello, quod pro miraculo habitum; Ut nihil

Incendia

jam dicam de hominibus quibusdam, quos vis ignea percussit. Neque ita multis annis post Anno 1347 ingens Harlemi incendium, depascente flamma quævis obvia, ita ut nulla fere urbis pars intacta ab igne, cum civitatis portæ, suburbia, repentino casu igne consumpta, templa quoque, fana ac monasteria tanquam fulmine icta conflagraverunt. Sic Anno 1351. horri-

bile Harlemi incendium, ut pæne Civitatis altera pars consumpta igne. Incendio extincto, nova rursum belli incendia, cum Iacoba Hollandiæ Comitissa XVIII. accitis undique copiis, *Harlemum obsessa à Jacob.* Trajecto, Gauda, Schoonhovenia & Veteraquinatæ, exercitum comparat, qui paratis ad eam expeditionem navibus, Heemstedum delatus, eodem ipso die quo appulit recta Harlemum tendit, Copiis statim urbem cingentibus, ducente exercitum Gulielmo Brederodio, quibus se conjunxerunt Caninesates & Alcmeriani, qui junctis copiis & viribus urbem obsederunt stipante milite. Harlemei qui obsidionem multò ante prævidissent, nihil tertiti, sumunt animos, & vocatis ad se D. Iacobo Gaesbeeckio præfecto urbis, & Rulando Wkercken, multisque aliis viris militaribus, & bello assuetis, ad urbis defensionem promptis & paratis, ad tutelam urbis juramento se mutuo obstringunt. Harlemei remotis impedimentis quæ obstare defensioni possent, nemo-rosa sustulerunt, & hortos suburbanos adactis cuneis & bipennis inciderunt. Statim clausæ portæ, vallo obductæ. Cives & Urbis incolæ cum militibus stipendia mercenibus, sumptis

armis, accingunt sese alacres ad urbis obseſſæ deſenſionem, parati ſtrenue reſiſtere, pugnare pro aris & focis. Qui urbem cinxerant hoſtes extrema minabantur ni ſe dederent: ab una urbis parte incendebant villas, domos, molas alatas, ab altera parte Canineſates ſuburbia extra D. Iohannis, & portam Crucis flamma & igne infeſtarunt. Et hæc prima belli tentamenta & velitationes. Verum cum hoſtium animi, majori vehementia & impetu in urbem verſi, noctu, interdium abſque ulla intermiſſione Urbis mœnia infeſtant, jaculis, baliftis, pyrobolis, catapultis, ſed excubantibus ad mœnia civibus, & fortiter reſiſtentibus, haſtis, contis cominus, jaculis & miſſilibus eminus, atque omni inſtrumento bellico, non ceſſante pugnae ſtudio. Ita concidère tandem hoſtium animi ſoluta obſidione.

Verum ante ea tempora Hamorum & Caballaorum factio exarſit Anno 1350. Nomina iſta ut ominoſa & portentosa, ita pernicioſa, aſſumpta in perniciem gentis Batavicæ. Nam cum pars altera Aſellorum nomen, quaſi pro ſacramento haberet; altera Hamorum nomen aſſumpſit, pari lædendi ſtudio: Nam ut aſelli abliguriunt maris piſces,

ita exitium minabantur adverſæ parti: contra pars adverſa aſſumpto hamorum nomine, quibus capiuntur aſelli, minas ſpirabant. Unde iſta factio, haud facile eſt dicere. Hinc inde magni authores, & factionis principes. A parte Aſellorum ſtabant D. Ioh. ab Archel, pater Epifcopi Trajeſtenſis, Ioh. ab Egmond, Gerardus ab Heemskerck, cum multis aliis nobilibus & patitiis, & factionis ſociis quibuſdam civitatibus, primariis Dordtaco, Harlemo, Delfſis, Goricomio, aliisque. Ab Hamorum parte præcipui authores & antelignani Theodorus à Brederode, Philippus Burchgravius Leidenſis, D. Waſſenarius, Iohannes de Leeka & Polano, Iacobus à Binc-horſt, cum multis aliis nobilibus & ſcutatis, juvante in partem Lugduno aliisque civitatibus. Hæc factio inter plebejos primum, quaſi per ludum jocumque, poſtea inter magnates & nobiles, inter laicos & Canonicos, tanta animorum exacerbatione, non una in urbe, ſed pluribus & plerisque; ut per totam Hollandiam, tanquam fermento Erynnidis ſerperet hoc malum. Ita ut in qualibet urbe, in qualibet ſtirpe (& ſi fas dicere) in qualibet familia palinodia eſſent parricidialia. Sæcula vere

ferrea.

Anna
1350

Hammorum
& Caball.
factio.

ferrea, quibus non *hospes ab hospite tutus*, Non *socer à genero, fratrum quoque gratia rara*. Quidquid sit, factio illa execranda plane & diabolica, quæ tectè primum cœpit incedere *per ignes suppositos cineri doloso*, Anno MCCCCL. aut circiter. Ea materies omnium malorum & scelerum fuit, quæ totam Hollandiam infestavit, & ad internecionem pene redegit. Namque illud venenum longe lateque serpsit, per omnia Hollandiæ viscera, movente semper novas turbas Diabolo. Atque hæc quidem dissidia, & odia in multos annos incrementa sumpserunt indies majora: atque adeo illa exacerbatio & rabies implacabilis, tam præfectorum quam subditorum animos ita exacerbavit, atque efferavit, ut civis civem, ne dicam frater fratrem capitali odio prosequeretur; atque adeo degenerarunt, & obbrutuerunt, ut ab omni ratione & æquitate divortium fecerint, brutis quam hominibus propiores, ut sese mutuo, qui in partes irent, sedibus, urbibus, ædibus ejecerint, exterminaverint. Sed inprimis Lugdunum, plurima incommoda & mala passa est, frustrà obnitentibus viris magnis. Et si causas factionis illius altius repetere velimus, eas frivolas fuisse

fatebimur, & pudebit nos tam obstinatæ seditionis. Temeritatis atque effrenatæ seditionis exemplum dabo, mitto jam magna nomina, quod in urbe nostra accidit ex communi illa contagione, ipso Paschatis festo: cum forte fortuna Adrianus Croningen, & Hendricus Brederodii filius notus, cum aliis quibusdam nobilibus, animi relaxandi causa, & studio venationis Harlemum venissent, & in taberna diversoria biduum aut triduum commorati essent, genio indulgentes, cum aliis ejusdem urbis civibus, viris honestis, bonæ notæ hominibus: qui cum securi omnis periculi, sub noctem quieti se cum dare vellent, & jam stratis incubarent, excitato ingenti clamore & tumultu, hospitium ingressi ex infima fece vulgi scurræ ac nebulones, qui nobilium filios interficere in animo habebant. Sed caupo & uxor ejus virilis audaciæ sæmina, & famuli domestici vim omnem propulsarunt: hospitio ejecti extrema minabantur. Ita è lecto surgere coacti hospites, & fuga salutem querere, grassantibus impune seditionis authoribus. Et postea qui una cum illis fuerant, atque ad amica colloquia & symposia venerant (indignum facinus) in exilium ire jussi omnes, multique

alii non è multis, qui tale scelus detestabantur. Quæ initia fuerint tantæ commotionis & demētiae, narrabunt Lugdunensium posterii, loquantur Chronica Hollandiæ. Initia sanè fuisse frivola refert Ioh. ab Orlers, bona fide vir consularis, & quidem privata dissensionis. Incrementa stupenda atque horrenda, catastrophe dubia & periculosa: Pacta sæpe hæc factio CC hæc fædera, rursus violata, atque annis. irrita, nunquam intermittente furore, & movente semper novas controversias Diabolo, maiorum omnium architecto, quæ curare non hominis sed Dei, qui tandem apparuit tanquam è machina, interponente auctoritatem Maximiliano, intercedente Magarita comitissa pro captivis, qui jam supplicio destinati: ita tandem ad pacem & concordiam reversis, supplicationes decretæ ad placandum Deum. Sæculum ferè intercesserat: cum oblitterata jam omnia viderentur & pacata, rursus sopitæ factionis ignes resuscitati, suffundente frigidam Diabolo. Itaque anno 1438 recruduit denuo Hamorum & Cabellaorum factio, cujus pestiferum virus, latius adhuc serpsit per totam Hollandiam, nec immunem ab eo Lemi civitatem fuisse, testantur annales, nec silentio præterit

Reynerus Snoyus in historia sua, laborante repub. D. Hugonem de Sanctis, à Philippo Burgundiæ Duce Hollandiæ præsidem constitutum, utramque factionis partem, auctoritatis suæ pondere & singulari æquanimirate in officio continuissè, neque hiscere quicquam audebat vivente eo; Factionis istius diabolicæ nondum sopiti ignes, cum nova Harlemi seditio in perniciem reipub. tumultuante & rebellionem movente plebe adversus Magistratum, Coss. Hugone Albout, Pontio Wtenbroeck, Gerardo Hoen, & Jacobo Theodori, An. 1444. Ita cum successisset in locum ejus Symon de Laleyn, recrudescere malum de novo cœpit, non obnitente Præside. Ita primo anno itum ad arma. Tum Consul civitatis, qui forte Prætorem obvium habuit, ita eum affatus dicitur: *Mutua. (proh dolor) inter se gerunt odia cives, demus nos operam parem, ut inter nos maneat concordia.* Verum ille inquit, *Nescis quid serus vesper vebat,* innuens, decertandum semel. Ferocius respondentum quam Prætorem decuit. Quippe hoc volebat, Hamos subdole præcavisse, ut suspensa Campana, quæ sonum non datura Cabellaos eluderet, quo minus congregarent: ita facile eos obrui posse exultavit.

Verum

*Factio
plebis.*

Verum fefellit eum recta mens: nam Cabellai occulte Campanæ usum in potestate habebant: qui dato signo Campanæ ictu, undique armati convolarunt: nec segnius Hami. Constitere in foro biduum, noctu interdium pertinaces. Sæpe interea à bonis & pacificis viris tentatum, ut redire ad concordiam vellent; sed frustra, nihil actum: immo sapius concurrissent, nisi sacerdos cum Eucharistia, exacerbatis & in se mutuo irruentibus, in medium se objecisset. Nec dirimere pugnam potuit cœlitus demissus imber: Tantus enim utriusque factionis ardor, tanta contentio, ut mori maluissent, quam stationem relinquere, aut loco cedere; ut vicinus vicino prehensa manu diceret, *extremum vale*, deposito civium odio, non partium, cum quisque in partes suas irent, & vitam pro bona causa pacisci vellent. Cessere tandem Hami foro, in plateam regiam vulgò dictam, in fugam dati, receperuntque sese in ædes Nicolai ab Adrichem. Illic Nicolaus cum suis amicis obsidetur, donec in id missa Isabella Philippi conjunx, quæ rem composuit pacificatrix, ea conditione, ut Hami ante Solis occasum urbe excederent: secreta promissione reducendi eos intra triduum, parere eos induxit.

Convenere igitur in campo vicino, prope nemus, Huc & ipsa accessit dux fugæ atque itineris. Et non obitante eo quod cœlum pluvium continuo imbri, Ducissa cum suis exsilibus Amstelodamum petere compulsa fuit. Tunc Hami qui Amstelodami tunc erant, Cabellais terrori fuerunt, qui una suadente Isabella Harlemum petiere. Et cum in utramque partem servare fidem non posset, imminuta etiam auctoritate, re infecta discessit, addita hac commendatione, ut Magistratus suorum rationem haberet, & ne quid respub. detrimenti caperet, suam quisque urbem tueretur; atque ita cum omni comitatu Bruxellam abiit: Nec surdis dicta admonitio. Namque Amstelodamenses qui rerum potiebantur, illico Trajecto accersitis, & receptis in urbem Reinaldo à Brederode, & fratre ejus *Archidiacono* Gulielmo de Langerack, Amylio de Muden, aliisque ejusdem factionis compluribus, propulsare omnem vim hoc modo voluere. Rebus sic stantibus Philippus Dux, cogente necessitate, in Hollandiam tandem se contulit, quem cohortes prætoria comitabatur. Itaque Harlemi paulisper commoratus, præmisit Amstelodamum Antistitem Leodiensem de Nassou-

quos

quos & postridie consecutus , & quod factu opus, fecit, in id præcipue sibi incumbendum ratus, ut reconciliatis partibus, pacatis animis ad concordiam redirent Deo gratam , & suas quisque civitates , suaque repeterent. Reversus in Brabantiam, factionis principes & antesignanos, mandato citavit, Bruxellam multo ocius venirent. Itum est ab utrisque : tanta utriusque partis confidentia & animositas fuit, ut ad causæ defensionem se sisterent. Habito examine, auditis partibus hinc inde, proximam ad reconciliationem viam esse indicarunt, ut in locum Simonis de Laleyn, alium surrogarent. Ita non sine ignominia nota exauctoratus : cujus in locum susceptus Magister quidam Goswinus, non tam nobilitate clarus, quam rerum peritia, & legum scientia *insignis*. Inferenda quoque hoc loco annalibus, *Clericorum factio* videtur, qui Anno 1457 cum Coss. & Senatores, qui civibus jus dicunt, novo edicto onera imponere frustra conati Clericis & S. Ordinis hominibus, exigentes ab iis, perinde ac ab aliis civibus laicis vectigalia, à quibus immunes semper fuerant. Inde litis contestatio coram Episcopo Trajectensi. Et cum S. Ordinis homi-

nes, sacerdotes, Clerici iudicio non acquiescerent ; decretum à Senatu ut autoritate pub. delegatos ad Episcopum mitterent: Missi itaque Nic. Iperius Consul, Gerardus à Noortwijck Scabinus, & qui à secretis erat Gul. Raets, qui Episcopum sollicitarent mandati impetrandi causa adversus Clericos, quo cogi possint ad pendenda vectigalia: & forte in curru sedentib. prope Trajectum ecce obviam venit in equo Walravius illegittimus D. Brederodii filius cum affeculis suis, & uno impetu interfecerunt in via, patre incio D. Brederodio, & consulem pariter & Scabinum. Causam non habebat aliam, quam quod duo isti, cum Prætor Alb. Raephorstio, adversus hunc Walravium ferocius se gesserant, & ignominiose exceperant in vico maritimo Santvordia in patris negotio, quod ita indigne tulit, ut ignominiam illam concoquere non potuerit, usque adeo, ut Præto-rem quoque in eodem furore confecisset. Qua de causa filius ille illegittime natus in tantam indignationem patris venit, animi ægritudine, ut longo tempore in conspectum ejus venire non auderet. Dum hic rumor Harle- mum delatus esset, luctus & planctus civium & amicorum

com-

commiserantium. Et ob eam causam Senatores reliqui ab incepto desistebant, & Clericis pacis pub. causa immunitatem recepto more concessere. Hac gesta Anno jam dicto April. 20. & Anno x. post, parricidii scelus iusta reconciliatione expiatum.

Verum interlabentibus annis aliquot, bellum denuo à Septentrione multo atrocius exarsit. Cum Alcmariani, cum quibusdam Borealis Hollandiæ oppidanis, & paganis, expeditionem pararent, interveniente Urbis nostræ præfecto, qui ad pacis consilia flectere agrestium animos tentabat. Et cum vix pedem ex Alcmariano territorio sustulisset, statim magna vis hominum undique confluentium, qui dato ad militiam novo sacramento *Panis & casei*: placuit nomen & omen: Ita signa sustulere majoris audaciæ, & ante Urbem castrametati. Verum cum sibi metuerent ab insidiis, nec satis extra urbem tuti viderentur, petiere ut intra urbis mœnia admitti possent. Consuko super ea re Senatu, & Ordine amplissimo, vocatis etiam ad consilium potentioribus & patriciis, facto S.C. decreverunt unanimi consensu, non admittendos in urbem Caninefates, nequid detrimenti respublica caperet, ex civium dissensione, aut

tumultu populi ejus, qui decus, dedecus, famam infamiam susque, deque haberent, & jus omne in acie gladii portarent; publico edicto prohibentes, ne intra urbis mœnia admitterentur. Ventum ad colloquia ante portam, sed re infecta discessere. Verum cum delegati in urbem reversi, portas occludi, & asservari diligenti custodia juberent: Ecce concursus statim malignantium civium, qui revulsis portarum claustris, hostibus & cuivis volenti potestatem fecerunt intrandæ urbis. Hinc clamor civium, & plausus gratulantium, qui in partes Caninefatum transierant patriæ proditores. Illi facto agmine in forum prorumpunt armati, ibi miserrima urbis facies, cum urbis dynastæ, & proceres magna frequentia congregati ante Curiam stabant, consilii inopes, qui à suis civibus destituti, patriam diis Penatibus commendabant. Hinc fuga & trepidatio; quorum quidam domum se receperunt, alii Curiam ascenderunt periculi metu, & objectis adversus violentiam repagulis, & claustris, intra Curiae parietes aliquandiu se continuerunt. Sed crescente hostium pariter & civium rabie; alii in portas Curiae arietabant, & adhibitis malleis & ferramentis, irrumpere co-

Caninefates, in Urbem admissi.

nati : alii saxorum & silicum grandine, & arcubalistis, ita domum publicam infestabant, ut nemo per fenestram caput exferre auderet. Sed cum XL. duntaxat in Curia essent, inermes, omni ope destituti, & liberationis spes nulla superesset, pacisci cum hoste maluerunt, quam extrema expectare: ita data ad colloquium venia, cessante omni hostilitate, fidem obsidem dederunt neminem lædendi. Data fide acceptaque, Curia portam aperuere, quam occuparunt facto agmine ira implacabiles, specie insanix spirantes minas, cædes; quosdam converso in pectus mucrone demisere: sed Nicolaum Ruyvenium urbis prætorem & Petrum Thomæ scabinum & fratrem ejus Andream Thomæ, excarnificatos omnibus modis, crudeli morte interemerunt sub vesperam. Nec quies data: nam nocte intempesta, ut majori securitate latrocinarentur, quidam oppidani & urbis indigenæ, excitato ad terrorem civium nocturno tumultu, potentiorum civium domos expugnabant, & spoliabant omni supellectile, vasis argenteis, ad hæc revulsis scriniis, ablatis syngraphis, tabulis & codicillis, detractis etiam sigillis, irreparabili civium damno. Nondum his satiati ad fo-

rum reversi, in Curiam involarunt, prædæ inhiantes: ibi effractis claustris, & gazophylacio, & perrupta pupillorum Camera, referata scrinia, lacerata acta pub. syngrapha, tabulæ, ab iis etiam, quos minime decuit, qui vim omnem propulsare summo jure debuissent, si eam ab extraneis illatam constaret. Ita ut nemo alicujus nominis, intra ædium suarum penetralia continere se auderet. Ita enim exacerbati militum & civium quorundam animi, ut rebellionis, audaciæ, nec finem facerent, nec modum, proximi insanix. Ita latuere tota illa nocte primarii cives, quibus erat *Equus, & pater & res*, usque dum deferbuisset latrocinantium rabies. Postero die nominati duces IV, qui singuli xxx Viros ad urbis præsidia haberent, quibus obviam irent armata manu perniciosis seditionibus, & rapinis. Cessante furore, novo edicto de Curia proclamatum, ut quicunque latuissent in tenebris, sub lucem prodirent, & in publicum: altero, ut qui bona civium rapuissent, domos spoliassent, & jure gladii sibi vindicassent per fas, nefas, ut ea in Curia sancte deponerent, & restituerent integra, sub pœna capitis, qui secus aut aliter fecissent: Et ut edicto pondus adderetur, erectū in are-

Anno
1492.
Maji 3.

na, jam foro, patibulum ad coer-
cendam sceleratorum & male fe-
riatorum audaciam. Rebus sic
stantibus & pæne conclamatis,
miserabantur communem cala-
mitatem cives boni, qui ne his-
cere quidem audebant: nam
quotidie Borealis Hollandiæ ru-
fici atque oppidani, rerum no-
varum cupidi, majoribus indies
copiis Harlemum venerunt, qui
in partes Caninefatum iverant:
& illi quidem novum belli appa-
raturum faciebant, & conjunctis
viribus, collectis copiis suscipere
expeditionem in plagam austra-
lem in animo habebant. Neque
id tantum, verum optimos quo-
que cives armata manu in partes
suas traxere, & Urbem relinque-
re, & signa sequi cogerunt. Nec
ita multo post delectu militum
habito, exercitum ducunt non
ita magnum, ter millium & am-
plius virorum, qui circa horam v.
vespertinam urbe egressi, Nord-
vicum usque pervenerunt, &
ibidem pernoctarunt. Nec diu
cunctati, postero die circa me-
ridiem Lugdunum venerunt, ubi
collatis signis ad præliandum se
componunt, manus conferunt,
& proximum propugnaculum vi-
ceperunt, frustra obnitentibus
militibus prædiariis. Quæ ibi
commiserint latrocinia, Victoria
feroces, haud facile est dicere.

*Canine-
fatum
nova ex-
pedit.*

Ita Harlemi aliquantulum re-
spirabant. Sed qui in urbe man-
terant Caninefates, & socii Alc-
meriani, jussi urbe excedere, e-
dicto publico, excitato novo tu-
multu, armati sese opposuere;
publice testati, nolle se urbe exce-
dere, metuentes, relicta semel
urbe sese exclusissimos in poste-
rum futuros. Interea fanda atque
infanda passi cives Harlemi, nec
data est quies, cum alia atque alia
supervenire mala. Ac primum
quidem Albertus Saxonix Dux,
cujus intererat, in Hollandiam,
assiduis bellis æstuantem, mag-
nam militum armatorum ma-
num submisit, qui Noortvici
primum castrametati, ubi impu-
nè latrocinati, Santvordiam pe-
tunt cum toto exercitu, qui nec
sacris parcerent, nec profanis,
templa incenderent, domos e-
verterent subiecto igne, pecora
abigerent, ut nihil in vico illo re-
linquerent præter ærumnas, ne-
mine resistente. Tollunt animos,
& ulterius progrediendi crevit
audacia, Harlemum usque latro-
cinia exercebant impune. Ita ex
rpto vivebant, abactò multo-
rum pecorum grege, colonis et-
iam in captivitatem abductis. Ita
præda onusti Bavarovicum tan-
dem delati, animo invadendi: ve-
rum municipii illius incolæ, &
accolæ, fortiter sese opposuere,

*Bavaro-
vicum
direp-
tum.*

& in fugam illos vertere, etiam atque etiam conati frustra; Sed cum plures numero essent adversarii, & præliis assueti, victoriarque ferociore, tandem municipium illud vi ceperunt, prælio superiores. Ita in fugam versi loci illius municipales, cæsi, fugatique extrema passi; matronarum & virginum stupra, sacrilegia, latrocinia, municipium illud funditus everterunt, & rapinis ita infestarunt, ut nec sexui, nec ætati parcerent. Denique cum oppidanis nihil reliqui fecissent, viros omnes, præter fugitivos, captivos abduxerunt, & non nisi enormi redemptionis pretio dimisere, & vectigales fecere. Ita hoc florentissimum municipium penitus exhaustum, & pæne pessumdatum. Neque hoc tantum, sed vallo munire locum cepere, ut ibi hibernarent. Harlemei interea, in tanta rerum perturbatione, & animorum consternatione perplexi, & anxii, nec quid facto opus esset satis intelligentes, cum nulla intercederet cum ipsis belli societas, & neutrales esse maluissent ab omni partium studio; nisi quidam, ad rebellionem operam suam obtulissent, effectis portarum obicibus & claustris, compulsi etiam ad novum & intestinum bellum, obnitente urbis præfecto. Tau-

dem eo res rediit, ut peregrinum militem advocandum, & intra urbis mœnia recipiendū contenderent, quod factum etiam. Illico advenere militum copiar, qui barbarorum incursionibus obviam irent, miseris & afflictis opem ferrent, propugnacula eorum expugnarent, caderent fugarentque prædatores. Dum ita affligerentur passim pagani, coloni, rumor spargitur, ipsum Saxoniar Ducem in Hollandiam cogitare, & jam in via esse cum magno comitatu & militum præsidio, & Hagæ-comitis jam expectari. Harlemei gavisi super adventu Ducis, statim delegarunt quosdam ex suis viros apprime honestos, & cives non è multis patritios: qui petito & impetrato salvo conductu, ad colloquia tandem admissi. Et Hagam delati, data fandi copia, ita cum Duce transegerunt, ut Harlemeos quasi læsæ majestatis & perduellionis reos, in gratiam reciperet. Reservato hoc sibi, quod Harlemum invilere, & ibi aliquandiu commorari, cum aulicis vellet, ad protectionem bonorum civium, & correctionem malorum rebellantium, data fide, & addito hoc promisso, se pacatum & amicum venturum, ad gratiam magis propensum, quam ad vindictam. Verum illud

Iud juxta indigne tulere Caninefates & Alcmariani, metu majoris mali, quod male sibi concilii essent. Interim non cessavit latrocinantium rabies, qui cum nihil reliquum fecissent, præter famem & inedia, propugnacula sua deserunt, & in vicinos pagos copias ducunt: pulsus fugatisque colonis, Velsenum depopulantur antiquum. Nec immunes à rapinis Scotani; grassati Harlemum usque, domos, villas obvias incendebant; abactis ovium gregibus, vaccarum & equorum armentis, omnia venalia habebant, utensilia etiam, quæ secum asportabant præda onusti. Harlemei rerum adversarum fessi, & malorum pertæsi, in libertatem se asserere, Caninefatum jugo excusso, clam & recte diu studebant. Itaque viri boni & sapientes, & patriæ amantes cives, in id potissimum incumbabant, ut patriam liberare his malis possent. Nec ita multo post, restituendæ urbis publico edicto sancitum, ut omnes hospites, & peregrini, Caninefates, cum aliis viris militaribus, equitibus, calonibus, urbe excederent, ad suos redirent; atque illud edictum publice decuria proclamatum fuit, frementibus frustra Caninefatibus. Erant præterea militum copiarum ante ur-

bem, ex Geldria, Clivia, qui istuc venerant stipendii merendi causa, flagrante bello intestino, qui intromitti in urbem sollicitabant: verum illud minime consultum visum urbis primoribus, quoniam ineundæ pacis spes affulserat magna sub adventum Ducis. Nec ita multo post Saxoniarum Dux Albertus comitantibus nobilibus & viris militariibus Harlemum properabat. Adventante Duce cives omnes exarmati: ita Urbem ingressus, qui honorifice exceptus, præeuntibus ad pompam spiritualibus & Canonicis; Ordinem ducebant xv. Dominicanorum Ordines, qui vacare precibus soliti, habito sollenni processu: Hos sequebantur cives patriæ, urbis incolæ, supplices pulla, in veste, ad genua Principis procidentibus, qui offerebant quam poterant humillime portarum claves. Tanta civium consternatio, & erga Ducem suum reverentia, ut sese submittere non possent magis. Verum qui sibi male concilii malefici, qui revulsis claustris, hostibus viam aperuissent invadendæ urbis, multaque per insolentiam perpetrassent nefanda, qui civium bona ad se rapuissent, lares domesticos violassent excitato nocturno tumultu, sub adventum Ducis Saxo-

Adventus Ducis in urbem.
Anno 1492.
1488.

Caninefat. Vrbem exire jussi.

niâ Urbe excesserunt, spontaneo exilio. Vix ibi pedem fixerat dux Saxonîæ, cum statim erectum in foro patibulum, & theatrum Justitiæ in arenâ vulgo dictâ, ut pœnas darent malefici & reipublicæ perturbatores. Sed cum multi civium urbe excessissent, crescente indies civium discordia, periculi metu, jussi omnes redire, sub pœna confiscationis bonorum: plerique tum reversi. Verum præcipui factionis duces & antesignani qui portarum claustra effregerant: quique excitato nocturno tumultu urbem infestaverant, potentiorum civium domos invaserant, fugæ se dabant. Quippe omnibus illis, qui in urbe manere nollent metu pœnæ, dato salvo conducto exeundi ex urbe, facultas data, priusquam Dux Saxonîæ in urbem venisset. Hoc momordit principem cum intellexit, & indignissimæ tulit, atque Harlemeos in maximum discrimen adduxit. Quoniam illicò mulctati, & absque ulla dilationis mora pendere jussi xxvii. millia florenorum, moneta Andree nomine signata: quo non parum consternati civium animi, bellis assiduis, & rapinis exhausti, cessante omni commercio, cum nec plebei victum quærere, nec mechanici artem exercere ad quæstum possent, nec

reditus annuos acciperent locupletes; agris undique vastatis, abactis gregibus atque armentis, prædiis incensis, colonis bonis fortunisque omnibus exutis; unde pecuniarum tanta penuria, ut cives solvendo non essent. Ita miseranda urbis facies ad summam angustiam redacta, ad desperationem usque. Quid facerent cives miseri? vasa, pocula argentea, inaurata, celata, signis horrida, cimelia, signa pretiosa, cochlearia, & quidquid in pretio haberent, in medium attulerunt, & in Curia reposuerunt, pro ut censâ civium capita. Et quod omnium gravissimum, hoc ipso tempore Saxonîæ Dux pro imperio vocatos ad se primarios cives jussit signa, vexilla, privilegia, archiva apud se deponere, quæ & sibi servavit, & indignos eos declaravit, qui signa patriæ circumferrent, privilegia haberent, ut, ab antiqua Harlemeorum virtute degeneres. Hæc multa; alia passa est urbis patria, tanquam ab hoste capta. Atque ut hæc omnia, speciem aliquam juris haberent, plurima eodem tempore comitia Harlemi, ad quæ vocatæ pleræque Hollandiæ Civitates, qui Harlemsium non miseri, sed adversarii potius ex veteri odio, ut sæpenumero accidere videmus,

A Carolo restituta.

ut gaudeant homines alienis malis præpostero studio. Postremo ut suos in officio contineret, ne in posterum rebellarent, propugnaculum ingens aggesta terra extruendum curavit, in publicis sagittariorum hortis, ad domandam civium ferociam, ut dicto audientes haberet. Et adhuc eodem mense, Maji ultimo die, Dux Saxoniae ut rempublicam ordinaret, Prætores creavit urbanum, tum Coss. & Scabinos, senatores & thesaurarios, qui fisco præessent, aliosque officiales, & subalternos magistratus, quos jurare in nomen suum coegit, quod Harlemi suis privilegiis, & actis sigillatis orbatum essent. Constituta repub. justitiam administrari voluit, & animadvertendum in eos censuit in exemplum, qui portarum claustra publica violassent, & in secretos civium potentiorum lares involassent, quique excitato nocturno tumultu, longè lateque grassatis, quod & factum: ita terror ad omnes, poena ad paucos. Ita rebus ordinatis & pacatis mense Junio Dux Saxoniae Harlemo discessit; & eadem ipsa nocte omnes bombardæ, instrumenta bellica, omnia tormenta ænea, ferrea, balistæ etiam, quæ in portis, turribus & civitatis mœnibus in usum belli collocata,

loco mota, ante Curiam delata, postea ad propugnaculum, tandem ex urbe elata. Sed cum omnium indignissime tulisset eadem Gulielmi Ruyvenii prætoris Harlemi, in cædis authores ^{Ruyvenii Prætoris} gravius animadvertendum ratus ^{cædes & expiatio.} Saxoniae Dux, gubernator generalis, litteras veniales concessit, specie gratiæ, Harlemo, Alcmariæ, Frisiæ, Keinheimeriæ, aliisque inde dependentibus vicis, ut amicis & consanguineis Gul. Ruyvenii prætoris Harlemi, qui multis vulneribus confossus, capta subactaque Harlemo, miserrime periit, multam pendant ad correctionem tam honeste, quam utiliter ad præscriptum Ducis. Ita Dux Saxoniae jam dictus decrevit & declaravit, decernit & declarat, præsentibus hisce, ut prædicti Harlemi, quique in Keinheimeriæ, Frisia pagi, pendent & persolvent ad refocillationem piæ animæ Nicolai Ruyvenii quadringentos florenos D. Andreae sacros, qui valebunt singuli xxiv. stuferos, ad consecrandum facellum in arce Saxoniae, quæ Harlemi, cum tabula in qua depictam voluit imaginem Gulielmi Ruyvenii, in qua repræsentabitur, quo crudelitatis genere occisus atque interemptus fuerit. Præterea Dccc. Andreas au-

Ducis
Saxon.
Disces
sus. An.
1488.
Im. 8.

reos, quibus consecrabunt, & expiabunt capellania in eodem sacello XL. aureorum, ut eorum impensis in singulos dies observentur missalia perpetua observatione, excepto eo quod die Jovis, missam crucis celebrabunt canoram, atque ea quotidie celebrabitur in sacello Saxoniae jam dicto. Et hujus capellaniae collator Dux Philippus regis Hispaniarum filius, atque adeo haeredes posterius, tam Comites, quam Comitissae Hollandiae. Et si forte Saxoniae duci visum fuerit demoliri arcem, una duntaxat missa in sacello jam dicto perennabit; cetera missalia observabuntur cum omni devotione, eodem plane modo quo dictum in altari templi augusti D. Bavonis, in quo praedictus Gul. Ruvenius, in quo praedictus Gul. Ruvenius sepultus. Atque hoc quidem sacellum, intra sex menses ad sceleris expiationem consecrabitur, praefectis ad id negotium viris piis, & religiosis, servato hoc ordine, ut eo ipso tempore, quo sacellum illud conceditur, quotidiana celebretur missa ad altare arcis Saxoniae. Praeterea Harlemei, Alcmarij, & pagani viduae relictæ, & haeredibus consanguineis, ipsorum nomine trium mensium proximorum spatio CC. florenos pendunt, eo duntaxat fine, ut in æ-

ternam perpetratae cedis memoriam, duo conficiantur vitra, unum in templo Harlemeo, alterum in templo Alcmariano, cum inscriptione delicti, quod perpetratum & commissum, in persona Gulielmi Ruvenii pie memoriae, quo anno, quoque die. Porro Harlemei, Alcmarij pagani jam dicti itidem ad refocillationem animae, è vestigio peregrinationem religiosam obeundam Romam usque procurabunt, mandabuntque, ut ibi Petrum, Paulum, Divos invitant, propterea quod jam dictus Ruvenius, peregrinationis sanctae votum fecerat, eamque à Viro religioso suscipiendam, quem ad illud negotium haeredes proximi & consanguinei, idoneum judicabunt. Atque hujus quidem peregrinationis quisquis ille fuerit auspicabitur, intra unius proximi mensis spatium. Praeterea Harlemei immunitatem dabunt, cerevisiae, vini, tritici, aliarumque rerum quae ad vitae hujus subsidia faciunt, atque haec quidem omnia viduae Gulielmi Ruvenii cum tota familia, quo ad vivet: Et post ejus obitum tam filiae, quam filios natu maximis jam dicti Ruvenii, quotquot in paternis aedibus, ad arenam sitis habitabunt. Item porro jam dicti Harlemei, Alcmarij,

cum

cum pagis jam dictis perfolvent prædictæ viduæ, liberis, atque hæredibus, aut consanguineis ipsorum nomine, mille florenos Andreæ sacros, ad plenam perfectamque restorationem & ædificationem ejusdem domicilii, quali piæ memoriæ Gulielmus Ruvenius morte excesserat, quorum partem alteram primo Octob. die, & primo die Januar. præxime sequentis alteram, sꝑonte & sine tergiversatione ulla perfolvent. Act. vi. Jun. An. M. cccc. xcii. Præsentibus Adolpho Comite Nassoviæ Cancellario, & Comite Egmondano Hollandiæ gubernatore generali, D. & toparcha Bersfel, Trajectensis Ecclesiæ Præposito quæ

ad Mosam, item decano à Myssen, Deoſore Weisſeven, & Ludovico Quarreæ, Senatoribus, me quoque præſente, qui subſignavi, Barry. Atque ita Harleſmo Hollandiæ, Boreali Keinſhimeria relictis, tandem appulit in Zeelandiam. Post diſceſſum Ducis, cives arma repetiere ad urbis cuſtodiam & ſecuritatem. Ita reſpiravit aliquamdiu Patria, mox paſſa eſt alia atque alia hæc civitas. Longum eſſet ſingulatim recenſere omnia, quæ acciderunt mala atque adverſa, quare de his plura dicere ſuperſedeo, tranſeo ad illud quod graviffimum, & maxime memorabile, videlicet ad Obſidionem noſtræ urbis.

Obſidionis

HARLEMÆ

Accurata deſcriptio.

VEnio ad illud quod eſt graviffimum, videlicet ad obſidionem urbis patriæ, cujus fama orbem implevit, de quo nulla conticeſcent ſæcula, cujus æterna apud poſteros memoria vigebit. Verum, ut in ea ſequamur ordinem aliquem, operæ pretium eſt obſervare, tum quæ obſidi-

onem anteceſſerint, tum quæ obſidionis tempore acciderint; denique quæ finita obſidione, malorum Ilias. Atque ut paulo altius repetam, quaſi ab ovo exorſus. Cum jam ſingulari Dei beneficio & miſericordia, orthodoxa illa & reformata religio, ad propagationem verita-

Quæ obſidionem anteceſſerint.

ris quæ est in Christo, ad destructionem Papismi, in Belgio indies magis magisque valefceret, & lux illa Evangelii, tanquam radii solaribus illustrata, dissipata altæ caliginis nube, erumperet, & fulminis instar penetraret quoquo versum, & sanguinaria persecutionis violentia, incrementa sumeret indies majora, frustra obnitenribus Carolo v. & Philippo 11. Hispaniarum rege. Nam anno 1550. Bruxellis publicato 29 Aprilis, & quinquennio post mense Decembri. edicto regio, nihil magis effecerunt, quam si oleum camino addidissent. Circa hæc tempora, dux quidam Vitellus, natione Italus, cum sociis qui Harlemi tunc erant, mœnium profunditatem, propugnaculorum molem, portarum latitudinem, civitatis oras & limites dimensus, Hispanorum emissarius, mox in Texelliam profectus speculandi causa, Anno 1559. Et postea Ducissa Parmensis Belgii gubernatrix, renovato edicto, nullum non movit lapidem ut subditos ad obsequia adduceret, partim blandimentis, partim minis, atque adeo excogitatis omnibus artibus, quibus deliniri, atque infecari hominum animi consuevere, irritum conatu. Et cum jam desperata essent consilia, & nihil pro-

ficerent rerum Domini promulgandis edictis. Delectus tandem ad expeditionem Ferdinandus Alvares Toletanus, Dux Albæ, *Dux Albanus* Anno 1566. cui absoluta potestas *in Belgium venit* data, non limitata, consignata sigillo regio, ut res in Belgio collapsas restitueret. Ille cum ingentibus copiis, & magna militum manu profectus, in Belgium appulit malis avibus, ad vindicanda scelera & flagitia non venialia, læsæ majestatis crimina, sacrilegia nupera adhuc, quibus templa profanata, sacella diruta, simulacra dejecta, altaria everfa, idque non una in parte, sed per totam provinciam, quasi fatali ruina omnia ista concidissent. Et simul ad extirpandas hæreses & hæreticos missus Albanus: Dein ad abrogandas leges, privilegia abolenda, ad supprimendam avitam libertatem: Denique ad coercendam effrænatam populi rabiem. In id intentus Albanus, munitissima quæque in Belgio loca occupat; & peregrinum militem admittere cœgit oppidanos. Nova castella & munimenta in diversis partibus terra circumvallata extruxit. Nobiles primarios expulit, aut e medio sustulit: multis etiam milibus religionis ergo; hæresios reis interemptis. Principem Auriacum perduellionis reum declaravit

claravit: Citati etiam Ludovicus & frater ejus Comites, Bergensis item & Keulenburgerensis, & ex illustri Brederodiorum familia Satrapa. Denique omnes Belgas, inquisitionis hostes, hæreticos declararunt: hinc desperatio civium, odium in tyrannum, amor in Principem. Exstat oratio Principis apologetica, qua se purgare conatus est apud regem, sed surdis fabula hæc fuit. Princeps omni ope humana destitutus, invocato Dei nomine, à Germaniæ Principibus auxilia petiit. Nec difficiles se præbuere hac in parte Germaniæ Proceres illi, quos affinitate sibi conjunctos habebat. Evestigio delectus militum habitus, datæ per collybum pecuniæ: hinc bellum inter Albanum Ducem & Principem Auriacum, & socios ejus. Mox proscriptus Princeps, relegati Proceres, bonis, fortunisque omnibus exuti: quidam etiam capitis damnati, Egmondanus præfectus maris, & Comes Hornanus. Exstat epistola Egmondani apologetica ad regem, cujus hoc apographum.

Serenissime Domine.

Quod Majestati tuæ complacitum, in judicio, capitis me damnare, & sententiam mortis pronuntiare, equidem doleo, & non sine merore animi hac nocte intellexi; cui acquiescere &

patientia me dare est animus, paratus ferre qua D. Deus immitet mala. Tamen illud pro certo, atque indubitato majestas tua habeat velim, (testor Dei atque hominum fidem) mihi nihil unquam propositum fuisse aliud quicquam, nec in mentem venisse aliud, quam quod majestate tua, & vocatione nostra dignum, aut quod Catholica fidei quicquam derogaret. Si actiones meae, aliorum tendere vise nonnullis, credat hoc mihi Majest. Vestra, id necessitati temporum, non perfidia aut contumacia imputandum. Quocirca (qua unica mihi ad salutem est via) ad Majestatem tuam supplex venio, clementiam vestram imploro, & si quid peccavi, delicti veniam peto: ut propter merita etiam qualiacunque mea, misereri dignetur Majest. tua: Conjugis meae in primis & liberorum innocentium, pignorum carissimorum, atque etiam famulorum meorum. Hac suprema petitio mea, hepreces novissime, quas si exaudire dignetur Majest. tua, in aeternum me obligabit. Hac fiducia subnixus, divina tutela me commendo. Bruxellis 5. Aug. Anno 1568. Subscriptio erat.

Majest. Vestra humillimus, fideliss. clientulus & subditus, ad omnia officia paratissimus usque ad mortem,

Præfectus maris, EGMOND.

Verum nihil supplicationes, nihil preces valere apud Regem, aut regios ministros: ita Egmondanus, Hornanus, capite plectuntur: Nec aliud expectandum erat illis, qui fuga sibi consuluerant, quasi perduellionis reis. In hoc discrimine positi

Anno
1568.

miseri cives, errabant consilii inopes sine capite. Tandem aliis signum sustulit Princeps Auracus, collectis undique ex Germania & Gallia copiis exercitum parat ultra Mosem trajecit. grassatur interim Dux Albanus, rigidus pecuniarum exactor, decimas, vicissimas petit, persecutionibus magis intentus, quam armis, securus periculi: Hinc Ordinum cautelæ, subditorum & civium querelæ, Auracus interim nullam rei bene gerendæ occasionem prætermisit. Albanus æstuabat Lupi instar circa ovilia. Ita misera & afflictæ passim rerum facies. Citati Ordines Hollandiæ, & proclamati perduellionis rei sanguinario concilio. Hollandiæ proceres & Trajectenses provocare ausi ad Regem suum, pertæsi tyrannidis Albanæ. Ea susque deq; habens Dux Albanus legem renovat de decimis & vicissimis exigendis. Verum Ordines sese opposuere aperte & animose, & edictum publicare detestabant. Amsterodamensibus obnitentibus omni modo, multa imposita est xx. millium florenorum. Circa hæc tempora inundatio periculosa fuit, exorbitante lacu vi tempestatis. Tandem ut speciem aliquam Clementiæ daret, abitum parans, veniam & gratiam, vul-

gato Antwerpia edito An. 1570 respicientibus, & Ecclesiæ nutritiis pollicetur, Exactiones quoque pecuniarias remisit: Trajectensis arx ab hispano milite occupata rursus pro eo tempore liberata. Ita rebus feliciter gestis, uti sibi imaginabatur, & toto Belgio quasi sub jugum misso, Anno restituta repub. vindicata relligione, demissionem à rege suo petit, & impetravit. Hoc ipso tempore Hispanorum centuria, Harlemum venit, & postea centuria altera militum, qui tota urbe grassati, civium domos instabant, & extrema minabantur, & congressu impares tandem, Trajectum petiere vii. Novemb. & ut æternam sui memoriam relinqueret, erexit statuam in arce Antverp. cum hac inscriptione, PHILIPPI II. HISPANIARVM REGIS APVD BELGAS PRÆFECTO, QVOD EXSTINCTA SEDITIO-NE, PVLSIS FVGATISQVE REBELLIBVS, ASSERTA RELIGIONE, IVSTITIA VLT A, PROVINCIAE PACEM FIRMAVIT, REGIS OPT. MINISTRO, POSITVM. Ita Dux Albanus triumphum canit ante Victoriā. Nam cum reditum parat in Hispaniam, & de discessu cogitat letabundus; ecce rumor spargitur à piratis Briellam captam. Quo nuntio con-

Anno
1570.

Anno
1572.
pr. A-
ster- prilis die

sternatus nonnihil , consilium mutat , discessum suspendit , nec diu cunctatus, Comitem de Boslu acciri jubet ; Brielam mittit , ut oppidanis succurreret, in cassum. Eodem fere tempore militum rebellio Trajecti , qui statim discedere Trajecto iussi. Nec otiosus Boslu , qui Rotterodamum , prætextu cum copiis transeundi , per vim subdole occupat. hinc Goudæ tumultus popularis. Laboravit anxie Dux Albanus, cum adversa omnia nuntiarentur : ad conscribendum novum militem pecunias petit à Rege , quibus impetratis resumit arma , minas spirat , execratur rebelles. Enchusæ discordia civium : prævaluit pars potior , quæ mutato Senatu jurarunt in Principem Auriacum : Sonoy Borealis Hollandiæ præfectus , redactio in ordinem statu publico , accendit animos ad tuendam libertatem. Contra Albanus copias cogit tumultuario , incertus quid facto opus, cum *Medenblicum* quoque, Horna, alique civitates Borealis Hollandiæ jurarunt in verba Nassovii. Nec defuere qui Alcmariam invasere , tuendæ libertatis studio. Ita rebus pœne jam conclamatis Dux de Medina in Belgium venit , curaturus hæc mala. Vlissingani mari sese committere & infestare illud & ex

raptò vivere cæperunt, parta magna præda. Vetera quinquaginta, Goudani quoque in partes Principis transiere. Lugdunum, Dordracum , Goricomium , ultro sese obtulere , studio libertatis. Ad hæc Bomelia capta , Bura agnoscit legitimum Dominum. Harlemi quoque expediundæ salutis consilia capiunt recte, pauci, qui à Principe stabant, Gerard, Berchenroode , Joh. Coltermann & Petrus Kies, qui consilio Principis tentabant innovare statum reipub. si fieri posset absque tumultu. Illi fiducia bonæ causæ Magistratui aperuere tandem consilia sua , quæ plerisque minus placuere, petito ad deliberandum spatio. Sed cum revelassent in Ducem Albanum odia civium , amorem erga Principem ; pleno Senatu Berchenroodius & Coltermannus comparuerunt, exhibentes litteras Principis , & urgentes responsum extemporaneum; tandem inter eos ita convenit , pacta hac conditione , servandum juramentum Regi datum , & Principem præfectam ejus , in honore habendum : neminem Senatu removendum , ante adventum Principis : Albanum pro hoste habendum; sed avitam religionem & fidem Catholicam servandam , clerum & spirituales à vi

Anno
1572.
Iul. 3.

Anno
1572
in Iul.

publica protegendos, à sacris abstinendum. Sed prævaluit militum effrænata licentia. Ita omnes fere civitates in partes Principis Auriaci jerant, & in nomen ejus juraverant. Amstelodamum tenax propositi in fide Philippo data perstitit, nec defecit ab Albano. Comes Bergensis in Ducatu Geldriæ occupabat complura oppida. Frisia quoque in partes Principis inclinare visa est. Ita tandem pacis & concordiae inita fœdera: in Hollandia Ordinum Comitum Dordraci habitata, legibus atque institutis formata republica. Quæ ad pacem, quæ ad concordiam pertinerent, sedulo procurata, abjurato rege, execrata tyrannide Albani, concessa religionis libertate. Interim non dormitabant Hispani, magis efferati Harlemon inhiantes, clam primum, mox aperto Marte. Hinc secuta *Belli præludia*, intentum ab Hispano Sparendamum & funditus eversum. Santvordia quoque maritima diruta, injecto igne. Christianus à Sonnevieu Cliviæ arcem occupat: fugatis colonis, everfis & incensis molis alatis, omnia vastabat. Deia accersitis militibus qui Roterodami ad huc in præsidii erant, comportatis aliquot tormentis bellicis, Delphos præteribant circa urbis mœnia, peten-

tes Hagam, inexpectato militum adventu, non territi. Supremæ Curia Senatores, Quæstores regii, quique archiva servabant regia & diplomata, multique alii fugam simulant. Milites intactis Hagæcomitanis cum ibi pernoctassent, iter faciebant in littore juxta mare, Harlemum usque, in nemore castra metati, ubi dux Sapeda suburbia infestabat, magnæ molis molas evertebat. Inde magna civium trepidatio & consternatio, exacerbatio militum, qui occupato monasterio Minoritarum sacra diripuerunt: & cum propius ad urbem hostes accederent, & tormenta aliquot exploderent, unde concursus civium deinde militum; jussu ocius civium liberi puberes & impuberes sine ullo sexus discrimine menibus subvenire congesta terra. At parte ex altera Baldeus Hispanorum Dux relicto Trajecto, dato concessoque ab Amsterodamensibus per urbem libero transitu, cum v. militum cohortibus exercitum duxit; in occursum, ad punctum horæ destinata, spe potiundæ urbis. Circa hæc tempora illud in primis memorabile, quod Adrianus Joh Dordracenus prætor urbanus convivium paraverat vespertinum die Dominico 20. Jul. ad quod invitaverat plerisque civi-

Anno
1572.
in Jul.

tatis

tatis Senatores, & cum iis Ioh. Colterman PrincipisAuriaci deputatum, ut illi gratificaretur, verum ille quantum potuit excusavit, sed instante famulo, & pluscum invitante, tandem venit. Ibi cum esset media inter pocula viator ingressus nuntiat advenisse nobilem quendam camerato curru Brabantino, stare ante portam, & obnixè petere, ut intro-mitti intra urbis mœnia posset. Ibi qui tum aderat Consul Didericus Ramp, jubet ire in Curiam, inde claves petere, sub pulvillo repositas, portam aperire, & hospitem nobilè admittere. Colterman, quasi Genio id suggerente, suspicatus aliquid mali subesse, surrexit de mensa, & dixit, quasi pro imperio, se nolle aperiri portam, nisi se præfente; obnitentibus frustra cæteris, atque orantibus, ut maneret, cum ministro publicæ ivit in Curiam, & inventis clavibus, nobilem illum de Grave intromisit, & deduxit in hospitium. Nec in eo acquievit, præfaga mali mens, quasi divino spiritu tacta de cælo; ipse excubias obire cepit: & cum ad portam venisset Sparwoudanam, non alios vigiles invenit, quam unum aliquem imberbem adhuc, & ulterius progressus Schalevicum versus, vitum alterum in-

venit, cui nomen Matthias Florentii, qui biparentibus portis nocte intempesta in ponte staret adapertili, conversus ad vicinum Sparnæ aggerem: rogatus ubi alii essent vigiles, qui excubias agerent, negavit se scire, & istue se venisse dicebat, ut rusticas ad mulctram emitteret. Colterman jam dictus, observato eo, quod aggerem identidem respiceret, oculos quoque ad aggerem flexit, & vilus sibi videre naves complures, quæsit, quid sibi vellent tam vicinæ aggeri naves veliferas. Respondit satis contumaciter, cohortes militum esse. Tum rei novitate attonitus atque indignatus Colterman exclamavit, scelestissime, patriæ proditor, maleferiate, carnifex, itane cives tuos hostium lanienæ exponere in animo fuit? Apage, inquit, & ito in malam crucem, mortalium nequissime: & simul stricto ensè interficere cum paratus esset, in fugam se coniecit quantum potuit. Ille cum se derelictum videret, excitare vicinos, caducum urbis pontem subducere, portarum valvis claustra & repagula objicere. Jussitque eos quos ad manum habebat circumquaque ocus excurrere, monere Ruychaverium qui 13. Jul. cum cc. militibus Harlemum Venerat, cum militibus suis

arma lumere, periculum in mora esse, vocatis etiam ad arma civibus. Hostes interim propius adventare, existimantes portam sibi patere. Verum ex improvviso aderant milites præeunte Duce (quibus hætenus non concessum ad portas excubare:) armati eruperunt, & facto in hostem impetu, manus conferebant, & inito in pascuis suburbanis prælio, prope villam Joh. Pietameni, intercludere aditum, quo minus hostium conferta acies (qui à Comite Boslu ad eam machinationem missi) ad Quietis arcem penetrare, possent: qui cum eo tenderent ut Scalvici per portam flumentanam urbem in vaderent, detectis insidiis, irrito conatu Sparendamum reversi. Circa horam nonam ejusdem diei Senatus habitus Harlemi, ubi prædicti deputati, quorum maxime intererat, Coltermannus ille sospitator, cum Berckenrodio, & P. Kies, comparuere, ad mitigandos & in ordinem redigendos, qui rei atrocitate exacerbati cives in factiones ivissent. Cum eo ipso tempore Hispanorum cohors, ducente agmen Don Rodrigo de Sapada, Hagacomitis Harlemum venisset, castra metatus in nemore ad partem meridionalem. Decretum tandem omnium suffragiis, ut jam

dictus Coltermannus, litteris fiduciaariis instructus, supplicatum iret ad præfectum & Ordines Borealis Hollandiæ, urbi periclitanti suppetias ferrent, copias cogerent quantas possent. Comitabantur eum Robertus ducis Kabelai legatus, & una cum illis pastor Joh. Michaelis fuit. Qui illico porta Zylensi egressi, ducente milite præfidiario, per colles arenosos profecti, transibant arcem Brederodiam. In his nondum acquievit populi animus, verum Berckenrodio quoque, flagitante Senatu, injunctum, ut litteras ocius daret ad D. & Toparcham à Swieten præfectum Goudæ, ut cohortem unam aut alteram in subsidia mitteret. quod & factum. Coltermannus Enchusam delatus, ad Sonoy totius Borealis Hollandiæ gubernatorem, & ejusdem provinciæ Ordines supplicatum venit, ut auxilia submitterent. quod non multis precibus exoravit, impetrato eo, ut præfectus Lazarus Muller, cum duabus cohortibus, *cl.* Virorum singulis, Harlemis in auxilia veniret, laborantibus opem ferret. Parati ad expeditionem illico profecti sunt: quos secuti plurimi cives Hornani, & Alcmariani, relligionis zelo & libertatis amore voluntarii, ducente civium ma-

num

num Nicolao Rop. Ita una profecti Bavarovicum cum venissent, rumor spargitur Hispanos omnes qui in præsidii Hagæ fuerant, Harlemum appulisse, & una cum iis Senatores, & Quæstores regios, & Curiales, castra jam posuisse in vicino nemore. Quocirca non inconsultum visum fuit, iteratis litteris à Borealis Hollandiæ gubernatore auxilia petere. Cui æquissimæ petitioni ille ut faceret satis: illico copias Transilulanas, quæ primum advenerant, auxilio submisit, iussitque omnes colonos in isto tractu Principis castris subvenire re frumentaria in primis, aliisque quæ ad levandam annonam pertinerent. Die postero Dux Muller cum copiis suis ad Portam arenariam quam vocant, pervenit primo diluculo, cum primum Harlemeos de adventu suo certiores fecisset: in eum finem, ut anniterentur pro viribus, communem causam juvare. Ibi cum essent, viderunt eminus adversariorum cohortes, ex arce Clivenfi instructa acie accedere, Sparendamum tendere, nostris in occursum venire prope facellum Portæ arenariæ, ubi prælio inito acriter dimicatum: Tandem in fugam versæ Hispanorum cohortes, Sparendamum retrocesserunt, relictis centum

aut amplius viris, cum parva strage Ducis Mulleri. Sed re ipsa compertum quem incerta belli alea, & quam apposite à poetis Mars fingatur *ἄγριος ἄλλος πρόσωπον*. Nam non ita multo post mutavit vultum Fortuna. Cum omnes Hispani illi qui Haga-comitis venerant & qui secuti eos, certiores facti suos cæso fugatosque, illico relictis castris ad aggerem contendunt summa qua poterant festinatione, & prælium committunt furiata mente. Quippe Hispani veterani omnes, & bene exercitati milites, Mulleri copias facile in fugam verterunt & dissiparunt cæsis quingentis aut sexcentis in fuga, prope Velsam. Ille in medios hostium se coniecerat etiam cum vitæ periculo, sed cum inclinare aciem & suos in fugam versos sentiret, retrocessit, ut suos sisteret & à turpi fuga revocaret. In hoc prælio præter milites gregarios ceciderunt duo signiferi non inulti. Hoc prælium commissum 27. Jul. *Anno 1572.* Hispani deinde cum toto exercitu, nec deferente exercitum Curia Suprema, Hollandia discessere recta Trajectum petentes. Verum Trajectenses cum Germanorum præsidia intra urbis mœnia haberent, Hispanorum copias in urbem recipere recusarunt; experti aliquoties in-

tolerabilem Hispanorum insolentiam & immanitatem. Ita Hispani nulla cogente necessitate Hollandiæ fines deferebant. Harlemedi mæsti suorum strage, refocillati nonnihil Hispanorum discessu, pacem somniabant: Sed super venere alia atque aliamulto graviora. Nam cum Dux Albanus Montes Hannoniæ obsidione cinxisset, & Princeps Auriacus juxta castra haberet ad urbem liberandam. Eo ipso tempore x. & sequentibus Augusti diebus, Comitia Harlemedi habitata, ad deliberandum quid consilii caperent ad reipub. incolomitatem, patriæ defensionem, adversus Ducis Albani & Hispanorum tyrannidem & violentiam, præcipue verò in id incumbendum rati, ut pecunias exigerent, subsidia excogitarent, quibus hostium violentiæ obviam irent, ut Amstelodamum, propter vicinitatem obsiderent, quod Comes de Marque vehementer urgebat, & consilii sui hanc rationem dedit, quod potior civium pars (ea communis erat opinio) à parte Principis Auriaci starent, eos non optare aliud magis, quam ut obsidionem accelerarent Ordines; tum manifestum futurum, qui patriæ

amantes cives, & vindices libertatis. Verum cum Dux Albanus Montes-Hannoniæ per vim expugnasset: Et Auriacus copias suas pecuniæ inopia exauctorasset, & militari sacramento liberasset, capta subactaque Mechlinia, quæ præda militum fuit, & milites Principis, subiugata oppida deferere coacti. Ad hæc Zurphania expugnata ab Albani Ducis filio, miserrimè vexata, atque expilata: Nardeno oppresso & vastato, civibus crudelissimè interfectis, perpetratis abominandis sceleribus, & sacrilegiis, raptis ad stuprum mulieribus, & tota cum Hollandia jam trepidaret, tum Fredericus Victoria ferox & animosus, Amstelodamo cum omnibus copiis totoque exercitu inauspicato Harlemum tendit. Interea dum præparantur, quæ ad tanti belli molem necessaria, Maximilianus Comes de Bossu, Hollandiæ, Westfrisiæ, Trajecti gubernator, litteras ad Harlemeros misit, quibus specioso prætextu commiserationis lenociniis, & amittendæ benevolentiae suæ in cives testimonio, præmonere voluit de instanti exitio, nisi resipiscant, hujus ferè argumenti.

EPISTOLA MAXIMILIANI

Comitis de BOSSU

ad

HARLEMEOS.

Ampliff. prudentiffimi D. Coss.
& Senat. ceterique cives
multum dilecti.

Quamvis, dictante id mea consci-
entia, penitus persuasum habeam
(testor Dei atque hominum fidem)
abunde vobis satisfactum, cum vos non
ita pridem certiores fecerim de futura
omnium rerum inopia & calamitate,
atque adeo totali vestra ruina, quam
manere vos omnes prasagit animus,
cum sacrosancto obedientia juramento
renunciare ausi fuistis, quam Regi
vestro divinis & humanis legibus de-
betis, inexcusabiles; quæ hoc præci-
piunt, ut subditi Principi, & supe-
riori potestati, obediant. Et quamvis
maximam de vobis spem conceperam,
vos nostra monentis humanitate ad
saniorē mentem reversuros; sponta-
nea confessione & penitentia anteacto-
rum delictorum, quod decuit subditos;
tamen nescio quo malo genio seducti, &
vana spesque adhuc lactati, Erroris
Labyrinthum ingressi, ab insti-
tuto pertinaci discedere nolulistis: Non
obstante eo, quod civium cladem, ex-
cidium urbis, in propinquo jam esse di-
xi. Quæ revocare serio ad animum vos
jubeo. Ad quæ mala averruncanda,
non potui non, pro benigno & singu-
lari in Hollandiam & Lemi urbem
affectu, quem alias etiam (si merito-
rum vestrorum memoria adhuc aliqua
apud vos viget) declaravi, & declara-
re deinceps paratus sum, quin vos ite-
ratis litteris commonefacerem, de evi-
denti urbis vestra ruina & civium per-

nicie instanti, si obstinatis animis re-
ducivos in rectam viam non patiamini,
orans atque obsecrans, ut expendere
etiam atque etiam velitis, quanta in
Charybdi salus vestra omnium posita.
Non illigatos vos triformi Pega-
sus expedit Chimeræ. Ad hæc cogi-
tare etiam vos velim, & pensare quam
periculosa, quam perniciosa sit ista com-
mutatio, repudiare jure successionis na-
turalem Principem & hereditarium,
& loco ejus adharere Vassallo & sub-
dito profugo, & perduellionis reo: loco
inquam potentissimi Principis, Ducem
sequi, bonis fortunisque omnibus exu-
tum, quem alere publicis sumptibus
ipsi debetis, magno reipub. detrimento,
& jactura bonorum vestrorum (de-
mentia proximum): relinquere mansue-
tum & clementem Principem, & ei ad-
harere, qui se ipsum ivit perditum, ni-
hil aliud quarens, quam ut mendaciis
& consursis dolis seducere Brutum vul-
gus possset, surpando titulo gubernatoris
regia majestatis in inferiori Belgio; in
id incumbens, ut suis machinationibus,
miseros cives, socios calamitatis habe-
ret, & in abyssum miseriarum trahere-
ret, quibus sese involvit, cetera secu-
rus: Moveat vos calamitas nupera ad-
huc Mechlinia, Dermonda, Zutpha-
nia, (omitto alias civitates,) quas ipse
expilavit, diripuit, solo evertit. Nec
est quod aliud expectetis, ab eo qui ex
vestra infelicitate felicitatem suam
querit, deserturus vos tandem, me-
diis ut sic dicam tempestatibus, guber-
nator infidus. Et quoniam non obsta-
tibus iis, quæ jam dixi, procerto at-
que indubitato habeam, & interpone-
re etiam fidem ausum (nec dubitare
vos velim) solitam mansuetudinem
& regie majestatis clementiam, patere
adhuc, si modo vos ad confessionem de-
lictorum submittere, & penitentiam

agere non dedignemini, antequam superveniat vis major & inevitabilis, & Superum inclementia: Omnes in gratiam recepturi iri spondeo, voveoque. Et si intercessione mea in hoc negotio uti velitis, operam offero. Quo medio salvi esse poteritis & mansionem hic habere, & possidere in pace bona vestra, cum uxoribus & liberis vestris. Cum contrà, si imminentes cervicibus vestris copias, quibus vel ad unum diem resistere non potestis, expectare est animus, eadem vos manebunt fata, quae Zutphanenses, qui amplis pollicationibus Auriaci Principis illecti, atque inescati, eo usque offermarunt animos, ut extrema expectare satius ducerent, quam hostibus se dedere, ita ut jam dicta civitas, militum furore, tormentorum violentia dejecta, & funditus eversa non tantum, verum etiam plebique omnes tam cives quam milites, quidam gladio, quidam laqueo miserrime è medio sublata, & strangulati fuerint. Verus verbum, felices illos quos faciunt aliena pericula cautos. Eadem vos manebunt fata, & quasi jam ad portas vestras excubant haec mala. Et quamvis inter vos esse non dubito qui vitam pro patria oppetere, & extrema subire non detrectarent: Illi ipsi tamen in praesens periculum delati, facile mutarent opinionem obstinata mentis, eo magis, quod res ista ob quam se perditos irent, & mortem oppetere quam maxime velent, ejusmodi sit, ut nemo sanam mentis vita periculum adire vellet. Neque enim credo vos ita fascinosos & excacatos esse, ut non intelligatis, vos in Deum, in Principem & salutem publicam delinquere: nec ex eo aliud posse consequi, quam religionis violationem & confusionem iustitiae, & totius Politiae eversionem. Nec eo modo rem de-

ploratam restitui aut pereunare posse. Iam verò comparare si velitis vestram potentiam cum potentia regia Majestatis, principis Auriaci, aut Ordinum confederatorum, quis non videt quam inaequalis ea sit comparatio: quoniam (si mens & ratio aliqua vobis adhuc reliqua est) inaequalitatem ejus facile animadvertere possitis. Videtis quod ante oculos vestros afflictiones populi & extrinsecam inopiam, ad quam redacti cives, plebei inprimis, cessantibus commerciis & negotiis, sine quibus Hollandia marcet, ad desperationis consilia se vertent, quae effugere non poteritis nisi vos convertatis ad Obedientiam aram, & clementiam Principis, quem natura vobis dedit iusta successionem. Et manente in ea angustia plebe, cessantibus commerciis, & opificiis, nihil ab iis expectandum aliud, quam ut annonae caritate, cogente necessitate, cives potentiores oppressuri sint, & quod reliquum vobis erit, per fas & nefas rapturi. Atque hi expectandi vobis fructus (amici multum dilecti) rebellionis vestrae & contumacia, quos adhuc in praesentiarum declinare (si mens non laeva) potestis. Meliora consilia sequi tempus jubet extremo in cardine: quod facere vos pervelim, addita hac promissione; si adhuc à me petatis, ut pro vobis intercedam apud Regem Dominum meum, me perlibenter id faciarum, & comperietis re ipsa, intercessionem meam pondus aliquod habiturum. Et quoniam res vestrae eo loco jam posita sint, ut dilationis moram non patientur, prompta consilia in medium adferenda, quibus expedire vos possitis instantibus periculis. Iam militum delectus habitus, paratus exercitus, in propinquo militum copiae, quae recta via Hollandiam petunt. Et ut tandem finem faciam, dabitur operam, ut reciproci

litteris.

litteris certior me faciat, sine ulla dilatione, quid vobis tandem in animo sit facere: à quo responso, pendet aut salus vestra, aut interitus, & exitium irreparabile. Non est quod existimetis, me in posterum quicquam præterea per litteras significaturum, aut per alios promittiturum. Quocirca, honorandi & comprimis dilecti amici, Deus adsit spiritui suo, atque animas vestras vera & saluari cognitione imbuat, ut reconciliari cum Principe vestro, & naturali jure successionis Domino clementissimo possitis. Hæc voti mei summa est. Trajecti 25 Novemb. Anno, 1572. cum hac subscriptione.

Amicus vester

MAXIM. de BOSSU.

Ejusdem fere argumenti litte-

Amstel-
rodamen-
sium li-
tere ad
Harle-
meos.

teras misit, Amsterodami cum esset cum exercitu 2 Decemb. 1572. Sub idem tempus Amstelodamenses quoque commiseratione vicinæ & amicæ civitatis litteras clam misere, ad Harlemeos, quibus significarunt non obscure, regis exercitum in propinquo esse Harlemo intentum, obsidendæ urbis consilia cepisse: verum ita se rem habere, si in tempore advigilarent ante quam exercitus urbem cingeret, & veniam supplices peterent, gratiam impetraturos, & si gratum id futurum certo scirent, propter vicinitatem urbibus, & mutuâ commercia, se paratos intercedere pro civibus: in eum finem spondebant se duros operam, ut pervenire possent ad

fœdera ineunda, sine quibus salvi esse non possent: hortantes, ne occasionem illam negligerent reparandæ salutis, alioquin iam actum de ipsis.

His intellectis. Magistratus Harl. consilii inopes, anxie laborabant nec quid inceptarent satis intelligebant. Itaq; Senatus aliquoties habitus, ad deliberandum quid factu opus esset: verum non eadem omnibus sententia, opinionones heterogeneæ, suffragia contraria. Quidam in vestigio Principi Auriaco significandum, & petenda ab eo auxilia contendunt: alii veniam & gratiam petendam censuerunt, subnixi hac ratione, nullas civitates obsidione liberatas à Principe Auriaco, sed in manus hostium venisse, & sub jugum missas. Contra Regis potentiam invictam, cui resistere supra vires nostras, durum quippe adversus stimulum. Alii rursum obtendebant, non esse regis mandatum, sed Albanum ista moliri præter voluntatem regis; provocandum ad supremam potestatem contendebant. Et veniam petituris eadem expectanda rati, quæ Mechlinienses, Zutphanienses, Naerdeni passi. Alii rursum, quia ad pacem magis inclinarent, verborum contentione hic nihil opus esse dixerunt: qui veniam petendam

Decemb
3.

urgebant in instanti, absque ulla dilationi *scilicet* mora, priusquam ad nos militum copiae supervenirent urbis obsidendae causa. Ad confirmandam eam opinionem, prolatae in medium Amsterodamensis literae, prolatae & alterae à Jacobo Wii, pastore aulae maioris virginum Vestalium, quae est Harlemi, ad fratrem data, ejusdem fere argumenti.

*Epistola
fratris
ad fra-
trem.*

Fater multum dilecte, non dubito quin intellexeris quo in discrimine versetur salus omnium vestra cui nisi multo ocius occurratur, nam periculum in mora, actum erit de omnium civium vita. Percussit omnium animos sevitia Hispani ducis, ut plerique extrema omnia potius subire malint, quam in potestatem Tyranni venire. Ego ut opinionem istam animis eorum eximam, nuntio praesentibus litteris (fratri habenda fides) minime dubitandum de Regis vestri clementia & gratia, modo si ad juniorem mentem redeant, supplices veniant seque submittant potestati Ducis Albani, nihil erit periculi, polliceor spondeoque tum *augustinam* futuram, omnium anteaكتورum dilectorum, immunes omnes futuros à pena: ut id credatis respicere vos jubeo ad alias civitates, bello victas & expugnatas, quae nihil mali passae quae sponte se tradidissent in potestatem Regis sui; in contumaces & perduelles, dumtaxat animadversum; quique copiis regis resistere conati. Ac proinde auctor vobis sum, ne occasionem gratiae obtinendae transire patiamini. Delegatos suos mittant ocius Coss. & Senatores, seque humiles offerant, & totos tradant, quoniam potentiae regiae majestatis resistere non potestis, viribus impares. Et expendere vos etiam atque etiam pervelim, quam male res successura sit, si pertinaces in proposito perseverent cives

vestri, & potentiam experiri & extrema pericula subire malint, quam parere.

Quibus litteris in Senatu lectis & recitatis prima propositio haec fuit, an non consultum videretur, ut duo è Senatu, quos sors daret, Amsterodamum mitterentur ad paciscendum cum Frederico de Toledo; aut dilationem petendam dierum aliquot, ut interea temporis, Principem Auriacum certiolem facere possint quo loco res civium essent. Ubi quidam in Senatu, qui Hispano parum fidebant, in praedictum Principis moveri ista rati, delegationem non tentandam censuere. Ita variantibus sententiis re infecta discessum. Sed die tertio Decemb. denuo Senatus habitus ante horam vii. matutinam, cum proposita eadem fuit quaestio, plerisque in id incumbens, qui privatim litteras ab amicis acceperant, periculi indices, ut delegati ad Fredericum de Toledo mitterentur; praevalere eorum suffragia, qui rem sorte tentandam censuere. Sors missa designavit Didericum de Vries & Johannem Verwer. Verum isce um tergiversaretur nonnihil, atque adeo difficilem se praeberet ad legationem illam obeundam, obtulit operam. Christophoris à Schagen, & legationem suscepit, assumpto Syn-

Syndico Adriano ab Assendelphis; qui eodem adhuc die ante prandium traha glaciali Amstelodamum profecti. Interim rumor percrebuit inter cives Didericum de Vries & Christophorum à Schagen coff. comitante Syndico Amstelodamum profectos ad Don Fredericum de Toledo, refragantibus aliis. Inde suspicio proditionem subesse, malè ominati venturam urbem in manus hostium. Hæc & similia in vulgus spargebantur. Rumor animum perculit Wiboldi Ripperdæ, præfecti urbis. Nam id cum intellexisset, animi impatientia commotus, eo ipso die in horam 11. pomeridianam congregari omnes iussit, sagittarios & cives, qui pro aris & focis pugnare parati semper, in publico civium qui arma gerunt hospitio. Primus in hoc ordine Wibaldus Ripperda, & cum eo Lancelotus ex Brederodiorum familia: Item Adrianus Joh. prætor urbis, Gerardus Stuyver. Atque adeo omnes Duces, & civium præfecti. Ibi tum silentio indicto Ripperda præfectus urbis hujusmodi orationem habuit

Ripperdæ Orationis ad cives.
Viri sortes; primarii hujus urbis cives, virtute clari à multis retio sæculis de bellato Pelusio causa cur vos hic congregatos volui (ne quid dissimulem) hæc est, videlicet ut significarem vobis (omnium enim inte-

rest) Don Fredericum Ducis Albani filium, Amstelodamo venturum, & jam appropinquare cum toto exercitu, ad obsidendam hanc urbem invisam Hispano & perduellem. Et jam per litteras constat ad Senatum datas, quæ significant gratiam adhuc apud Don Fredericum obtineri posse, si illico & sine ulla mora supplices veniam petunt adveniant. Et ob eam causam Coss. & Senatores, contra jus fasque, juramento fusque deque habito quo obligarunt se Principi Auriaco nobis inconsultis & clam civium primipilaribus & præfectis, cum hoste pacisci; secretis mandatis instructos Amstelodamum misere Didericum de vries aliosque ejusdem legationis comites ad petendam gratiam & veniam. verum, si vobis (cives optimi) expendere gratiam libeat, quam expectandam ab Albano existimant illi respicere vos jubeo hinc Mechlinienses, illinc Zuiphanenses, & novissime Nardenos, quibus pacis & veniæ spes facta luculenta: verum quæ ipsis gratia data? Cogitare insuper etiam atque etiam vos velim, quam sancto juramento Principi Auriaco Hollandiæ gubernatori obstructi estis. Non dubito (ea ante oculos ponere si velitis) quin juramenti ejus tam sancte dati, & honoris etiam vestri rationem habituri sitis exemplo meo. Nam tessor Dei, atque hominum fidem, illud mihi propositum esse, sanguinem meum (quam diu superest gutta) effundere pro civibus proque libertate atque incolumitate hujus urbis vitam impendere extremo spiritu. Verum jam vobis in animo sit facere, aut non facere, id velim vos animose & intrepide dicere, & profiteri. Speramus enim (juvante Deo) daturos nos operam, hoc ordine servato, ut hostes nostri, qui ad extremas angustias redigere nos conantur, parum honoris inde sint reportaturi.

Qua oratione erecti civium animi, plerique omnes sublata voce exclamarunt, & in hanc vocem.

vocem eruperunt, sese paratos esse, vitam fortunæque omnes Patriæ impendere: Ita mutuis ad hortationibus & acclamationibus confirmati ad bonum publicum tuendum, discessere: Jampridem edocti *Dulce & decorum pro patria mori*. Ripperda admiratus civium constantiam & suorum fidem, sumit animos. Itaque nihil cunctatus, tentatis civium animis, litteras illico ad Auriacum misit, & certiore fecit, quo loco res civitatis essent. Ad eundem modum ad præfectum Lazarum datæ litteræ, ut qui copias suas in propinquo haberet, cohortes aliquot militum auxiliares mitteret, quod & fecit. Nam 1 v. Decembris die vexilla Militum auxiliaria 1 v. Harlemum advenere, præfectis Jac. Steenbach, & legato ejus Christophoro Vaders, item Lamberto Wittenbergenfi & Martino Pruiis tria fulmina (ut sic dicam) belli, quorum adventu erecti civium animi, sperantes eos civium bona & urbem defensuros, & propulsaturos omnem vim. Quamvis multi civium essent, qui in magno metu erant, quibus tutum non erat se prode-
re, amoliendæ sinistrae suspitionis causa. Plerique omnes bello intenti cives, nec apparatus belli negligebant præfecti urbis: in

id incumbendum rati, ut defendere urbem, & Don Frederico resistere possint, si obsidere urbem vellet. Et receptis denuo in urbem militibus ad majorem securitatem. Præfectus militum Ripperda (civibus nihil mali cogitantibus, templum adiit augustum, illud (audax facinus) & everfis idolis & profligatis, *Templum S. Bavonis direp-* templum expilavit, & religionem orthodoxam profitentibus aperuit, quasi Janus Clusius & Patulcius: quod momordit multos cives, & perculit civium animos tacito dolore. Admissis interim delegatis, impetrata coram loquendi copia, & jam mollissima fandi tempora. Cum ea quæ in mandatis haberent, exposuissent, qui serena fronte à Don Frederico excepti, tale responsum tulere: quod gavisum se diceret super civium pænitentia, pollicitus se ad patrem Ducem Albanum litteras daturum, ut in gratiam reciperet supplices, hortatus interim, ut ad suos redirent, darent operam ut milites dimitterent. Verum Didericus de Vries, tam frigido responso parum ficiens & observatis iis ad belli apparatus quæ facerent, Amstelodami se continuit, simulans sese expectare aliud responsum velle, magis favorabile. Duo alii legationis socii Harlemum

reversi v. *Decemb.* cum rescissent
 eversa in templo simulachra, religionis pontificiæ cultum abrogatum, idololatriis expiata templa, illi perculsi novitate rei, mali nescio quid ominabantur. Et ecce vix limen ædium suarum cum attigissent, injectæ iis manus, & in carcerem adducti, militum custodiæ traditi, qui Delphos eos ad Principem captivos adduxerunt. Ajunt Christophorum ex prima nobilitate virum, cū Lugduni commorabatur, refocillandi corporis causa, & fessis jumentis darentur pabula, elabi facile potuisse, sed fiducia causæ suæ fretum, & Senatus suffragio securum, periculum suffragio deque habuisse. Verum Auriaco. pensiculatus & accuratius ea ad animum revocante, longe aliter sensit, quoniam Ordinum interesse existimavit, neminem plenariam potestatem arrogare debere horum, quæ dato juramento adversaretur, & pugnaret cum officio mandantis. Itaque judicio se sistere jussi, condemnati: Adrianus Syndicus capitis supplicio affectus, Christophorus in carcere obiit, dubium utrum doloris impatientia, an carnificina extinctus fuerit. Ita Princeps & Ordines pari cura & affectu in id sibi incumbendum censuerunt, ut afflictis civi-

bus litteras in solatia mitterent, animos adderent, & omni ope juvarent, polliciti se omnes sumptus & militiæ stipendia esse fisco duros, & damna quælibet compensaturos. Eodem fere tempore Principi consultum visum, mutare magistratum: in eum finem missus D. d'Allegonde: qui cum Harlemū venisset, nominati primum à civibus militiæ præfectis, duplicato numero viii. Consulares, xiv. Scabin. Ex quibus creati novi Coss. Johannes van Vliet, Nicolaus vander Laep, Gerardus Stuyver, Pet. Kies: Scabini, Gul. Adriani, Jacobus Heussen, Cornel. Ryken, Petrus Bal, Nicolaus Matthai, Adrianus à Berckenroode, Mathæus Aug. Steyn. In Senatu majori decem electi, & totidem remoti. Quorum quidam, qui consenserant cum hoste tractandum & petendam veniam, custodiebantur ad tempus privatim in ædibus suis: quorum nomina non obscura, Didericus Ramp, Johannes Zurénus, Hugo Bollius, Sibrandus à Berckenroo, Corn. à Berckenroo thesaurarius, Didericus Jacobi Wy, Joh. Johannis Verwer, Stephanus Theodori zythepsa, Arnoldus Petri Hornanus, Cornelius Duyck, rector Scholæ. Vix ordinata repub. venerunt litteræ Amsterodamo

Anno
 1572.
 10. Dec.
Coss. &
Scabin.
nova
electio.

Frederici expeditionis Sparendamum versus.

damo subsignatæ à Diderico de Vries, & aliis fugitivis, quæ extrema minabantur, ad incutiendum terrorem, & percellendos civium animos, quibus calamitates superventuras obsidione exaggerabant. Lator harum litterarum, rustico cuidam obtruserat, & curandas dederat, qui proditus postea, laqueo strangulatus. Quocirca Don Fredericus ex eo colligens, nec preces, nec minas apud obstinatos homines quicquam valere, non diutius cunctandum ratus, castra ocus movet, ad expeditionem se comparat, præmissis emissariis cum parte exercitus; qui cum Sparendamum appulissent, & aggerem pœne interruptum, & ab utraque parte ligonibus perfossum comperissent, vix uni viro calcabilem, relicto in medio quasi Isthmo: parum absuit quin aquis redundantibus stagnarent vicina pascua. Strato ponticulo, ulterius progressi, duo propugnacula ab utraque parte, tormentis & militibus bene munita de longinquo viderunt, quæ transitum intercludebant ulteriorem: Missis nuntiis qui ista Ferdinando referrent. Atq; ut plenariam ejus rei cognitionem haberet, misit illico Rodrig. de Sapata ad exploranda ea loca, cū ccc. militibus, qui impetu in hostem

facto repulsi, quamvis redintegrato prælio. Ictus tandem Sapata globo ferreo qui partem brachii abstulit cubito tenus. Ita reversus ad suos, retulit Frederico, propugnaculum ab ea parte in accessu, ferocia militum. Tamen movet castra Imperator, ad propugnaculum tendit cum paucis tormentis, non admissio ad deliberandum spatio, capturus in arena consilium. Interim Julianus Romero salutem suorum magis intentus, forte fortuna in rusticos aliquot incidit pontificios, qui viam monstrare versus occidentem, qua aditus pateret per glaciem. Fides habita rusticis, & statim præfectus militum Julianus jussit suos in propugnaculum irrumpere, ea parte qua infirmius. Ita nocte sequenti frigus magis intensum, quod Juliano transitum, & transeundi fiduciam faceret, firmata jam glacie. Ac propterea nihil cunctatus, decimo mensis die, aggerem occupare satagebat, & simul infesta acie à tergo in propugnacula nudata vallo erupit, & magna militum strage occupavit. Harle-
mei éminus videntes urbis propugnaculum in summo discrimine esse, submisere cohortes aliquot subsidiarias, sed prævalente hostium vi, cæsis in loco trecentis (inter quos Martinus Pruys,)

Sparendamum occupatum.

ceteri

ceteri in fugam dati, & juvante glacie, ferro viam aperuere: prælio defatigati, intra urbis mœnia se receperunt. Capto Sparendamo, duæ Wallonum cohortes in præfidiis collocatæ, ad propugnaculi defensionem. *Atque hæc fere sunt quæ obsidionem antecessere.* Porro, dicturus ea quæ toto obsidionis tempore acciderunt, horret animus & contremiscit: *Quis enim funera sando Explicet, aut possit lacrymis æquare dolorem?* Dabis veniam quisquis hæc leges, si verba rebus tam arduis non respondeant.

*Quæ ob-
sidionis
tempore
accide-
rint. II
Dec.
Anno
1572.*

Ferdinandus igitur victoria jam ferocior, non cunctandū ratus, postero die XI, Decembris primo diluculo, præmisit Don Diego de Carvaia: qui cum D. Hispanis sclopetariis, ad urbem appropinquavit, venitque intra teli tormentarii jactum. Milites oppidani, pugnandi studio accensi, erupere, propulsare hostem conati frustraneo impetu, & impari congressu, intra urbis mœnia se recepere. Eo ipso tempore, mutata venti-statione, cumque aer iam paulo clementior, & remittere se frigus visum, quare negotium bellicum accelerandū ratus, ut exercitum suum extra uliginosa loca in sicco haberet, & terra firma, distribuit copias; Hispanorum militum xxxvi cohortes, climati se-

ptentrionali non assuetæ, ante Crucis portam castra posuere: Germanorum xviii. Vexilla ad portam excubabant, ducente signa Comite Oversteinio. Wallo-nes ad occidentem, colles arenarios occubabant sub Noircarmes, Capres & Liques ducibus. Equitum turmæ littus vicisum, & viam quæ Alcmariam ducit interclusere, eo consilio, ut Borealem Hollandiæ partem; ab Australi separarent. Copiis dispositis, redacto in ordinem milite, Don Fredor. oppidanos ad deditionem sollicitari iussit. Nulla habita super ea re deliberatione, responderunt, Fidem Hispanis non habendam, satius judicantes extrema subire, pro aris & focis pugnare, pro patria mortem appetere, quam periclitari Hispanorum fidem. Interim Amstelodamo submissa tormenta ænea, quorum quædam globos explorere 36. 40 & amplius librarum. Inter apparatus bellicum missi quoque stapedes ferrei, ad calcandam glaciem. Ad hæc Ferdinandi pater Dux Albanus submisit 3000. Leodicensium, qui fodinis assueti, & cuniculis subterraneis, quos fere omnes in vallo, aut circa vallum oppressos, observatum. Die xi, & aliquot sequentibus, tam caliginosæ nebulæ fuerunt in su-

perficere terræ, ut ultra urbis
mœnia prospectus non daretur,
& videretur merum chaos: quod
hosti occasionem dedit, impa-
ctis terræ ligonibus, vallum du-
cere, tormenta bellica plantare in
quavis parte, non sentientibus
excubitoribus. Neque oppidani
eam occasionem neglexere, cum
prospicere suis cepere de com-
meatu, & re frumentaria, de
tormentis, de armis, de militum
copiis. Ita ut ante impeditum
commeatum *iv.* millia militum,
tam Germanorum quam Gallo-
rum, Walonum, Anglorum,
Scotorum, in præfidiis oppi-
dani haberent, quibus præfuere
summi duces, quorum nomina
adhuc habemus, *Wybaldus Rip-
perda, Iacobus Steenbachius, Chri-
stophorus Vader, Lambertus Wirten-
bergensis, Matthias Pruys, Christo-
phorus Gunter, Schram Bruynsdy-
censis, Kurey, Vehemy Margottin,
Ardenne, Sobey, Paris, Seminado,
Iaspas Balfour, Mautenault, Man-
doré, Michael.* His accessere Equi-
tum turmae quibus præerat *Gual-
terus* quidam *Enchusannus* cogno-
mine, Delphis oriundus. Ad-
hæc 600. armati cives, qui vir-
tute bellica militibus præfidi-
ariis non cedebant. Erant præte-
rea ad tuendam urbem mille
fossore cuniculares cunuscemo-
di generis. Neque in sequiore

sexu desiderata virtus, 300 mu-
lieres sunt ordinatæ, quæ succul-
tis urbis mœnibus, aggesta terra
succurrerent: Inter quas virilis
audaciæ femina fuit heroina
Renau Simonis filia, ex Hasselario-
rum familia, quæ viros provo-
care ausa, altera *Andromache*,
cui hosti obviam ire ha sta, lan-
cea, bombardæ, Scelopo, indis-
ferens fuit. Tum ipsa civitas in
regiones divisa cuique suæ partes
assignatæ & munia obeunda; quæ
ad munitionem urbis facerent,
diligenter curabant, propugna-
culo potissimum intenti ad Cru-
cis portam, versus Aquilonem
& Cliviæ arcem, quam hospitio
suo Imperator destinavit. Vix
pedem fixerant in hostili solo mi-
lites regii, priusquam vallum
ducerent, iussit ocus *Auriacus*
Lumey comitem de Marque cum *iv.* Equitum turmis & quin-
decim cohortibus, quas *Lugdun-*
ni tumultuarie coëgerat, hosti
obviam ire, nusquam rei bene-
gerendæ occasionem omittere,
locorum opportunitates obser-
vare, loca nemorosa præoccu-
pare. Itaque *Lugduno* profe-
ctus, *Harlemum* tendit, castra
Sassemiæ posuit, inde rumor ad
hostes, per exploratores. Præ-
missæ in occursum copię sub
Bossu, Noirkarmes & Roome-
ro ducibus, cum 70 ferentariis,

& 80.

Milites
præfidi-
arii in
urbem
recepti.
mens.
Ianuar.

Comitis
Lumey
exped.
infelix.
12. De-
cemb.

13 De-
semb.
Anno
1572.

& 80. levis armaturæ equitibus: qui cum ad collem genialem venissent, sistunt gradum; ubi ab utraque parte sese occulta-
bant inter arbuscula & dumeta. Eo ipso tempore cecidit nix alta, quæ prospectum adimebat. In valle Lumey undique septus, hinc sclopis, hinc equitibus impetitus; ex aduersæ infesto agmine milites triarii, qui tanta celeritate, & vehementia in nostros impetum fecere, ut Comiti instruendi aciem tempus non daretur, hinc magna trepidatio, & fugiendi necessitas. Lumey, quod Ducem decuit, inclinata jam acie, animum non despondebat, verum medios in hostes se coniecit, relictis in prælio duobus equis. Signiferi etiam aliquot, inter quos Jacobus Martini, Senatoris in Flandria filius, cum se destitutos viderent à suis, vexillis suis immori, quam fugere maluere. Inde magna strages, cæsi in fuga DC. & amplius, sævitum in captivos atrociter. Baptista à Trier, item Ioh. Kellenæ, altero pede de patibulo suspensi. Non obstante eo, quod Lumey 2000 coronatorum offerret summam in pretium redemptionis. Relicta IV. tormenta bellica, pleraque vexilla, & currus complures, quos secum duxerant ad commeatum:

ab Hispanorum parte vix cæsi XII. Ex eo magna animorum consternatio & trepidatio Harlemi fuit. Hispanis ad suos reversis, triumphus canitur. Ea nostratum sæda clades; Frederico maiora audendi fiduciam, addidit Savire capit in captivos primum: Nam post stragem Lumey, quidam in manus hostium cum incidisset, recisum ejus caput in castra hostium mittebant, addita hac inscriptione, Hic Philippus ille regius, qui ad liberandam urbem militum suorum infelix ductor. Oppidani hac contumelia exacerbat, ut ostenderent, animos suorum tam immani crudelitate nondum concidisse, nocte proxima suspendere 12. captivos recisis XI. capitibus & in dolio convasatis, ea in castra hostium misere deorsum volutando, cum hac inscriptione & sarcasmo militari, Ducem Albanum decimas exegisse ab obfessis, nunc undecimas dare in fœnus. Momordit animum imperatoris tanta contumacia, statim cogitantis de vindicta. Nam 15. Decemb. cum vallum ducere, & collocare in ordinem tormenta, & infestare urbis mœnia cepissent hostes, Ferdinandus victoriam jam tum sibi pollebatur, ita secum ratiocinatus; milites præsidarios tantis co-

Oppugnata
urbs 18.
Decemb.
1572.

piis, impares futuros: de civibus non magnopere laborandum, quibus memoria adhuc recens expugnata & debellata Zutphania, & Nardena calamitas, quibus territi, vel ultro ad deditonem venturos, sibi imaginabatur stulta persuasione. Itaque preparari tormenta iussit 14, quæ simul explodebant ad singulos ictus, & excitare tormentorum tonitrua cepit horrendo boatu, explosis uno die globis ferreis 680. Ferunt, cum pugnam auspicarentur Hispani, fuisse quosdam in castris proscriptos & fugitivos, tanquam latum Pæana canentes, cecinisse hymnum, convitio paximû, *Christus resurrexit, parata jam victoria est, Et mox subacti suplices tendent manus. Sic præda nobis civitas Harl., Laetemur omnes, Kõgis idénov.* Ita ante Victoriæ triumphum cecinere, quippe fatalis ille dies nondum advenerat. Illud autem quod media inter prælia, & tormentorum tonitrua accidit, tam memorabile quam festivum, quod puellæ juveniculæ adhuc, quæ terram portabat ad restauranda urbis mænia, vestimenta quasi abraha globo tormentario, supra nates illæsas: ibi cum staret pudibunda, seminuda, cum esset, & spectaculo civium; ferunt Johan. Vliet virum consularem,

commiseratione puellæ & tegendi pudoris causa, pallium objecisse quo se regeret; ita non nihil consternata domum se contulit. In portam Crucis & D. Johan. maximè sævitum: jam circa meridiem eversæ portæ, dejecta urbis mænia. Inde concursus militum, civium etiam qui fortiter resistere, periculis obvii, qui ruinosis urbis mænibus statim luc currebant ingesta terra, injecto rudere, nocte inprimis, cum murorum ruinas saccis lana infartis, faxis ingentibus, arborum truncis atque adeo omni materia stiparent, munirent Neque hæc unius diei opera, verum in dies singulos resuscitato prælio, mænia urbis infestabant, exoneratis in vesperam usque tormentis sine ulla intermissione. Ita canendi classicum nullus finis aut modus, noctu interdum arma, arma ciebant^{20. Decemb.} Contra oppidani nihil territi, omnem vim propulantes, tormentis, sclopiis, missilibus, mænia urbis defendebant, & plurimos hostium interfecerunt, desideratis civium suorum oppido paucis, xvi. duntaxat aut xvii. Quibus tanta fiducia in armis fuit, ut ultra urbis mænia se dederint deorsum, cadavera intersectorum spoliarent, & Hispanorum exuvias reportarent, captivum etiam adduxerint, jam
tum

tum patibulo destinatum quod futurum Romero prædixerat. Cessante ista oppugnatione, cives alacriores jam facti, ultro sese obtulere, tam juvenes, quam senes, mulieres etiam nuptæ, innuptæ, nullo sexus aut ætatis habito discrimine, qui urbis mœnia cantu obeuntes, ad castrorum loricas incrustandas properabant: producendo vallo usque ad pontem D. Catharinæ intenti, noctis beneficio. Ita cum parum aut nihil proficere se viderent hostes tormentorum violentia, aut prælio redintegrato ad oppugnandum, alia atque alia Ferdinandus excogitavit. Itaque Francisco de Vergas in mandatis datum, ut pontem sterneret subjectis vasis, assumpta cohorte Hispanorum. Dum operi intentus, quamvis glande plumbea ictus, tamen non destitit pontem trajicere in alteram fluminis ripam: ante, retro ternarii stabant in ponte, sumpta audacia vallum expugnandi; verum cum aditus acclivis & præceps, paucis ascendere datum, obviam euntibus oppidanis. Vnus eorum Alphonsus Galeasso comitatus hastatis aliquot, & primipilis, à Duce Steenbachio & sociis ejus paribus armis exceptus, illi aliquandiu stantes conferebant manus, tanquam

si ad monomachiam pedem contulissent. Interea canebat classicum campana, concurrentibus undique oppidanis ibi tum atrox pugna, exoneratis tormentis, globis catenatis, ferramentis minutatim fractis, emissis sclopis in infinitum adversus oppugnatores. Et quod maxime discruciabatur milites Hispanos, ejaculatio carbonum ignitorum, cinerum favillæ olei ferventis, & plumbi liquor, tum circuli orbiculares in flammam dati, & plura id genus, quæ mulierum excogitavit industria. *Fredericus* animadvertens, infelici Marte pugnatum, suorum cladem, nihil remittens de duritia cordis, mandavit recentes cohortes vi coactas redintegrare prælium: qui fecere periculum periculo suo, nequicquam. Tum suadentibus militum præfectis & ducibus, receptum canere suos jussit. Romero qui author fere hujus oppugnationis præcipuus fuerat, male mulctatus, altero lumine orbatus. Oppidani tam cives quam milites, prædæ inhiantes, oppugnatores deorsum lapsos insequiebantur, contemptis hostium tormentis, quæ non intermittebant. Ibi inventa, armorum, hastarum, telorum, scutorum magna copia: ubi cadaverum ingens cumulus, reper-

ti 150 mortui; inter hos Ductorum magna pars, & ex illius familia nobilium, quos longum esset recensere omnes. Trecenti faucii Amstelodamum missi. Vargas ex vulnere obiit, relictus in fossa suburbana, & postridie inde sublatus magno suorum luctu. Contra defensores levem jacturam passi, duntaxat decem aut x i i . desiderabant, plures faucii, inter quos Dux *Steenbachius*, cujus dexteram glans plumbea penetraverat, invicti animi heros, qui dolentibus vicem ejus fociis, magno animo dixit, Nihil periculi commilitones, quam diu cor mihi integrum & illaesum, non destituam vos, dum spiritus hos regit artus. Eodem adhuc vespere, repperunt vivum inter mortuos militem, qui traditur quaestioni: cum secreta hostium revelasset, postridie de patibulo pependit. Atque hic acerrimae & calamitosae oppugnationis, saepius redintegrato praelio, eventus fuit, plane tragicus & funestus; ita ut de virtute & gloria, fuerit ingens contentio; hinc bellum moventibus Hispanis magno spiritu, hinc se tuentibus oppidanis animo invicto. Atque ita potentissimi regis exercitus, qui potentiae suae fama orbem terrarum impleverat, cujus virtuti nulla via visa est invia

repulsam passus, & hereditario ^{Decemb.} dominio exclusus. Obsessi igitur ^{25. An.} rebus feliciter gestis, laetabundi ^{1572.} Deo soli acceptum ferentes miseram hostium stragem, supplicationes decrevere, indicto jejunio. Neque id silentio praereundum videtur, quod eum honorem nostratum ephemerides Duci Steenbachio tribuunt, quod aliquoties pugnam auspicaturus, aut praedium initurus, flexis suis, & suorum genibus ^{Oppu-} opem imploraverit armipotentis ^{gnario.} Dei, regis & vatis maximi exemplo: *Inde distichon Hadriani Jun. Chronologicum: T R V X I V G V L I S I N H I A N S A V I D V S Q V E C R V O R I S I B E R V S, O C C V B A T H A R L E M I, V I N D I C I S i r a d e I. & c.* Et vix intercesserant dies sex, cum novum stratagema rursus excogitarunt infesti hostes, cum nocte media, magna astutia & dexteritate per glarciem ad urbis mœnia contenderent, ubi semiruta D. Johannis porta: inde ulterius progressi tacito pede vallum ascenderant, non sentientibus excubitoribus, ad terrorem nyctis & lineis tunicis super induti, urbem infestarunt, & oppugnarunt victoriae proximi; neque unquam alias durante obsidione in majori discrimine civitas fuit, & non sine periculo oc-

cupandæ urbis : verum detectis hostium insidiis , excitato ingenti clamore , canente classicum campana , 60 duntaxat viris stantibus in statione , pauci quamvis , tanto tamen ardore animi atque impetu irruerunt , ut hostem sisterent , ut victoria frustrati retro cederent . Hinc civium pariter & militum concursus , qui tanta animi concitatione irruerunt jam recentes , ut hostem propugnaculo expellerent , & in fugam verterent , insecuti ad portam Crucis , ubi propugnaculum alterum occuparant , suffossum cuniculis subterraneis , quod hac occasione subiecto igne & pulvere tormentario funditus evertere , volantibus in cælum scintillis , & corporum semiuultu-lorum partibus , & membris . Ita cessante oppugnatione fuga dilapsi reliqui . Difficile dictu , quam strenuè se gesserint cives & pariter milites , quanta violentia sese hostibus opposuerint periculis obvii . Nec desiderata in mulieribus virtus mascula , quæ fixis , tædis , & circulis orbiculatis pice illitis hostem excipiebant . Inter has virilis audaciæ fæmina Kenau Simonis filia annorum circiter 46 . quæ armorum aut tormentorum strepitu nihil consternata , sæpe in prima acie stetit : illa virago viri , hostem

provocare ausa , hasta , gladio , sclopo . Jam verò ut de clade hostium aliquid dicam , turpis fuga , miseranda strages , quippe cecidere in hoc prælio & conflictu militum , præcipua capita , nobiles & illustres viri , ex quavis natione , adhuc interfecti ccc . milites veterani , præter faucios , vix numerabiles ; cum oppidani (fidem superat) vix decem suorum desiderarent , inter quos Dux militum Lambertus Wirtenburgenfis , qui glande plumbea ictus , non ita multo post facto concessit , fidem testatus erga cives , extremo spiritu . Et cum laudanda etiam in hoste virtus , Illud imprimis memorabile , & dignum quod historiæ inferatur , posteris in exemplum , quod Ferdinandus d' Avolos de Guadala-fara , reversus è prælio , usque ad loricam interiorem , forte circumspectans desideravit fratrem Joh. de Zuniga . Ille assumpto ocus clypeo , sumpta audacia retrò cessit ad urbis mænia , & susque deque habens scloporum ictus , glandes plumbeas , volutabat cadavera , invenit quem quærebat vivum adhuc & spirantem , sed graviter vulneratum , glande plumbea & ruina sulphurea . Exutis armis in humeros sustulit , secum asportans carum onus , quantum potuit festinavit

ad suos ; & quamvis in via ictus glande plumbea, tamen non con-
quievit , priusquam carum illud
pignus , apud Deos tutelares de-
poneret. Don *Fredericus* fratrum
pietatem admiratus , curam ip-
sorū habuit , & curandos dedit.
Durante hoc prælio ad portam
Schalevicensem appulerunt cxxx
trahæ cum omni comœatu sub
ductu ccc. ferentariorū & cir-
citer lxx. equitū , comitante
Gualthero Enchusano Delphenſi
Equitū magistro.

Consternati nonnihil hac cla-
de Hispani , consilia inibant ,
quid factū opus. Multi magna-
tum inter eos iudicabant castra
deserenda , solvendam obsidio-
nem, quæ molesta & ærumnosa,
propter brumæ frigora , & mi-
litum bellicosorum virtutem, qui
animo invicti , gloriæ intenti,
acerrime urbis mœnia defende-
rent supra fidem. Atque id maxi-
me admiratione dignum sibi vi-
deri dictitabant , quod oppi-
dani tam exiguis copiis , tantum
exercitum sustinere , redintegra-
to toties prælio, potuissent. Mul-
ti (quorum etiam potior senten-
tia) in ea erant opinione, urbem
eam inex pugnabilem esse ,
quamdiu à meridionali plaga la-
cus navigantibus pateret , sub-
mittendo comœatu, frumento,
atque adeo omni apparatu belli-

co, quæ omnia moram obsidioni
facerent. Adhæc militare pro-
adversariis hyemis incommoda,
hiberna frigora , aëris inclemen-
tiam , quibus milites hibernan-
tes in tuguriis , sub dio excuban-
tes , sæpe otio torpentes conta-
bescunt , cæteris acclamantibus
libera voce dixere. Verum *Don
Frederico* longe alia sententia fuit,
qui sese omnium suffragiis op-
posuit quantum potuit, quod di-
versum ab his à patre Albano in
mandatis haberet. Indicans pa-
rum illud futurum ex honore
gentis suæ , quæ potentia & vir-
tutis bellicæ gloria terrarum or-
bem impleverant : Nec sine pe-
riculo esse dixit , quin aliæ civi-
tates quæ defecerant à fide , in
exemplum traherent , audacio-
res in posterum futuræ. Albanus
interim de militum suorum in-
tentione edoctus, misit ocuis lit-
teras per Don Barnardinum de
Mendoza , ad filium suum *Fre-
dericum*, quibus seriò hortatus, ne
urbem desereret , priusquam vi-
cepisset , comminatus etiam si
aliter aut secus fecisset , se non
habiturum eum pro filio : Et si
forte filio suo *Frederico* humani
aliquid accidisset , se ipsum ven-
turum , & in obsidione obdura-
turum , usque dum civitatem sub-
jugum mitteret; pollicitus etiam
se novas Hispanorum copias au-
xili-

xiliares missurum. Quocirca ab universo ordine militari, decretum tandem fuit unanimi consensu; se in obsidione ista obduraturos, atque omnem inediam, pericula, incommoda castrensis, & frigoris molestias patienter laturos, & toleraturos quævis aspera atque adversa, spe gloriæ, & gratiæ ineundæ apud regem suum. Exfuscitatis militum animis, & spe gloriæ erectis, *Don Fredericus* de militum suorum masculino decreto, de belli statu de urbis obsidione patrem Albanum certiorum facit, qui sine ulla cunctatione *Don Barnardinum* spectatæ fidei virum in Hispaniam misit, ut Philippo Hispaniarum regi, rerum Belgarum statum renuntiaret: qui post septimanas sex, accelerato itinere reversus est; magnam pecuniæ vim secum adferens, renuntiabat 25 Hispanorum cohortes, in subsidium venturas in Belgicam inferiorem, quas vicerex Castiliæ tum temporis gubernator Mediolani, regis mandato mitteret. Interea jam tum in animo habebat, quod consultum maxime videbatur, statum belli, & obsidionis modum immutare, cum nulla aut certe exigua spes superesset, expugnandæ urbis. Itaque hæc animo agitabat, ut commectus inopia, & fa-

me exhaustos, ad extremas angustias redigeret, & tandem sub jugum mitteret cogente necessitate. Atque in eum finem omnia consilia & machinationes convertit, ut lacum Harlemeum intercluderet, & omnem aditum adimeret, postea civitatem in potestatem suam venturam vel ultrò arbitrabatur. Nihilominus *Don Fredericus*, non destitit urbis mœnia infestare, ut si qua parte ruinosa deprehenderet & caduca, in ea impetum facerent milites. Verum oppugnatio ista iterata sæpius sine successu, minus perculit civium animos, & tormentorum tonitrua parum profuere adversus intrepidos. Crevit interim oppidanis audacia major indies: inde variæ eruptiones in hostium castra, vel aperto Marte, vel insidiis positis noctu, interdiu: milites excurrere jam assueti, & prædæ intenti, fere ex rapto vivebant, nunquam quieti: nunc Schaldevicensi, nunc Zylensi, nonnunquam Sparwoudana porta clam egressi, castris, pulsus extra vallum hostibus, gladio & igne impune grassantes, milites gregarios, antesignanos & signiferos captivos abduxerunt. Adhæc spoliis opimis, armis, gladiis, loriceis, & omni telorum genere onusti, victoriam reportabant; quonon-

De lacu occup. consilia.

Eruptiones oppidan. var.

Don Barnardinus in Hispan. missus.

parum exacerbati hostium animi, cupiditate vindictæ. Nec deerant qui militum animos & civium ad virtutem accenderent, D. Allegondius inprimis: qui incuntis anni auspiciis 1. *Januarii* die aliquandiu moratus Harlemi cum esset, inspectante hoste & frustra obnitante, comitatus selecta Wallonum militum manu discessit, quo die, quod abominabile maxime quibusdam visum, à reformatis concio habitata in templo D. Bayonis. Ita ut omnia fusque deque ferre oppidani, inprimis milites præsidarii jam viderentur, sacra, profana promiscue haberent. Quo tempore etiam cives vigiliis sublevati, qui à primò oblidionis tempore, noctes & dies excubias egerant, manifesto securitatis argumento Quo commoti hostes rursus extrema minabantur: Ita recruduit aliquando Hispanor. sæ vitia atque indignatio, ut nunc pugnas cierent, nunc urbem tormentis infestarent, & globorum turbine percellerent oppidanos; nunc classica canerent, in armis starent, aciem instruerent, quasi cum hoste mox dimicaturi. Nonnunquam etiam toto impetu irruentes expugnare muros ambiunt. Verum potiundæ urbis spes maxima Hispanis fuit, *cum* factò in propugnaculum impetu, sub-

latis in altum vexillis mœnia ur-
bis conscenderent, nec quem-
quam viderent qui excubias age-
ret. Victoriâ non tantum pol-
licebantur sibi, sed quasi jam par-
tam, canebant. Et simul erum-
pentibus militibus qui in statio-
ne erant fusi fugatique omnes.
Quod hostem momordit tacito
dolore. Surgebant animi nostra-
tium, & jam animosiores ali-
quanto, juvante fortuna, quod
indies subsidia haberent quotidi-
ana, trahis primum, & cessante
glacie navibus, cum lacus navi-
gabilis; tum commeatus abun-
dantiam, rei frumentariæ uberem
messẽ, tormenta magni pon-
deris, & pulveris tormentarii
magnam copiam. Adhæc novæ
semper & recentes militum co-
hortes, cum suis ducibus, quos
Pater patriæ Auriacus submisit
fortes, & rei militaris peritos. Ita
nulla fere septimana abiit, du-
rante obsidionis initio, medio,
qua non milites auxiliares venere,
& ut Ephemerides nostratum
habent, Januarii primum die v.
una militum cohors sub ducẽ
Mandarys. Et rursus ex ii Wa-
lonum cohors altera, ducente
Ordinem Gasparo quodam, qui
fugitivus à Duce Albano in par-
tes Principis Auriaci transferat.
Item x. Januarii missæ à D. Ba-
rone Baetenburgio, qui Salsmiæ
castra

castra habebat, copiarum auxiliares Anglorum, Scotorum, Germanorum, Walonum, verum infaustis avibus, quorum seducti caliginosa nebula devii in colles arenarios quidam inciderunt, quidam Amsterodamum, quidam ad castra hostium delati. Id cum rescisset Magistratus, facem de specula suspendi iussit, & campanæ sonum dari ad portam proximam: ita multi intra urbis mœnia recepti hospites. Et XI. Ianuarii militum cohors submissa, sub duce Casparo. Circa ea tempora nostratum milites *Ianu. xiv.* erupere extra portam flumentanam Schalvicensem adversus Germanos, qui in Quietis-arce castrametabantur, ubi plerisque interfecerunt, uno duntaxat vexillo, & duobus tympanis asportatis. Atque hæc quidem quotidianæ velitationes, magnam hominum stragem dabant: Pauci captivi hinc inde patibulum effugiebant. Sed 15 Ianuarii rursus alii DC. milites missi, verum illi cum ad hostium castra propius accederent imprudentes, dissipati omnes & fugati. Et quo plures indies acciderent calamitates, & plures strages datæ, eo magis sibi incumbendum rati Hispani extrema tentare, vel aperto Marte, vel dolo, aut fodinis subterraneis, quibus oppi-

dani ita obviam ibant, ut sæpe hostem anteverterent, subiecto igne, quo terribile spectaculum darent, in altum volantibus capitibus, pedibus semijustulatis. Sed cum adversarii observassent parum se proficere per indirectum, destitit tandem incepto, suadente Bartholomæo Campocassi, recta via ad mœnia eundum ratus, & porticus ducunt bene compactis trabibus, & his superinduxere saccos terra infartos, ea altitudine, ut tuti irent, tanquam sub tabulato: & cum jam fossis urbem ambientibus appropinquarent, porticus bivio divaricabant, ut in oppositum vallum magis sævirent, tormentorum duplicato ordine. Ita bellatorum studia atque opera magis indies fervebant. Et eo usque res deducta, ut non solum bombardis & sclopis, sed hastis, & gladiis cominus, de terræ minima portiuncula inter se decertarent. Oppidani cum animadvertissent propugnaculum periclitari, nec defendi posse sine internecione hominum & militum clade. Consilia cepere retrorsum intra urbis mœnia semilunare vallum ex quamvis materia congestum ducere: ab occidente circa fossam corvinam, ad orientem portam usque D. Johannis, inclusis antiquis urbis mœnibus, facta cir-

cumvallationis clausula hinc inde. Præterea ex ipsa Crucis porta turratam molem, vimine, terra, fimo congelatam, trabibus contignatam, in formam cratis redegerunt. Huic operi incumbabant quotquot erant, absque sexus, ætatis aut personarum discrimine, non nescii quantum in hoc opere pere perficiendo momenti positum, divites, pauperes, pueri, senes, viri, sæminæ, cives, milites, duces denique & urbis consules. Cum vallum jam satis munitum videretur, reliquere munimentum nostrates, occuparunt Hispani, porta tandem victoria: tum ulterius progrediendi potestate data, impactis terræ ligonibus, portæ Crucis fundamenta petebant. Oppidani non parum consternati, hesi tantes quid facturi, cum nec impedire fossiles subterraneos à tergo aut latere possent, nec labefactare urbis mœnia vellent, suffossa tetra: decrevere novo commento superjectis molibus plumbeis, saxorum & silicium immenso pondere, fodinas obterere & cunicularios fossiles opprimere. Atque hæc status urbis nostræ fuit æceps & periculi plenus, de quo certiores faciendum Auriacum, urbis proceres censuere. Quare Adriarum de Berckenroo Scabinum, mandatis instructum dimiserunt: qui porta Schalfvicensi egressus,

sub ductu d. c. ferentiariorum, & equitibus aliquot, obvios hostes habuit, qui numero plures impetum in oppidanos fecerunt acerrimum. Nihilominus sese expediebat loci opportunitate, & suorum virtute, qui pœne c. hostium interfectis elapsi parva suorum strage. Non ita multo post primo diluculo d. c. *eruptionem fecere Germani, ea intentione ut Hispanorum castra ex improvviso adorirentur, & tormentorum usum impactis clavis ferreis tollerent.* Ab altera parte Walones quoque D. Catharinæ porta egressi, eruptionis Germanicæ consilii, Hispanos à tergo invadere & lacessere satagebant: sed nebula prospectum adimente, conatu irrito retrocesserunt, ad suos reversi. Nec quiescebant hostes, novo commento intenti, qui id dabant operam, ut tormentorum violentiam magis oppidani persentiscerent: erigebant in propugnaculo à nostratibus relicto, planam aream subiectis saccis aliquot arenosis, quibus tanquam theatro impoliere duntaxat unum tormentum bellicum, quo non tantum vallum proximum labefactarent, sed omnem aditum adimerent, domos, templa, instarent, quasi tacta Jovis ignibus. Turris quoque D. Iohannis, globis nullilibus ita perforata, ut rui-

Liere ad Princip.

ruinam minari videretur. Id metu-
tentes oppidani, turrim demo-
liti sunt. Tum novum illud mu-
nimentum, acerrime quoque
oppugnatum; ut consilia cape-
rent de agendis cuniculis sub-
terraneis, & cogente necessitate,
subjecto pulvere tormentario,
vallo funditus evertendo. Dein
in civium & militum oppidano-
rum solatia lxx. trahæ appule-
re, onustæ omni commeatu, &
pulvere tormentario, & cum
iis cccc. milites fortissimi qui-
que, Angli, Scoti, Walones, sub
ductu Seminado, Balfour, & Mar-
gottin, qui prætorix cohortis
dux; quo refocillati nonnihil ci-
vium animi. Quo tempore tem-
plum Gangolphi stabulo desti-
natum & equis alendis. Et jam
fama pervenerat ad vicinas &
amicas civitates, quam gravia
passi cives miseri: Itaque com-
miseratione tacti Delphenfes, Lu-
gdunenfes, Goudani, per litteras
obfessos certiores fecerunt Har-
lemeos, sese ex animo dolere mi-
seram suorum sortem, commo-
tis intimis ex malorum recorda-
tione visceribus, ac proinde om-
nem opem auxiliarem offerre, &
se paratos dicere, ad recipiendam
imbellem turbam, pueros, senes,
aniculas, mulieres valetudinari-
as, polliciti se eos tanquam
in Prytaneo habituros, & ali-

mentum de suo duros. Verum
Harlemei admirati affectum i-
stum perbenignum & pietatem
singularem in suos, obstante ve-
recundia recusabant, sive quod
adhuc usui esse possent, sive
quod nimis durum videretur,
patres senio confectos, matres
viduas, liberos orphanos dimit-
tere; malle se ad parsimoniam
legem ponere rei frumentariæ,
quod & factum 3. Feb. & fraudare
genium suum, quam ex libe-
ralitate vicinorum suorum vive-
re. Nec ita multo post legem fru-
mentariam tulere, & posuere
modum consumptioni frumen-
ti, carnibus etiam pretio posito
satis civili. Et ne omnino ani-
mū desponderent, venerunt itidem
milites dcc. alii Feb. 19. ducente
naves Christophoro Gunter. Et
postea cohortes duæ Anglicanæ,
& tres Gallorum, qui non ita
multo post iterum discessere,
quorum opera non erat opus, re-
dundante militum copia, pre-
mente aliquo modo inedia. Ab
altera parte hosti deesse nihil
potuit, durante hactenus obsidi-
one, propter vicinum horreum
& armamentarium. Militum e-
tiam promissæ copix appulerant
in castra hostium, initio mensis
Martii adventante vere, primum
decem naves, deinde complures
aliæ, quæ Hispanorum copias
inge-

ingentes advexerē, gratante exercitu, quibus in spem erecti potiunda urbis. Nec ita multo post sustulere animos castrenses Hispanorum adventu, & jam audaciores facti pugnam denud ciebant, & instructa acie prope hierocomium eduxere suos, erant xxiv. cohortes, quasi urbem oppugnaturæ, quibus in animo erat, propugnaculum urbis subiecto pulvere tormentario funditus evertere, quod & factum, citra ullum civitatis damnum aut periculum alicujus, excepto uno tympanista, qui quasi fulmine ictus interiit. Cæterum cum tormenta bellica, & machinæ bellicæ, aut fodinæ subterraneæ parum prodesse, de lacu occupando consilia ineunt. Delegatus ad id negotium satis arduum Comes de Bossu. Ac primum quidem Amstelodamenses par-

Ad lacū occupandum missus Bossu.

vam triremem, cum v. navibus aliis, per emissarium Sparnæ adjacens præmiserunt, ibi conati viam inferiorem & paludosam perfodere prope tractum obolarem, & ita tandem ad lacum penetrare. Verum triremis una & naves aliquot Harlemæ cursum impedivere. Non ita multo post reversi magis expediti, redintegrato prælio, lacum petebant, sed triremi una Harlemiana, & pontonibus aliquot, pulsi fugatique

relieto uno navigio oblongo, immisso igne: milites quos secum habebat, plerique omnes cæsi & interfecti, eliqui suspensi ad Fui-cæ palustria. Cum hæc parum feliciter succederent, facto jam aliquoties periculo, excogitare medium & remedium aliud. Nam cum Maximilianus Comes Bosluus, suffosso ad sacram viam, trajecto, statim naves aliquot veliferæ, cursum dirigunt ad lacum proximum: quo cum pervenissent, obvios habuere Harlemos: qui parum circumspæcti non servato classico ordine in manus hostium incidere, qui ingentem triremem pedum lxxx. cingentibus iv. aut v. Amstelodamensium navibus, tandem cedere: Gerardus de Iong. Navarchus, *capte triremis præfectus*, graviter vulneratus, navigio actuario evasit. Verum superveniente Iacobo Antonii, classē reliquam secum ducens, Amstelodamenses in fugam vertit, vindicata rursus triremi, & expugnata corbita, socios navales omnes & milites interfecere, exceptis pauculis, nempe *Roscoti* Lovaniensī nobili, & duobus aliis captivis. Ita aperta per lacum via, commeatus ubertas & omnis apparatus bellicus, trahis prius, nunc navibus asportabatur, affluente rerum copia. Et quoties afflu-

*In lacu
Pugna
navalis
feb. 2. 6.*

Amstelodamenses, prohibere illud vellent, male mulctati. Atque hæc oppidanis expeditione via fuit, quam terrestris, propter prætenturas crebriores in via. Albanus interim, re infeliciter ad lacum gesta, magno curarum fluctuabat æstu, desperationi proximus, & pœne jam omni spe destitutus expugnandæ urbis; sensit deesse copias militares, & laborare suos militum penuria, cum vias atque omnem aditum intercludere non possent terra & aqua. Quare ad filium *Fredericum* cohortem millenariam Polwyleri misit, & cohortes Siculas auxiliares: iussit insuper Mandragon 14 vexilla militum suorum eodem mitteret. Nec defecere Harlemensibus animi, nec alacritate adhuc cedebant castrensis, qui eruptiones quotidianas in hostem fecerunt: Ita ut aliquoties sex aut septem in locis simul velarentur, & prælia accenderent, cruento Marte. Germani qui in nemore (quod frigoris impatientia pœne igne consumperant) maxime impetebantur, qui & numero pauciores, & remotiora ab Hispanorum castris castris haberent. Inter alias nostratiû eruptio nes, maxime memorabilis ea fuit, qua oppidani tam cives quam milites tentandi hostis causa, erupere vel mille, tormenta bellica non

expavescerent, sed occupatis iis, castris in fugam verterent, & munitiones everterent, incensis vel 600. militum tuguriis. Eo ipso die cæsi hostium 6000. vix relictis 14. suorum, inter quos unus fuit *Derdindeus* Belga, ductor Ordinum strenuus. Insignis ista militum victoria, qua secum abducebant opimam prædam, leviora tormenta, dracones aheneos, 14. vexilla, præter pulveris tormentarii magnam copiam; adhuc arma, vestimenta, chlamydes, 30 equos, jumenta complura, adhuc divitem prædam, ex auro & argento pateras, cyathos, annulos. Verum oppidani tanta Victoria male usi, quippe ferociores jam (cum inauditum plane, cives tam arctè obsessos, tormenta hostilia comportare) supra urbis mœnia terræ aliquantulum congerserunt in formam tumuli, cui imposuere capta ab hoste vexilla, insultantes obsessores mordaci scommate, videlicet Harlemum Hispanorum tumultum futurum. Inter hæc certamina, excelluit virtus bellica *Ducis Curey*, qui natione Gallus, indole mansuetus, sed incensus Hispanorum tyrannide, militiam secutus naturæ ejus plane contrariam. Ille cum suos in hostem duceret, pro more habebat sine armis (galea excepta)

*Virtus
bellica
Ducis
Curey.*

Mart.

20.

*Eruptio
nostrat.
memorabilis.*

Xiphomacharam gerere, quæ longe, lateque terribiliter grassabatur, & eadem horrendam committebat, terror hostium. Reversus à clade, animo sedato magis, cessante rabie, lecto statim decubuit, & æger dolore animi, & cum dies aliquot decumberet, miseratus dicitur, humani generis sortem, cum se cum expenderet miserrimam humani sanguinis effusionem. Cum *Comes de Boffu*, mense jam Martii, dicto per aggerem perfossum, circa domum *Cervinam* quam, vocant, naves xxxiii. & triremes vii. in lacum cum suis deduxisset, & munimentum ad palustria *Fuichii*, in receptum & refugium ducere cum cepisset. *Petrus Theodori Hasselarius* xvi. annorum juvenis (filius fratris *Kenau*, *Heroinæ* jam dictæ) is cum fratre majore *Nicolao Hasselario*, atque aliis civibus spectatæ virtutis, instructa ad pugnam triremi, hosti obviam ire, & præoccupare locum prope *Fuyckiam* satagebant. Sed cum comperissent, vallum jam inchoatum, & defensioni proximum, prohibiti etiam retrocedere, sequentibus à tergo navibus; coacti vela vertere & cursum instituere *Kagam* versus, ubi statio navium nostratum, quæ missæ à Principe. Præterea alia atque alia mu-

nimenta erant in ripa lacus: Ita ut jam haberent stationes suas, pœne in singulis campis circumfluis. Ut nemini transitus daretur absque te vitæ periculo. Nihilominus obsessi sub defensione munitionum suarum, vaccas habere in pascuis, extra portam *Sparwoudinam*, *zylensem* & *Schalevicensem* pœne ad finem obsidionis, atque adeo jam urgente fame. Et si quando *Hispâni* prædæ inhiantes abducere pascuis subarbanis armenta vellent, non sine multo sanguine potuere, quippe quod plures milites sæpe relinquerent, quam pecudes abigerent. Et cum duos pontes trans *Sparnam* trajecissent hostes, alterum *Sparendamum* versus, circa nemus alterum; ut interrupto eo, viam sibi ad lacum haberent. *Oppidani*, quartam jam triremem adornabant, cum xii aliis navibus *Binchorstio* & *Manreginaldo Ducibus* V. Id. April. Verum adversante vento, & mole triremis impediti, quæ propter angustias circummagi, aut obliquare sinum non potuit, erat enim rostrata triremis immensæ magnitudinis, longa cviii. pedes, tandem in vadosa loca incidit illisque vadis. Ita cogente necessitate relictis navibus, præcipiti fuga petunt milites & clastarii urbis mœnia. In tanto discrimi-

In
Mart.

Nostrium
clades in
lacu.

crimine positis, affulsit ista felicitas, ut copiae dissipatae ope ceterorum militum qui eruperant in occursum, vindicati essent manu hostium, plerique omnes hospites redirent. Ita retro fere abire omnia jam visa, ut jam magis metuerent famem, quam hostem: Lacu intercluso, annonae difficultas: Praeterea necessitas docuit, quae ingeniosa ad excogitandas novas artes, novum commentum, quo columbos tabellarios facerent, ab omni antiquitate excogitatum à D. Bruto in obsidione Mutinensi, idque eo consilio, ut tabellarios emissarios, necessitate redeundi liberarent. Sed quoniam subinde per inane volantes columbi, glande plumbea icti in terram caderent, scrupulum movit Principi Auriaco, arcana reipublicae & maximi momenti negotia caducae volucris committere; Ita ut non parum laboraret de fidis tabellariis. Hassellarius, qui eo ipso tempore Lugduni cum esset, tactus desiderio consanguineorum suorum, quos Harlemi habebat, viatici inops, & omnino destitutus subsidio pastoris alicujus, de quo mater ipsius bene merita, quod eum saepe hospitio perbenigne exceperet: quid facit? Principis delegatis operam obtulit constanti vultu; nec abhorrire se dixit ab officio isto litterario.

Hassellarii fides.

Sed quoniam periculosum id esset, petierunt, ut si forte incideret in manus hostium (avertat Deus) litteras quas secum asportaret, plumbeae thecae inclusas, Glaucum mandaret palustri, dein sibi manus inferret, priusquam per tormenta extorquerent, ubi litterae laterent. Et quamvis res dura & periculi plena, quae percellere viri etiam fortissimi animum posset, tamen dato gravi juramento, accepit conditionem, itineri sese accinxit, partim terra, partim aqua per hostium custodias natando emerfit, & tam sancte commissum (ducente Deo) executus est. Litterae fere hujus argumenti.

PRINCEPS AVRANTIÆ COMES DE NASSOV &c. D. & BARO IN BREDÀ, DIEST. &c. *Nobilissime. Cum milites nostri, qui Bure in praesidiis, incidissent in tabellarium, quem è castris hostium venientem litteris onustum, exuissent & spoliassent; opere pretium visum fuit apographum litterarum ad Tseraes mittere, addito hoc mandato, ut tibi communicare eas velit, ut ex eo scire possis, quae hostium machinationes & stratagemata, & quanti faciant tuam illam virtutem heroicam: Ita ut nullus dubitem, quin omnes, qui una tecum belli socii alacriores sint futuri resuscitatis animis. Confido te non defuturum partibus tuis. Nos operam dabimus, quan-*

tum in nobis erit, ut commeatum & pulveris tormentarii copiam propediem habeatis; ita me amet & juvet Deus, cujus tutela te tuaque omnia commendo. Datum Delphis Anno 1573.

Non ita multo post naves Auriaci, sub aspectum venire è regione Schalevici: Et conspectis eminus velis oppidani, eruptionem fecere vel octingenti milites, cives etiam, ut à tergo hostem caderent, si classem terra prohiberet. Sed cum è Sparna fossam duxissent, ad Fuyckij loca palustria, & magnas juxta copias haberent. Facile ex eo colligere potuere, urbis liberationem ab ea parte non quærendam. Tamen non ita multo post, relictis viribus supra Heemsteedum, exposuere nostrates bis mille viros militares, sed infelici successu, quia oppidani non satis tempestive urbe egressi, ac proinde castus labor. Molestia hujus seu erroris seu infortunii, afflixit animum generosi Ducis Balfour, qui jam tum in animo proposuerat jacturam opportuniore expeditione reparare. Nec diu moratus, expeditis copiis insequenti nocte, candidis stolis superindutis, porta Schalevicensi erumpentes, in arcem Quietis, interfectis omnibus, præsidio relicto, iv. vexilla hostium reportabant. Hispani postero die flagra-

bant studio recuperandæ arcis, sed magna suorum clade repulsi. Vix biduum intercesserat, cum redintegrato prælio arcem oppugnarent irritò conatu. Eodem fere tempore oppidani sodinam subterraneam funditus evertère subjecto igne, in Hispanorum perniciem, qua ita exacerbati, ut xviii. maximi ponderis tormenta in oppidanos simul exonerarent, parva nostratium strage, sublato uno, aut altero è numero viventium. At die postero in acie cecidit, non sine dolore suorum, Margotti in fulmen Martis, prætoris cohortis ductor. Inter has

Pecuniarum inopia. mense Aprilis, pridie Maji.

concertationes & prælia hinc inde, Harlemi inter alias angustias pecuniarum inopia laborabant, & quamvis jus monetæ excudendæ non haberent, tamen nummos signabant ex puro argento, excedente materiam pretio, ab altera parte Harlemi insignia, stellarum quadriga, districtus ensis: à parte altera dictum illud bracteatum, VICIT VIM VIRTVS. Interim Don Fredericus certior factus, pacto jam pacis fædere, inter Angliæ reginam, & Hispaniarum regem, principio mensis maji, proclamari per totum exercitum jussit, nihil jam auxilii oppidanis expectandum ab Elyzabetha regina Angliæ, ut suis animos adderet, oppidanos per-

Rei ci-
harie
inopia.

percelleret, & consternaret. Non tamen animum despondere oppidani, sed cogitare de mediis cepere, quibus sublevare annonam possent, habita inquisitione rei frumentariæ inprimis, quam referebant in tabulis publicas, & viritum singulis in diem, panis libra attributa, sæminis semilibra, liberis triens, pueris & ancillis libra hordeacea; & pretium cerevisiæ positum, in vasa singula unius floreni. Crevit interim omnium rerum inopia, & urgente jam necessitate indies majori, ut aliquantum farinæ & pulveris tormentarii acciperent, extremæ audaciæ hominum opera utebantur, quibus linea tantum vestimenta, pendente de cervice sacco, de cingulo sclopiis geminis, conto ab humeris. Ita saltuatim per agros interruptos, per medios hostes excubias agentes penetrabant, quos aut declinabant, aut nonnunquam ex improvviso adorti interfecerunt. Hispani simili stratagemate usi, positis insidiis quosdam assecuti, eos suspendebant, laqueo collo impacto, quosdam crudeli morte peremerunt, altero pede pendulos, de patibulo, conspicuos è pluteo eminentiori. Quod defensores partim assiduitate ærumnarum exacerbati, partim indignitate rei, & doloris impatientia, non

Favor
militum
Maii.
27.

ferendum rati, exarsere in vindictam abominabilem. Et erecto in vallo civitatis patibulo, decerpente excurrunt, ad mœnia rapiunt *Quirinum Theodori*, qui consul fuerat Anno 1570. & *Lambertum Jacobi*, magistros, & viros consulares qui multo ante ex suspitione duntaxat aliqua mali, custodiæ dati, hos in crucem adigunt: Præterea *Adrianum Groeneveen*, civem Harlemæum, qui in prælio captus, partes Hispanorum secutus, frustra intercedentibus viris magnis & Senatoribus, consule inprimis qui sese opposuit; sed surdis cecinit, quod nec justitiæ, nec æquitati locum darent, quod rationis aut humanitatis nihil pensi haberent. Nilominus pergunt in incepto tyrannidis, suspensis adhuc v. militibus, uno sacerdote, & adolescentulo, qui vix ex ephebis excesserat. Et quod deplorandum maxime, juxta aderant, uxor Quirini & filia ejus, quæ virgo Vestalis votum virginitati fecerat; quæ doloris impatientia in rabiem versæ, sparsis per colla capillis, & tunicæ pectora palmis, sublati in cælum oculis, immanem tyrannidem execratæ, Deum è cælo vindicem invocant. Quæ dum lamentationum & execrationum finem non facerent, tandem matrem & filiam lapidi-

*De lacu
certamē.*

bus obruerunt, & in fossam deturbarunt ubi & suffocate Deum atque homines nequicquam obtestatē visu miserabile. Atq; adeo militum furor intantum exarsit, ut sacra, profana promiscuē haberent, eō progressi, ut sanctorum statuas ē templis tollerent, & abiicerent ad solidandā urbis mænia, tormentis exposita. Ita se mutuo irritabant, & convitiis incessebant, nunquam quieti, nunc aperto Marte, ad pugnam provocabant, nunc dolo insidias parabant, nunc fodinis subterraneis subiecto igne evertendis, exitum utrimque machinabantur. Interea dum negotium oppidanis facesserent indies hostes, de lacu occupando certamen ingens: Namque ut Hispani navibus lacum intercludere conati sapius, ducente Bossu: Ita nihil intentatum reliquere nostratum Duces, ut aditum ad lacum haberent. Namque hinc Sonoy, perfodiendo aggeri intentus, & ducendis munimentis, ut viam sibi ad lacū aperiret: hinc Batenburg, qui post velitationes aliquot, eo rem deduxit, ut vallum duceret prope *Templum vetus* vulgo Ouwerkerc *νεωπαλαιόν* dictum: verum obnitentibus semper Amstelodamensibus, qui triremes quinque, & naves complures habebant, irrito conatu. Gliscbat interim in civi-

Rei frumentarie maior inopia.

tate angustia, atque adeo iam omnium rerum inopia, rei cibariæ, pulveris tormentarii, pecuniæ. Inde ædiles Cereales constituti, qui annonæ legem ponerent: frumentum militibus reservandum, imbelli turbæ byne & hordeum relinquendum, spem vultu simulantes, sed prementes altū corde dolorem. Rumor iste ad hostium castra pervenit, qui obsessis illudebant, & exprobrabant, rerum omnium inopiam, nec panis, nec vini quicquam superesse. Oppidani nihil remittentes de solita alacritate, ientaculum mittebant in castra hostium extra portam Zylensem. Pecuniæ deerant ad stipendia militum: Ita denuō moneta argentea excusa, quæ valebat x, aut xx. stuferos, superante materiam pretio. Circa hæc tempora civitatis incolæ numerati, levandæ annonæ causa:

Mulieres, liberi utriusq; sexus, 15865.

Viri armis apti, bellicosi, 1836.

Wall., Galli, Angli, Scoti, &c. 1215.

German. Belgæ, Austriaci, 1856.

Summa totalis 20772.

Deficiente igitur commeatu, pecunia quæ nervus belli; obmurmurare stolidum vulgus, & fex populi turbas ciere cepit: Sed delinibant eorum animos urbis proceres, promissis divites, & literis Principis omnia bona pollicentibus, quibus pacati nonnihil

*Maii
28.*

*Vulgi
commot.
deficiente
re cibaria
pecunia.*

hil acquiescebant. Atque ut fidem dictis haberent, obviam iis ivit Magistratus, promisitque civibus atque indulgit, ut sex Tribunos eligerent, qui admitterentur ad secreta reipub. & literarū. Et ut civium animos demulcerent, dixere, Res quoque in castris hostium satis accisas, qui magna sæpe rerum omnium laborarent inopia: commeatum, Trajecto petendum non nisi summa cum difficultate propter aggeres obfessos, viarum circuitus, nec tutos à prædonibus lixas, præter aëris intemperiem, brumæ frigora, contagiosos morbos, aliaque incommoda quæ ferenda ipsis, ad hæc quotidianos oppidanorum excursus esse castrensibus graves. Interim premente angustia indies majori, qualis olim Saguntina: Consumpto iam frumento; pabulum pecudum (quæ mactatæ etiam & consumptæ) fit cibus humanus, & cessit in hominum alimentum: Ita cepere tandem, panem conficere cannabinum, & rapum semina coquere. Pro obsonio erat caro equorum, canum, felium, glirium etiam, in famis miserandæ solatia. hinc multi, tam cives, quam milites fugitivi, & transfugæ in hostium castra, qui miserabilem civium statum hostibus significabant. Eo ipso tempore memoriæ proditum, fami-

nam fuisse multorum liberorum matrem, qui fame enecti ad matris genua iacebant, petentes indies alimentum: & cum nihil haberet, quo famis rabiem levaret desperationi proxima, ad restim confugit, sed impedita. *Iun.* 30. Ad extremum, cum consilii etiam inopia laborarent, decretum tandem, ut spectatæ fidei homines Principi viva voce exponerent, quanto in discrimine & angustiarum res Harlemeorum versarentur, actum esse de miseris civibus, nisi deus aliquis è machina. Miserunt itaq; evestigio *Tseractiū & Gontinium* ad illustrem Principem. Qui observata caliginosa nocte & opaca, assumptis columbis, noctis beneficio tuti à conspectu hostium, itineri sese accingunt, ingressi liburnicam velocissimam, remigibus & ferenariis instructam, excitato primum insano clamore, & tympanorum sono, campanarum & tormentorum horrendo boatu, cursum instituunt in hostium classem, quo tumultu trepidatio totis castris, & tota classe: unusquisque se armare satagebat, existimantes oppidanos, ab omni parte civitatis erupturos extrema desperatione. Quo tumultu strepero, & caliginosæ noctis beneficio, quæ hosti visum & auditum adimebant, liburnica erupit, & eva-

& evasit, & ad Fuyckii palustria penetravit, per mediam classem, quam Comes de Bossu in statione habebat, intercluso lacu, Qui excubias agerent milites, nihil minus quam de Oppidanorum insidiis cogitabant. Cum jam dicti Duces Lugdunum appulissent, è vestigio obsessos certiores fecerunt, emissâ una columba, non succumbendum aut desperandum, de liberatione urbis, quoniam illustriss. Princeps Lugdunum cogitaret ad liberationem obsessâ urbis accelerandam. Et profecto cura Principis non defuit, qui negotio bellico invigilabat; Verum intercluso lacu, obsessis omnibus locis, intelligebat, quam difficile foret, quam arduum, & quantæ molis opus, propugnacula perrumpere. Indigenæ tamen, ut plebecula sæpe carco affectu & zelo concitata, extrema potius tentanda clamitabant, quam deferendos Harlemeos, acerrimos libertatis Bataviæ propugnatores, nec in eo acquiescebant, sed invehebantur etiam in Ordines, & illustres Hollandiæ proceres, rem indignam rati, quod pro incolumitate afflictæ civitatis, non magis excubarent, cum tamen in pendendis vectigalibus prompti, paratique semper fuissent, patriæ amantes cives; quique insuper

se devovere pro salute patriæ, & pericula adire adhuc hodie velint; jactitantes palam, magnam civium ejusmodi copiam esse; Delphenium inprimis, Lugdunensium Roterodamensium, aliarumque civitatum: hæc & similia in vulgus spargebant. Auria-
cus verbis phaleratis & sesquipedalibus evictus, debuit tandem nolens volens illis gratificari, & omnem operam polliceri, non obscure indicans sese illud factorum, quod tantopere urgebant cives plerique gregarii, sinistra suspitionis averruncandæ causa. Intelligebat enim quantæ molis expeditio illa foret, *Periculose plenum opus aleæ esse*, ad quam veteranos milites non sufficere existimabat: Quid expectandum à tironibus, nec bello assuetis, cæteris judicandum reliquit. Cogit tamen copias, cohortes aliquot è præfidiis accitæ, scribit exercitum, quos comitabantur civium voluntariorum copię, Salssemi castrametari omnes. Prope Kagam parata classis navium aliquot, quæ sublati velis sub aspectum obsessorum venere, & liberandæ urbis spem fecere: sed repulsam aliquoties passi ductores navium, insequente Bossu, & retrorsum agente; stantibus in procinctu oppidanis, & ad eruptionem paratis, concidunt animi, ut
qui

*Tentata
cum ho-
ste collo-
quia.*

qui vana spe toties lactati. Quare
1. die Jul. decrevere tandem Coss.
& Senatores, & militum præfe-
cti, hostem sollicitare ad collo-
quia. Id tentatum à Pelikanio
& Cornelio Matthæi civium mi-
litarium præfectis, idque amicæ
petitionis prætextu, ut signifero-
rum quorundam uxoribus facul-
tas daretur, cum maritis captivis
loquendi. Verum obsessores sta-
tim subodorati, quid sibi vellet
tam honesta petitio, responde-
runt, præfecto urbis potestatem
se facere veniendi in castra, au-
dituri quid dicturus sit. Inde
obsides dati ab utraque parte, &
circa vesperam, venire in castra
hostium: hinc D. de Viet consul,
primarius Harlemi decurio, &
præfectus Steinbachius & Pe-
licanius, & qui minus odiosus
Rossignii: à parte altera Comes
d'Ebersteynius, & cum eo iv. alii
ad amica colloquia venire; ultro
citroque habita fermocinatione,
cessante omni hostilitate, circa
horam v. vespertinam: verum re-
infecta discessere, vel quod ho-
stis iniquis conditionibus extre-
ma postularet, vel quod oppida-
ni non serio agerent, ea dunta-
taxat intentione, ut brutum & fa-
melicum vulgus inani spe lacta-
rent, usque dum Auriacus, copias
suas paratas haberet. Hispani for-
te ex eo suspicati, media adhuc

superesse ad prolongandam dedi-
tionem, postero die cogit copias,
& comportari ab omni parte
tormenta iussit, ad propugnacu-
la, ubi turrim quæ *Baranvigtor* an-
tiquum & D. Catharinæ evertit,
cum magna muri ruina. Adhæc
pontes per fossam trajecit, & jam
parati ad oppugnationem mili-
tes, classicum expectabant. Sed
cum defensores civitatis, animo-
siores se præberent, quam opi-
nati erant, ab incepto desistebant:
aut quod idcirco acquiescendum
rati, quod per fuga quidam natio-
ne Scotus, hosti indicarat, non
superesse oppidanis rem cibari-
am in sex dies atque adeo fame
ingenti laborare. Obfessi jam de-
sperationi proximi; & ad incitas
reducti, suspenderunt de turri pul-
lum aplustre, quo indicabant ex-
trema angustias, & æumnas
stimulante fame. Id fidem hosti
fecit, utres exhaustas, animos
fame subactos, succumbere, &
jam debellari posse. Redintegrat
prælium *Don Fredericus* die po-
stero primo diluculo, & tormen-
ta exonerari jubet, inusitata vio-
lencia & exandescencia Sub ve-
esperam resumebant colloquium,
sed re infecta diremptum. Poste-
ro die ferale aplustre de turri vo-
litabat, columbo tabellario ad
locum lamentum reverso, cum
promissis rei cibariæ procuran-

*Extrema
angustia.*

*Colloquia
cum hosti.
Jul. 3.*

dæ. Verum cum impossibile visum oppidanis, tertia vice reversi ad colloquia, & paciscenda fœdera: delegati ab una parte Comes Ebersteynius, & Bosli: quibus adjuncti iv. alii ab hoste. A parte civitatis delegati D. & toparcha à Vliet, Steynbachius, Rosogny, Sohey, Pelicanus, Cornelius Matthæi. Verum hoc negotium quoque non successit, quod obsessi declararent & aperte dicerent, obstinato animo nolle milites exire sine armis, illud militantibus in dedecus vereti & ignominiam, non tolerandam viro forti. *Interim* (nescio qua parte) commeatus in urbem venit, hac re refocillati non nihil, aplustre mutarunt, ex atro candidum suspenderunt, magis ad significandam acceptilationem, quam ad refectionem quod faceret. Ita ingravescebat indies fames, & alimenti usitati penuria, ut herbas quaslibet & herbarum radices brast sicarum caules famelico ventri ingesserint. Et eò tandem res rediit, ut terga boum cocta dentibus lacerarent (quod patrem meum pater memorie dicere sapiusculè audivi) & in alimentum verterent, stomacho grave. Ita fame emaciati, & pæne enecati, in plateis publice, privatim domi, sub manibus animam efflabant prolapsi in terram

exanimés. Reliqui mortem in labris habebant, qui tanquam exsangués umbræ oberrabant, elumbato corpore. Quocirca ad incitatus jam redacti, nova rursus consilia ineunt, & resuscitatis viribus liburnicam denuo adornant, cui Nicolaum Barnardi, civium Ducem præfecerunt, qui Principi supplicaret, ut in proximum diem commeatum mitteret, quoniam extrema angustia dilationem non pateretur, & rei cibariæ copiam, ad Sparni ostia deferret. Princeps Auriacus commiseratione tactus, columbū emisit, per litteras subsignatas à Nic. Barnardi petens, atque obsecras ut post tot exantlatos labores, post tot ærumnas & afflictiones ad biduum patientiam haberent, pollicitus daturum operam, & quantum posset humanis viribus annisurum, ut juvante Deo liberari obsidione civitas posset. *Interim* milites infanix proximi, 7. Jul. aspernari omnem disciplinam, militarem & dissoluti, ex raptò vivere capere. Ac primum quidem mensam danistæ sive usurarii violenter effregerunt, & officinas quasdam contumaciter expilarunt. Ita militum insolentia, coactus tandem Auriacus aleam belli tentare oppido periculosam; Et cum de belli duce laborarent quem ad expeditionem

D. Ba-
tenbur-
gii expe-
ditio.
Iul. 8.

potissimum eligerent, seu laborantis patriæ amore, seu laudis & gloriæ stimulo, obtulit operam suam D. Baro Batenburgius, ad reparandam infamiam, cujus jacturam passus in lacu vicino, satius judicans honeste mori, quam turpiter vivere. Auriacus generosi animi princeps laborans, te repub. patriæ amore incens, sus, paratum se dixit, pro salute patriæ se devovere Deciorum exemplo: Sed equestri ordinis viri, quique ad clavum sedebant civitatum delegati, omnibus modis obstitērunt. Itaque Dictatura Baroni Batenburgio delata, quam ille non invitatus suscepit, ejusmodi mandatis instructus, ut nemoralem partem vi perrumpere conaretur & simul simulato stratagemate excubantibus ad Fuyckii palustria, milites alii minarentur. Et cum oppidanos per columbos tabellarios de adventu suo certiores fecisset, vii. die Iul. circa vesperam, Saffemia Nortvici silvam petebat cum iv. militum millibus, præter eos qui stipendia non haberent, voluntarii cives. Hos sequebantur dc. Equites quibus præfectus D. & toparcha Karloo: septem insuper tormenta campestria, & leviora, cccc. currus, onusti commeatu & omni apparatu bellico; in quo plu-

tei & machinæ bellicæ rotis subiectæ, sub quibus laterent prælium inituri. In Nortvici sylva publice preces concipere suos jussit, dehinc quieti se dare, in mediam noctem. Tum denuo nocte concubia, castra movebat, & itineri se dabat, cui id propositum erat, Germanorum castra invadere, servato hoc ordine, ut prima acies constaret ex altera equitatus parte, quam sequebantur Hollandiæ & Zelandiæ cohortes, cum tormentis & pluteis ligneis, quos sequebantur Galli, Angli, Scoti, in postremo perditum agmine Lixarum vulgus, cccc. currus onusti commeatu & re cibaria & tormentaria; reliquis equitatus claudebat exercitum & totam belli molem. Præterquam quod expeditio tantæ molis, occulta esse non potuit, accessit hoc malum, quod duo ex columbis, qui remissi ad civitatem, missa ab hoste glande plumbea in terram cecidissent. *Fredericus* jam edoctus de hostium adventu inflari classica jubet, & suos in armis esse, & stramentorum manipulos madefactos accendi curavit, ut oppidanis aspectum omnem adimeret, & confunderet erumpentes. Deinde produxit in aciem suos post stramenta fumigantia, v. millia selectorum militum primum

mum cum trecentis equis, nec
 non cohortes alias, ad quinque
 millia militum, præter eos quin-
 genti Equites alii, duce Joh. Ba-
 ptista de Monte, aliisque præfe-
 ctis. Jussit eos circa colles arena-
 rios versus occidentem copias
 ducere. Ab altera parte Rome-
 ro, Montedoca, Liques, Cap-
 pres, alique complures cum suis
 copiis ad lævum flectebant, ex-
 tra viam ordinariam, ut occa-
 sionem obviarent Batenbur-
 gium ex improvise invadendi à
 laterè. Exercitus reliquus, mane-
 bant in statione, & in acie sta-
 bant intra munimenta. Primo
 diluculo hora 111. matutina,
 cū pervenisset Baro ad *Ardegas*
 (vulgo *manpat*), & jam occupa-
 tus esset, in erigendo pluteo lig-
 neo, & ducendo in orbem plau-
 strorum ambitu in utramque par-
 tem, ecce Hispanorum tormen-
 ta intonuerunt ad terrorem nostri-
 tium. Quibus nihil territus Im-
 perator Batenburgius, maturat i-
 ter, & via recta ad urbem conten-
 dit; devenit in silvam, & inven-
 to munimento incustodito, ul-
 terius progressus cum suis, usque
 dum relictas ad stramenta fumi-
 gantia copias ex adverso habe-
 ret: ubi atrox pugna, sed cum se
 expedire equitatus non posset
 propter arbuta; & senticeta, &
 arborum truncos, retro cedere

coacti. Oppidani desiderio libe-
 rationis capti, strepitum quidem
 armorum audiebant, sed signum
 non dari: & cum conspectum a-
 dimeret fumus piceus estramine,
 existimabant oppidani stratage-
 ma subdolum & fictitium esse.
 Interim datis equo calcaribus,
 Batenburgius & Karloo, in tur-
 mas Hispanorum toto impetu
 feruntur & numero & viribus
 impares, desperationi proximi.
 In hoc conflictu cæsus primum
 Karloo, & cum illo Balthasa-
 rus à Zurck, Gaspari frater, qui
 dictus olim Studler, qui milita-
 bat voluntarius cum tribus equis.
 Eodem fere momento, reliquus
 Hispanorum equitatus, laxatis
 frænis in Baronem feruntur, im-
 presso in hostem impetu. Nass-
 vii ita impetiti fræna vertunt,
 & ad plaustrorum orbitam re-
 versi, sequente à tergo hostium
 equitatu, in peditatum suorum
 illapsi, qui ista impressione dissi-
 patus, & à pedestribus copiis Hi-
 spanorum impetitus, tam à dex-
 tris quam à sinistris, retrocessere
 cum ingenti clade. Cæsi in loco,
 & in fuga vel septingenti, inter
 quos imperator Batenburgius,
 cum multis aliis Ordinum du-
 ctoribus, & militum præfectis.
 Cæsi LXXVI. cives Delphenfes.
 & L. Goudani. xxx. Roteroda-
 menfes. XL. Brielani, & complu-

*Clades
 nostrati-
 um cæsa
 Baten-
 burg.*

res alii ex aliis civitatibus, quorum nomina recenser Borrius. Et multo major strages fuisset, nisi pugnam nox diremisset, multi servati in locis viginosis & palustribus, quidam etiam qui ad Ordinum naves confugerant. Tserardus vulneratus miraculose Lugdunum venit. Aurigæ, resectis curruum habenis, conscensis equis effugere. Verum omnes currus, commeatus, tormenta xiii. aut xiv, Vexilla complura præda fuerunt. Postero die victoria feroces Hispani, erepta hostibus tormenta ostentabant & aliquoties exonerabant in civium contumeliam: Adhæc captivum *lacerum crudeliter Ora manusque ambas* dimissum compulerunt oppidanis nuntiare tam fædam suorum cladem; & ut fidem facerent, capita aliquot civium interfectorum, ultra urbis mœnia totata in morem fundæ. Clade hac intellecta, tota fere Hollandia trepidabat, terror panicus jam omnes invaserat, inprimis Alcmariam, quæ milites prædarios in urbem recipere recusassent. Castra Sassemiæ quæ erant, soluta, milites in præditiis collocati. Rebus jam omnino conclamatis, non cunctatus Auriacus obsessos per litteras certiores facere, ut patriam apud Deos Penates deponerent, è consilio The-

mistoclis, & operam darent, quancunque ratione expedire se possent. Hæc atque alia supervenere miseris Harlemais, post tot exantlatos labores, post tam obstinatatam obsidionem vii, mensium, post tot tormentorum tonitrua, (observatum enim plus quam decies millies & quadragies tormenta exonerata) post famem denique infaniæ proximam, tandem succumbere & in manus hostium crudelissimorum venire coacti, urgente jam fatali necessitate. Et cum salutis jam spes nulla, ad desperationis consilia se verterunt. Atque hæc ea tempora quæ Joh prædixit in Apocal. quibus homines mortem quærent, & non invenient eam, desiderabunt mori, sed fugiet mors ab iis. Ita decretum tandem, ut omnes qui arma gerere per ætatem possent, per media hostium castra, armata manu viam salutis quærent relictis senibus & decrepitis & imbelli sexu, quibus Imperatorem parciturum confidebant, ne inultimorerentur. Id cum forte mulieres & matronæ rescivissent, Deus bone quantus ibi ejulatus & planctus! *lamentis Iul. 16. & femineo ululatu Implevere vias* & compita, atque gestu incompósito in morem Bacchantium promiscuè ferebantur, & invocato nequicquam Deo, cui vincla

Desperationis consilia. Iul. 12.

jugalia curæ, sese infelices, & maritos defectores dicere. In summa, vox inaudita qualis in Rama, cum Rachel ploraret liberos suos, surda ad solatia, doloris impatientia: nec videbant miserri cives, quo pacto pacari, placarique possent, infantiæ proximæ Hoc lamentabili rerum statu; destituti jam omni ope, tam divina, quam humana, xi. Jun. Decanum canonicorum D. Gregorium Geeryliet, cum quibusdam aliis civium pontificiis, qui in castris hostium erant, commiseratione popularium suorum ad colloquium invitabant, sed non admissi ab oppidanis. Ita cum die postero ex Walonibus unus à parte hostium ad Quietis arcem ire jussus, paratus cum Duce pacisci, repulsam passus. Decretum Quocirca excogitato novo consilio, *decretum* tandem ut vii. cohortes ferentariorum primum agmē ducerent, quæ viam per medios hostes aperirent. Magistratus autem & civium præfecti militares, alique honesti viri, intelligentes quam periculosum esset, cum imbeli turba, uxoribus & liberis sequi militares ordines, posterius agmen constare voluerunt ix. cohortibus, interim subsidia petenda à Principe, atque ita divinx tutelæ se committere. Et jam pontes qui in civitate trans Spar-

nam, partim revulsi, partim educti: naves quæ essent perterebratæ fundum petebant, aut summotæ ad Ortum civitatis, ad impediendos hostes quo minus insequi possent, & parata jam tormenta, quæ pessumdarent sub aquis. Tam desperati consilii rumor, anxium habuit Don *Fredericum*, cum subiret animum cogitatio, quanta sit desperationis violentia; Accerrimos morientium ferarum morsus esse, eamque efficacissimam vim esse, quam extrema necessitas extundit, quanta esset castrorum distantia, ad opem ferendam laborantibus; & conjectare difficile esse, quapropter urbis erumpere conarentur, & salutis viam quærerent: Et si forte repulsam patiantur, cogitabat extrema ausuros, Saguntinorum exemplo, & patriæ cineribus regi, jam ambire fortasse. Hæc atque alia cum secum expendit, non inconsultum visum, oppidanos lactare spe veniæ. Itaque leonis exuviis politis, vulpem induit, usus nomine Comitiss Oversteiniæ, litteras in civitatem misit, ejus fere argumenti. Adhuc clementiam Don *Frederici* respicientibus patere, & gratiam superesse afflictis, si modo ad deditionem se componerent, pollicitus neminem pœnas daturum, nisi qui ipsorum judicio com-

commeritus esset. Publicatis literis, statim ad pacem inclinabant Germani, & recusabant tam periculofam expeditionem subire. Walonum cohortes nihilominus promissis parum fidentes, ad iter se parabant, & porta *Schalmvicensi* jam egressi, comitante magno civium numero, ea intentione, ut naves ad lacum assecuti, ad naves Principis contenderent hinc magna in urbe confusio, & discordia intestina, cessantibus excubiis, & periclitantibus oppidanis, qui obrui ex improvise facile potuissent. Nec minor confusio in Walonum & civium castris, qui tumultuarie, sed sine strage reversi omnes, propter defectum fabrorum & instrumentorum ad trajiciendos pontes. Resumunt tamen animos iterata expeditione; verum cum ad rem ventum, viam interclusam deprehenderunt, loca omnia obsessa. Quo circa, cum nulla in armis praesidia, cessante omni ope humana, & urgente fame jam indies magis, cives desperationi proximi, Patriam apud Deos Penates deponere à Principe jussi, ad deditionem urbis se tandem componunt, delegatis duobus *Coss.* & *Joh. Zureno* & *Hieronymo Verlenio* vicariis Episcopi, vocatis primum in consilium civium praefectis militaribus, quibus ad-

juncti *Steinbachius*, *Christophorus Vaederus*, & *Rosonius*. Ad paciscendum cum hoste, egressi *xiv. Jul.* Post breves discursus ultra citraque, pacta fœdera, in utramque partem conditiones positæ, quales fere inter victos & victores multum reclamante *Rosonio*, qui solus non assensit, qui extrema potius tentanda, quam conditiones admittendas censuit. Is recepit se in urbem, & ad suos reversus, commilitonibus suis exposuit quid rei esset, pactorum iniquitatem recenset & inculcat: illi quasi furore quodam concitati, ad portam ruunt, subductis valvis delegatos exauktoratos & exclusos volebant. Verum desæviente paulatim rabie, tandem intromissi delegati ad pacandos militum animos, omnia bona pollicebantur, & declarabant *Don Fredericum*, majori usurum clementia in cives, quam quisquam praesumere audeat. Sequenti die primo diluculo, militibus tympanorum pulsu convocatis, dabatur optio, expectandi spem veniæ & gratiæ an repudiandi; aut sine armis exeundi. Cum ea spes veniæ publicata, Germani pariter & *Scoti*, maluere in urbe manere, ad arbitrium *Albani Ducis*, quod honestius videretur, quam arma deponere, aut exarmati urbe excede-

cedere. Placuit Duci Germanorum & Scotorum facilitas & cōmitas. Cum statim pronunciatum est, Scoris & Germanis gratiam factam; ceteri quid ille juberet exspectarent. Reliqui omnes quotquot erant milites in contrariam sententiam ivere; Quippe fiduciam collocare in hostium promissis, minime consultum videri. Inter hos discursus & consultationes militum, emicuit heroica virtus cujusdam Bordeti nobilis Galli, qui invicti animi tribunus, quique durante obsidione tempore, fato meliore dignis, dictis, factis commilitones suos, ad extrema pericula adeunda animaverat, is cum deficere suorum animos videret, & lamenta audiret muliebria famis & inedia impatentia; ille indignatus, exprobravit suis, illos animos gerere muliebres, docuitque exemplo suo, nihil tam difficile aut grave, quod virum fortem à virtute divortium facere, persuadere possit; & volenti nihil tam grave, quod non tolerare vir fortis debeat: Et simul petita candela sebacea, quid obstat (inquit) quo minus dexteram in flammam mittam, & simul ingesta in flammam manu perdurabat usque dum, fætor astantes cubiculo fugaret; alter Scævola, de quo Martialis,

*Heroicæ
virtutis
exem-
plum in
Bordet.*

*Vere quam potuit contempto Mucius
igne,*

*Hanc spectare manum Porfena non
potuit.*

Hic cum eventum initæ cum hoste pactionis ad animum revocaret, & quid exspectandum sibi jam prælagiret, qui ad Hannoniæ collem sacramento Principi Auriaco dato renuntiare coactus fuerat, simulum vocat, quem fidissimum habebat, & stipari sclopum jubet pulvere tormentario, seque interfici; ita fatus ineluctabili necessitate jam me libera. Tergiversante famulo, & procumbente ad genua ipsius, & supplicante, ut se excusaret: Quid cunctaris? inquiebat. Vitam transegi hætenus (Deum tector) honestam, & juculpatam, magis gloriæ intentus, quam pœcuniæ, nullum malum mihi unquam, formidabile præter turpitudinem, quod testatum faciam extremo spiritu: non degenerare est animus à pristina & mascula virtute, satius semper duxi honeste mori, quam turpiter vivere. Tum in genua procumbens straguli operimento sese involvit: Ita nonnihil moratus, preces concipit, & implorata Dei misericordia, delictorum suorum veniam petiit. Precatus, exspectavit ictum invicto animo, & trajecto capite, disperso in læticam ravit.

Anno
1573.
Iul. 23.
Condi-
tiones de
dendæ
Urbis.

cerebro cui incumbebat, exspiravit. Ferunt Don Fredericum Toletanum intellecta virtute ista plusquam heroica in summam admirationem raptum. Eodem ipso die ante meridiem hora nona contractus ad umbilicum perductus, signatæ tabulæ in æternam servitutem: articuli fere ejusmodi, urbem, dedendam ad arbitrium Hispani, servato sibi clementiæ aut inclementiæ jure, tam ad gratiam quam ad pœnam: Imperatori numeranda ducenta & XL. millia florenorum, intra XL. dies millia centum, reliqua intra trimestre proximum dependere, ad redimendam urbem à milite direptionem, sive ad averruncandam rapinam & urbis depopulationem. Cum cives in id consensissent, signum datum magna campana, ut omnes cives aut qui jus civitatis haberent milites, etiam in Curia arma deponerent, exceptis Germanis & Scotis, qui

ex mandato mania urbiscustodirent, & excubi as agerent pro portis; fortasse eo consilio, ut Hispanos prædæ inhiantes coercerent, & in officio continerent. Primum quidem cives jussi ad templum Zylensē se recipere, Templum D. Bavonis mulieribus & imbelli turbæ destinatum. Militibus & militum præfectis imperatum, ut templum in Bakenes occuparent. Ita tandem Harlemei sub jugum missi, & in servitutem redacti, lugente Senatu, mustantibus civibus, frementibus militaribus: An. 1573. Jul. 13. unde chronologicum: HarLeMios CIVES portas aperire CoegIt ACrIor eSVrIes, hIs CanIs esCa fVIt, Item Hei quasata dIV. ac destrVCta HarLeMIA beLLO Se Certa HIsPano CondItIone tradIt. Atque hæc fere sunt, quæ obsidionis tempore gesta hinc inde invenio, mox post obsidionalia dicturus.

LIBER III.

Post obsidionalia.

Capitula
urbis.
Anno
1573.

REbus eo modo quo jam dixi ordinatis, Alcedonia videbantur, cessante militum tumultu, & horrendo tormentorum boatu; cum sese obtulit

primum Philippus Mazius vir ^{Mazii} consularis & patritius, qui ^{ad ma-} lustras ^{commen-} etuosæ obsidionis metu in partes ^{data} hostium secesserat, regiæ majestatis in Hollandia, Zeelandia,

N Frisia

Frisia consiliarius, ita Ferdinando à consiliis, ille ingressus sacram ædem, ubi matronarum, mulierum, virginum & puorum, & lactantium turba, quæ ante aras sese abjecerant, consolari eas primum cepit, & præmissis verborum lenociniis, quibus ille sexus maxime capitur, hortatus deinde, ut pactæ conditionis memores, quidquid auri, aut argenti signati aut non signati haberent, convasarent, & si quæ haberent cimelia, in medium adferrent, & simul bene sperare eos jubet & potestatem fecit domum abeundi, monuitque ut unaquæque ad suos se conferret ea nocte, ubi quietem secure caperent: sed injunctum ut postero die, in ædem sacram cum suis redirent. Inde digressus similem orationem ad cives habuit: qui in templum monasterii Zilensis iussi ire, ubi ad refocillandos famelicos cives, in senos viros distributus panis unus rotundus. Postero die reversus ad templum Mazius, cum Juliano Romero, multisque aliis militum præfectis armatis: quod tantum horrorem incussit mulierculis, ut quo se verterent non haberent; ita animo consternatæ, ut in se mutuo catervatim caderent. Nec immunes, pueri scholastici à consternatione qui in choro sedebant, metu exani-

*Mazii
reditus
in tem-
plum.*

mes. Verum Mazius cum suis eas bono animo esse jubet, indicans, veniam jam impetratam, modo hoc darent operam, ut promissæ pecuniæ summa præstaretur; quod & factum; Nam 16. Jul. contulerunt omnem monetam argentæam Harlemi excusam tempore necessitatis, & in ædibus Sibrandi à Berckenroode deposuere, hinc annonæ laxitas & rei cibariæ abundantia. Ita demissæ omnes, & simul concessa venia abeundi quo vellent. Simili consolatione refecti cives viri; qui in templo monasterii cum adhuc essent, Hispanorum cohortes instructa acie urbem ingressæ. Ac tum demum Scoti, Germani quoque, iussi arma deponere, & ire in monasterium D. Catharinæ, partim in D. Ursulæ templum. Quibus exarmatis, statim sensere anguem in sinu miseri cives; quippe prædæ inhiantibus Hispanis, contractus valere non potuit vel in unum diem, cum nec cives quidem liberi à militum rapinis; qui victoria feroces, per ludum iocumque quorundam, domos spoliabant, gliscente indies audacia, cum impunitatis spes maxima peccandi illecebra sit. Exinde secutus Don Fredericus, proxime sequente Comite de Bossu, & frequente nobilium caterva, o bservantes in vultu

Jul i 4.

Hispanorum ingressus in urbem

Don Fredericus urbem ingreditur.

oppi-

oppidanorum truci adhuc , ægram fortitudinem, famem infamem usque ad intestina ex ventris concavitate. Duces omnes civium militares , & signiferos & primipilos in custodia habuit Imperator, quos mox ad Cliviæ arcem deducendos curavit , Die proxime sequente Dux ipse Albanus castrametationes obibat, & castrorum loricas equo inventus circumquaque perlustrabat, urbem non ingressus tot heroum sanguine emptam, ad ejus adventum quasi inferias facturi. Galli ccc. Angli, Belgæ laqueo suspensi: sub vesperam Amsterodamum reversus, sed sine ullo triumpho aut pompa ; sensit enim sensit Albanus victoriam plane Cadmeam esse. Postero die, capta subactaque jam urbe captivi complures custodię arctiori dati, quorum tres classes faciam: ac primum quidem eorum qui urbe excesserant, domo foro, penatibus extorres, annos aliquot vixerant; inter hos Petrus Kies consularis, Jacobus Gerardi Junius ærarii præfectus , Arnoldus Theodori Bunepeus , Florentius Hend: Loenius , Arnoldus Theodori institor , Iisbrandus Staets, Hageman ædituus , Adrianus Bogard plastes, Scagen rei tormentariæ præfectus, Johannes Michaelis de Wael: horum duo po-

stremi quoniam per errorem nominis capti , dimissi iterum. In secunda classe capti primores civitatis hoc ordine:

Iul. 24.

Arnoldus Iob. Dordracenus prætor Harlemi;

Iohannes Vliet , item Gerardus Stuyver coff.

Iohannes Alberti Raedt, secretarius,

Iob. à Duvenvoorden tribunus civium militar.

Petrus Gulielmi Bal , Scabinus;

Iacobus Bartholomei Pellicaen

Dux:

Iob. Adriani de Jong , à Tribuno proximus:

Iohannes Theodori Schatter , signifer;

Petrus Hasselarius signifer;

Iohannes Cornelii Sael proprietor;

Iohannes Kies Amsterodamensis.

Et sequenti mense , capti iterum

19. Augusti Loevenius Bartholdi, Barbold. à Nyenbourg,

Petrus à Paenderen, Iob. Gerardi With.

Et frater ejus Cornelius Gerardi With.

Iohannes de Wael, Martinus apothecarius,

Laurentius Wynandi, Senatores omnes.

Inter hos quoque Didericus Francisci toreuta, quorum tres in carcere fato functi, Reliqui qui à gratia exclusi, & venia exempti fuere, numero xxvi i, latita-

Primo-
resCivi-
tatis cri-
stodie
dati.

bant omnes. Inde iv. tympanorum pulsu publice proclamatum fuit nequis præsumeret fugitivos olim hospitio excipere, sub pœna confiscationis bonorum, & vitæ jactura, & strangulandum eum, in ipso ædium suarum vestibulo qui secus faceret. Eo ipso tempore Petrus Hasselarius avitæ virtutis & pietatis in fratrem rarum exemplar, is cum videret Nicolaum fratrem qui una cum ipso in mensa accumberet, à militibus peri, & consternatione animi erumpere in lacrymas, prodit se ipsum, dicens si Hasselarium signiferum quaeritis, non est quod longe abeatis, *Coram, quem quaeritis adsum*, hunc intactum dimittite. Milites autem præsidarii, quorum censa capita trium aut iv. millium virorum, quorum superstitēs adhuc fuere mille & dccc, horum pars altera manu Carnificum necati, gladio, laqueo, gurgite. Verum ista Hispanorum cruenta victoria fuit, quæ constitit multo sanguine, & qui hæc curiosius litteris consignarunt, observarunt, durante obsidione, vel in acie gladii, vel glande plumbea, vel tormentis, cecidisse v. hominum millia, inter quos multi magni nominis heroes, & militum præfecti non è multis. Vix quifquam in hostium castris, e-

tiam qui à consiliis fuissent, non militares, qui non aliquando exvulnere decubuisset. Immo ipse Imperator non immunis ab hoc periculo, qui glande plumbea ictus, cecidisset in acie, nisi Balthei fibula ferro munita ictum impedivisset. Numerus eorum, qui morbo, inedia, brumæ frigore perierant, pænè innumerabilis. Sed fidem superant, (tamen restantur Annales) quæ damna, quæ dispendia, partim incendio, partim demolitione, durante obsidione perpessa civitas, irrepabili jactura. Accessit his malis in morem sævientium luporum rabies, nullus gratiæ aut misericordiæ locus, debacchati in milites & cives olim fugitivos, qui extincti omnes catervatim dccc. & amplius. Neque uno die execrandam crudelitatis suæ cupidinem exsaturare potuerunt, sed prolongabant in diem, ut diutius fruerentur voluptate, quæ Tyranni capiuntur & gloriantur. Qui autem confessionem admitterent, gladio perempti, qui ab ea abhorrebant, laqueo suspensi. Carnifices quinque cum suis alleclis, fessi carnificina tam immani vitam pertæsi, quod jam brachia deficere cæperint prius, quam sævitia Imperatoris desæviret. Atque ut in compendia supplicia mitteret, numero tre-

Crudelitas in milites.

Clades utrimque.

cen-

centos & amplius , miserabile visu combinatos & colligatos à tergo , ad magni lacus ostia submergi jussit , truci vultu. Inter alios qui laqueo suspensi , deductus quoque ad patibulum , Lutheranae confessionis pastor , qui Jul. 16. Steenbachio Duci à sacris concionibus erat. Et truci adhuc vultu , præfectus urbis Ripperda , cum legato suo Ludovico *непонос* Gandavenfi , capite truncatus. Et cum iis Simon Simonis concionator reformatæ religionis ; & filius spurius Cardinalis de Granvelle ; hic juvenis à pontificia religione defecerat , & eam ob causam exosus patri , contulerat se in militiam , Principi obstrictus , dato militari sacramento , qui Qui 18. mori maluit , quam stirpem aut Aug. genus agnoscere. In eadem calamitate fuere Ladislaus Brederodius , D. & Toparcha in Veenhuysen , Rosigny , & Joh. ex prima nobilitate Duvendoordia. Tribunus etiam civium militarium ; adhæc Simon Borelius , quæstor Briela , qui à rivali suo proditus. Præterea ut modum crudelitatis adimplerent , in ægros quoque & saucios milites miserè sævitum. Producti in aream Nosocomii (ô inauditam tyrannidem , plusquam barbaricam) qui securi percussi omnes. Dux Balfourt , qui interposito juramen-

to Principem se interfecturum promiserat , in gratiam receptus & ita evasit , quod Principi significavit , & data venia mansit in fide , quoad vixit. Porro Germani milites quibus gratiam facere & gratificari velle videbantur , jussi sacramentum Principi datum exsecrari , qui comitantibus equitum Hispanorum turmis aliquot , in Geldriam deducebantur. Id cum à Sonoy intellectum , qui eo ipso tempore aggerem Diemenum adhuc occupabat , mittit ocus triremes tres , ferentariis & armata militum manu bene instructas , ducе Gualthero Hegemanno , qui asscutus eos , omiſſa inermi turba , impetum in Hispanos fecit prope Novokirchiam ; ita accelerato prælio nocte intempeſta , ut dērepente Hispani , imparati ad pugnam , fugam capeſſerent. Germani à Sonoy liberati , benevolentia aucupanda causa , paratos se simulabant , ad resumenda arma , in vindictam acceptæ injuriæ , & ignominia. Verum Don Fredericus certior factus super ea re , extrema minabatur (si id facerent) Steenbachio , Vadero , Schram & Gunthero , ipsorum Ducibus. Tandem sese exorari passus , concessio dilationis tempore , eatenus , ut aliquos qui in eadem cum ipsis

*Germani exar-
mati in
Geldr.
deducti.*

captivitate essent, delegarent, ut milites jam prædicti juramentum datum præstarent, & simul periculum à capite Ducum suorum averruncarent. Qua re Germani commoti (impetrata à Principe venia,) ut exauctorari se paterentur. Atque hæc quidem post obsidionem Harlemeorum fortuna, miseranda civium suorum & militum clade, dispensante ita res humanas divina providentia, quod Harlemei, qui gestis heroicis, & virtute bellica clari, fama terrarum orbem impleverant, subacti, expugnati, & ad Nili ostia Pelusio, stimulante fame, capta urbe sub jugum Hispanor. missi. Ita rerum vices, quippe supervenere adhuc alia atque alia miseris civibus, nec acquievit vis effera Don Frederici, qui victoria jam ferocior, tendebat ulterius: novum exercitum conscribit, & militum suorum delectu habito, præmisit Alcmariam tubicinem, qui oppidanos urbem dedere juberet: quod illi facere recusarunt, fiducia Arausionensis auxilii: Ac primum hic mille pedites & ccc. equites Alcmariam misit: ubi magna incolarum consternatio & trepidatio; civium etiam & Coll. discordia, de admittendis in urbem præsidiiis militaribus, suadente id Principe. Post multas al-

tercationes hinc inde Dux Ruykhaverius, cum aliis præfectis impetrata venia, ut conferre cum Magistratu, quod ad salutem rei pub. maxime conducere: cumque in eadem pæne sententia non admittendos milites persisterent, indignante tandem Ruykhaverio, præeunte ad portam Keinhimeriam D. Florentio Teilingio, sequente civium caterva, receperunt intra urbis mænia milites Principis auxiliares. Interea Hispani, observantes Don Fredericum novam obsidionem moliri, onusti ingenti præda Egmondana, pecudum & jumentorum; Harlemum ad castra reversi, suborta gravis contentio inter Hispanos potissimum querelæ proxima, quam concoquere non possent, tandem erumpebat in nervum, & apertam *διχοστασίαν* & seditionem, stipendia flagitabant xxvi i i. mensium supra honorata, capta subactaque civitate. Qui in urbe erant milites, porta egressi numero quadringenti, tormenta bellica in urbem ducturi. Don Fredericus non parum commotus atque indignatus celsitudinem suam & auctoritatem ita prostitui. Convocato toto exercitu, jussit Don Lope de Acuna cum cohorte millenaria, impetum in eos facere. Verum hi cum intra teli jactum

*Jul. 18.
Seditio
milit.
Harl.*

*16. Jul.
Alcmariam per-
tuit Don
Frede-
ric.*

venissent humi confedere, & urgentibus & instantibus ductoribus, ut mandata Imperatoris exsequerentur, surdis cecinere. Mox ut contumaciam suorum vidit, vocato ad se Roobles, cum Walonibus suis cohortes ducere iussit in contumaces, invito conatu; quippe ludibrio exposuerunt eos qui hoc urgerent, stipantes scopos fictitio pulvere, extincto funali ignito. Pergebat itaque ut occeperant cō. illi, & xiii. aut xiv. tormenta bellica in urbem subducebant: in urbe cives, qui in horam, in diem exitium sibi portendi conjectabant. Sub id tempus sunt qui referant x. aut xii. Hispanos mercatorum habitu Lugdunum venisse ad Principem Auriacum, revelato negotio adventus, & declarato in Principem affectu, & commiseratione status præsentis, obtulisse operam suam ad dedendam urbem, petito præmio xl. millium florenorum. Princeps oblatam operam non aspernatus, sed cum pecuniæ inopia laboraret, premente undique difficultate & afflictione, cum omni humanitate dimisit. Postremo circa medium Augusti, intercedente Chapino Vitellio, qui militi apprime gratus, displicentiæ militum occurrit, prompta solutione, & numerari iussit

in capita singulis xxx. coronatos aureos, sedecim pro honorario, xiv. in solutionem stipendii provisionalem. Oppidani interim durantibus militum querelis, coacti sex septimanas circiter iv. millia militum suis sumptibus alere & cibare. Sed post solutionem c. millium florenorum partim parata pecunia, partim permutatione mercium & cimeliorum, pretium redemptionis reliquum non exigentes; sive id commiseratione civium, qui longa obsidione exhausti; sive quod plura extorqueri non posset, pro certo haberent. Pacatis igitur militibus, Hispanis inprimis, Don Fredericus triumphali curru inductus, ab illis in urbem ducitur, & triumphus canitur, *Io triumphe Io triumphe*. Hic prima sacrorum cura fuit, cum templum ingressus D. Bayoni S. delubra expiarunt, & sacrarunt per Episcopum Amerledum, qui sacrum coram Toletano peregit, post recitatum Euangelium, ad servandas Ecclesiæ Cathol. immunitates accepto sacramento. Quo die crudelitatis metus renovatus recruduit, cum cives vi. quamvis ex plebe, cives tamen, forte an liberius locuti, incertum, securi percussi: nomina eorum ephemerides habent, Theod. Arnoldi scriniarius, Joh. à Sanen sacro-

Hispani ad Principem mercatorum habitu.

Placata seditio.

Templum expiatum Aug. 21.

factorum custos, Joh. Boscodu-
censis textor, Joh. Heymanni
linearius, Nicolaus Petri Groen,
architectus, Petrus Godefridi
Celfus, faber. Porro stabiliendæ
potentiæ causa, quam fartam te-
ctam tum volebat, hoc sibi pro-
positum habere videri voluit,
*Parcere subjectis, & debellare super-
bos*, ad deterrendos maleficos,
tuendos bonos. Eo ipso tempore,
cum cadavera adhuc omnium
oculis exposita, tyrannidis
immagine humi jacerent, programma
proclamatum, Trajecti natum
& datum, quo cives & incolæ
qui Harlemi essent absol-
vit, veniam & gratiam pollicitus,
perfoluto redemptionis pretio:
cujus exemplar inferendum
quoque hoc loco putavi, daturus
specimen Albani clementiæ:

Ferdi-
nandi
litteræ
veniales.

FERDINANDUS
ALVARES à TOLEDO,
DVX ALBÆ, MARCHIO
CORIÆ, COMES DE
SALVATERRA, EQVES
ORDINIS AVRATI
VELLERIS, PRÆFECTVS
GENERALIS, & SERENISSIMI DOMINI,
IN PROVINCIA BELGII
INFERIORIS GOVERNATOR,
& CÆT. OMNIBVS IIS QVI
PRÆSENTES HASCE,
AVT LITTERAS AVT

TABVLAS, LECTVRI
AVT INSPECTVRI, S. D.

Et si Harlemi, in Comitatu Hollan-
diæ non postremi, ad eam extremi-
tatem delapsi, quod in verba Principis
Auriaci (qui apud regiam majestatem
perduellionis reus) juraverint, seque
rebellioni totos dederint, & crimen læsæ
majestatis, adversus Regem suum non
semel commiserint, & successione jure
naturalem Principem ac Dominum; parvi
astimantes atque adeo susque deque
habentes fidem, obedientiam, jurisjurandi
relligionem, & obligationem, quam majestati
regiæ (cujus etiam subditi) debebant; in-
euntes illicita fœdera, arcana consilia,
malientes res novas, & machinationes
clandestinas, conspirationes etiam ad-
versus Catholicam religionem: aliis
etiam civitatibus ad similem audaciam,
quasi signum tollentes: Et in eum
finem jam arma sumerent; Et intra
urbis mania regiones milites prædarios
recipere recusassent. Contra, Principis
Auriaci copias admitterent ex quavis
natione, subditos etiam & rebelles qui-
bus se conjungere, & oponere ausi Du-
ci & Governatori regiæ majestatis ge-
nerali; ejusdemque præfectis, magna
ex parte militaribus: Inter quos etiam
nonnulli, regiæ majestatis ministri non
è multis, quos è medio sustulerunt.
Adhuc, quod inimicitias aperto Marte
susceperint, multaque alia hostilia
perpetrarint: usque adeo, ut tuende
regiæ Majestatis gratia, coacti tandem
& compulsi simus, eos circumvallare,
& lenta obsidione premere & fatigare,
fame & armis expugnare, & tandem
subjugare; quod factum totis jam VII.
mensibus; ut eo tandem (juvante
Deo) cogente extrema necessitate re-
ducti sint, ut proxima ad salutem via,
visa

viâ fuerit ad Regie majestatis clementiam confugere, & se supplices abiicere, orantes gratiam, deprecantes poenam. Et quamvis ex premiffis satis constet, cives jam dictos & populares mulieres etiam, puberes atque impuberes, qui Harlemini sunt, severioris discipline panas commeritos. Tamen cum nobis antehac satis constiterit, de benigna voluntate, & agnata clementia regia majestatis in subditos: Cui & hoc usitatum in simili causa, ad particulare suum non respicere, sed offensas privatas postponere; atque imitari patres benignos, & Principem agere solitum clementem & exorabilem; qui erroneos & perditos subditos, redeuntes ad sanio rem mentem & debitam obedientiam, admittat facile ad clementiam aram, & recipiat in gratiam, quam vindicta severiori semper prætulit. Volentes insuper regia majestatis voluntatem & benignum affectum in cives Harlemeos (quamvis ad sanio rem mentem & debitam obedientiam sponte non venerint) publice testatum facere, idque ex vi & efficacia mandati quod habemus à regia majestate in cives & incolas hujus urbis, tam viros quam feminas, tam puberes quam impuberes, tam dominos quam servos; secundum quod, remissimus, & condonamus, generaliter atque absolute, ex singulari gratia & clementia presentibus hisce, offensas, errores, delicta, crimina cujusmodi generis, quaeque manifesta rebellionem commissa piacula, quod Principem Auriacum secuti, eique adhaeserint, & à naturali Domino divortium fecerint, & plura consimilia. Insuper omnes poenas, multas, satisfactiones corporales, criminales, civiles, in quas in causa praedictarum, offensarum, errorum, criminum, rebellionum, defectionum

in partes Principis Auriaci, sumptis, aut gestis armis, prolapsi. Quidquid denique aut quocunque modo contra regiam majestatem commissum aut perpetratum sit, remittimus, & condonamus. Atque ad gratiam ampliandam predictos cives, omnes & singulos restituimus in integrum, & presentibus hisce manifestis restitutos volumus, fama & nominis existimatione integros; servatis etiam bonis tam mobilibus quam immobilibus, eundem ad modum ut erant ante adventum regiarum copiarum. Præterea cives Harlemeos omnes & singulos, vindicatos volumus, ab omni infamia nota & macula, qua notati ob dictas jam causas: Et ob id Procuratori generali, imponentes aeternum silentium, atque adeo ceteris judicibus, justitiæ administris, officiariis, quicunque tandem illi fuerint. Reservato eo & ea conditione, ut promissam pecunia summam pretium redemptionis, pendant & persolvant, ad averruncandam urbis direptionem: excepto eo, quod reservatum nobis volumus, in gratioso edicto non comprehensos LVII. cives, & incolas hujus urbis, quos ad denominationis nostræ arbitrium exemptos volumus, & in custodia detineri, questionibus subjiciendos, ut videamus quopactio se deinceps gerant. Mandantes insuper & jubentes, omnibus & singulis Praesidibus & Senatoribus Hollandiæ, aliisque regie Majestatis judicibus, justitiæ administris, officiariis, aliisque subditorum praefectis, ut ex officio predictos cives atque incolas indigenas Harlemae urbis, viros, feminas, & liberos eorum, presentis gratiae & condonationis beneficio, & omnium eorum qua hoc scripto continentur, ad eandem formam & modum praedictum vivere eos permittant, & tolerant, ut absolute, pacifice atque

in perpetuum fruiis atque potiri possint, absque ullo impedimento aut molestia, & nunc & in futurum, idque sine aliquo, vite, fame aut bonorum detrimento. Atque hæc omnia ex regia Majestatis voluntate & sententia, ad que ratificanda nomen subscripsimus. & regia Majestati in secretiori camera sigillum affiximus. Datum Trajecti Anno 1573. Jul. 27.

Atque horum quidem quos gratioso edicto exemptos voluit Albanus, varia fortuna, viginti novem duntaxat in manus venire, quorum sex securi percussos in foro diximus: plerique in carcere defuncti: inter quos hi præcipui: *Adrian. Iohannis Dordracenus Prætor, Ioh. Duvenvord. civium militarium Tribunus: item Iacobus Bartholomæi Pelicanus, Iacobus Bernardi Duces: Item Ioh. de Wael, Laurentius Wynandi, Loevius Bartholdi, & Martinus pharmacopæus, Seniores: item Ioh. Adriani Iunius Duvenvordii Legatus: item Ioh. Theodori Schatter, Pet. Theodori Hasselaers, signiferi: adhæc Ioh. Cornelii Sael propretor. Denique Arnoldus Theodori institutor, & Arnoldus Farris sector: qui omnes fere inedia, miseria, & animi ægritudine, extincti. Consul Joh. Vlietius tam virtute bellica, quam stirbe nobilis, data fide nonnihil relaxatus, molitoris habitum induit, deponit consulis, atque ita elapsus. Filius Nicolai Verlanii permutatione filiarum Craenhals,*

*liberatus & demissus est. Reliqui, qui se ad confessionem culpæ submittere non potuerunt, obstante animi generositate, detenti in vinculis, in pædore carceris & squallore contabuerunt, in umbra mortis. Fuere & alii, qui patienter expectabant horam mortis, qui circa Cal. Novembris concatenati Amsterodamum deportati, sicut oves ad victimam, comitante militum caterva, qui sententiam mortis, ab Albano jam habebant; & jam mactati fuissent, & capite multati, nisi supervenisset Deus è machina, qui eos periculo liberavit, cum prælio navali Bosluvius captus. Seditio ista de qua dixi, & carnificina in cives, ut Harlemais formidabilis, & plena anxietatis, ita salutaris aliis fæderatis civitatibus fuit, & opportuna ad terrorem excutendum paulatim, & ad se recolligendum. Nec otiosus in ea re Princeps, qui occasionem istam *pro cura & fides.* non neglexit, præsens, absens per litteras percussos civium animos erigere conatus est. Interim muniebant urbis mænia finitimæ civitates, Alcmaria, Lugdunum inprimis. Verum (proh dolor) Don Fredericus rursus nova machinabatur in civium exitium. Cum expeditionem jam acceleraret in Borealem Hollandiæ*

par-

*Harle-
mei ad
fodinas
missi.*

partem, & ad obsidendam Alc-
mariam omnia jam parata habe-
ret, oppidanos jussit ccc. aut ccc.
qui ex omni civium numero for-
tem miserant, ad fodinas ire pro
fossoribus. Qua re exacerbati ci-
vium animi, indignum rati atque
intolerabile, post tot ærumnas
& afflictiones abduci miseros ci-
ves, tanquam ad lanienam, tor-
mentis popularium suorum ex-
ponerent. Nec prodesse quic-
quam potuere, civium indignatio
atque obtestatio, qui ad pacta
provocabant promissæ veniæ.
Sed pro responso datum, nullam
ab iis pœnam exigi, sed operam
præstari officiosam, regi debitam,
cui deberent, quidquid haberent,
vitam, animam. Narrabo hac
occasione, quid patri meo Cor-
neli Schrevelio piæ memoriæ
acciderit, cui missa sorte eundem
quoque fuit Alcmariam fossoris
titulo: in via corripit auro mi-
litem equitem, qui liberum eum
fecit: Pater clam domum rever-
sus, statim proditus, per emissar-
ium ad Prætores delatus, ubi
aliquamdiu in custodia detentus,
ad examen poscitur: ac primum
jussus nominare Equitem perfid-
iæ reum, respondit sese homi-
nem non nosse, sed equum ejus.
Ille deductus in stabulum publi-
cum, non invenit equum, qui in
cœnaculo quodam seorsim segre-

*Patris
Schreve-
lii fortu-
na.*

gatus ab aliis equis stabat, pro-
dente id amico quodam, petiit,
ut liceret sibi adire & intrare ca-
meram in propinquo, & videre
quid rei esset. Ibi cum inventus
equus, statim inspectante patre
& commiserante, in patibulum
raptus. Ita liberatus à periculo
mortis pater meus, detentus ali-
quamdiu in custodia, tandē eva-
sit. Alcmariani, cogente neces-
sitate, cum sese expedire aliter
non possent, varios aquarum
obices aperuere, unde castra mo-
vere coacti Hispani, relicta cum
exsecratione Alcmaria, Interea
cum Dux de Medina in Hispan-
iam profectus, Comes de Bos-
sū grassatus per totam Hollan-
diam Borealem: hinc navale *Navale*
bellum in maritimis ad Au- *prelium*
strum, cum victus Bossuvius in *in mari-*
manus nostratum venit, pactus *timis ad*
pro sua & suorum salute & vita, *Au-*
pactus captivitatem comite dig- *strum.*
nam, Hornam deductus à classis *Bossu*
præfecto Cornelio Theodori, & *captus.*
duce Ruychaverio rerum capi-
taliū præfecto. Hic rumor ad
oppidanos, & cives Harlemeos
pervenit primum, qui in vincu-
lis detinebantur, qui lætabundi
hoc nuntio psalmum cecinere,
Te Deum laudamus &c. Id cum
recessissent amici Comitum de Bos-
sū, consanguinei etiam, Epar-
cham adeunt, de permutatione

captivorum locuturi. Ea occasione Consul Petrus Kies jam dictus, data fide de reditu, Amsterodamum ire jussus, ut cum Verdugo coram ageret. In hoc negotio multos adversos habuit; pleraque enim ejus & captivorum bona erant jam alienata, & translata in dominium Don Frederici, Noircarmes & Barlemond, del Rio, aliorumque. Verum Dux Albanus non magnopere sollicitus de salute Comitissæ Bossuvii, susque deque habens, quanto in periculo versarentur omnes socii: Harlemæos quos captivos detinebat, omnes e medio sublato voluit, patibulo jam destinatos, frementibus atque indignantibus Hispanorum præfectis, quibus sententia capitalis prolongata est, tandem redempti captivi permutatione hinc inde. Petrus Kies vir consularis, cum Weldamo ex illustri familia, cerevisiæ coctor, cum nobili. Capta urbe reversis in urbem profugis civibus, aliquamdiu grassata pestis, cum Cellitarum Pater seu Vespillonum præfectus, cessante omni in Deum fiducia, relicto cœnobio, urbe discessit, cum jam sepulti 3335, peste plerique extincti, An. 1574. Circa hæc tempora exsecrari omnes bella cœpere, inclinare ad pacem: exstant litteræ Magna-

tum reciproca, qui Anno 1574. de pace ineunda serio cogitarunt; imprimis Marnixius D. d' Allegonde, qui Trajecti captivus detinebatur; Is ex mandato Noircarmes diversis temporibus ad Principem Auriacum litteras miserat, an non excogitari media aut remedia possent, ad acceleranda colloquia, quibus præsentium bellorum tandem finis imponeretur. Res eo deducta, etiam post obitum D. Noircarmes, ut personæ nominarentur, quorum opera ad istud negotium uterentur. Verum cum eodem fere tempore Ludovicus Comes de Nassou in planitie Moquensi, ingenti clade affectus in acie cecidisset, postea de pace nihil actum, sed pacis oblitterata memoria est, idque pretioso prætextu, regis majestatis tuendæ; obniten- te summo Dictatore: cui consultius visum, si Hollandiæ, Westphrisiæ, Zeelandiæque Ordines, libellum supplicem regis Majestati, cum omni submissione exhiberent, ut pacis & concordiae amica fœdera, gratiosæ regis veniæ acceptum ferrent. Atque hæc fuit causa, cur pacis initia fœdera pro tempore irrita & aliquamdiu suspensa hæserint, usque dum D. de Champigny, datis ad Carolum Boyssot præfectum Medioburgi litteris, memori-

am pacis refricasset cum Marnixio D. d'Allegonde, qui tum temporis adhuc captivus detinebatur, cum serio ad pacem inclinare eum animadvertit, Marnixius collaudato ad pacem studio, promisit, fore nec Aurantiae principem, nec Hollandiae Zelandiae Ordines defuturos: remissuros potius aliquid de jure suo, quam ut de jure regiae majestatis contra jus fasque quicquam detractum vellent. Itaque non inconsultum D. de Champigny visum fuit, uti in hac causa D. d'Allegonde opera uteretur eumque his mandatis instruxit, ut Roterodamum profectus, Principem adiret, de redimendis captivis ageret, eaque occasione tentaret, quid in negotio pacis obtinere posset. Verum duo potissimum habebat, quae religiose & anxie commendavit: nimirum ut regiam majestatem, & summam auctoritatem sartam rectam vellent; & avitae religionis mentionem nullam facerent. Sub adventum Marnixii (permittente id quoque D. de Champigny) Roterodamum quoque appulit D. Joh. à Mathenes item D. & Toparcha de Riviere, & D. Joh. à Treslong, in Curia Hollandiae quondam advocatus: qui cum deputatis Ordinum ultro citroque contulerunt de his,

quae ad pacem & concordiam facere videbantur: Et intellecta Ordinum sententia, & audito eorum responso, cum ea non iniqua judicassent, scripto ea mandari voluerunt, ut exhiberi & examinari verbotenus possent. Id cum rescivit & subodoratus D. de Champigny, ad Marnixium D. d'Allegonde super ea re litteras misit: aperte nulla circuitione usus, sententiam declaravit, mentem aperuit alienam à responso. Nihilominus D. Allegondius cum D. Ordinibus latius & magis ample egit, ut jam acquiescerent petitioni D. de Champigny, & paratos se dicerent, ut postulata sua in modum supplicis libelli cum omni submissione Regi suo exhiberent, nulla ab Ordinibus religionis avitae mentione facta, illud duntaxat petentes supplices, ut Majestati regiae placeat sua auctoritate & Ordinum generalium consensu rempublicae constituere, exire jussis alienigenis, qui provinciis perniciosi & exosi; in ceteris submittentes se placitis regiae majestatis & Ordinum decretis. Hinc libellum petitione supplicem D. d'Allegonde, exacto pacificationis tempore, Montfordiae ipse obtulit, inde Trajectum reversus ad captivitatis suae locum. Verum non ita multo post jam dictus D. de

Champigny Bruxellis reversus, libellum illum supplicem remisit ad D. Junium paci deditum Veriæ gubernatorem, qui cum D. Carnes Montfortiæ detentus fuerat, loco Marnixii, quamdiu Roterodami esset. Plures deinde Magnatum litteræ ad pacis commercia, Junii & Peronoti ad Carolum, D. de Boisot, Ludovici de Boisot ad D. Campigny, item Joh. Peronoti ad Marnixium, D. d'Allegonde, & plures aliæ, eorum qui authores fuere promovendæ pacis. Sed cum D. Ordines Generales quo ulterius se submitterent non haberent, in armis sibi præsidium collocandum justæ causæ fiducia rati, Deum vindicem à cælo expectare maluerunt, quam Hispanorum jugum plane Tyrannicum subire. De Boffu magis laboratum, qui tres annos continuos in captivitate detentus, usque ad pacificationem Gandavensem. Laborabat interim Patria, cum Hispanorum insolentia (qui jus omne in gladio portabant) intolerabilior, indies visa est. Inde civium querelæ, datis ad L. & Toparcham Hierges Hollandiæ gubernatorem litteris, & ejusdem fere argumenti alteris, ad Didericum à Bekestein urbis consulem, quibus significabant, jam se redactos ad incitas, exhaustos cives, æra-

rium expilatum, conclamata esse omnia, & nisi subleventur militum onere, aut pereundum inedia, aut patriam deferendam extrema desperatione, Phocensium exemplo, quod averruncet Deus: tandem de Pacificatione serio cogitatum, cujus occasio fuit hæc. Nam cum Hispani passim turbas cierent tragicas, & facta conspiratione in exitium inferioris Belgii jurarent, nec seditionum modum nec finem facerent, Alostum occupant, & ob Pacificationis Gandavensis occasio. eam causam hostes patriæ renuntiati, & perduelles, Regis edicto. Et cum Germani milites stipendiis frustrati conspiratione & Anno coitione facta in partes Hispanorum 1576. iverunt, opponentibus sese provinciarum Ordinibus quantum possent, & vim vi repellentibus. Cumque Hispanorum dissoluta licentia & audacia incrementa caperet indies majora, coacti tandem Brabantiæ & Flandriæ Ordines, cum Hollandiæ & Zeelandiæ proceribus, pacis Bredanæ fœdera renovare. Interim depopulantur Trajectum ad Mosam Hispani, Antverpia ex improvviso oppressa, direpta, incensa, opitulantibus Germanis, non sine maxima civium clade, & pernicie. Interim Imperator Maximilianus, quem virtus, quem clementia, Pacis studium com-

Anno 1576. Off. 12. *Comitia Gandavi habita, delegatis summis viris, ipsis regni proceribus, tam spiritalibus, quam secularibus, consentientibus Ordinibus Brabantiae, Flandriae, Artesiae, nec non Hollandiae & Zelandiae: qui delegatos suos habuere, nobiles pariter & patritios, virtute, eruditione & eloquentia illustres. Ac pacta tandem foedera praemissa stipulatione amnestiae, oblitterata injuriarum omnium memoria; Ita articuli concepti quae ad pacem & concordiam facerent, quorum huc redit summa. Hispanos è Belgio exigendos, commercia libera, religionem Catholicam sanctam testam habendam, conscientiae hominum vim non inferendam, Ducis Albani abroganda trophea, statuas, inscriptiones: Principem Auriacum agnoscendum pro praefecto maris, nec non Hollandiae & Zeelandiae gubernatore. Ita rata foedera, approbante regia Majestate, consentiente Philippo 11. Hispaniarum rege. hinc laetitia & plausus indigenarum, excussio jam servitutis iugo, occupatis castellis, Gandavi, Valencenae, Groningae, Lamaraci, & Trajecti: quibusdam everfis & solo aequatis. Verum aliquot annis post, sub adventum Joh. Austri-*

aci, quamvis reclamantibus & obnitenibus aliis provinciis, rupta concordiae foedera, pacis conditiones abolitae. Circa haec fere tempora, immo eodem anno quo haec gesta, exarsit ingens flamma, incendium horribile & inexstinguibile. Cum milites Germani, qui illic in praesidiis erant ad Sparnam propè Rotam, in solita statione excubias agerent, & cespitum struem immanem struerent (dubium utrum per imprudentiam an contumaciam factum) eamque ad focum accenderent immixtis carbonibus derepente incendium quale antehac nunquam visum; dum rumor spargitur, & incendii signum datur, strepente horrendum campana, flamma invalescit irresistibilis: statim domorum culmina superat, intactis vicinis aedibus, & transit in proximam plateam, à trajectu quae nomen habet, versus libanotum: ibi tum maxima in urbe trepidatio, & mulierum lamentatio, earum praecipue, quae incendio proximae, utensilia, cimelia, supellectilem aut asportare, aut occultare non poterant, obvia quaelibet depascente flamma, bacchante Euro-borea, tanta celebritate, ut intra paucarum horarum spatium, civitatis pars tertia conflagravit, reducta in cineres:

*Incendium in-
gens,
Anno
1576.
Octob. 3.*

Hæc facies Trojæ cum caperetur erat, queque ipse miseriam vidi, & quorum pars parva fui. Memini adhuc atque animus meminisse horret: cum pater meus architectus, condis utensilibus & suppellectile occupatus, atque omne instrumentum ad fabricam idoneum, in cella subterranea reconderet, juvante matre, me clam foras exisse in publicum, & constitisse in trivio quo recta ad Sparnam itur, & cum oculos in cælum sustulissem, visa mihi elementa omnia conflagrare, cælum, terram liquefcere. Sed quod miserrimum, in vico nemorali, in vicinia nostra, Xenodochio incenso D. Elysa-bethæ sacro, cui appropinquare vix quisquam poterat, propter laminas ab igne candentes, Deus bone! quanta ibi trepidatio & ejulatio, senum & ægrorum, tam virorum quam fæminarum, qui aut lecto decumberent ægri, aut bacillis innixi vix pedibus insisterent! quidam enim sublati in humeros, quidam storea elati, alii humi repentes elapsi, ducente Deo. Invalescibat interim vis ignea & depascebat quævis obvia; nec restingui incendium potuit, nec tentatum quidem, quamdiu flamma fomitem inveniret. Incensa, & in cineres redacta circiter ædificia quingenta, præter fana, monasteria gerotro-

phia, templa: quippe S. Elysa-bethæ gerotrophium, S. Gangolphi templum, & in proximo S. Martini & virginum discalceatarum cænobium. Sub id tempus milites præsidarii (ut convenerat) discedere iussi, venit in Curiam armata manu Walonum Tribunus & gubernator, oblaturus clâves portarum, cui nomen de Lamerselle, in eam audaciam prorupit, ut cameram ingressus secretiorem, Gijssbertum à Nesse, qui eo ipso tempore & consul & delegatus fuerat una cum Episcopo, ad satisfactionem accelerandam, ut eum impacto in tempora colapho in terram prostraverit, parum aberat quin pedibus eum conculcasset, nec causam habebat cur id faceret aliam, quam quod cum Episcopo delegatus fuisset. Mox secutus alius militum Dux Joh. Simeon, qui pari audacia in Senatum prorupit, importuna voce clamitans proditores omnes quorquor in Curia ordinis senatorii essent; minatus insuper priusquam urbe excederent, sibi cum suis in animo esse Magistratum jugulare & cives expilare, & ut magistratui terrorem incuteret majorem, simul adesse armatos milites iussit & officiales ad præsidia, cædem spirantes. In tanta rerum trepidatione,

Anno
1577.
Mart. I.

tionem, & animorum consternationem, Magistratui acquiescendum erat, (quippe inter arma siliere leges jam olim didicerant) qui satius rati tempori cedere, quam extrema tentare. Coss. ejus anni fuere M^r. Didericus à Bekesteyn, M^r. Gijssbertus à Nes, Gualterus à Rollandt, Nicolaus Joh. Capito.

Anno
1577.
Auriacum
devolutum
vi pacti,
& conditionum
in pacificatione
contentarum.

Anno insequenti mirabilis metamorphosis, in republica, in Ecclesia: Nam primo Martii regimen imperii ad Principem Auriacum devolutum, vi pacti, & conditionum in pacificatione contentarum. Rerum potitus Auriacus Senatum abdicavit & exauktoravit, novum elegit. Creati coss. Gijssbertus à Duvenvoorde D. & Toparcha in Opdam, Pet. Johannis Kies, Nicolaus Joh. Tinctor, Adrianus à Berckenroede; Scabini etiam, & Senatores novi, dato utriusque religionis tuendæ juramento: Et cum iis reformatio cœpit, tum religio vera & orthodoxa, publice introducta, & recepta, non refragante Episcopo, qui 20. Martii, ex autoritate Coss. quos jam dixi, mandatum dedit ædituis templi in Bakenes, ut intra triduum Pontificiorum ornamenta & cimelia tollerent, & omnem supellectilem sacram amolirentur, & valvas templi

reformatæ, Ecclesiæ patefacerent. Mos gestus imperatis: hinc zelus reformatis, & ardens studium propagandæ veræ religionis quæ est in Christo. Itaque nullo remorante obstaculo, die Dominico proximo 24. Martii habita concio, perorante Thoma Tilio, pio ac juxta erudito viro, sacrarum litterarum peritissimo, qui quondam S. Bernardi Abbas fuerat, ad Scaldam prope Antverpiam. Atque ut pietatis exercitia illustriora essent, die 7. Aprilis, ipso Paschatis festo, ab eodem sacrosancta Cæna Domini, ad institutum Christi, administrata, Ecclesiæ membris verbis vernaculis, *Accipite, hoc est corpus meum* &c. Dictus jam Tilius Delphis venerat, quasi ad tempus mutuo datus, verbi divini dispensator fidelissimus, & fidus interpret, qui Delphos ad suos reversus, in ministerio Evangelico perduravit, usque ad extremum vitæ spiritum. Hæc in pace omnia, & mutuo Magistratus politici, & Episcopi consensu, ita ut toto illo anno nulla commotio, nulla sacrorum profanatio subsecuta fuerit. Interim Amstelodamenses inter spem metumque positi, tandem cogente necessitate Pacis cum fæderatis ineundæ, 8. Februar.

Reformatio 1.

Amsterodamenses in partes Principis venire.

Anno 1578. transferunt quoque

P in

in partes Principis Auriaci. Verum cum ad hostem inclinare adhuc viderentur, Ordines rem magni momenti, & periculi plenam rati; si forte Don Joh. Austriacus cum oppidanis occulta collusionis commercia haberet, facili negotio expugnari urbem posse: Ita D. Ordines per suos delegatos, & cives reformatæ religioni addictos, urbem in suam potestatem asseruerunt, & mutato rerum cardine, exautorato Magistratu repub. invasere, intromissis ad præsidia militibus; qui templa, cœnobîa expilarunt: Et qui Magistratu abdicati, factiosi, plebei etiam, adhæc monachi, pontificii laici, una omnes civitate exire iussi. Hæc gesta fere 1. maji, & postea in Augusto. Atque hæc impune omnia. Exemplum illud vicinæ civitatis, militibus qui Harlemi erant, stimulos subdidit similia patranda: nec continere se diu potuere, qui in præsidiiis erant cohortes tres, quorum præfectus Arnold à Duvendorde, Duces alii Teilingius & Reinaldus. Nam quatrîduo postquam Amstelodamensium turbæ fuissent, 25. Maji ipso Sacramenti festo, quod summa veneratione Catholici colunt, similia tentavit militum factio, & successum habuit satis funestum.

*Sacrileg.
Harlemi.*

Nam cum templum augustum illud, pœne angustia laboraret propter hominum frequentiam, tam mulierum, quam virorum, puerorum etiam, atque inter eos cœ. cives cum tædis qui hostiam consecratam anteirent, cum templo exire nec possent, nec auderent, intra templi sacra-ria se continuerunt, & processus sollemnia adornarunt, instituta in orbem circuitione. Dum præparandis sollemnibus intenti, nuntiatur cætui, armatos milites templi vestibula obsidere, paratos involare in sacra, quo nuntio non parum consternati omnium animi, unicum præsidium in fuga visum: Cum milites laxatis licentiæ frænis, peracto circa horam x. missæ sacrificio, & accensis jam tædis ad processum se pararent sacerdotes & clerus; Ecce ingenti strepitu in ipsis templi vestibulis ad terrorem excitato, in ædem sacram irruunt, & impetum in obvios quovis faciunt, ita ut sæminæ pariter ac viri, pueri inprimis, metu exanimis promiscue in se mutuo caderent, & fugam caperent, quavis parte in præceps dati. Vidi ipse, vidi pueros & adolescentes scholasticos in choro lintea amictos tunica, ab altari sublimiori præcipientes se dedisse, stillante ex naribus sanguine. Ego cum inno-

innocens & tenellus adhuc solus
 essem, derelictus ab omnibus,
 memini militem stricto gladio
 ad ipsa templi penetralia ingres-
 sum, sævisse in ciboria, & thu-
 ribula, & terræ illita pedibus
 conculcasse: puero pepercit la-
 titanti, jam sexenni. Mox super
 venit mater pœne exanimis, quæ
 filiolum media inter oscula am-
 plexus, manu prehensum sustu-
 lit citato cursu; *pedibus timor ad-
 didit alas.* Auxit timorem, quod
 quidam sacerdotes & cives, male
 mulctati, inter quos presbyter
 innocentiae proximus, occisus
 dicitur: Præterea muto & pœne
 innocenti, Martino Michaelis
 nomine, sica transsossus latus,
 qui ex vulnere non exstinctus.
 Aliis presbyteris & sacerdotibus
 exuta togæ, pallia & marsupia
 erepta: mulieribus erumpere co-
 nantibus in fuga deprehensis,
 pallæ detractæ, rapti digitis tena-
 cibus annuli gemmati, quod tes-
 tari possum oculatus testis. Epi-
 scopus autem Godefridus à Mier-
 loo, qui eo tempore adhuc con-
 cionem habuerat, miraculose ser-
 vatus à Quæsitore seu latruncu-
 latore in cella subterranea, cui,
 cum aliis militibus fidis sibi, cir-
 citer L. florenos pro honorario
 dedit, pretium redemptionis.
 Cumque ad eum modum pulsi,
 fugatique essent ex æde sacra,

& sacris prohibiti miseri cives,
 & templum vacuum, milites
 nondum contenti, casiolas holo-
 fericas & fimbriatas, amicu-
 lineæ, & cujuscemodi generis
 ornamenta spoliarunt, & quæ
 cistarum thecis recondita in præ-
 dam verterunt. In altaria & si-
 mulacra tum minus sævitum. In-
 terim Nicolaus Ruychaverius
 Prætor, & Petrus Kies consul, in
 templum tandem venerunt, qui
 tanquam Dioscuri mulieribus
 quibusdam, quibus adhuc lucta
 erat cum prædonibus, apparue-
 runt, quas liberarunt, & mili-
 tibus exire jussis, claustra objecta
 templi foribus. Tum milites qui
 ex rapto viverent, præda inef-
 cati, statim ad Minoritas se con-
 tulerunt, qui mensæ accumbentes
 prandium sumebant, sed consp-
 ectu militum territis Mona-
 chis, & in fugam datis, obstante
 nemine totum cænobium spolia-
 runt, nec à sacris abstinerunt.
 Post meridiem calentes adhuc
 à sacrilegio circa horam tertiam
 cænobium Dominicanorum ad-
 motis cuneis vi effregerunt, &
 diripuerunt. Fana cætera, mona-
 steria, intacta reliquerunt, præ-
 terquam quod virginum & sæ-
 minarum devotarum collegia vi-
 sitarunt, prædæ duntaxat intenti
 lineæ aut laneæ, aut rei cibariæ,
 & si quæ reposita haberent ad

victum, ea secum abstrulere quasi cum bona venia. His perpetratis milites ad se tandem redeunt, & male concilii meruere capere ab exacerbatis civibus, tympanorum pulsū suos convocant, & in foro omnes in armis esse voluerunt. Tota illa nocte sequenti, nulla quies in urbe, suspecta omnia, frementibus frustra civibus, & vindictæ intentis. Hæc ita gesta accepimus; Ea sive effrænata militum licentia acciderint, seu Magistratus indulgentia, sive iusto Dei judicio, ut excusso Hispanorum jugo in libertatem se vindicarent Belgæ, omitto dicere. Ita pertæsi tandem Hispanicæ tyrannidis Belgæ, Ordines, cives, acerrimi libertatis avitæ vindices, constituta jam aliquo modo repub. asserta religione, edicto publico notificarunt, Hispaniarum regem *Propter fidem* non servatam imperii, majestatem excidisse, subditosque omni obedientiæ & religione exsolutos, ruptis simul sigillis, & rejectis insignibus regiis, publicata & divulgata jurisjurandi formula, qua se D. Ordinibus obstrinxerat: ac primum equestri ordinis nobilibus, Patribus patriæ, atque adeo omnibus Hollandiæ Rectoribus & præfectis, qui ad clavum Reipub. sederent. Juramenti formula hæc fuit ab una parte.

PHilippus ego Hispaniarum Princeps, utriusque Sicilia, Hierosolyma, 1549. Archidux Austria, Dux Burgundia, Comes Salburia, Flandria, & iuro spondeoque me in Dominio & successione inferioris Belgii, & Comitatus provincie Hollandia. Westphrisia, nec non civitatis Harlemania, civibus atque oppidanis bonum, justumque Dominum & Principem futurum. Adhæc me omnia jura, privilegia, chirographa, statuta, immunitates, olim à majorebus nostris Hollandia Comitibus & Comitissis concessas & donatas defensurum pro virili, nec non laudabiles ritus patrios, & consuetudines, usurpationes antiquas, bene, fideliterque servaturum, & servandas mandaturum. Porro, facturum me, quod & bonum & justum Principem, & D. benignum facere justum & æquum erga fideles subditos: ita me amet & juvet Deus, atque omnes sancti. Amen

Eandem illam juramenti formulam Princeps ipse verbis Latinis pronuntiavit manu tenens S. Evangelii Codicem.

His peractis ceremoniis prælecta fuit Oppidanis quoque Juramenti formula ad mutuam obligationem, in hanc fere sententiam.

Nos Coss. Scabini & Senatores, caterique cives atque Oppidani civitatis nostræ Harlemaniae promittimus & juramus, nos post obitum Cesareæ Majestatis clementiss. D. Nostri (qui ut diu beateq; nobis superstes sit Votorum nostrorum apex, Et diu lætus intersit populo Batavo, serus in cælum redeat) illustrissimo Hispaniarum Principi, utriusque Sicilia, Hierosolyma, Archiduci Austria

Duci

Duci Burgundia. Comiti Salburia, Flandria, & qui jam dato fidei juramento Comes Hollandia & inauguratus, bonos & fideles futuros gratiose celsitudini vestre, & dominiis subiectos, nos jura Comitum feudalia fideliter servaturos, & in honore habituros, nosque Gubernatori, Praefidi Hollandia Senatoribus, atque adeo omnibus Iustitia administris & officialibus, munus suum ex aequo tueribus, & exercentibus, obtemperaturos: Et porro fidos, bonos & officiosos futuros, ad defensionem nobilissimae tuae personae, & celsitudinis clementissimae, & dominiorum erga unumquemque, perinde ac exigente id ratione & jure debemus facere: Et porro facturos omnia, quae bonos & fideles subditos legitimis suis Dominis aequum est facere, & tenentur etiam: Ita nos amet, juvet Deus, & omnes sancti ejus.

Quorum omnium praedicti Harlemites acta publica petierunt sibi dari, quae Principis celsitudo libens concessit, nempe praesentia haec, Actum Harlemi Anno & die praescripto. Praesentibus Principe Piemontano, Duce Albano primario praefecto aulae Caesareae majestatis, D. & toparcha à Beveren, Archithalasso & gubernatore Hollandiae & Trajecti: Item D. & Toparcha à Molenbais, aurei velleris equitibus, Hornae Comite & Megae, D. Antonio de Toledo supremo equario Celsitudinis Principis. Item D. D. Viglio à Sauchem, Equite & Iuris D. qui caput & praeses consiliorum arcanorum Caesareae Majestatis, aliisque compluribus. Infra subsignatum: Philippus. Inferius scriptum. Me praesente,

Kerl en.

Interim hoc dabant operam Ordines ut Iustitiam factam tectam haberent. Nam militum unus qui presbyterum interfecebat, jubentibus Hollandiae Ordinibus capite multatus, poenas dedit. Et ne impunita transirent, iterata sacrilegia tres cohortes, quas supra memoravi aliorum translatae. Praefecti Duvenvordius, & Reinolii cum suis ire jussi xi. Jun. quorum alter Delphos, alter Lugdunum profectus. Et Dux Tellingius Hagam petiit xvi. Jun. quibus ante discessum imperatum, tympanorum pulsu & campanae sono, ut praedam restitnerent milites sub poena ignominiae, exauctorandos eos qui secus facerent. In quorum locum cohors nova in civitatem venit. Clauso igitur templo exclusa defunctorum corpora, sepulchri nullus honos. Cum interim Amstelodamenses ad sacrilegia aliquandiu intermissa redirent, ut anes ad vomitum: Et qui Harlemi erant milites ad exemplum eorum similia tentabant, in templi fores arietabant, perrumpere conati & in sacra involare, altaria demoliri, omnia in praedam vertere in animo habebant, sed inter veniente Ducis legato, prohibiti sed non pacati. Quocirca cum tranquillitatis publicae cura ad Magistratum

P 3 per-

pertineret, convocato Senatu decretum tandem, & proclamatum de Curia, ut quisque domum suam asportarent quæcunque tam propria, quam hæreditaria in templo haberet, sive imagines sive Epitaphia, sive ornamenta sepulchralia, sive ea quæ in pretio haberent: Et ne quid in templo relinqueretur, quod idololatriam saperet, edito cautum. Præterea novum adhuc sacrarium, & altare sublimè illud affabre sculptum, imaginibus ad vivum factis condecoratum, Magistratus demoliri jussit, cujus adhuc hodie reliquæ, propter artis excellentiam, in aula Principis asservantur, & habentur in pretio. Ita idolis, & omni inveterata superstitione purgatum templum, cultui divino & reformatæ religioni jam tum destinatum, & ministerio Evangelicæ doctrinæ consecratum, quod in nomine Domini ocepit piæ memoriæ Ioh. Damius, ex Palatinatu, qui venerat reformatæ religionis propagandæ causa, quam hodie adhuc puram & intemeratam per Dei gratiam habemus. Hinc Pontificiorum querelæ, inferentium, Pacificationis Gandavenfis fœdera, eo modo violata, quibus religionis libertas, concessa & approbata sigillo Regio, Ne-

*Reformatio
capit.*

*Pontificior.
querelæ.*

que hoc mirum videri debuit, cum non diu inter Ordines servata concordia, cum in partes jerunt, moliente res novas Don Iohanne Austriaco; hinc clandestina consilia de Hispanis revocandis, Ita violato fœdere, bellum exarsit. Atque hæ Catholicorum (quo nomine gaudent, Pontificii) querelæ, privata primùm inter cives, mox publicæ, exhibito libello supplice. Nam cum Amstelodami Comitia haberentur, ausi Principi Auriaco, libellum supplicem exhibere, quo Religionis avitæ libertatem petebant, cui etiam subscripserant plures alii, cives primarii, inter quos etiam reformatos nonnullos fuisse perhibent pacis studio. Tres delegati, quibus id datum negotii, ut summa qua possent reverentia ac submissione Principi Auriaco exhiberent: Quibus indicatum dicto non scripto, responsum daturus Ordines Hagæ-Comitis, pollicitos datis litteris ad se vocaturos: quod & factum; sed nihil obtinere, repulsam passi, quod in supplicatione illa à calumniis non abstinere, & auctoritatem D. D. Ordinum vilipendere viderentur. Quamobrem ad suos redire jussi, & qui eti se dare; Deum provisorum; quippe incerta omnia adhuc fluctua-

Anno
1581.
Iul. 26.
Parrici-
dium
Princi-
pi.

etuebant, cum Pontificiorum & reformatorum odia invalescerent, indies magis. *Pacificazione Gandavensi* irrita jam, concordia Ordinum in simulates versa, Magnatum machinationes subdolæ, factiones civium periculosæ. Divisa respub. in partes, atque adeo omnia in pejus ruere videbantur. Positæ Principi Auriaco insidiæ, Antverpiæ primum, exonerante sclopum sicario Joh. Jauregni Hispano. Sed fatalis annus Principi fuit 1584, cum à Balthasaro Seraes Burundo proditore interfectus est. Ita parricidio Principis turbata omnia. Cumque D. Ordines viribus suis non satis fiderent, de externo auxilio cogitare capere. Itaque statim post obitum Ducis d'Anjou Hendrico Galliarum regi supremam Belgii inferioris potestatem per legatos suos obrulerunt. Ille sumpto ad deliberandum spatio, tandem humanissime sese excusavit, & respondit, oblationem tam honorificam sibi perquam gratam esse, sed non consultum sibi videri, bellum movere Hispanis, propter motus Guisianos intestinos. Si commendari hoc negotium Reginæ Angliæ Ordines vellent, daturum sese operam pollicebatur, ut non difficilem se præbeat in hac causa.

Reversi in patriam Ordinum delegati, cum nihil obtinuissent, statim Comitibus habitis decretum, etiam Elyzabethæ Angliæ reginæ deferre jus omne supremæ potestatis, iustis & legitimis conditionibus, vel si id obtinere Ordines non possent, ut in tutelam & protectionem recipere Belgas miseros dignetur, vel subsidia & copias auxiliares mitteret, quibus resistere Hispanorum potentia possent. Serenissima Angliæ regina Elyzabetha commiseratione tacta, benignis auribus excepit oblationem tam honorificam quam liberalem. Et cum ad rem ventum, nulla verborum circuitione usa imperii jus summum repudiavit, sed omnem opem pollicita si Vlissingam & Brielam maritimas civitates oppignoratas haberet. Acceperunt conditionem nostratum legati, mutui contractus signatæ tabulæ. Ita ad suos reversi voti compotes, Nec cessavit in officio regina Angliæ, quæ Robertum Dudlejum, Northumbriæ Ducem, Lycestræ comitem, militiæ præfecit, & summum Ducem cohortibus suis auxiliariis esse voluit: Quæ gesta ab illo in Belgio, carptum dicturus ad fidem historiæ ejus temporis. Robertus igitur Dudlejus titulo imperatoris ex Anglia

*Lyce-
striana
tempora*

glia solvit XIX Decembris. Is cum Vlissingam appulisset, comitante comite Essexio, & magna Baronum & nobilium caterva, splendide ac honorifice exceptus, cum summo civium plausu & congratulatione, exoneratis tormentis. Sed non diu illic commoratus, in Hollandiam profectus Dordracum appulit, ultimo Decemb. die: cui Magistratus venit in occursum gratulandi causa: cives i narmis erant, à quibus magnificè introductus in urbem, cum summa omnium gratulatione & plausu: canentibus tubis, in hospitium heroicum deductus, epulo exceptus triumphali; ubi & pernoctavit. Die postero Hagam tendit, qua occasione in via ab aliis civitatibus quæ transeundæ illi, omni pompa, & magnifico apparatu, stantibus in procinctu civibus, exceptus est, donec tandem Hagam delatus, occurrentibus in via quadrigis, à quibus exceptus, & introductus in aulam Principis triumphali pompa, clangentibus buccinis: sub vesperam accensi ignes lætitiæ testes, epulo instructo Pontificum potiore cœnis. Et die postero in pleno Ordinum consessu, orationem habuit gravem, & omni humanitate stillantem Elbertus Leoninus Cancellarius, nomine Ordinum generalium

unitarum provinciarum: qua delata illi plenaria autoritas, salvis privilegiis: absolutum insuper imperium in militiam & militares, terra, mari: & simul cum Gubernatorem renuntiarunt, & eam detulerunt ei potestatem, qua majorem non habuit Imperator Carolus, videlicet salvis privilegiis, contractibus, & receptis consuetudinibus, dato etiam juramento. Verum ille arbitratus factam sibi plenariam quidvis agendi potestatem, posthabitis privilegiis, inconsultis Ordinibus, postea gubernationis suæ limitationem nullus admisit: quod etiam regina Angliæ Elyzabetha indigne tulit, & vasalli sui arrogantiam reprehendit. Hæc gubernationis initia inauspicata fuere. Nihilominus Harlemæ certiores facti de adventu Comitissæ Lycestriæ, omni modo in id sibi incumbendum rati, ut summo quo possent honore & splendore excipere novitium Imperatorem possent, Quare vocatis ad se pistoribus, atque architectis, qui maxime celebres & artis nullius rudes, quibus aperuerunt consilia sua, videlicet propositum sibi, in adventum Comitissæ Lycestriæ, theatra, amphitheatra, arcus triumphales erigere, Pyramidem etiam in foro in honorem reginæ Elyzabethæ

Jan. 7.
Anno
1586.

bethæ. Eos omnes dicto audientes Magistratus habuit, & nuntii obsequentes. Euestigio totius urbis fabri, ad id operam contulerunt subitanæ; Cumque parata jam essent omnia, nuntiatum Lycestriæ Comitem novitium gubernatorem, adventare. Vbi ingens concursus populi & plausus, studia civium, Magistratus cura, ut honorem civitatis tuerentur. Hæc & plura alia quæ oculis vidi, narrare gestit animus. Adventante igitur Comite Lycestriæ, cumque jam in propinquo esset, stabant ante portam Coss. & Senatores habitu & ætate venerabiles, quibus aderat Orator, gratulationis munere functurus: Cives armati hinc inde in platea nemorali, qui turbam sisterent ruentis populi. Ante hortum pub. sagittariorum, primo urbis aditu, theatrum erectum in quo Albani tyrannidem repræsentabant mutis personis histriones: Alterum ad pontem nemoralem, prope fossam antiquam, in quo Belgica, virginali habitu, rectore destituta repræsentata. His ita ordinatis ad pompam, urbem ingressus est sospitator ille, clangentibus buccinis, præeunte Equitum turma. Ipse equo candido investus, stipantibus latera satellitibus, omnibus se spectandum præbuit placido

vultu, quem sequebantur Barones, & ex illustri familia nobiles, in quadrigis sublimes: ita mediis inter cives ad forum tendebant, ubi ingens amphitheatrum & spatiosum, in quo heroinæ Elizabethæ, serenissimæ reginæ imaginem exhibebant, ad supplices Belgas manum tendentem. In foro erecta Pyramis modicæ altitudinis, in qua depicta Angliæ insignia & Lycestrianæ stirpis imagines gentilitiæ, adhæc inscripta Panegyrica in laudem Comitis. Ita in aulam deductus cum toto comitatu, triumphali pompa, exceptus magnifico & geniali Epulo, quale antehac nunquam; Harleми aliquandiu moratus, ubi & comitia habuit, sive loci amœnitate, sive civium humanitate illectus, incertum. Postea Amstelodamum petiit, & Boreales Hollandiæ civitates perlustravit, simili pompa exceptus, ut credibile. Traiectum venit. 1. Aprilis, ubi & aliquam diu commoratus. Iustratis civitatibus, & expensis omnibus ad gubernationis generalis munia quæ pertinere videbantur, nihil non sibi arrogavit, fixit leges, atque refixit, auctoritatis suæ fiducia. Ac primum disciplinam militarem innovavit. Edicto pub. prohibuit clandestina cum hoste commercia, credo quo Angli

Q. tutius

Lyce-
strie
Comes
Harl.
venit.

tutius nova molirentur. Et belli quoque auspicia facturus, subactō Gravio, quum D. & Toparcha in Hemert capite truncatus, cepit Apelen, Dufburgum armis subigir, & cum duce Parmensi prope Zutphaniam, levi velitatione hostem provocavit. Propugnaculum Zutphanienſe circumvallatum cepit. Interim suborta in Britannia ſeditio, trajecit in Angliam, non ordinata repub. Interea æmulatio ſuborta inter Comitē Hohenloo, & D. Eduardum Norrits, & inter noſtratium milites & externos, hinc juſtæ Ordinum querelæ. Trajecti quoque non parva diſcordia, quam fovere Lyceſtriæ Comitē conſtans erat rumor, in qua relegabant cives ſuos, de patria non male meritos. Inde ſuſpicionē ſiniſtræ; auxit ſuſpicionem prodita Daventria, auctore Gul. Standley: Acceſſit alterum, quod propugnaculum Zutphanienſe, magnum Velaviæ caſtrum, tradidit in manus Ducis Parmenſis. Auxit dolorem ſeditio equitum Anglorum. Quibus ita exacerbati Ordinum & militum animi, ut Mauritio Principi Auriaco gubernationis Hollandiæ & Zeelandiæ delatus honos. Quid moverit Ordines id facere, litteris indicant querulis. Cumque DD. Ordines deliberarent de

conſcribendo exercitu, in Hollandiam rediit gubernator Lyceſtriæ cōmes, indignatus ita proſtitui auctoritatem ſuam, injuriam ſibi factam ſcripto publico divulgavit: Cui reſponſum ſolide ab Ordinibus auctoritatem Belgicam tueri ſolitis. Detecta tandem conſpiratione Leidenſi, nulla fides Dudleo habita, omnes ſibi adverſos habuit, inviſus omnibus. Itaque non diutius in Belgio ſibi commorandum ratus, collectis vaſis in Angliam rediit inglorius. Qui poſt tres meſes demum imperio renuntiavit, ut omnes qui juramento ſe obligaveſſent obnoxios haberet. Libera jam repub. reſtore ſuo jam deſtituta, Mauritio principi, qui Guilielmi Principis Auriaci filius, imago patris, & avitæ virtutis hæres proximus, ſupremæ poteſtatis honorem Ordines detulerunt: ita Hollandiæ, Zeelandiæ, Friſiæ, Weſtphriſiæ, aliarumque finitimarum provinciarum gubernator renuntiatus, delata ei ſumma auctoritate, euntibus in eandem ſententiam omnibus civitatibus, & provinciis unanimi conſenſu. Ejus ductu, atque auſpiciis, coaluere iterum incolarum animi, glifcente civium concordia, & quieta jam repub. in multos annos. Luſtris jam aliquot labentibus, prolatandis finibus imperii,

com-

*Diſceſſus
Comitis
Lyceſtriæ.*

commiſſis feliciter præliis, expugnatis arcta obſidione manibus, aut fortius deſenſis; admirati exteri Ordinum prudentiam, & in repub. adminiſtranda virtutem ſingularem. Cumque princeps Mauritius æternam nominis ſui gloriam in re militari jam conſecutus eſſet, ut qui parem non haberet, ſummus Imperator audivit totius orbis. Quodque honorem auxit, reges confæderatos Belgæ habuimus. Anno enim 1597. facta unio, & pacta fædera inter Galliarum regem, & Angliæ reginam, & inter Ordines unitarum provinciarum. Ita creſcente potentia indies magis, commercia tandem in Indiam tranſtulere armorum fiducia. Ea occaſione amicitia cum regibus etiam Barbaris initæ, & longe diſſitis nationibus: inde tot regum legati, indies ad nos commeantes, qui Ordinum ſalutandorum cauſa, gratulabundi alio ab orbe venerunt, admirati Belgarum invictam fortitudinem, ut qui tot annos, cum potentiffimo totius orbis Monarcha, Hiſpaniarum rege, bellum geſſerint ſemper felicius. Ita ut Dioſcurorum ſalutare ſydus Orbi Batavo aſfulſiſſe jam videretur, cum Archiduces Albertus & Iſabella, & ipſe Hiſpaniarum rex Philippus Philip-

pi filius, paratos ſe oſtenderent Ordinum fæderatorum libertatem agnoſcere, & pro libero populo habere. Movit noſtratum animos (qui à multis retro annis perduelles & læſæ majeſtatis rei apud regem Hiſpaniarum) libertatis nomen: eo res deducta ut intercedentibus trium regum Gallia, Britannia, Damia aliorumque Principum & Ducum legatis, in pacis commercia hinc inde conſenſerint. Cæpta tandem colloquia: Itaque Ordinum Comitia Bergis ad Zomam (oppidum Brabantia eſt) habita, in conſinio utriuſque partis, ubi ex conſilii ſententia decretum eſt, ut Decemviri crearentur, mandatis inſtructi, & ampliffima poteſtate conveniendi de longi temporis induciis, pro ut ex commodo reipub. fore indicarent. Locus colloquio deſtinatus fuit Antverpia, flos & ocellus urbium Belgicarum. Adfuere ibidem delegati Archiducum, una cum patre Ney, qui paulo ante ex Hiſpania reverſus, ſecum attulerat litteras regias fiduciarias, pacis ineundæ auſpices. Convenierunt aliquoties in Curiam, atque ibi conſiliis inter utramque partem collatis, & communicatis; quæ ſideli ſilentio, tanquam ſacra arcana Cereris, aut magnæ matris, in occulto erant.

*Inducia
cum Hi-
ſpano.*

Ita anno 1609. instituta colloquia ad amica Pacis commercia, in quibus cum multæ & graves difficultates moverentur hinc, inde, quæ pacem impedire viderentur intercedentibus regum legatis, assentientibus Ordinum deputatis, pacta tandem fœdera, initæ induciæ in XII. annos, præmissa declaratione & contestatione Archiducum, tam suo quam regis Philippi nomine, à quo procurationem & plenariam potestatem habebant, quod inducias inirent cum D. Ordinib. tanquam cum libero populo, suis legibus, moribus atque institutis utente, renuntiantes juri suo quod hætenus prætenderant. Articuli pacis tabulis publicis consignati, & per omnes civitates unitarum provinciarum promulgati voce fœcialium, quos D. Baudius in latium transtulit, & Latinitate donavit. Deus bone quantus ibi tum populi plausus, & triumphus quanta juba & gaudia, indictæ templis supplicationes: Totus Magistratus, ordo amplissimus, trabeata in veste sedebant, pro Curia in theatro peristromatis strato, quæ omnia summa gratulatione excepi, vidi etiam cum admiratione & gaudio. Exinde amica provinciarum commercia, utroque citroque com-

antium, tormenta hostilia in triumphum versa. *Induciarum Articuli* fere ejusmodi, quos superioribus subiiciam, verbis Baudii.

I.

Primum Serenissimi Archiduces, tam suo, quam regis Hispaniarum nomine, declarant, se paratos esse, cum ordinibus unitarum Provinciarum agere, tanquam cum libero populo, suis legibus, moribus atque institutis utente, in quem nihil juris prætendunt, quemadmodum nunc præsentem Induciarum contractum cum iis inierunt, sub pactis, & conditionibus, quæ deinceps subiiciuntur.

II.

Ut per XII. proxime sequentes annos, firmæ, fidæ & inviolabiles sint, ac servantur Induciæ: quibus labentibus supersedebitur ab omni actu hostilitatis, terra marique, fluminibusque, inter subditos, incolas, & advenas Regis Hispaniarum, Archiducumque, & Ordin. confœderatorum, sine ulla exceptione locorum personarumve.

III.

Utraque pars placide pacificeque retineto, salvam & incolummem possessionem, regionum & urbium, locorum, tertiarum & Do-

& Dominiorum quæ nunc detinet, absque ulla injuria & molestia. Quod & locum obtinebit in pagis, vicis, ac territoriis, quæ inde dependent.

IV.

Subditi, & inquilini utriusque partis, tam Regis & Archiducum, quam Ordinum fœderatorum, invicem colunt mutuum benevolentiam & amicitiam: nec fas jusque esto præteriti temporis damna, vel offensiones ulcisci atque exprobare, suntque libera utrimque negotiandi commercia, per terras, per maria, per flumina. Quod tamen Rex Hispaniarum cupit restringi, ad regiones, terras ac provincias quas possidet in Europa: vel ad alia regna, dominiaque, quo regum ac Principum amicorum subditi, negotiandi causa commeari solent. Ab iis vero locis, urbibus, portubus atque insulis, quæ extra fines prædictos sub ejusdem regis imperio sitæ sunt, Ordines, eorumque subditi abstinere, nisi eo commerciorum causa proficiantur, nisi impetrato Regis consensu, commeatuque. Quod vero attinet ad loca, quæ aliis Regibus, Proceribus aut populis subiecta sunt, etiam extra limites Europæos, licet Ordinibus, eorumque subditis, iis in locis ac regionibus

commerciari, aut negotiari, dum id fiat permittentibus locorum dominis: nec ullam moram, aut impedimentum, tum objiciet Rex, ejusve administri, vicarii, aut officarii, quominus Domini locorum, eam libertatem suo arbitrato concedant: nec ipsis Ordinum subditis, negotium, aut molestiam faceret, quo minus eo jure commeandi, commercandique libere utantur.

V.

Et quoniam longi temporis tractu opus est, priusquam certiores fieri possint, qui extra fines Europæ, cum instructu & navibus commercia exercent, ut ab omni hostilitate desistant, placuit ex communi sententia, initium Induciarum fore demum, intra annum, ab hodierno die supputandum. Tamen si citius perveniat ad eos noticia pactorum conventorum, recte, & ordine, atque ex bonæ fidei præscripto facient, si ab eo tempore sese ab omni actu hostili contineant. Quod si post istud spatium ulla hostilitas admissa fuerit, damnum & injuria, continuo & sine tergiversatione reparabitur.

VI.

Subditi & incolæ regionum tam Regis Archiducumque,

Q₃ quam

quam Ordinum confæderatorum, ultro citroque negotiantes, ne gravioribus tributis, portoriis ac vectigalibus onerentur, quam ipsi earum regionum ubi illa solvuntur, subjecti amici, & fæderati, qui minimis oneribus astringuntur.

VII.

Subditi & incolæ D. Ordinum eadem securitate ac libertate fruuntor, in locis ac dominiis, Regi & Archiducum imperio subjectis, quæ concessa sunt subditis regis magnæ Britanniæ in tractatu pacis nuper cum ipsis conventæ, secundum arcanos articulos qui cum Connestabili Castiliæ pacti fuere,

VIII.

Non esto fas sistere, aut manum iniicere in mercatores, magistros navium, exercitores, nautas, nec in eorum naves, pecunias, merces, bona, quocunque prætextu id fiat, sive ex causa generalis, aut specialis mandati, sive per occasionem belli, sive quæsito colore conservandi, defendendique fines. Nec tamen una comprehenduntor, si quæ manus injectiones factæ sunt per legitimos Justitiæ tramites, ob debiti æris nexum, & obligationes rite contractas, quæ obtinebunt suum vigorem, & in

iis servabuntur sollennes viæ ac formulæ iudiciorum.

IX.

Et quod ad commercia attinet, quæ in Belgicis regionibus frequentabuntur, si ex iustis querelis apparebit quædam vectigalia, propter belli erogationes, & necessitates introducta, modum excedere, ut inde mutua negotiatio plurimum capiat detrimenti, propositis ab alterutra parte rationibus gravaminum, delegabuntur continuo iudices, qui super ea re cognoscant, & ex communis consilii sententia, quo ad ejus fieri potest, omnia ad moderationem debitam reducentur, neque tamen si id obtineri non possit, ideo violatas inducias existimari debebit.

X.

Si quæ sententiæ, iudiciaque redditæ fuerint in contrariarum partium sequuturos, tanquam in contumaces, quorum defensionem nemo suscepit, tam in civili, quam criminali causa non poterunt, pendentibus Induciis, mandari executioni, nec adversus personas, nec adversus bona condemnatorum.

XI.

Litteræ pignerationis aut præfaliarum, non obtinebuntur pen-

pendente eo tempore, nisi ex dextro causa cognita, quibus casibus id per leges & constitutiones Cæsarii juris concedi solet.

XII.

Fas jusque ne esto appellendi ad portus, plagas, promontoria alterutrius partis, cum tali numero navium, aut armatorum, ut iusti timoris suspicio generari posset, vim parari, nisi ex permisso ejus, sub cujus ditione loca illa sita sunt, aut nisi tempestatibus, aliaque necessitate delati illuc fuerint, ad majorem vim, aut naufragii periculum effugiendum.

XIII.

Hi, horumve heredes, aut successores, vel mandatarii, quorum bona belli, vel partium odio per manus injectionem capta, aut fisco addicta fuerint, durantibus Induciis, ac privatæ autoritatis arbitrio, non implorato legum ac Magistratuum auxilio, vindicant à quibuscunque possessoribus, eisque utuntur, fruantur, vi & vigore præsentis tractatus, etiam si in fisci jus & naturam transierint, aut per oppignerationes, donationes, pacta, conventa, transactiones, aut quascunque renuntiationum clausulas alienata fuerint, ad excludendos eos, quibus jure com-

petunt. Ita tamen, ut de iis non sit libera disponendi potestas, alienandive, aut oppignerandi, nisi impetrata venia ab Archiducibus vel Ordinibus,

XIV.

Quod & locum obtineto, in hæredibus Principis Arausionensis, ex causa juris, quod ipsis competit in Salinas Burgundici comitatus, quarum usus fructus ipsi restitutor, cum sylvis & salibus inde dependentibus. Et quod ad litem Castellobelini attinet, jam vivo Principe intentatam in supremo Senatu Curie Machliniensis, contra fisci procuratorem regis Catholici, promittunt & spondent Archiduces se bona fide daturus operam, omnique studio ac diligentia curaturos, ut sententia rite feratur intra anni spatium, ex quo lis contestata fuerit, sine ulla longinquiori mora, vel comperendinatione.

XV.

Si à fisco distracta fuerint utrimque bona, contenti esse debebunt ii ad quos ea jure & ex vi præsentis tractatus pertinebunt, usuris sex nummorum cum quadrante, in singulos centum constitutis, quæ fideliter solventur à possessoribus dictorum bonorum pendentibus Induciis, si autem

autem illi in mora fuerint , tunc proprietariis è fundo prædiorum , & ex capite , & ex sorte , satis fiet.

XVI.

Sed si ejusmodi bonorum distractio in judicio facta fuerit servatis sollennibus , ob expungenda nomina justa & legitima eorum , ad quos ea bona pertinebant antequam fisco addicerentur , licebit ipsis , aut eorum hæredibus vel successoribus , ea redimere solvendo pretium , intra anni spatium numerandum à die præsentis tractatus , post quod tempus non amplius competet talis facultas. De redemptis vero statuere ac disponere pro suo arbitratu poterunt sine impetratione comæatus, aut ullius indulti.

XVII.

Hujusmodi tamen redemptio seu redhibitio , non extenditor ad ædes , sive domos , quæ in urbibus atque oppidis sitæ sunt , si quæ ex ea causâ venditæ distractæque fuerint , propter maxima incommoda , ac detrimenta , quæ inde possint oriri contra possessores talium locorum , qui instaurandis iis aut resciscendis ingentes sumptus impendisse poterunt , quorum ratio futura esset , & spatio longinqua , & factu minime expedita.

XVIII.

Quod vero , ad refectiones & meliorationes attinet in aliis bonis divenditis , quorum retractus seu redhibitio vi præsentis tractatus permittitur , si quis eo jure se munitum putat , idonei & competentes judices in rem præsentem venient , & cognita causa decretum interponent , manebuntque prædia de quibus controversia est , hypothecæ nomine obligata pro dictis meliorationibus , ita tamen ut emtoribus non sit fas , jure retentionis uti, quo illis solvatur, aut satis fiat.

XIX.

Si quæ propugnacula , aut opera publica fuerint utrimque ædificata permissu & autoritate supremi Magistratus in iis locis , quæ secundum formulam hujus conventionis restitui debent , proprietarii contenti esse debent , pretio & æstimatione facta per eos qui jurisdictioni præfunt, nisi ex mutuo consensu partes inter se conveniant.

XX.

Quod ad Ecclesiastica bona, Collegia, Canobia & id generis pia loca attinet , quæ sita in provinciis unitis , spectantque ad Ecclesias , beneficia & collegia ditioni Archiducum subjecta , quæ non venierunt ante Calendas

das Januarias anni cIo. Io. cvii, redduntor & restituuntor, idque privata authoritate, sine miniliterio apparitoris, aut ordine iudiciorum, ut iis utantur, fruuntur, quamdiu durabunt Induciæ, non tamen ut habeant alienandi, minuendive facultatem, quemadmodum antea dictum est. Quæ vero ante dictum diem vendita erunt, aut ab Ordinibus quarundam provinciarum in solutum data, redditus annui ex ea causa solventur, redactis usuris ad decimum sextum quemque nummum, à provincia quæ huiusmodi bona vendiderit. Si dirempta lex, jus, causa esto ex parte Archiducum.

xxi.

Quibus confiscata bona restituenda sunt, non tenentur solve-
re redditus retrolapfos, onera & officia prædiis aut herediis annexa pro eo tempore, quo talia jura non perceperunt, ac si quid molestiæ ipsis utrimque hoc nomine exhibeatur, absolvuntor, indemnesque demittuntor.

xxii.

Siremps lex esto, si quæ bona distracta concessave fuerint, sub conditione meliorationis refectioisve, nec alia jura, vel onera vindicantor, quam quibus se devinxerunt possessores ex lege

venditionis, aut concessionis, cum usuris nummorum in antecessum datorum, redactis ad eum modum quem supra duximus.

xxiii.

Res judicatæ, judicique ob eam causam confiscatorum bonorum pronuntiata contra eos, qui subiecti fuerunt jurisdictioni, aut ultro concesserunt in iudicem, quique recte & ordine defensi sunt, rata, firma, & immota sunt, nec alio pacto rescinduntor, quam per utilitas iuris vias.

xxiv.

Serenissimi Archiduces & fæderati Ordines deleganto Magistratus & administratos, aptos, atque idoneos, qui jura, judicique reddant, ordinemque constituent iis in locis, oppidis & castellis, quæ proprietariis restitui debent utenda, fruenda, durante tempore Induciarum.

xv.

Mobilia bona fisco adiudicata & fructus, quorum dies ante hunc contractum initum cessit, ne reposcuntor, neu restitutioni obnoxia sunt.

xxvi.

Rerum mobilium actiones quæ ab Archiducibus & Ordinibus ante Cal. Januar. cIo Io cvii.

R

re-

remissæ fuerint in gratiam & commodum privatorum utrimque, ne reviviscunt, sed extinctæ manent.

xxvii.

Tempora quæ ab exordio bellicorum motuum, hoc, est ab anno clo. lo. lxxvi. ad hunc usque diem præterfluxere, ne numerantur aut imputantur ad inducendam præscriptionem, aut usucapionem, inter eos qui à diversis partibus steterunt.

xxviii.

Qui durante bello concessere in regiones neutrarum partium, hujus quoque conventionis fructu ac beneficio potiuntur, iisque liberum ac licitum esto sedem deligere, quibus in locis placuerit, aut ad antiquum domicilium reverti, ut ibi habitent secure, pacificeque, dum tamen secundum leges, mores, atque instituta cujusque regionis vitam instituunt, nec ob causam delecti pro arbitrio domicilii bona eorum conveniri poterunt, aut ipsi excidere dominio rerum suarum.

xxix.

Nulla nova castella, vel propugnacula pendentibus induciis ab ambobus populis in omni Belgio exstruuntur.

xxx.

Proceres ex familia domoque

Nassovica, durantibus Induciis, nec quoad bona, nec quoad personas, conveniuntur aut inquietantur, vel ob debita ab Arausionensi Principe ab Anno clo. lo. lxxvi. usque ad obitum ipsius contracta, vel ob redditus non solutos ex quo bona fuerunt annotata, & iis regia manus injecta.

xxxi.

Si quid adversus hanc conventionem fraude vel temeritate privatorum sine publico consilio Regis Archiducumque, vel Ordinum admissum fuerit, damnum ibidem refarciunt, ubi noxa facta fuerit, si tamen injuriæ vel maleficii authores ibi deprehendantur: vel in loco domicilii, nec alibi licet, adversus eorum corpora, seu bona, litem aut actionem intentare. Nec ad eam rem ad arma veniendum erit, aut violandæ induciæ, sed si Iustitiæ asylum intercludatur, ad usitata remedia, literarum pignoratione, seu repræfaliarum procedere jus fasque esto.

xxxii.

Omnes exheredationes, & dispositiones partium aut belli odio factæ, nullius momenti sunt; ruptæque & irritæ manent, perinde ac si nunquam factæ essent.

xxxiii. Sub-

xxxiii.

Subditi & incolæ, tam Archiducum, quam sub Ordinum imperio, cujuscunque status aut conditionis sint, apti & idonei sunt, ad succedendum invicem sive ex testamento, sive lege ab intestato, juxta mores & instituta locorum: ac si qua forte hæreditas vel bonorum possessio ante hoc tempus cuipiam obvenisset, jusque cuique saluum & inviolatum permaneto.

xxxiv.

Omnes utrimque bello capti, sine redemptionis pretio liberi dimittuntur.

xxxv.

Et ut hic tractatus Induciarum melius atque exactius observetur, tam Regia Majestas, & Archiduces, quam, Ordines pro se quisque promittunt ac spondent, se omnem curam atque diligentiam adhibituros, ut itinera, maria, flumina sint libera, tuta ab incursionibus & grassaturis turbidorum hominum, prædonum, piratarum, latronum, adversus quos, si deprehendi queant, severiter animadvertetur.

xxxvi.

Idem pollicentur insuper se nihil contra præsentem tractatum, aut in fraudem ac præjudi-

cium esse facturos, aut ab aliis fieri passuros directe vel indirecte: si quid secus admissum fuerit, id sine cunctatione aut molestia reparatum iri. Cujus rei ut sit certior fides & autoritas, Rex, & Archiduces, se & successores suos eo nomine obligavere, omnibusque legibus, moribus ac statutis huic contractui repugnantibus atque contrariis renuntiavere.

xxxvii.

Præsens hic tractatus ab eisdem, nimirum à Rege Hispaniarum Archiducibusque, itemque ab Ordinibus, confirmator & approbator: literæque ratihabitionis; in debita, sollemnique forma expediuntur intra quatrimum ab Archiducibus atque Ordinibus, & ab una parte alteri traduntur. Quod autem regiam Majestatem attinet, Archiduces fidem suam devinxere, intra trimestre spatium ratihabitionem, debito eodem more ritumque conceptam ab Hispano rege adfuturam, quæ & Ordinibus tradatur, ut ipsi & eorum subditi placide ac pacifice beneficio conventionis hujus frui possint.

xxxviii.

Contractus hic omnibus locis, ubi de more solet & expedire videbitur, statim post rati habitio-

nem utrinque datam & acceptam publice proclamator & promulgator, jamque nunc decretum, & constitutum esto, ut ab omni hostilitate abfistatur.

HÆ sunt conditiones quibus pactæ fuerunt Induciæ cum fæderatis Ordinibus post bella per annos XL. continenter gesta, cum maximo Regnatore terrarum, qui latius imperitat, quam unquam Romanæ potentia Majestas se propagavit.

Proclamatis induciis, cessante omni hostilitate, Alcedonia videbantur, & orbi Batavico affulsisse jam visum salutare Dioscourorum sydus, quippe armorum requies, at non animorum. Remoto belli motu & metu, certamen inter Ecclesiasticos variantibus sententiis. Nam cum destructis idolis lux illa Evangelii Belgis primum affulsit, & veritas non adumbrata illa, quæ est in Christo, propagari in propatulo cepit: Pastores & ministri, ex quavis reformati orbis parte, quasi instinctu divino, & puro religionis reformatæ Zelo, ex Germania, Silesia, Helvetia, ex Palatinatu, ex agro Emdano, Groningano, aliisque orbis partibus, pulsi patria, extorres, tanquam ex diversis elementis conflatum ecclesiæ corpus, qui jam inde ab initio reformationis in-

ter se non nihil discrepabant, non quidem in articulis fidei sed Ecclesiæ regimine, salva tamen caritate. Et cum nec ordinem à summo Magistratu approbatum, nec unanimes inter se fratres essent, erupit tandem in nervum quorundam impatientia. Dissensionis diu sopiti ignes, & occultati intra presbyterii subscelia tandem exarsit ingens flamma, quæ restingui non potuit, nisi Ordinum salutari refrigerio. Interim cum libera suffragia, & partium studia invalescerent indies magis, & quidam etiam nonnihil à doctrina quæ secundum pietatem est declinare viderentur, & insanire circa quæstiones & verborum pugnas: ex hisce tandem nata hæc mala, invidia, & æmulatio, suspiciones sinistra, dictitantes usque & usque latere anguem in herba, atque adeo omnis generis mala, reipublicæ & Ecclesiæ perniciofa. Nam & quæstio incidit plena odii & invidiæ, de summi Magistratus jure, & potestate circa sacra; Subnatæ etiam circa annum 1597. variis in locis quæstiones, Goudæ inprimis, Horne, Medenblici, de æterna Dei prædestinatione, de vocatione hominum ad salutem. Adhæc gravamina semper nova, statim à primo reformationis tempore;

de

*Reformationis
initia.*

de Catechismo & Confessione, quæ autoritas tribuenda ejusmodi scriptis in Ecclesia reformatâ, quæ pro fundamento habet S. Scripturam, & unicam fidei regulam: quæ in utramque partem disputata, in Classibus, & Synodis provincialibus primum, tam Borealis quam Australis Hollandiæ: Ita controversiarum in multos annos nec finis, nec modus. Adversus hæc mala diu quæsitâ remedia, nequicquam: aliis Ordinum auctoritatem; aliis potestatem Ecclesiasticam tuentibus. Ita duo articuli potissimum controversi in Belgio fuere. Quorum prior inter Ordines & supremas potestates, & personas Ecclesiasticas, hic fuit: An legitimo Christiano Magistratui conveniat in rebus Ecclesiasticis ordinem præscribere, in iis quæ religionem, aut doctrinam aut regimen Ecclesiæ tangunt, ut vera & Christiana religio subditis, & Ecclesiæ nutritiis, in omni puritate, quæ S. Scripturæ conformis doceatur, utque in rebus Ecclesiasticis, secundum ordinem ad ædificationem omnia administrentur, ad averruncanda schismata & scandala? Articulus alter an sententia de divina Prædestinatione jam recepta cum annexis tolerari possint. Indicat illud Synodus

Harlemi habita Anno 1582 Provincionalis, in qua quæsitum inter alia fuit, quatenus difficultates quas nonnulli Ministri in doctrina de Prædestinatione haberent, tolerari possint aut debeant. Hinc controversiarum moderatio aliqua, hinc Ecclesiarum aliquandiu pax fuit. Verum intervenire alia atque alia quæ excogitavit hominum curiositas, immoderato religionis tuendæ zelo: Ita cessante pace, & fratrum amabili concordia, ivere tandem in partes, & studia contraria, qui se reformatos profitebantur; Adhæc mala averruncanda proximum remedium visa est Synodus. Itaque frequentes habitæ Synodi initio reformationis, Embdæ primum Anno 1571, triennio post Dordraci, & sequentibus annis; Rotterdam, Middelburgi, aliisque in locis. Unanimi consensu, quod ad concordiam & unionem facere quam maxime videretur, decretum, ut Confessionem Belgicarum Ecclesiarum, pro formula sanæ fidei & unionis in ea acciperent, quotquot essent pastores servi Dei: & in hoc ordine habendos quoque Seniores, Diaconos, Ludimagistros censuere. Neque his acquievere fratres in Christo, sed Theologiæ Professores, ut idem facerent, sollicita-

*Contra-
versa in-
ter Ec-
clesiast.*

runt, ad testandam sanitatem in doctrina & concordiam *An. 1586* biennio post, Hagæ comitis Synodus habita Nationalis, idque gubernationis Lycestrianæ tempore, ubi aliquot difficultates sopitæ, sed postea resuscitatæ, cum Pastores, Professores subscribere iussi omnes, sub pœna abdicationis, refragantibus multis. In Classe Leidenli, quidam etiam ad id difficiles se præbuere; Et ante Delphenfes in id præcipue incumbendum rati, ut subscriptio passim obtineret, sed frustra. Denique impetrata Synodi convocandæ potestate ab Ordinibus, sanxerunt ut Confessio & Catechesis recenserentur. Exstat etiam Synodale decretum, quo Professoribus Theologiæ, cæterisque pastoribus & ministris injunctum, ut in timore Dei observarent in Confessione, & Catechesi, si quid heterodoxum, ut omnibus accurate expensis difficultatibus, eas ad Classes respectivas mitterent: Quod Ordinum interdicto prohibitum, veriti, ne inter Theologos & symmistas dissensionis æstus in flammam abiret: Ita mora & dilatio Nationalis Synodi, multarum incommoditatum causa fuit, quæ promissa *Anno 1597*, habita demum *Anno 1618*. Laborabant interim D. Ordines,

& de iis quæ ad pacem Ecclesiæ ^{Ordinum} facerent serio cogitabant, ^{num sollicitudo.} nec videbant quæ ad conciliandos animos remedia, salva pace. Fuere eo tempore, qui, rebus Ecclesiarum nostrarum inusitato more fluctuantibus, salutaribus consiliis succurrere conati, &, ne vehementior animorum collisio, & gliscens indies, magis magisque disputationum fervor, Ecclesiam tandem, & florentissimam totius Europæ rempub. funestissimis malis involveret, studiose & anxie cavebant; quippe perdifficile visum fuit rerum Dominis, & periculosæ plenum opus alex, supremam auctoritatem, & pacem simul Ecclesiasticam tueri. Primum itaque instituta secreta & amica colloquia (neque enim eliminari voluerunt arcana reipub. tanquam Magnæ matris sacra) *Anno 1611*, intra domesticos parietes. Collatio habita inter Gomarū & Arminium, & præsentibus aliis Theologis non è multis, in ædibus D. Douze Nortvici domini, qui vir magnæ auctoritatis, & subacti iudicii, primarius Academiæ Curator. Dein collatio altera in conventu Ordinum, inter Arminium & Gomarum, remotis arbitris, in qua *Remonstrantes* sententiam suam aperuerunt. Tertia denique collatio, cum seni hinc inde aliquot

quot septimanis in confessu eorundem Ordinum de controversis dogmatibus ex scripturis disseruerunt, rationum suarum pondera excusserunt, & disputationum summam scripto consignatas, in Ordinum manus deposuerunt. Interlocutores à parte Remonstrantium fuere Joh. Wtenbogardus, Adrianus vanden Bore, Eduardus Poppius, Joh. Arnoldus, Nicolaus Grevinchovius, Simon Episcopus: A parte Contraremonstrantium Ruardus Acronius, Iubertus Fraxinus, Joh. Becius, Joh. Bogardus, Petrus Plancius, Festus Hommius. Exstant Scripta illa adversaria collationis Hagienfis, de divina Prædestinatione & capitibus ei annexis, autoritate Ordinum Illustr. Hollandiæ & Westphrasiæ edita Anno 1611. Editio hoc scripto, acquiescendum in eo nonnulli existimabant, & Tolerantiam suadebant in articulis controversis, & captum humanæ mentis excedentibus, sic enim loquebantur. Nec abhorruisse videtur ab ea sententia magnæ Britanniæ rex Jacobus, qui iteratis litteris Tolerantiam commendavit. Quod etiam persuadere conatus est vir magnus, in oratione illa, quam ex mandato D. Ordinum Amstelodami habuit in Senatu, deputatis ad id

negotium D. Adriano à Mathe-
nes toparcha Rivir, Opmeer,
Doezæ, & D. Hugone Musio
ab Holy prætore Dordraceno,
D. Gerardo ab Eyck consule
Delphenfi: D. Hugone Grotio
reipub. Roterodam. Syndico,
qui orator; D. Gulielmo Petri
Hæfer consule Hornano. Hinc
Decretum Ordinum, ne quis supra
sententiam urgeretur: sciret
quisque pro mensura fidei. Alii
etiam viri magni, cum inter Po-
liticos & Ecclesiasticos hæc con-
troversia agitata, ex utroque or-
dine tam Politico quam Eccle-
siastico delegatos quosdam no-
minari voluerunt, quibus autho-
ritas, & potestas plenaria daretur
hanc litem dirimendi. Alii rursum
studiū pacis ex verbo Dei com-
mendabant: quodque ad placan-
dos hominum animos maxime
facere videbatur, expendere Dei
servos etiam atque etiam voluere
quam serio à contentionibus &
rixis intestinis Spiritus S. omnes
Christianos passim dehortetur.
Hæc sapientissimi quique prius
adhibenda remedia existimant
præsentibus malis: verum non
fatis efficax amuletum, adversus
hæc mala; quippe Remonstran-
tibus fiducia, in autoritate Su-
premi Magistratus, provocabant
ad Ordines. Contraremonstranti-
bus fiducia in causa, qui provoca-
bant

*Harle-
mi dis-
sensio.*

bant ad Synodum. Remonstrantes tandem causam apud Deos Tutelares deponere coacti: Contra-remonstrantes Deum iudicem poscunt mediante Synodo Nationali. Interim Harlemi turbata Ecclesia: Inter Ecclesiastas, & primaria Ecclesiæ membra, de articulis fidei, vix ulla controversia fuit, & in doctrinæ puritate mens una: de vocatione ministrorum, electione Seniorum difficultas aliqua; cujus occasio fuit hæc. Cum D. Johannes Bogardus piæ memoriæ *à nonnullis* fato functus, qui multis flebilis occidit, & D. Gulielmus de Haes paralyti laboraret jam emeritus, quasi civiliter mortuus: & destituta jam Ecclesia pastoribus suis esset: D. Coss. Ecclesiæ nutritii, eam curam ad se pertinere existimantes, ne quid Respublica, ne quid Ecclesia detrimenti caperet, duos ex Ordine amplissimo delegarunt, qui se presbyterio sisterent: quorum alter (ni fallor) Pharmacopœus Hendricus Vechteri: alter Jacobus Johannis à prima reformatione ædituus, bonorum sacrorum quæstor: illi ipsi quos jam dixi, referre ista ad Senatum Ecclesiasticum in mandatis habebant: nimirum ab aliquot retro septimanis observatum à Coss. Ministerii Ecclesiastici onus ingravescere in-

dies magis, ac proinde commiseratione ductos Coss. hortari, monere, ut habito Senatu Ecclesiastico, in id incumberent fratres, ut de vocandis, surrogandisque in locum defunctorum ministris, serio cogitarent, nominarent pios ac eruditos, & quod maxime commendabant, pacificos, & moderatos. Mox convocato Synedrio, itum est ad suffragia, & habito delectu ex pluribus denominati tandem iv. duos elegit Magistratus, qui, id ne ægre ferrent fratres, aut in sequiorem partem acciperent, etiam atque etiam petebant, diestitantes graves sibi subesse causas cur id facerent. Illi contra monere, instare, urgere, denominatos admitterent, & dicere, Acronium apprimè doctum, professione Theologica functum, & gravem concionatorem, & rei Ecclesiasticæ peritissimum. Persistebat in sententia Magistratus, nec exorari se passus. Ita animo exulcerato discessere fratres Ecclesiastici, cum id in præjudicium Ecclesiæ factum arbitrarentur. Sed cum obtinere non possent quod vellent delegati, ad Classē provocat Ecclesia. Verum actis classicis, obnitente Senatu, & tuente jus suum, observatum à primo reformationis tempore, Magistratu Politico: Synedrio renua-

renuntiabant, Seniores quasi divortium jam ab Ecclesia facturi. Magistratus non parum commotus, & rei novitate redactus ad incitas, ad desperata consilia se vertit, cum novum Presbyterium institui mandavit. Ita electi seniores novi, qui & confirmati pro more in Ecclesiis usitato, sollemni ritu. Ex eo rursus aliud malum: nam restituto Synedrio, de vocandis ministris prima propositio, ut laboranti Ecclesie succurrerent. Et cum vocatio ordinaria successum non haberet optatum, de novo vocationis modo & inusitato consilia ineunt inominata. Placuit ordo, qui Anno 1591. in Synodali conventu conceptus, non receptus ab omnibus, nimirum ut VII. Viri crearentur, IV. Politici qui Ecclesie membra omnes essent, & totidem Ecclesiastici, qui servatis ceremoniis, invocato Dei nomine, ad electionem sollemni more convenerunt, electos vocarunt. Ad hunc modum vocatus Dionysius, quem cum illegitime vocatum pars offensa diceret, omnium pene gratia excidit, cum adversa fortuna, cum afflictata valetudine diu est quod luctatus fuerit, multis indignantibus & condolentibus. Interim sacrorum nullus honos. Sed cum forte sacra Paschalia jam instarent, qui-

bus administrare Cenam Domini sollemne erat, iidem illi qui ad pacem inclinare tum videbantur, redeundum in gratiam cum fratribus authores fuere, quæ ad Classsem relata illico. Quare in conventu Classico quæsitum seposito omni partium studio, ecquid remedii fratres Classici haberent, quo cessante omni similitate, res eo perducere posset, ut Ecclesie Harlemianæ membra, quæ divisa in partes, ad pacem & concordiam redeant, ut communione corporis & sanguinis Christi, animi denuo coalescerent, & ad se redirent. Proposita quæstione fratres Classici, collatis suffragiis, consilia sua aperuerunt, ad pacem quæ facerent: illud in primis à Magistratu petendum cum omni submissione censuere, prout in vocatione Dionysii promissum fuit; ut eorum delegati, una cum delegatis Senatus Ecclesiastici, ad denominationem tam ministrorum, quam seniorum, diaconorum etiam, qui deinceps vocandi, primum omnes Ecclesie membra sint; dein ut secundum eam qualitatem, omnes actiones suas instituunt. Tertio ut nihil se facturos promittant spondeantque, quam ex placito & unanimi consensu Senatus Ecclesiastici. Quibus si prima vice totum Synedrium,

drium, etiam secunda vice si pars altera Synedrii innovetur, vetus presbyterium his sese adiungat, ad declarandam suam quoque sententiam de personis nominatis. Nec eorum nomina Consulis offerantur, nisi approbante, tam novo quam veteri Senatu Ecclesiastico. Atque ut omnis dubitationis scrupulus eximatur, stipulationem istam in acta publica referri voluere fratres Classici. Et deinceps huiusce civitatis & Ecclesiæ fratres unanimiter se obligabunt, non introducturos se, aut introduci passuros, ullos pastores, aut Ecclesiæ ministros, qui se Ecclesiæ non probassent in vita & doctrina, nisi prius facta plenaria satisfactione. Atque hæc omnia per modum provisionis, usque dum hic nodus legitime decisis fuerit, data mutua obligatione se submittendi priori Synodo; ad quam istius rei justa cognitio deferetur. hoc pro certo & indubitato statuentes, nullum in doctrina salutari discrimen esse aut futurum. Quod si secus deprehendatur, & forte aliquis in suspicionem hæresios veniat, ut quicumque ille fuerit Classi se submittere polliceatur. Præterea hoc volumus, ne quis hæc ita facta interpretetur, quasi in præjudicium aliarum Ecclesiarum:

absit, sed in bonum finem, ut periculo occurratur, ne plura & graviora schismata interveniant. Quibus conditionibus ab utraque parte stipulatis, addita hac promissione id se effecturos, Cœnam Domini per universam Ecclesiam administrare licebit, & fratribus, in bona pace communionem habere, ut Pastores & membra ejusdem Ecclesiæ decebit. Dato consilio, quod fratres Classici ad conciliandos & placandos animos in medium attulissent; placuit, ut medium illud ad pacem conceptum tam veteranis quam novitiis Senioribus & Diaconis prælegeretur, scripto mandaretur, periculum fieret, an ejusmodi medio diu exoptata Pax stabiliri semel possit. Quo facto D. Adrianus Tetrode cum suis declaravit, se medium illud ad pacem conciliandam idoneum lubenti animo accipere; placuit quoque reliquis fratribus, & symmittis, nec abhorruere novitii Seniores, polliciti se primo quoque tempore à Magistratu Actam prædictam exacturos. *Anno 1617. April. 29.* Atque hæc quidem relata illico ad Coll & Senatores, qui expensis rationum momentis, declararunt & declarant præsentī scripto, hæc formula: Cum controversia & quæstio in Ecclesia suborta esset, ex vocatione

*Senatus
Politicus
respon-
sum.*

catione Dionysii Spranchuysii verbi divini ministri ; & novissima mutatione & electione Seniorum & Diaconorum ad præscriptum Ordinis Ecclesiastici Anno 1591. quique à Magistratu & senatu ejusdem civitatis ita approbatus, ut servari eum velint: ita prædictos Coss. in id consentire, ut personæ istæ quas in posterum deputabunt, ad præscriptum Ordinis Ecclesiastici, ut quando ad denominationem & electionem Ecclesiasticarum personarum procedent, membra Ecclesiæ reformatæ sint, quæ una cum aliis Ecclesiæ deputatis, ad denominationem & electionem jam dictam admitti volumus, idque per mutuam communicationem, deliberationem, atque assensum, cum aliis Synedrii Symmistis & membris, qui deinde ad præscriptum Ordinis Ecclesiastici, apud deputatos jam dictos, collegio Coss. & Senatorum propositi, vel admittantur vel præterantur ad placitum Coss. prorenata. Et ut prima & altera vice seniores jam proxime abdicati (modo id petant) quoque admittantur justis ob causis ad communicationem & deliberationem jam dictam, ut denominationem qualemcunque approbent, & in ea acquiescant.

Hoc responso à Coss. dato ga-

visti fratres, omnia bona sibi polliceri, atque adeo pacem jam sperare ausi, delegatis ad eam rem ministris idoneis.

Itaque Adrianus Jacobi, Egbertus Verhoeven mandatis instructi in Curiam veniunt, ubi præsentés aderant, Bartholomæus à Nyenburg & Fredericus Deyman Coss. nec non Hendricus Vechteri & Petrus Schout consulares, qui in Coss. cameram admissi, declararunt se à Acta ad pacem instituta accepisse, vidisse, & comperto eo sententiam senatus Ecclesiastici in iis perspicue atque evidenter expressam, eaque pari fide, in conformitate rei gestæ admittere ad præscriptum Synedrii, ita habita inter nos consultationem permisi-
Senatus Ecclesiastici approbatio.
 mus ea in omni sinceritate observari, parati ea exsequi per modum provisionis, fratres in omni concordia & sinceritate conversationem sanctam habituros, & ad communionem corporis & sanguinis Christi venturos, & quod Pastores decet operam enixam duros, ut quies, pax & unitas Ecclesiæ conservetur. Ea quæ inter Magistratum politicum & senatum Ecclesiasticum gesta sunt & approbata utriusque partis parili consensu, publice quoque de suggesto pronuntiata conceptis verbis exultante prægaudio

Ecclesia, in hanc fere sententiam.

*Acta au-
tem Se-
natu Po-
litico &
Ecclesi-
ast. ap-
probata,
Ecclesia
indicantur
reci-
tata de
suggersto.*

Difficultates in Ecclesiæ subortas occasione vocationis Dionysianæ, & electionis seniorum & diaconorum nemo nescit, quod malum ne latius serperet, intercedente Classe, interveniente gratia divina, placuit fratribus senioribus & symmystis Ecclesiæ indicare dissensionibus & controversiis modum impositum, inclinare jam ad pacem omnes, ad stipulante veteri & novo Synedrion, idque secundum acta Classis, approbata ab amplissimo ordine Coss. & Senatoribus hujus urbis, quæ Ecclesiæ indicantur præsentibus hisce, idque in eum finem, ut si forte quis, scandalum dederit aut sumpserit, in bonam partem accipere dignetur, æqui, bonique consulant fraterno amore, qui est vinculum perfectionis; & unusquisque cum animi tranquillitate, præparare se possit ad Cœnam Domini, ad communionem corporis & sanguinis Christi, quæ celebrabitur abhinc 14. diebus per Dei gratiam, ipso Paschatis festo, ad declarandum amorem mutuum & fovendam unionem, quæ est in Christo. Denique faxit Deus, ut hæc omnia cedant in honorem Dei, & nominis ejus gloriam, & simul ad incrementum Ecclesiæ, in obedientia veræ & sinceræ fidei, &

in conversatione quæ est coram Deo. Idem ille Sospitator Deus opt. max. servare nos porro dignetur ab omni inquietudine, & animorum dissensione. Hæc ad majorem fidem faciendam in conventu Classico subsignarunt, Adrianus Jacobi Tetrode, Hendricus Geesteranus, Daniel Zouterius, Egbertus Verhoeven, Isaacus Junius, Dionysius Spranghuysen, novissime vocatus. Ita pace tandem inita Cœnam Domini celebrarunt ad ædificationem unanimi consensu fratres, & tota Ecclesia cum iis. Cessantibus turbis, & semoto omni partium studio, bene de Ecclesia & repub. sperare jam cœperant illi qui pacem amabant; sed breve gaudium: quippe resuscitatis controversiis, quorundam non parum exacerbati animi, indignatio fere versa in rabiem. Hinc Magistratus Politici querelæ, & scripta apologetica, subditorum ad supremam Curiam provocatio, malorum Illas pro dolor. Ut his atque aliis difficultatibus obviam iret Auriacus, unitarum provinciarum gubernator, decumanis fluctibus sese objecit, Harlemum primum venit, magna Procerum comitante caterva, præmissa cohorte prætoria, & tribus aliis in antecessum, videlicet Comitibus Ernesti, Johannis de Nassou, &

*Novæ
contro-
versie
in Eccle-
sia.*

*Adven-
tus
Princi-
pis Auri-
aci Har-
lem.*

Cha-

Chatillon, ducente Famaa ad-
verruncanda pericula & incom-
moda. Die postero illustrissimus
Princeps, immortalis memoriae,
Ordinem amplissimum hujus
urbis, & universum Senatum
convocari jussit in Curiam hora
matutina viii. Convocatos sa-
lutat, & adventus sui causas ex-
ponit, praegnantis satis, quem in
hanc fere sententiam locutum
adhuc memini, praesens ipse.

Princi-
pis

Patres conscripti, Coss. & Senato-
res, & quotquot hic adestis ordinis
amplissimi viri. Nemo vestrum nescit,
Mauritii oratio (quippe pervulgata res illa) quam
ad Coss. afflicti & miserandi patriae nostrae
& Sen- status sit, cui nisi prompto & expedito
nator. consilio & remedio occurratur, pericu-
lum est, ne totum reipub. corpus &
poene universus Belgii status in flam-
mam abeat & ruinam irreparabilem.
Quapropter Ordinum generalium su-
prema auctoritas, hoc negotium tam
arduum quam periculosum mihi in-
junxit additis mandatis, ut gliscenti-
bus indies malis obviam irem, quibus-
cunque possem modis. Cogitare vos
etiam atque etiam velim, quam in-
vitus hanc provinciam susceperim, &
hoc credere vos pervelim, me non alio
animo ad vos venire, quam amico &
benigno: nec est quod arma vobis terro-
ri sint, quae ad hujus urbis praesidia.
Dixi est quod animum cura salutis pu-
blica torserit, nec expedire me potui,
nec cogitare remedium magis idoneum,
quam ut Magistratus, qui in multis
annis Harlemianae reipub. praefuit sal-
vo honore, exauctoraretur, novus eliga-
tur, ut seposito omni partium studio,
pax reipub. & Ecclesia conservetur,

quod bene vortat Deus, cujus tutelam
vos omnes committo, & simul salvare
omnes jubeo, atque exire.

Ita habita oratione dimisit
omnes, & exauctoravit fama at-
que exultatione integris. Illi-
co alios atque alios Patres con-
scriptos convocari jussit, novo
instituto collegio. Creat Coss. ^{Coss. &}
vos, & Scabini, & Senatores, ^{Senato-}
tam ex veteranis quam novitiis ^{res ex-}
qui numero praevalebant, qui rei- ^{aucto-}
pub. Harlemianae praesent: crea- ^{rai.}
tos confirmavit, dato ad fidem
juramento. Eodem ipso die quo
exauctoratus Magistratus, edi- ^{Edictum}
ctum publicari jussit Auriacus ad ^{Princi-}
demulcendos civium animos, in ^{pis.}
hanc fere sententiam:

Quoniam Principis Mauritii excel-
lencia Harlemum venit, in Cu-
ria, in Senatu comparuit Ordinum ge-
neralium mandato, ut inclita hujus
urbis cives nonnihil inter se dissen-
tientes, ad pacem & concordiam mutu-
am revocaret, omnibus & singulis in-
terdictum voluit praesenti hoc edicto,
nequis antecessorum memoria, ullam
violentiam, aut irrevocentiam com-
mittat erga cives hujus urbis, nec
quemquam civium, aliqua injuria aut
contumelia afficiat, aut damnum infe-
rat personis, adibus aut possessionibus,
quancunque de causa, aut prae-textu;
verum ut in plateis & in publico, cum
omni modestia, & ea civilitate qua
par est sese gerat, sub poena, qui aliter
ac secus facere deprehensi in alicujus
ignominiam, damnum aut offendicu-
lum, aut facere etiam conati fuerint,

diſis, pro gravitate delicti in exemplum poenas luant in cute, aut multa imponatur arbitraria, abſque ulla mora, aut conniventia. Actum & proclamatum de Curia preſente Auriaco, aliisque Ordinis ampliffimi viris, Anno 1618. Octob. 25.

Præterea eodem ipſo die Excellentiaſſimæ Naſſovicæ placuit, omnes officiales, & civium præfectos, qui arma gerere ſueti ad urbis tutelam, & exigente id rei neceſſitate pro aris & focis pugnare obſtricti, quos circa veſperam vocari, & ad eſſe omnes juſſit, & in præſentia conſulum novitiorum interrogavit eos, an juramentum, quod D. Ordinibus poſteſtatibus ſuperioribus, & Coſſ. hujus civitatis dediffent ſervare parati eſſent, & præſtare, id candide & ſincere declarare eos juſſit & vovere: Et cum omnes annuiſſent, data ad fidem dextera; cumque Auriacus Pacis ac concordia bonum ſalutare collaudaſſet, idque etiam atque etiam bonis civibus commendaffet, exire omnes juſſit, atque avere. Cumque pacata jam omnia viderentur, exultantibus præ gaudio civibus patriæ amantibus, & Eccleſiæ nutritiis. Principis excellentia ordinata repub. Hagam petiit. 26. Octob. claſſe milites ſecuti, qui ad pompam & tutelam urbis miſſi cum Principe Auriaco advenerant. Poſt diſceſſum

Principis (proh dolor) nondum coaluerant fratrum animi, invaleſcebant indies civium odia, ſcripta mordacia, injurioſa, & plura id genus mala. Sed quoniam interea multæ privatae injuriæ fuere, eas, cum ad ædificationem parum facere videantur, omitto dicere. In Eccleſia partium adverſarum ſtudia, fratrum odia invaleſcebant indies magis, cum nonnulli vocationem D. Spranc-huiſii, illegittimam palam dicerent, in foro, in templo, obnitentibus fruſtra aliis, diſſenſione plane ſchiſmatica. Tandem cum reconciliationis ſpes nulla, niſi cauſa prius cognita, & dijudicata lite, ſubmiſſere ſe fratres rei, Dionyſius & cum eo Junius, judicio Synodi, quæ Enchuyſæ tunc congregata: ita diſputatio tota de cōtroverſiis ad Synodum delata, & dijudicata in hunc fere modum.

Synodus ita cenſuit, auditis *Synodus* hinc inde partibus, diu multum- *Enchuyſæ* que lectis tabulis atque actis hinc *ſe habita* inde, & in timore Domini accurate expenſis & ponderatis diſcultatibus, ſui officii eſſe, & ad ſe pertinere exitimavit, ſuper his ſententiam dicere, & declarare ex æquo & bono, quod ad ædificationem facere quam maxime videbatur. Quocirca pronuntiavit & declaravit ſententiam hunc fere in modum Synodus.

dus. Ante omnia respiciendum
 rati ad honorem Dei, ad ædifi-
 cationem Ecclesiæ laborantis,
 denique ad propagationem reg-
 ni Christi. Verum manifeste
 videntes, judicantes etiam, ad
 optatam illam requiem & pa-
 cem Ecclesiæ Harlemianæ, per
 viam accommodationis, & mu-
 tui consensus(quæ omnibus mo-
 dis tentata, sed infelici successu)
 restitui non potuisse, nec stabi-
 liri. Ut Ecclesiæ nonnihil da-
 mus, ita judicamus ex authori-
 tate Synodi legitime congrega-
 tæ, ut uterque D. Isaac Junius,
 & D. Dionysius Spranchusius,
 ministri, quoniam compertum
 nobis, eos ipsos, cum ædificatio-
 ne, manere ibi diutius non posse,
 propter incurabilem alienationem
 animorum Ecclesiæ ab illis, quæ
 inter alia præcipuè incidit, edendis
 libellis famosis, honestissimo
 procedendi modo, & mediis accom-
 modatissimis, præcedente reconcilia-
 tione cū Presbyterio & Ecclesia, in
 alium locum honorifice transferantur,
 nominis fama atque existimatione
 integris, idque ea conditione, ut
 interea fratres præsentis, quieti
 se dent, & animi tranquillitati,
 & ad Patientiæ aram se confere-
 rant, conscientia freti. Pollicemur
 omnes quotquot in hac Synodo
 congregati, daturus nos

operam, ut nihilominus salaria
 deferantur justa, usque dum ali-
 bi vocationē habeant fratres, ad
 quam tota Synodus & membra
 singula promovere vos paratos
 se dixere. Eo magis, cum ex om-
 nibus accusationibus adversus il-
 los ad nos delatis, non potuit
 animad. verti, eos in aliquo ar-
 ticulo reformatæ religionis dis-
 crepare à doctrina orthodoxa,
 & recepta à nostratibus theolo-
 gis. Ponderatis insuper causis
 alienationis schismaticæ adversus
 Hendricum Geesteranum, minus
 gravem, quam adversus ministros
 jam dictos, quodque spes aliqua
 sit eundem illum Geesteranum ju-
 sta satisfactione cum Ecclesia
 conciliari posse, placuit Synodo,
 ut jam dictus Geesteranus in mi-
 nisterio Ecclesiastico continueretur
 una cum D. Zouterio præstita
 primum satisfactione, & culpæ
 deprecatione, & simul petendo
 ut æqui, bonique consulant fra-
 tres. Agnovit Hendricus, quod
 actionibus suis sufficientes causas
 dederit alienationis, promittens
 porro, se in doctrina & Ecclesiæ
 regimine, ita se gesturum, ut fi-
 dum & sincerum pastorem dece-
 bit: Et per consequens ut formu-
 la illa ad agnitionem quam face-
 re diximus, ad exemplar hujus
 instituat, & totidem verbis, &
 Ecclesiæ publicè proponatur. Et
 obser-

observato eo quod in Ecclesia quæ est Harlemi, inter alia non parva difficultas suborta sit, ex introductione novi Senatus Ecclesiastici, & Diaconorum, nec quies aut ædificatio ulla in Ecclesia speranda sit, manentibus illis: Synodus quoque una eademque opera ita censuit, ut quidam ex hoc Ordine deputentur, ut veteri Senatui Ecclesiastico, Diaconis, pro tam fideli opera gratiæ agantur, novitii exauctorentur: Et ut porro, ex universo Ecclesiæ corpore, alij Seniores & Diaconi eligantur ad arbitrium eorum quibus id demandabitur. Et quod Souterium attinet, judicat Synodus, ut in S. ministerio perseverans, Harlemi maneat, utque propter delicta qualiacunque, de quibus Synodus judicavit, coram nobis palinodiam canat. atque ita satisfactum sibi judicabit Synodus. Atque hæc fere sunt, quæ in causa Harlemianæ controversiæ pronuntiata & conclusa in Synodali conventu Enchuyssæ habito. Anno 1618, Novemb. 2. Quod attestor Abrahamus Dorensis Scriba Synodi. Ita laborante repub. molientibus semper nova Ecclesiasticis, cessantibus jam omnibus mediis & remediis humanis, tanquam ad sacram anchoram confugere coacti Ordines, imperata Synodo

nationali, cum citrà ullam disputationem, aut moram, actum de modo habendi Synodum, de loco, de tempore: convocatis atque invitatis extra provinciam ministris & pastoribus totius orbis celeberrimis, Habita tandem Synodus Dordra. in antiquissimo totius Hollandiæ oppido. Interfuerunt plurimi insignes Theologi reformatarum Ecclesiarum, magnæ Britanniæ Georgius Episcopus Landavenensis, Palatinatus Electoralis, Hassiæ, Helvetiæ, Genevensis, Bremensis, & Emdanæ. Ubi ponderatis in utramque partem sententiis, & ad amussim revocatis, Remonstrantium damnata sententia est: Victrix causa Deo placuit, sed victa Catoni. Exauctorati omnes Remonstrantes, & ministerio abdicati; quorum qui acquiescerent placitis synodi, quique se submitterent judicio Ecclesiæ recepti in gratiam, quibus & concessa ex parte salaria: Qui verò obstinati in sententia persistebant relegati. Hinc persecutio in refractarios. Inde multa mala in repub. in Ecclesia, fratrum odia Vatiniana, consilia desperata, & passim schismata, excommunicationes, & quod abominandum maximè, conspiratio in caput Principis Auriaci, sublato è medio Joh. Barneveld. Ita Ecclesiam tandem condidere

*Habita
Anno
1618.
1619.
Synodus
Dordras.*

Schola-
rum re-
formatio

Ordines , titulo Reformationis illustrē, toto fere terrarum orbe celebrē, mundo contemptibilē, in oculis Dei speciosam. Exstant Acta Synodalia in utramque partem , ad quæ Lectorem remitto, & plura de his dicere superfedeo. Habita Synodo reformationis, circa Scholas cura proxima. Itaque deputati Synodi fratribus & symmystis commendarunt gymnasiorum reformationem. Autoritate Synodi subnixi fratres Classici & seniores qui Harlemi erant, in id sibi incumbendum rati , ut Synodi placitis parerent. E vestigio à Coss. veniam petunt , totius civitatis gymnasia lustrandi, convocandi ludimagistros, & pueritiæ formatores, & simul explorandi sententiam de articulis fidei, & an sani omnes in doctrina jam recepta & approbata Synodi auctoritate essent; porro omnia exsequendi, quæ ad reformationem litterariam pertinere viderentur, præsertim ad Ecclesiæ ædificationem quæ facerent. In eum finem D. Coss. 21. Ianua. Anno 1620. per viatores suos insinuarunt primum Ludimagistris Scholæ Latialis, Rectori cum omnibus collegis, ut coram Classe se sisterent hora tertia pomeridiana: Iam dicti Lu-

dimagistri mandatis Consulum obsecuti comparuerunt coram Classe una omnes: quibus prælecta est formula, ad unionem quæ facere videbatur & concordiam. Lecta formula Collegii Præsides interrogationem instituit, qua quæsit, an Rector, & cum eo collegæ ejus, salva conscientia, non obstrepente voluntate, subscribere possent receptæ formulæ, cujus hoc ferè argumentum.

Nos infra Rectores & Ludimagistri declaramus fide integra, & salva conscientia coram Domino, hac subscriptione, nos cum animi *πληροφορίᾳ* sentire & credere, omnes articulos & Canones doctrinæ Orthodoxæ, quæ in confessione & Catechesi reformatarum Ecclesiarum, quæ in Belgio sunt, continentur, quæque ad interpretationem faciunt quorundam articulorum prædictæ doctrinæ, in Synodo nationali receptæ & approbatæ Anno 1619, in omnibus consentire cum verbo Dei: ac proinde promittere & spondere, nos supradictæ doctrinæ capita defensores, & juventuti pro captu inculcaturos, ad præscriptum vocationis nostræ, sub pæna, qui aliter aut secus faxit, munere Scholastico destituatur. Petente Rectore gymnasii, temporis

ris spatium ad deliberandum, neque enim legendi Canones data copia, iudicavit satius esse Prædestinationis mysteria reverenter habere, quam curiosè ea scrutari, aut illotis manibus recipere, item meliorem esse humilem ignorantiam, quam temerariam scientiam: quo responso dato, statim in suspicionem ἐπεδοξία venit, qui Orthodoxam doctrinam professus tota vita. Verum cum iusta visa est petitio, dato ad deliberandum spatio v. l. septimanarum, tandem coram Classe comparuit, paratus rationem fidei dare & subscribere actis Synodali-
bus. Sed fratres Synodi suspicati (credo) latere anguem in herba, causam synedrio commendant. Triduo post intellecto eo, synedrio non factum satis, vocatusq; in Curiam tandem exauctoratus multorum annorum Rector, de republica, de Ecclesia non male meritis, qui tantum abest ut indigne tulerit, ut dimissionem suam multoties petitam initium libertatis dixerit. Conrector, qui concionator fuerat inauditus, tanquam hæresios reus condemnatus. Denique Magistellus Alphabetarius, qui ad Pontificios inclinabat, Synagogis ejectus est. Ita itum ad omnes semipaganos Ludimagistros, ad

quos Scholarum reformatio pertinebat. De conjuratione in Principem pauca dicturus. Sublato e medio Ioh. ab Oldenbarnevelt, exacerbati multorum civium animi de vindicta cogitantium, facta conspiratione in caput Principis Auriaci. Exsecrandæ istius conjurationis capita fuere Barneveld filii, Gulielmus inprimis, qui assumpto audaciæ clypeo Reynerum fratrem in societatem parricidii traxit, detecta conjuratione profugus. Socii conspirationis proximi David Coorewinder, Adrianus van Dijk, quorum hic Bleysvici, alter Berckeliae à secretis fuerat; Hagæ comitis in iudicio damnati, capitali supplicio affecti. Et sequente Majo 5^a die Slatius Bleisvicensis ille, omnium scelerum architectus, patriæ & fratrum suorum proditor, & qui à nutu ejus pendebant Iohannes & Abrahamus Blansardt, fratres ambo & textores: Item Gulielmus Parthy Atrebatensis, Cornelius Woerdanus scriniarius, Hermannus Hermannii Embdæ natus, & Didericus Leonardi, Catvici ad Rhenum natus, Epibata utrique & socii navales; hi omnes Hagæ damnati, capitis supplicio affecti omnes. Exstant præterea Leydensium quorundam civium

*Conjura-
tio in
Princip-*

*Anno
1623.
Martii
29.*

nomi-

Anno
1626.

Europe-
maxia,
feditio
rustica-
na. An-
no 1624
Jan. 4.

nomina, Joh. Petri Restio, Samuel de Plecker gossyphii textor; Gerardus Cornelii sarcinator Friso, Lugduni citati, sceleris conscii, convicti etiam, capite damnati pœnas dederunt 21. Jun. Ita pœna ad paucos, metus ad omnes pervenit. Harlemi proditor non est inventus; qui in caput Principis conjurasset. Tamen non immunis à malo nostra Civitas: nam cum illustres & præpotentes D. Ordines in sollemni conventu decrevissent tributum butyri vasculis imponendum, & cum ejus decreti fama pervulgata est, idq; multis onerosum atq; intolerandum videretur, rusticis inprimis & colonis, qui tacitè obmurmurabant primum, mox diris & execrationibus authores ejus devoverunt, ingravescerebat indies magis civium & pariter rusticorum furor, stimulante Erynnide, per pleraque Hollandiæ oppida, & compita. Harlemi in primis ubi extrema minabantur factiosi quidam cives, & tumultuarii. Nec dormitabant Coss. & civium duces, ad quos hæc cura pertinebat tuendæ urbis periclitante patria. Non obstante eo introducta vestigalia fremēte plebe, exactoribus constitutis persingulas Civitates. Harlemi exactionem tributi butyracei conduxerat Cornelius Luyten man-

ceps veteranus, ac ob id multis invisus: id cum percerebuit, omnium odia in se concitavit; nec jam mulieres à convitiis abstinabant: Inter eas rustica quædam e pago proximo, palam ad pontem piscatorium aliis audaciæ signum sustulit, debacchata in Hollandiæ Ordines, in Coss. & Senatores hujus urbis, nulli parcens, eos ærarii expilatores sanguisugas clamitans, & minis spirans omnium ora in se convicerat. Percerebuit rumor stimulante Erynnide ad extremos urbis ambitus, usque ad compages palorum, extensorium vulgo vocant: hinc mercenariorum & textorum manus undique confluentium, qui extrema minabatur, & non ferendam injuriam, rati, in exitium ejus conjuravere qui tributa exigenda conduxerat; etiam domum ejus obsederant, eam funditus evertere parati erant; extractis primum vitris lapidum grandine. Præfecti civiū militares, venienti malo occurrendū rati, duplicarunt primum excubias, & postero die, civibus per tympanitas suos clam turba significarunt, quo in discrimine versaretur omnium salus, qui ferociter excepti, civium ductoribus renunciarunt vim publicam. Clausæ interim portæ civitatis, & templi fores. Die autem lunæ

proximo sequenti, cum infrequentes adhuc adessent cives, canente campanæ buccina omnes advolarunt, distributi in vicos tota urbe: quibus statio in Curia, statim disponunt Ordines: Et Tribunus civium militarium, Gulielmus Voocht, vir fortis ac juxta prudens, consulatu sæpe functus, transitum per arenam faciens, incidit in ferocissimos, qui struem lateritiam pro vallo habebant; quibus nihil territi cives, fecere impetum in turbam, inermem; quam movere loco nō potuere, donec factionis antesignanus glande plumbea vulneratus in femore, concidit, reliquis in fugam datis: ad campanarum domicilium seu septum vires recolligunt magis efferati, Verum cum templo inclusi cives aliquot, qui per ostium subsolanum observassent quasi è specula, qui factionis istius stabella & antesignani erant, missa per fenestellam glande plumbea, graviter vulnerarunt victorem quendam; qui ex vulnere concidit, atque expiravit: inde fuga & trepidatio; dispersi tota urbe, & dissipati illico evanuerunt. A parte altera ductor Iohan. Damius jam consulatui destinatus, expugnato plaustrorum præsidio, contumaces in fugam vertit, ingruente à latere Duce vander Mey, ad

quorum conspectum territi ardeliones, scurræ, ac sanniones, in fugam dati, ad portam Crucis confertim se receperunt: & cum clausam portam comperissent, tanquam oves erronæ, per urbis mœnia palâtes, latibula quærebant, male sibi conscii. Ita furor phanaticus tandem evanuit & deferbuit, prævalente civium virtute militari, & pax reipubl. restituta in summa rerum tranquillitate.

Anno 1628, 12. Martii ipso Bacchanaliorum die dominico, sub vesperam hora v i i nescio quo casu nova calamitas exorta per terribile incendium in Schalevico ante portam, quod tempestate Septentrionali excitatum & inflammatum impediri nulla vi potuit aut restingui, ita ut brevissimo temporis spatio, totus ille vicus suburbanus conflagravit mansionibus pæne xc. reductis in cineres. Verum interlabentibus

Anno
1635.
in Octo.
Pestis
cepit.

annis aliquot Pestilentia grassari cœpit excita erebo, & morbus contagiosus serpere indies latius, occultè primum, mox apertè. Nam observatum Anno 1635, mense Octobri, qui primus feralis fuit, cadavera peste extincta cvi i, in Novembri clxxxix. & plura in singulos menses proxime sequentes. Observato eo pestem ingravescere indies magis,

Magi-

Magistratus Coss. & Senatores, quibus cura populi incumbit, venienti malo occurrendum rati; ut contagia minus nocerent, statuta quædam politica conceperunt & publicarunt sollemni ritu, cum inscriptione:

Pestilentie averruncande causa Statuta quædam Politica.

Cum luem facram, quæ pestilentia vulgo dicitur, in civitate nostra & nostra jurisdictione, vicinis pagis, ingravescere indies magis videamus, nec immunes esse à peste finitimas civitates, necessarium duximus, & ex communi commodo futurum existimamus, (quamquam effugere manum Dei homini non datum) ut ordo politicus statuatur ad averruncanda & declinanda hæc mala, quatenus homini cautela fas uti, ex verbo Dei. Itaque D. Prætor, & Senatus hujus urbis ordo amplissimus, resumptis & pensiculatis, temporis antea acti statutis in simili malo, super ea re vulgatis, quæ ut eo tempore statuimus, decrevimus, mandavimus, & rata esse volumus, ita decernimus, ordinamus & mandamus, & præsentibus hisce rata esse volumus. Ac primum quidem:

I.

Ut cuiuslibet domus, in qua

lue sacra, aut morbo pestilentiali extinctus quis fuerit, aut postmodum exstinguetur, ad tempus sex septimanarum ab ipso fatali die proxime defuncti januas & pariter fenestras ocludant, & oclusas servant, relicta duntaxat libertate exeundi, & introeundi intra prædictum tempus, sub pæna 12. librarum, hoc est, florenorum.

II.

Cadavera peste extincta ne in feretrum exponuntur, aut effertur à vicinis, aut aliis quibuscunque, nisi à vespillonibus ad id negotium destinatis pretio conductis, sub pæna trium librarum æquivalentium.

III.

Ut omnia cadavera quæ eo quo dictum est morbo extincta, terræ mandentur, Martis aut Veneris diebus, idque ante horam septimam, aliis vero diebus sub octavam antemeridionalem, nec fas erit aliis horis dici quemquâ sepelire, aut sepeliendum dare, sub pæna 10. librarum. Verum si necesse erit ob justas causas defunctorum corpora ad sepulturam efferri, in eo à Prætoris aut Coss. dispensabitur pro re nata,

IV.

Ad hæc stramenta, lecti, cul-

citra, stragulæ, aliave supellex, tam vestimenta lintea, tegumenta lanæ, intra spatium septimanarum sex novissime defuncti, extra domum, in plateam ne efferuntur, sive ante ædes proprias sive alienas, aut alio quovis modo, quo Solibus exponantur aut ventorum flabris, sub pœna item 10. librarum.

V.

Similiter stramenta nondum exactis septimanis 6. ex domo contagiosa ne asportantur ad quisquilias in plateis, aut alibi intra urbis mœnia, sed deportanda ea saccis inclusa extra portam ad publicum colluviei receptaculum, injecto statim igne sub pœna librarum v 1.

VI.

Cloacæ domesticæ non purgantur nisi post septimanas sex proxime defuncti, sub pœna x. librarum, tam in eos, qui latrinas purgant, quam quorum jussu purgantur.

VII.

Nec quisquam qui aut proposita sit, aut institor, qui aut officinas habent, aut commercia agitant, morbo jam dicto correpti, bona aut merces, aut vendere aut permutatione alienare præsumat intra sex septimanas proxi-

me defuncti, aut domi aut foris sub pœna x. librarum.

VIII.

In domo contagiosa habitans, ne accedito, aut intrato alienas ædes, mercandi causa, aut emendi ea quæ ad vitæ usum, sed exesto, foris stato in plateis: ita minus declarato mentem quid velit, sub pœna 111. librarum.

IX.

Similiter pueri ex domo contagiosa venientes intra vi. septimanarum spatium, à proxime defuncto, aut scholas aut officinas mechanicas ne frequentanto aut adeunto, sub eadem multa, quæ à parentibus aut consanguineis aut à tutoribus persolvetur.

X.

Decretum insuper, ne ulla persona cujuscunque ætatis aut sexus, si puer aut senex, si vir aut mulier, habitantes aut commorati in ædibus contagiosis præsumat procedere in funus intra vi. septimanas à novissime defuncto, sub pœna v 1. librarum.

XI.

Præterea ne ejusmodi personæ ullo tempore diei ad forum piscarium, aut macellum, nisi mane circa horam x 11, aut vespere circa vi 1, sub pœna quoque vi. librarum veniunto.

XII. Por-

XII.

Porro prædicti vespillones , pollinctores, tam mares quam feminae, qui cadavera curant, visitatores, parabolani, alique ejusdem farinae homines , quorum munus est ægros invisere, & domos contagiosas frequentare, abstinento à communi hominum commercio & cætu divino, sub pœna v l. libr. Similiter jam dictæ personæ, quibus addimus libitinos, prohibentur in civitate diverforia frequentare, conventicula ad comotationes habere, idque sub eadem multa,

XIII.

Atque ut domus istæ morbo contagioso infectæ dignosci possint atque evitari, ad postes superliminares in ipso vestibulo, ubi quis morbo jam dicto extinctus fuerit, affigetur nigrum P. ex bractea formatum, quod & ibi manebit usque dum sex septimanæ exspiraverint à novissime defuncto, sub pœna x l. librarum.

XIV.

Nemo quoque pignora aut bona, ex ædium contagione, ad danistam aut mensam usurariam hujus urbis oppignerare præsumat, nisi post v l. septimanas à funere ultimo, eaque bene purgata & ventilata, sub pœna itidem x l. librarum,

XV.

Et quoniam observatum quoque & compertum, quod rusticos & colonos qui in hac urbe tumultantur, saminarum pompa & muliebris comitetur, contra intentionem antecedentium statutorum: Ita statutum & ordinatum volumus, ut in posterum, nulla mulier sive ex consanguineis, sive ex vicinis, sive aliis quibuscunque, funus comitetur, quocunque tandem morbo summum diem obierit, sub pœna vi librarum, quæ à singulis mulieribus exigentur.

XVI.

Prohibent porro P.C. per modum provisionis, pro hoc tempore, ut nemo in posterum præsumat cadaveribus, virginum, juvenum, senum etiam, sive ea contagioso morbo, aut alio quovis fato extincta, corollas texere ex herbis odoriferis, floribus, aut laminis crepitantibus, aliisque ornamentis, eaque de capulis, aut velo funebri, sive domi, sive foris aut alio quovis modo id fiat, suspendere, sub pœna v l. librarum.

XVII.

Ita etiam interdicitur & prohibetur, ne in posterum ulla cadavera civium nostratum & oppidanorum, qui extra civitatem peste

peste sublatis introducantur intra urbis mœnia. quando XLVI II. horas jam depositi fuerunt, exesse eos iubemus sub pœna xx. librar. Et, si cadavera civium aliqua aut oppidanorū morbo contagioso defuncti intra præscriptum tempus XLVI II. horarum post obitum deportentur, ex navi aut ex curru quibus advekti, efferentur & terræ mandabuntur, ita ut nullam subeant domum, sub pœna xxv. librarum.

XVIIII.

Interdictum porro, nequis, cuiuscunque conditionis aut qualitatis fuerit, præsumat aliquam suppellectilem, mobilia, vestimenta aut alia quævis bona in contagiosis ædibus asservata, quæ in civitate, aut ejusdem jurisdictione, quæ ad modum præscriptum non accurate satis purgata & Solibus exposita, ventilata, aut etiam ex habitaculis & locis extra civitatem sitis, ubi pestis, alique contagiosi morbi grassantur, aut antehac grassati, intra urbis mœnia venalia exponere, nec vendari, nec pretio redimi ullo modo volumus, nec clam, nec palam, sub pœna confiscationis eorundem bonorum, nulla habita venditoris aut latoris, aut emptoris ratione.

XX.

Atque ut omnis occasio præ-

scripti morbi, qui fatore tetro & infecto aëre, & vaporibus graveolentibus, hoc tempore dissipari & propagari posset, tollatur, & his malis occurratur; Etiamnum mandatur, ut unusquisque ante ædes suas, canalem, alveos, plateas, aquarum colluviem, purganda curet, ad præscriptum priorum statutorum, quæ super ea re promulgata, sub pœna in iis comprehensa.

XXI.

Ne quis etiam canum aut felium cadavera, intestina aut exta, aut interanea similia, abjiciat in plateas, aut aquas, aut in triviis relinquat, verum ut in fundo suo sepeliat, aut extra urbis mœnia, suffossa trium pedum in profunditatem fovea, sub pœna IIII. librarum,

XXII.

Ad hæc nautæ, aut portitores, aurigæ, mercenarii, non præsumant ullos ægros, qui oppidani non sunt, nec in civitate domicilium habent, extraneos ex aliis finitimis aut longiuscule remotis civitatibus, pagis, & locis aliis, in hanc civitatem aut ejusdem jurisdictionem, multo minus in domum atræ luis publicæ hujus civitatis in urbem inferre; sub pœna dimissionis & privatione nauticæ functionis & nauli, re-

servata insuper arbitraria correctione.

XXII.

Prohibetur insuper atque interdicitur per modum provisionis, usque dum aliter ordinatum & statutum, ne quis lugubria pallia demissa in terram proditurus in funus induat, aut iis indutus cadavera humeris portet, aut fere-
trum subeat, nec ullam domum funebrem panno aut levidensa, aut alio velamento parietes tegat, sub pœna xxv. librarum.

XXIII.

Tandem omnes præscriptæ multæ pecuniariæ redactæ ad libras x x suferorum aut xl. semisuferorum trifariam applicandæ, ad usum Prætoris, Civitatis & delatoris, tripartita singulis portione.

Ita acta hæc, statuta atque ordinata: præscripta Anno 1636. April. 23. ex mandato Ordinis amplissimi, D. Cornelio Teylingio prætore, Nicolao vander Meer, Gerardo Teilingio, Bartholomæo Joh. Veer Cōsulibus. Itē Iohanne Damio, Iohanne Coltermann, Cornelio Guldenwagen, Andrea vander Horn, Arnoldo Fabricio Scabinis. Promulgata de Curia hujus civitatis x x v i. Aprilis Anno 1636. Præsentibus & suffragantibus Dominis Cornelio Teilingio Prætore, Ioh.

Coltermann & Cornel. Guldenwagen Scabinis. Præterea servari hunc ordinem in efferendis funeribus Magistratus voluit, ut funera peste absumpta Vespillonnes, intaminata vicini cives efferrent.

Grassabatur interim atra lues tota urbe, obvia quælibet depalescebat; Nec sexus aut ætatis discrimen ullum: mares, fæminæ, pueri, senes, divites, pauperes promiscue è medio sublati: Ita Sortitur insignes & imos, Omne capax movet urna nomen. Verum Anno 1636. menses ferales maxime Augustus, September, October, November, cum tot fere funera fuerunt, quot in silvis folia caduca Autumni tempore, cum spatio iv. mensium 5723. homines peste extincti, quos morbi sæva vis perculit: ita ut cœmeteria non sufficerent, quibus tumulari cadavera consueverant. Ut de plebe jam nihil dicam, sublato è medio innumera-
biles alii, primum, qui ad ægrorum solatia electi domos frequentabant peste laborantium. In hoc ordine præcipui Iohannes & Nicolaus uterque Arnoldi filius, qui collegæ fuerant ab ali-
quot retro annis. In quorum locum surrogati Ioh. Iohannis à Doorne Spinola Diaconus olim, & in locum Nic. Arnoldi jam dicti

Decr. b.
3. An.
1636.

dicti Hendricus de Soest qui adhuc in vivis ad ægrorum solatia. Defuncto autem Ioh. Spinola sub finem Aprilis successit in locum ejus Livius Laurentii Verbeeck, & cum eo Isacus Gulielmi per modum provisionis, ad duos aut tres menses primū; deinde in Julio ad duos annos: & eodem tempore Doctor Medicinæ Matthias Damius, & Simon Reineri chirurgus admissi ad curandos ægros, & peste laborantium solatia & refrigeria. Item Ioh. Iohānis ter Keule premente necessitate, propter morbum Livii Verbeeck jam dicti ad tempus duntaxat trium mensium. At Livio Laurentii & Ioh. Iohannis jam dicti pestifero morbo laborantibus & decumbentibus, electi in semiannum ad supplementum Salomon Colvenier in Augusto, & Iacobus Cool & Iohannes Carre 18. Septembris: qui ambo non ita multo post morbo pestilentiali extincti, v. Idus Aug. quibus ad ægrorum solatia surrogatus Gerardus Everardi, qui Deo fretus, securus periculi provinciam accepit. Sed cum ingravesceret pestilentia indies magis, & cessarent omnia remedia humana, nec ullum daretur antidotum adversus hæc mala, Magistratus, Coss. & Scabini, cælo intenti & cælorum

motori Deo, (quibus hæc cura incumbit, Ne quid respub. detrimēti capiat) communicatis consiliis, supplicationes decreverūt, & diem integrum precibus & jejuniis consecrarūt in antecessum. Postea diei Mercurii horas verspertinas habendis concionibus sacris, & concipiendis precibus, (quæ ad placandum Deum facerent) destinarunt, idque v. Aug. die in tribus templis, Bavonis, D. Iohannis & D. Annæ. Non obstante eō singulis diebus elata funera cōplura, atq; adeo innumera hinc lamēta, ululatus, suspiria exaudita per vicos & compita. Quot è plebe extincti homines, eorum haud facile numerū subducere; rapti à matrum uberibus pueri lactantes, à sponzarum amplexibus iuvenes rapti in flore ætatis, Orbata Ecclesiæ pastores suis; Gallica Ioh. de Seins, maritum secuta Magdalena de Ray, Belgica D. Nicolao de Planques. Boveritius Sibema, pestis tempore non peste sublati, pastor brevis vitæ, 25. Decemb. ipso natali Domini ac Salvatoris nostri. Item M^r. Ioh. à Teilingen Sacellanus fato concessit, nec non sacrorum custos Cornelius à Schalcke. Magistratum autem & ordinem ampliff. miraculose à Deo servatum nonnulli credebant, quod nullus durante peste

Anno
1636.
in Jul.

extinctus diceretur , sed peste sublatos postea compertū Cam. Gravesteyn & Ioh. Beelt. Ita miseranda urbis facies toto illo tēpore cum invalesceret indies pestilentia sublati ē medio viris ad consolandum idoneis : extremo spiritu animam agentibus solatia deerant, & quod gravissimū pręgnantibus obstetrices. Ejus rei exemplo fidē faciam, quod memorabile, quod Harlemi pestis tempore accidit ; cum forte fortuna Belgicę Ecclesię pastor deambulatum exisset comitante amico extra portam D. Iohannis, incidit in turbam frequentē, virorum, mulierum, puerorum, lamentantium & opem implorantium mulierum vicinarū. Quęrente pastore quid sibi vellet hæc turba & lamenta, responderunt, quod in tugurio proximo mulier pauperula, & cum ea puerulus peste decumberet, jam pręgnans Lucinę opē imploraret nequicquam, quę destituta omni ope humana, desperationi proxima Deum invocabat : quippe tantus omnes invaserat timor, ut vicinę mulierculę casam rusticam subire ausę non fuerint. Pastor in tanta omnium trepidatione & consternatione serio cohortatus mulieres vicinas & consanguineas ut ad ægram intrarent, solarentur, parturienti opem fer-

rent, nequicquam; & ut iis animum adderet, ipse ingressus ad ægram fiducia Dei sospitatoris in partu laborantem, & juxta maritum invenit ; quos solatus ex verbo Dei bene sperare eos iussit ; & sponndit provisorum Deum. Ita reversus ad turbā redintegratis precibus sollicitat, ut gravissime laborāti & parturienti opem ferrent, Deo & hominibus gratam. Verum ille cum surdis caneret ; nec quicquam proficeret, hortādo, precādo, Deum atq; homines obtestando ecce ex improvīsō quasi Deus ē machina apparuit. Iam porta egressus D. Consul Gul. à Teylingen, hortum petens suburbanum, in turbam incidit lamentabilē, qui intellecta Pastoris cura & confidentia, & parturientis angustia, iussit illico civitatis obstetricem juratam vocari ; quę cum accessit, officio non defuit. Postero die puerpera, cum fatu recens nato & puerulo altero, lethali peste extincta, nec ita multo post maritus ejus. Hęc atq; alia acciderūt grassante peste, quę cepit An. 1635. mense Octob. desit Anno 1637, in Jul. Ita intra biennium octo hominum millia peste extincti. Tandem commiseratione Dei, deserviente paulatim peste, Ordo amplissimus, petente id synedrio, decrevit diem eu-

charisticum & agendis gratiis sacrum primo tempore; utque in omnibus templis Deo Sospitatori gratias agerent, hymnum canerent *Te Deum laudamus*, pomeridiano duntaxat tempore, quod verbi divini præcones aliquot in Domino obdormierant. De pestilente plura dicere supersedeo, hæcenus tragica omnia & funesta; Restat jam ut Floram gentilem illam introducā quasi in scenam ludicrā, quæ grassante maxime peste caput extulit, cum florum & Tuliparum commercia maxime vigerēt, supra quam credibile est. Ficta ea crederetura posteritas; vereor, quæ porro dicturus sum, fidem non habitura. Tanta enim hominū insania fuit, ut incantati iis viderentur quibus mens sana, & recta constaret ratio. Quod ut liquido constet, de Ortu ejus & Occasu dicere institui bona fide. Nostra adhuc & parentum memoria ignotæ Tulipæ exoticæ, flores barbari, in silvis primum nati, dumeta inter & vepres. Ita nescio quo fato peregrini flores ex Gallia Narbonensi in has partes delati, & crescente paulatim populi insania, in honore habiti. Nostra quidem memoria Carolus Clusius Atrebatensis, rei Botanica peritissimus, æstimare Tulipas hic primū capir, & colere & disseminare

per Belgium universum. Cæpere illico flores vilescere, rosarum tū nullus horros: Coronæ imperiales sceptris Tulipis submisere; violæ jam alga viliores. Solæ Tulipæ secundi seminis flores in infinitum propagatæ, multitudine stellas jam superabant vel campi gramina. Et ut Tulipis decus accederet, nescio quis malus Genius ab inferis excitus afflavit orbem, & hominum multorum animos, qui Floræ amore capti Tulipas æstimarent, iisque titulos darent speciosos, & cum ascendere altius non possent, *Semper Augustus*, Toleranda hæc fuere in magnatibus, & locupletibus, qui Tulipas sererent, alerent, colerent, atque æstimarent, pretium tandem ponerent, ad voluptatem, sine ullo quæstu, ad ostentationem tantum, ut gloriolam inde caperēt æmulatione quadam tam ludicra, quam iocosa. Sed cum voluptates istæ, & hortenses delitiæ quæstuosæ fieri cæpere, ab honesto paulatim declinarūt qui lucro intenti. Nam cum rumor primū percrebuisse incerto authore, Tulipas distrahi in vicinas provincias & regiones, & quæstum facere cultores luculentum, illico Tuliparum amore cōplures capti, hortos conducere, emere alii, & flores mercari, plantare, & propaga carepere: inde

*Floris
ortus &
occasus,
Anno
1636.*

inde florum messis inusitata. Accessit curiositas, & certare inter se jam capere, & de palma contendere, & ex ea adorem querere, opulentiores primum, dein pastinatores, & topiarii, mox textores etiam radio & tela relictis totos se Floræ manciparunt, aliique de plebe cives. Ad hæc cerdones, fullones, & fabri sandapilarum, circulatores ex infima fæce Lemi conditoris in hanc tribum veniunt, & quod censura dignum, quibus ad restim res venerant, qui divenditis rebus suis atque omni instrumento textorio per compita oberrant, fora adeunt: ad novum mercatum, in circulis & tabernis librariis, florum pretia discunt tirones adhuc: collegia in diversoriis frequentant: emunt, vendunt quod non habent, præsentem scriba, qui venditionis & emptionis contractus refert in tabulas pub. data in sumptus pecunia collatitia, pro florum pretio, numero & pondere. Illic gaudia & plausus, & risus Sardonii. Et tum demum Floræ litare se strenue putant, cum multo libant carbestia Baccho. Ita primū initiari soliti Floræ cultores. Nec una domus aut hospitium capere omnes jam potest advenas ab omni parte: complura instituta collegia, & comparitiones statæ complures, cautionibus ut gra-

tificentur, & vigeat mercatus. Sedere illic soliti in sellis tanquā Patres conscripti, qui mercimoniis emundis vendundisque præ sunt, & commerciorum floralium arbitri, figunt leges atque refigunt. Provocant alii se mutuo studio mercandi, permutandi, pretia extollendi, audacia illic pro muro habetur. Flores vix coemptos, denuo vendunt; & quas habet actiones, in alios transferunt, & semper cum lucro imaginario, *hic pauper cornua sumit*. Et quotquot in eodem contubernio, *Cælum ipsum stultitia petunt*. Et dum hæc agunt, difficile dictu quanta Tuliparum pretia incrementa ceperant, crescente videlicet indies ementium & vendentium insania. Aureos quisque montes sibi polliceri, & tentare fortunam cœpere aliis invidendam: Floræ indies vota facere, & cum jam ditescerent ex quæstu, parvi Crassi sibi videbatur. Crevit cum opulentia luxuria, & artes malæ. Hinc illæ lachrymæ, & Floræ calamitas. Irreplere interim veteratores occulti, qui tanquam in aliena castra speculatores collegia obibant, floribus pretium ponebant indies maius Floralium buccinatores. Fuere & emissarii, qui aliorum sermones quasi aliud agētes aucupabantur. Subornati etiam venire, qui sese

insinuarunt subdole in collegia Floristarum, in quos non caderet fraudis ulla suspicio, qui apud novitios & Floræ sacris vix initiatos, merces floreas extollebant, & florum pretia & incrementa promovebant supra fidem. Eo magis accēdebantur novitiorum animi, ardebant cupiditate florum proximi insaniam. Neque jam operæ pretium singulos bulbos venales habere, sed pondere æstimari, & libris integris eos divendi, usu jam receptum erat, sed censu & æstimatione semper maiori. De meliore nota Tulipæ, & è nobili stirpe flores, inæstimabiles habiti, & vix ullo pretio mercabiles, quos granorum numero ac pondere, perinde ac Adamantes, & lapides pretiosos, divēdī placuit summis Floræ Dictatoribus. Qui mercatus brevi tantæ incrementæ cepit, ut unius flosculi bulbis octo granorum florenis, DCC, alius IV aut amplius millibus æstimatus & divenditus fuerit, pluris etiam si constet fides. Ridebunt posteri & nostratum hominum insaniam, & dubitabunt de fide florum amatores; tanto in æstimo nostra memoria flores

fuere. Altius ascendere non potuit Floræ honos, quæ ruinæ proxima, nihilominus verticem adhuc in cælum sustulit, cum inter sidera referri jam ambiret, sublata in altum, ut lapsu graviore tandem caderet. Ita subito cecidit quasi tacta de cælo Flora nostratium, & derepente evanuit Floræ omnis gloria, & collapsa humi florum caduca mater, pauca cum mandasset suis cultoribus, animam exhalasse eam ferunt, & relicta inedia, valere suos iussit & plangere. Perculit quorundam animos tanta calamitas & ruina. Quoquo te verteres, consternatio, luctus & mæror. Hortorum tū nullus honos, & statim squalent municipia, deserta fora, silent diversoria, alcedonia tum erant, cessante omni commercio. Hærebant attoniti omnes consilii inopes, quique iam redacti ad incitas, quibus nihil reliquum, præter miseram animam, communem sortem miserabantur omnes, cum nec ad aras, nec ad leges esset refugium, malum omni remedio maius. De his latius in orat. publice habita Lugd. Batavor. Anno 1640.

LIBER IV.

Continens

DUCUM ET COMITUM

Hollandiæ Statuta, jura, Privilegia &c.

Atque hæc fere sunt quæ ab urbe condita, usque ad hæc tempora, domi, militiæque tam prospera quam adversa, sacra, profana, gesta comperio, certante semper cum Fortuna virtute. Deinceps dicturus, quæ Lemi urbem magis illustrem reddent, leges, atque instituta, privilegia, donativa, delata ob merita, fidemque supra fidem; tum qui præfuerint urbi nostræ, qui mos creandi Magistratus, quæ nobilium stemmata, qui stirpe, qui virtute bellica nobiles: quæ incolarum studia & negotia, quæ civium industria; & artes cujusmodi generis.

Ac primum quidam totius orbis Christiani Proceres, Duces, Comites, gentem Harlemianam, propter res terra marique fortiter gestas, & præclara in rempublica merita, præcipue propter fidem insignem, in honore habuisse, testantur Annales veterum: quos & in delictis habuisse videntur, tanquam albæ gallinæ filios notratium Comites, cum de iis

bene mereri semper studuerint, Id indicant totitamque ampla privilegia, donativa, tot immunitates datæ, à Gulielmo primum, qui in ordine Comitum Hollandiæ vicesimus: Anno M. CCCXIV. Alii annum ponunt MCCCXVI. idque die Dominico post annuntiationem Mariæ. Privilegia complura Harlemianæ civitati concessit, donavitque, & instituta posuit plena juris, & favoris, & affectus omnino benigni: quæ recensere ad annalium fidem conabor. Statuta reipublice constitutendæ semper alia atque alia fuisse, mutata & innovata ad Principum Comitum arbitria, testantur annales veterum, Ea recensere omnia, immensi operis esset. Nos Gulielmi Comitum aliorumque, statuta pauca duntaxat referemus politica; qui statutis suis testandæ benevolentia causa privilegium præmittit his verbis.

I. Notum sit universis & singulis, præsentibus, & in posterum Gulielmus futuris, quod ego Gulielmus Hollandiæ Comes, ex singulari amore & affectu, eo me submisserim, ad vota civium & incolarum,

*Gulielmi
Comitis
statuta.*

larum, ut iis remiserim & indulserim omnia onera, & liberos eos fecerim ab omni telonio. Et si forte inciderit lis aliqua aut controversia, aut si forte minus placebit aliis commissum quid ab oppidanis, nihil obtinebit aliud adversa pars, quam ut vocentur ad judicem suum.

II. *Edictum Prætorium adven-
sus eos qui oppidanis vim inferet.*

Quod si quis, qui in propinquo urbis, non ita procul à porta civi aut municipi injuriam fecerit, aut vim intuleri bonis aut possessionibus, quas juste & absque querela possedit, Prætor illico urbanus, comitante civium caterva, tam divitum, quàm pauperum, eo se conferet, ad vindicandam injuriam, aut vim propulsandam, idque sine ulla mea, aut meorum offensione, aut indignatione.

III. *De eo qui jus civitatis as-
sectabit.*

Si quis undecunque veniat in urbem prædictam, & jus Civitatis petat, portarum limina pate-
re volumus, jubemus etiam, dato prius juramento fidelitatis Hollandiæ Comiti, & hæredibus ejus: dabitque Prætori urbis obolos iv. & viatori obolum unum, Scabinis autem solidos tres: id cum fecerit, usurpabit jus Civitatis.

IV. *De eo, quod Civitatis jus habenti xl. diebus abesse ab urbe licebit, salvo jure municipali.*

Unicuique exigente id necessitate liberum erit xl. dies commorari extra urbis portas, aut fænilicii aut messis tempore, ad cogendas fruges: ad sementem etiam tempore autumnii, ad diem præscriptum ab urbe abesse municipi licebit. Et xl. dierum tempore exacto, intra portas se recipiat, ibidemque mansionem habeat.

V. *De eo qui recens admissus in ordinem civium novitiis. Negotiorum causa ei impune abesse ab urbe licebit xl. dies.*

VI. *De vocando aliquo in jus.*

Quando aliquem in civitatem adscitum in judicium vocare quis velit, citabitur à Iudice aut viatore ejus ad judicium, post dies xiv à citatione.

VII. *De eo quod Civis citatus diem possit anticipare.*

Oppidanus civitatis, potest citationis diem accelerare, sed de jure ultra duas septimanas differre non potest. Hic mos citationis, tantum locum habet in causa quæ vertitur inter oppidanos.

VIII. *De alienigena qui civem in jus vocabit.*

Quod si alienigena qui civem in jus trahat, Judex peregrino illi
jrs

• jus dicet intra triduum, ad expediendam causam hospitis & peregrini.

I X. De eo qui aut oppidanus aut extraneus esset innocentiam suam in iudicio probare velit.

Quando aut civis aut peregrinus purgabit se crimine in iudicio, una & propria manu id fecerit.

X. De eo qui purgare se velit adductis in iudicium testibus.

Quod si testimonii dictione purgare se quis velit, cedent ei induciæ deliberatoriæ, sumptis ad deliberandum duabus septimanis: Ita tamen ut solus municeps aut oppidanus, adversus oppidanum testimonium perhibebit. Simplex autem oppidanus addito juramento testimonium perhibebit, verum Scabinus aut juratus absque juramento testimonium perhibere potest.

X I. De eo qui citandus in re pecuniaria: id in duorum civium præsentia fiat.

Quando quis citandus in re pecuniaria, citabitur ad iudicem, aut ad viatorem præsentibus ad minimum oppidanis duobus indigenis: atque ea ipsa citatione taxari pecuniæ summa debet. Et si citatus ad diem præscriptum non veniat in iudicium, accusatori dicta pecunia cedat in solidum. Adhæc citatus si non com-

pareat, Prætori tres solidos, accusatori duos pendet in satisfactionem.

X I I. De eo quod præfectus territorii, seu toparcha suos subtrahere iudicio possit.

Quod si homines censuales alieno Domino obnoxii, à me aut Præторе meo vocati in jus fuerint, Domino seu Toparchæ licebit eos iudicio subtrahere, interposita fide, se intra xiv. noctes, jus se dicturum in eum, quem iudicio subtraxerit; id si non fecerit, illi in posterum reum iudicio subtrahendi potestas nulla erit.

X I I I. De eo quod civis aut municeps purgare se possit in renummariæ.

Quod si civis aliquis aut municeps, vocatus in iudicium (quicumque is fuerit) in re pecuniaria, & data ad fidem dextera promissa pecunia, & eo nomine civem accusabit, in potestate partis adversæ erit, manu una sese excusare, nisi eum Scabinorum iudicio convincere possit.

X I V. De eo, quando de hereditate controversia erit.

Quando quis aliquem in jus vocabit, in materia hereditaria, nisi primo die se sistat in iudicio, secunda citatione citabitur, & si ne altero quidem die in iudicium veniat, tertia vice citabitur, si ne tertio quidem die, Prætori

pendet singulis vicibus duos solidos. Et si ne quarta quidem vice veniat in iudicium; causa cadet, & hæreditate privabitur. Quod si itidem accusator trium dierum istorum aliquo non compareat in iudicio, querela injusta censetur.

X V. *De eo, quod causa cadere quis potest, qui iuramentum totidem conceptis verbis non faciet.*

Quando jurabit aliquis in re pecuniaria, causa potest cadere, & frustrari hæreditate, si verbo tenus male juraverit: aut si contra usitam jurandi formulam primo iuramento peccaverit, ad alterum iuramentum non admitendus. Verum si tertio iuramento delirabit, impingendo injurijurandi formulam, causa excidet, & hæreditate sua destituetur, ob quam in iudicium vocatus erat, & accusatori adjudicabitur. Et quoties male aut subdole deprehensus jurare, toties iudici duos solidos Hollandicos pendet.

X V I. *De tribus statis diebus annuis in templo Bironis proclamandis.*

Porro intra urbis mœnia instituta tria atque annua iudicia: quorum primum à **X I I I.** Ian. feria proxima post Epiphaniam: alterum post festum Paschatis octavo die qui est lunæ: tertium feria secunda post D. Iohannis

Baptistæ festum, die lunæ proximo: qui iudiciorum statim dies in eum finem instituti sunt, ut oppidanus quilibet adscriptus in numerum civium, qui in hæreditariam possessionem venisset, statim iudiciorum die prodeat in iudicium, hæreditatis propalanda causa. Quod si nemo interpellabit in posterum quietapossessione, hæreditariam portionem occupabit, etiam Scabinorum iudicio. Adhæc tres isti iudiciorum dies, & dicta iudicia, observabuntur etiã Ecclesiæ indicenda, quæ fide non alia firmari aut ratificari possunt, quam ab ipsis Scabinis, aut iuratis.

X V I I. *De eo qui pacem violat, & multa eorum qui detrectabunt pacem.*

Suborta lite in civitate, si Prætor urbis superveniat, jubeatque Comitibus nomine, ab utraque parte servare pacem quatuordecim atque iterum x i v. noctes, & tertia vice noctes totidem, & quarta vice in annum & diem unum, & quinta & sexta vice in annum & diem unum; & Iudex Comitibus nomine, & ratione officii sui pacem altercâtibus commendasset, & servare etiam juberet, & recusante id facere alterutro, aut utroq; Comitibus x. libras pēdent.

X V I I I. *De Pacis violatione & multa solita.*

Unusquisque qui pacis initæ fœdera violabit, Comiti pendet libras x: vulnerato libras totidē, aut manu truncabitur, si duorum aut plurium sententia convincatur, & condemnetur.

XXIX. *De multa si quis al'um acuto telo vulneraverit.*

Si quis oppidanum aut municipem suum vulneraverit, etsi in eo crimine convictus fuerit duorum aut plurium Scabinorum judicio, Comiti x libras pēdet, & totidem faucio, aut manu truncabitur.

XX. *De eo si quis querat aliquem in sua ipsius domo, eumque occideret, aut vulneraret, aut si peregrinum in ædibus occidendi causa quereret.*

Porro si quis alium in sua ipsius domo aut mansione, aut solus, aut cum aliis quæreret, occideretve, sicarius ille cum factionis illius sociis (si in judicio Scabinorum convinci possunt) venient in meam aut hæredum meorum potestatem, qui imperium meæ jurisdictionis obtinebunt: quod si sicarius aut grassator ille violētus quempiam vulneraret, in ipsius domo, aut solus aut cum aliis, non lethaliter, & eo nomine convictus fuerit à Scabinis, pēdet libras x. & quotcum eo focii, pendent singuli x l. v. solidos Hollandicos,

mihi, aut posteris hæredibus, vulnerati damnum reparabit ex judicio Scabinorum. Si quis in aliqua domo patrē familias quæret, corrigetur x. libris, & totidem pendet mihi. Si porro quis quærat aliquem armata manu domi alienæ, ille ædium investigator, vim reparabit domus. Omnia x. libris, & adversario quem quærebat, etiam libris x. & totidem Comiti, si in Scabinorum judicio vincatur.

XXI. *De hospite aliquo qui debiti fidem interponet.*

Quicumque hospes coram Scabinis debiti fidem fecerit, & admonitus æris alieni solvere recusabit, vocandus in judicium quod est Harlemi à xiv. diebus, & ad dies totidem xiv. alios atque alios: etsi se judicio non sistat, mittendus in exilium, nec ab exilio remittendus, usque dum mihi pendat 111 libras, & creditori suo pecunias debitas solvat cum sænore ex sententia Iudicis. Et, si relegatus ille intra portarum mania redeat, judex cum Scabinis, cæterisque urbis incolis, relegato manus injicient, debiti & damni causa ex ista relegatione, & in vincula eum conjicient arctiora, usque in eum diem, dum & debitum & damnum, & jus exilii reparabit in totum.

XXII. *De eo qui propter as alienum urbe exire iussus, non obstante eo in urbem redeat.*

Porro si relegatus spreto interdicto, intra portas veniat urbem ingressus, & solvendo sit, Iudici & civibus ex bonis relegati persolvetur debitum damnū, exilium. Sin vero solvendo non fuerit, aut media defuerint, proximo meo in urbē adventu constringā eum ad reparandū debitum damnum & meliorationem.

XXIII. *De civibus convocandis ad signum campanæ.*

Si quis non venerit dato campanæ signo, pendet mihi xx. solidos.

XXIV. *De eo si quis dato campanæ signo vulnerabit aliquem.*

Si quis intra territorium Harlemæum vulneret aliquem, Campanæ signo dato, ad commune civium commodum, aut triduo etiam post sonum campanæ pendet fisco x. libras, totidem saucio, si convictus à duobus Scabinis fuerit.

XXV. *De eo si quis municipem aut Scabinum aut intra parietes domesticos, aut extra occidat.*

Civis si occisus fuerit, homicidæ propinqui & consanguinei pendent xxxij libras, ad hæc omnia homicidæ bona mea erunt, & in potestatem meam ventura. Quod si in propriis ædibus quæ-

situs & interfectus aliquis fuerit, pendent lxiiij. Scabino autem interfecto xlij. Si v. in propriis ædibus quæsitus & occisus fuerit, pendent libras lxxxiiij.

XXVI. *De eo qui intra urbis Harlemi mænia. provocabit ad pugnam, aut pugnabit.*

Si quis intra Harlemianæ urbis mænia pugnabit, cogetur ibidem loci, damnum reparare, aut urbe excedere.

XXVII. *De eo qui domi suæ quæsitus & fortiter se defendendo homicidium committat.*

Si quis etiam domi suæ & in ædibus propriis imperitus viriliter se defenderet & insidiatorem illum aut socios affeclas interficeret, pro singulis cadaveribus pendet mihi & posteris hæredibus obolos iv. Atque ego aut posthæredes mei tenebimur eum adversus omnem vim defendere, & conciliare firmam pacem adversus defunctorum consanguineos & affines.

XXVIII. *De quovis violento malefico valebit jus talionis.*

Unusquisque maleficus violentus, maleficii convictus, Scabinorum iudicio, caput pro capite, oculum pro oculo, & membrum pro simili membro, sui corporis obnoxium reddet.

XXIX. *De eo qui pugionem aut sicam, cumque serio animo evaginabit,*

ginabit, aut si eo quempiam læserit aut occiderit.

Qui sicam aut pugionem geret, pendet libras x. qui animo exacerbato stringet, pendet xv libras, Quod si quis ea sica læserit aliquem, amittet manum. Si quis occidat aliquem, si captus fuerit, mortis supplicio afficietur.

XXX. De furto, de incendio, de rapina, veneno porrigendo, aut lethali aliquo poculo.

Porro si quis grave & magnum maleficium committeret, sive in furto, aut incendio clandestino, aut in raptu, aut veneno propinando, aut in aliqua qualicunque lethali re, & si in eo deprehensus fuerit, & Scabinorum iudicio convictus, iudicio mortis obnoxius erit. Si quis etiam ejusmodi sceleris conscius, aut suspectus, & non convictus in iudicio, excusare se poterit, & purgare, sublata ad juramentum manu altera.

XXXI. De fure deprehenso à quocunque in suis ædibus.

Si quis furem deprehensum in suis ædibus inveniet, injiciet ei manum, & detinebit eum si poterit: ille septem vicinos vocabit in auxilium, & furem vinctum & colligatum habebit cum suis vicinis, usque dum claro die Iudici tradat, suspensus post tergum iis rebus, quas furto abstulit, ibique

iudex compellabit, & ager cum eo ex iudicio Scabinorum.

XXXII. De eo qui convictus in iudicio propter debitum, & solvendo non sit, quomodo tractandus.

Si quis alteri obæratu solvendo non sit, etsi ex debito convictus, Iudex viatori mandabit, ut duabus septimanis detineatur apud eum in convictu, dato toto eo tempore alimento. Et post duas septimanas Iudex debitorem tradet in potestatem creditoris, ita ut debitorem alat, intacto corpore, & eo usque detinebit dum conveniat inter eos, aut solvat debitum, aut remittatur, si supplicem sese abjiciat,

XXXIII. De iis in quos Iudex actionem habet multæ pecuniariæ, & si multa illa liberare se non possit, non solvendo.

Si quis in iudicium veniat, & Iudici actio cõpetat multæ pecuniariæ, Iudex ille qui quis fuerit, postulabit fidejussorem prima & altera vice, tertiaque, atque is dicat fidejussorem constituere se non posse, hic Iudici non tenetur quicquam pedere pro relegatione: verum si ad postulata Iudicis obmutescat, nec fidejussorem offerat, cum Iudex cum Scabinis detinebit captivum, & viatori mandabit ut eum in certo loco detineat, & de eo Iudici respondeat.

xxx v. De cive aliquo ad vadimonium substituendo multa pecuniarie.

Quod si civis aliquis aut municeps in iudicium vocetur, & actionem haberet iudex, aut jus prætenderet multa pecuniariæ, & civis ille tantum in bonis haberet jure municipali, quantum valeret iudicis prætensio multa pecuniariæ: civis ille absque vadimonio & sine fidejussoribus à iudice recedere potest. Verum si civis ille aut municeps, tantum in bonis non haberet, eo modo quo jam dictum, sponsores constituere tenebitur.

xxxv. De eo qui in iudicio Scabinis contradicit, & iudicio eorum recusat.

Si quis in iudicio Scabinis contradicit, aut iudicium communi omnium suffragio pronunciatum ex jure civium repudiat, mihi aut posteris hæredibus pendet libras x. Hollandicas, & singulis Scabinis libram unam.

xxxvj. De eo qui aliam alteri impegit.

Quod si quis alicui colaphum impegit, si vincatur duorum Scabinorum iudicio, iudici pendet libram unam, nisi collegio Scabinorum videatur majori eum multa mulctandum.

xxxvij. De eo qui tabernam vinariam ingressus ad symposium,

symbolam persolvere detrectaret.

Si quis in tabernam veniret ad symposia, & ænopolæ vini amphoram porrigat iusta mensura, & ubi civis ille aut municeps, hauserit vini quantum satis, & subducta fuerit ratio: quod si in promptu tantum pecuniæ non habeat, abeat in crastinum, ita ut & oinopolæ vinum persolvat ante meridiem, etsi ante dictum tempus promo cōdo vinum non persolvat, & ad iudicem querela deferatur non solutæ pecuniæ, debitor ille ænopolæ vinum persolveret, & iudici solidos tres, ænopolæ præterea solidos duos ad satisfaciendum ei.

xxxviij. De eo qui suspectus inequalis mensuræ.

Si quis inequalis mensuræ suspectus, & duorum Scabinorum calculo convictus fuerit, pendet iudici libras tres.

xxxix. De hæreditatis jure, quæ est Harlemi.

De hæreditate quæ est Harlemi inter cives consuetudo usitata servabitur, hoc superaddito, si hæreditas, sive extra, sive intra territorium ea fuerit, in proximum cognationis hæredem devolvetur, sive filius, sive filia ea fuerit.

xl. De iis qui intra territorium Harlemianæ urbis agros conductitios habet.

Si quis intra territorium Harlemi agros habet conductitios, & in singulos annos pecunias pēdat, servabit ad vitam conductor. Et venditare etiam licebit ei, si possessori agrorum, conductionis pretium conduplicet. Quod si etiam vir aut femina agrum cōductitium possideret, & fato functi moriantur, hæredes proximi in perpetuum servabūt, si modo agrorum Domino conductionis pretium conduplicet, durante jure proprietatis à sæculo in sæculum.

x l i. De eo qui Iuris aliquid iudici debitum violenter adimat.

Quicumque juris aliquid iudici debitum per vim adimit, si convictus fuerit duorum Scabinorum iudicio, ad satisfaciendum iudici pender mihi libras xv, aut posteris hæredibus.

x l i i. De eo quod mulier, quæ panem pinsere aut cerevisiam coquere solita, marito non iubente, non ultra credere, aut iacturam facere poterit creditor, quam unam panis aut cerevisiæ costuram.

Si quis civis uxorem habebit, quæ panem pinsere aut coquere cerevisiam consuevit, ea iacturam facere poterit duntaxat costuræ panis aut cerevisiæ unius, quoniam maritus prohibere non potuit. Ita ad eundem modum mulier, quæ lanificio, aut telis

lineis negotiatur, unum duntaxat fasciculum x aut x l i. librarum amittere poterit. Quod si etiam alicujus mariti uxor non assueta palam negotiari, aut commercia exercere publice, maritus ejus non majorē ex cōmercio, quam iv. obolorum iacturam fecerit.

x l i i i. De re quam furto ablatam presumi possit.

Quod si res aliqua quæ furto ablata præsumeretur, & possessor esset: Ea res apud quem inventa, testimonii dictione purgare ibi se poterit cum altero tertioque; ita tamen, ut civis ille in posterum non daturus sit testimonii dictionem, aut jusjurandum ulla in re. Et qui rem amissam invenerit, latori dabit duos solidos, & obolos iv.

x l i v. De eo, quod nullus civem aliquem Harlemi natum, provocare ad monomachiā aut cōpellare poterit.

Præterea prædictis civibus eam prærogativam donavimus, quod nullus hospes aut advena, aut vicinus equestris ordinis vir, aut alius quispiam cujuscunque conditionis fuerit, civem ullū Harlemi natum, nulla ratione quocunque prætextu ad monomachiam provocare aut compellare præsumet intra urbis mœnia: nec laturos, qui aut nos antecessere, aut qui sequentur: Nec civis civem.

XLV. *De eo quod si quis telo acuto interfecerit aliquem, idque abjecerit.*

Quod si quis aliquem intra territorium prædicti civis, acuto ferro, aut alio quovis telo percutiat, aut mox abjiciat ferrum, aut telum, potest se purgare, nisi convincatur duorum Scabinorum judicio, aut si querela etiam deferatur, ter XIV dies & tri-duum ante petitionem in judicio dabitur: & si ne in hunc quidem diem determinatum prodibit, condemnabitur & relegabitur. Verum si citatus ille intra determinatum tempus, saluum conductum peteret à Iudice, & non daretur salvus conductus, condemnari non poterit.

XLVI. *De eo quod peregrinus testimonium perhibere non poterit adversus civem vel oppidanum.*

Hospes aut peregrinus testimonium perhibere non potest adversus civem.

XLVII. *Quod si virgo vim passa querula fuerit.*

Si virgo stuprum passa, & de eo queratur, non admittenda, nisi ad querelam habeat VI. testes, aut viros, aut feminas, bonæ fidei homines, & veraces.

XLVIII. *De eo quod si quis bona possideret tanquam pignus, & non repetatur toto anno.*

Quod si quis bona possederit tanquam pignus, nec repetita ea

fuerint toto anno aut quod excedit, & si quis ex eo injuriam ei facere contendat, purgare se poterit sacramento manu altera, si quid in ea re juris habeat.

XLIX. *De duobus qui coram iudice vocati, unam eandemque causam defenderent.*

Quod si duæ personæ à iudice citati unam eandemque causam sustinerent, ille qui causa caderet victus in judicio, victori sumptus pendet, ita tamen ut qui in causa triumpharet, interposito juramento, assentientibus Scabinis, sumptus ponat.

L. *De eo quod viator nullum civem citabit, nisi domi suæ.*

Viator nullum civem citabit ad iudicium, quam domi suæ, duobus aut pluribus præsentibus.

LI. *De eo, quod nemini fas erit, in Senatum Scabinorum venire.*

Nemo in Senatum Scabinorum veniat, nisi vocatus.

LII. *De eo, quod nemo Scabinorum iudicium abolere poterit.*

Nemo iudicium Scabinorum communibus aliorum suffragiis pronuntiatum, poterit abolere.

LIII. *De eo quod monachorum filii aut sacerdotum illegitimi, testimonium perhibere non possint.*

Porro scire interest, quod Sacerdotum filii, aliorum etiam qui illegitimi sunt, non tenentur nec possunt testimonium perhibere,

bere, de bonis, aut de vita cuiusquam civis.

L I V. De eo quod virgo convincat virum aliquē de stupro vij. testibus.

Quod si virgo aliqua de vi conquesta convincat virum aliquem septem testibus, seu viris seu fæminis probatæ virtutis hominibus & veracibus, ille qui vim fecit, capitis supplicio afficiatur.

L V. De eo qui agrum aut fundum emerit, eumque possederit sine ullo murmure aut contradictione.

Si quis paternos agros aut fundum emisset & possederit in annum aut amplius, sine querela aut contradictione, possessor ille fundi paterni aut agrorum post exactum illum terminum, de eo non respondebit, etsi compelleretur.

L V I. De eo qui detentus absque venia, ex detentione se subduceret.

Si quis detentus à Prætorē, aut à satellite in porta à duobus civibus, & absque venia Iudicis porta exiret, de eo convictus fuerit Scabinorum iudicio, pendet Iudici ad correctionem xlv. solidos.

L V I I. De eo qui alium monebit æris alieni, & testes habeat.

Si quis æris alieni alium in iudicio commonefecerit, adhibitis testibus, testes illi tenentur iurjurando testimonium perhibere, verum accusator, non tenetur præstare iuramentum.

L V I I I. De eo qui in numerum civium receptus, servitio cuiusquam non tenetur.

Postquam aliquis in numerum civium receptus, non tenetur alicui se mancipare alieno servitio, sed libertate fruatur, quæ civibus iure civili concessa.

L I X. De eo quod unusquisque civis, alterius jus & prærogativam tuebitur.

Donavimus & mandavimus prædictis oppidanis, ut dato iuramento promittant spondeantque, ut unusquisque alterius jus municipale pro viribus tueatur.

L X. De cive, qui in hospitium suum exceperit, qui civi alicui pecuniam debet.

Si quis civis, virum aliquem hospitio exceperit, qui concivi suo pecunias deberet, sub debiti nomine contra concivis sui voluntatem aut contradictionem, caupo ille, qui virum istum exceperat, tenebitur rationem dare ejus debiti, quod hospes ille debebat.

L X I. De omnibus bonis quæ oppignorata, quomodo ea servanda.

Omnia pignora & pignori exposita, sive in sicco, sive in madido, sive in decimis, sive in aliis bonis, omni fidelitate tuebitur jus civium secundum consuetudinem Harlemiorum: & unusquisque concivem suum fideliter

juvabit in asservandis bonis pignori expositis, quæ possidet, in id tempus quo liberata fuerint ad nutum ejus & arbitrium, cui credita sunt & pignori exposita, idque jam dicti cives jurejurando confirmabunt.

L x i i. De eo qui debitum solvere nollit, legitime monitus.

Porro si quis de conductione domus, qui Harlemi civis, debitum solvere nollit, Prætor cum civibus, tantum de bonis ejus summet, ut creditori, quantum ratio permittat, fiat satis.

l x i i j. De cive aliquo aut munice, cuius bona occupata à nobili aliquo.

Quod si civis aliquis Harlemi natus, relegatus, aut bona ejus occupata à nobili aliquo aut officiali; eo loco eum habiturus, ut civem & bona ejus remittat, aut tantum de ipsius bonis sumpturus, ut civi meo facere possit satis.

l x i v. De cive aliquo qui plebem non juvaret adversus aliquem extraneum.

Si quicumque civis ille plebem non juvaret contra extraneum, si non prohiberet eum aliquid contra jus civitatis committere, pendet mihi libram unam, relegabitur, & porta civitatis excludetur in annum unum.

l x v. De eo, qui Harlemi civis esset, in singulos annos pendet libras xx.

Cives Harlemii, mihi aut hæ-

redi Hollandiæ legitimo pendet in perpetuum libras decem, pridie natalem Domini, & libras totidem ipso D. Ioh. Baptistæ annuas.

l x v j. Quod si forte acciderit ut Comitatus Hollandiæ ad aulam Cæsaris proficiscatur, aut uxorem ducat, cives pendunt xx. libras.

Porro insuper si mihi aut legitimo Hollandiæ Dom. in animo esset aut propositum proficisci ad aulam Cæsaris, aut uxorem ducere, aut in ordinem equestrem inferi vellet, ad singula horum cives Harlemei pendunt xx. libras. Aut si sororum mearum aliqua, aut legitimus Hollandiæ Dom. matrimonium contraherent, prædicti cives Harlemei pendunt libras xv. Præterea, si forte frater meus, aut legitimi Hollandiæ Domini frater, eques crearetur, & in ordinem equestrem admitteretur, aut uxorem ducat, cives Harlemei, pendunt ad singula horum libras xv.

l x v i j. De eo quod cives Harlemiani, in exercitu stipendia merebunt cum l x i v. viris.

Cives Harlemiani mihi, aut legitimo Hollandiæ Domino in exercitu stipendia merebunt cum l x i v. viris.

l x v i i j. De eo quod Scabinis fies erit, leges novas & statuta condenda, consulto prius Prætor.

Præte-

Præterea veniam indulgimus Scabinis Harlemeis novas leges & statuta condendi, idque consilio Prætoris mei in semiannum aut etiam integrum, dato jramento id populo aut plerisque civibus utile esse atque expedire, salvo dütaxat in ea re iure nostro.

Atque ut immunitas ista quæ his litteris comprehensa à me Gulielmo Hollædiæ Comite voluntarie, & nobilium meorum consilio, & amicorum fidelium,

civibus Harlemeis, data in perpetuum & nulli revocabilis: Ita præsentēs hanc litteras prædictis civibus dono dedimus, præsidio sigilli mei consignatas, quas nec testimonio ad fidē destitutas volui. Testes fuere D. Lubbertus Abbas Egmondanus, Nic. Persiin, Didericus Burchgravius, Magister Daniel. D. Didericus Teilingius, Symon Harlemaus,
Anno M. C. C. X L V. D. Clementis festo.

DE CHOMARCHIS

*Sive aggerum præfectis, qui vernacula lingua
HEIMRADEN dicuntur.*

I. **Q**Uoniam regio hæc nostra, quæ natura palustris, & eluvionibus obnoxia, uti cogitur aggerū obicibus, idcirco ab aliquot retro sæculis Chomarchi instituti, sive aggerum præfecti. Horum præses Dijckgravius Aggerum Comes dicitur, quibus cura incumbit efficiendorum aggerum, qui Caninefates interfecant Amsteldamo Velsenum usque pagum. Qui ad hoc munus creati sunt, præcipue ex omnibus dignitatis, spendidisque orti natalibus viri, qui Gul. Romanorum regis, aliorumq; Hollandiæ principum privilegiis donati, & aucti fuere.

Horum immutabile arbitrium, sancta autoritas, regio diplomate non uno communita; quo insuper sibi ipsi & posteris, revocandæ aut retractandæ voluntatis aut sententiæ arbitrium adimit. Illi numero primum septenario instituti. Hujus collegii præses Dijckgravius, reliqui assessores Heimradii dicuntur pari potestate; huic rei ut fidem faciam, subjiciam diploma regium.

Gulielmus Dei gratia Romanorum rex semper Augustus, omnibus qui has litteras inspecturi & lecturi, S. dicit & gratiam offert.

Nos quibus ea semper cura
Y 2 fuit,

fuit, ut subditorum nostrorum utilitatem & commoditatem publicam, quantum in nobis, procuremus, promoveamus & conservemus, secundum dignationem nostram statuimus & decrevimus, secundum tenorem præsentium litterarum, contestantes & promittentes nos non permisso ullum emissariū aut aquarū obicem, præter eum qui Sparendami est, aut fundari aut trāfferi, inconsultis Heimradiis cōmunibus terræ consiliariis, tam præsentibus quam futuris. Ad faciendam fidem, & perpetuam rei memoriam, ut rata ea sint & habeantur in posterum, præsentibus hæc litteras exarandas mandavimus, & appenso sigillo cōfirmandas; datas Leidæ v. Idus Octob. indictione xiv. An. 1255. Eadem potestas data & concessa autoritas Heimradiis, hoc est, domesticis consultiis, à Florentio Holland. Comite Anno 1282. Hag. Maji 16. Rursus An. 1407. à Gulielmo Dei gratia Comite Palatino ad Rhenū, Baviaræ duce, Comite etiā Hanoviar, Hollandiæ, Zeelandiæ & Frisiæ Domino; à Carolo Duce Burgundiæ ejus Ordinis confirmata; Anno 1462.

I I. *De eo quod dissensionis componende jus datum de plebe civibus, sed honestis & bene natis,*

Florentius Hollandiæ Comes, &c. notificamus universis & singulis, qui has litteras visuri aut lecturi, (salutem dicimus,) veritatis testandæ causa paratos nos esse, ad præstanda officia quæ amice civitatis Harlemianæ cives præstare, & præstare adhuc hodie, enixam eos operam dare certo scimus. Ita promittimus, nos servaturos, & servandas mandabimus litteras & chirographa legitimæ immunitatis Harlemæ civitati concessæ à patre nostro reverendo D. Gulielmo Romanor. rege, & volumus, præter plenariam & ordinariam gratiam conferre in hunc modum. Si forte lis aliqua aut dissensio suborta sit inter oppidanos sive intra portas, sive extra urbis mœnia; eo casu duo aut plures oppidani, quorum fides integra, & legitime nati, quamvis Scabini non sint, jus habebunt altercantes & dissidentes convincendi, dato juramento, & testimonio perhibendo in simili casu. Qui autem testimonium perhibebunt, ad minimum in ære habebunt decem libras Hollâdicas, jure proprio. Caterum qui testimonium perhibebunt de pugna & manu conferta, aut de levi vulneris inflictione, in ære habebunt aut in bonis ad minimum x l. libras Hollandicas. Ad fidē faciendam, & ad

& ad rei evidentiam, sigillo nostro hæc litteras consignandas mandavimus, datas Alberti collis postridie festum Dionysii, Anno Dom. 1273.

III. *De eo quod tenuioris fortune homines cives jux Civitatis obtinebūt, extra urbis mœnia habitantes.*

Iohannes Comes Hollandiæ, Zeelandiæ, & Dom. Frisiæ, universis & singulis, qui has litteras visuri aut lecturi, salutem dicimus, & manifestum facimus, quod civibus nostris & oppidanis Harlemæ civitatis fides atq; amicis, propter complura merita, quæ majoribus nostris præstiteret, & etiamnum præstituros confidimus, donamus, & potestatem facimus, ut ex infima plebe homines, qui extra urbis Harlemæ mœnia habitant in Rijzebort ponte discreti, Scotam versus ad Septentrionem, & ab altera parte versus meridiem in nemore, qui habitant extra murorum ambitum, jux civitatis obtineant, quos in numerum civium recenseri & manere volumus, usque ad edictum contrarium. Ad si-

dem faciendam litteras hæc sigillo nostro obsignavimus; Datum Xiericzæ An. 1296. ipso D. Valencini festo, cera viridi.

IV. *De Præfectis Silvarum.*

De Chomarchis sive aggerum præfectis supra jam diximus. De præfectis silvarum dicū hoc obiter quod ex archivis Comitatus Zelandiæ observavit D. Boxhornius; aditam Harlemo sylvam, ejus fuisse dignationis, ut peculiares ejus custodes & saltuarii fuerint ex præcipua nobilitate viri delicti, *Houtvesters* vernacule dicti: Teilingios fere eo munere ornatos fuisse, ex vetustissimis Comitum litteris, quæ in Zelandia adhuc observantur, idem colligit. Saltuariis limitata semper jurisdictione, nec civium quemquā judices saltuarii citare potuerunt, petente etiam D. de lata virga Brederodio, & frustra obnitente Adriano de Treslong, An. 1556. Ita interdicto prohibitum Keinheimeriæ Nomarchis (Balivos vocant) cives pro tribunali vocatos sistere Anno, 1557. Mart. 8.

Diversorum Hollandiæ Comitum, ac primum Florentii, Chirographa, Privilegia, Donationes.

I. *De eo quod omnes cives Harle- mei immunes à portorio erunt in quovis Holland. tractu.*

Florentius Hollandiæ Comes, omnibus suæ ditionis telonis, salutem dicit, Certiores vos

facimus, & jubemus, ut amicis nostris civibus Harlemæis promiscue patiamini sub nostro telonio eodem jure navigare, quo navigare soliti patrum nostrorum memoria, & majorum temporibus: atque ad id ratificandum, litteras nostras sigillo obsignatas damus, datas An. Dom. MCC. XC. die Sabbathi, octiduo post festum Paschatis, Dordraci.

I I. A Comite Gulielmo privilegium datum concessumque, ut Scabini Harlemii una cum Prætoribus, statuta & leges condere possint in cives.

Nos Gulielmus Comes Hannoveriæ, Hollandiæ, & Zeelandiæ; D. & toparcha Frisiæ, sic Albertus Comitis filius in ordine Comitum XXI. I. I.; notificamus universis & singulis, nos propter amicas petitiones civium nostrorum Harlemensium cōcedere & velle quæcunque statuta aut decreta condiderint, sanxerint aut decreverint Scabini & Senatores urbis Harlemianæ una cum Prætoribus nostris, in cives utriusque sexus, tam mares quam feminas, aut civium filios, qui Harlemi jam cives sunt, aut postmodum futuri, atque adeo in omnia ipsorum bona, quæ rata esse volumus & servari etiam à posteris, peiinde ac si ea instituta & condita à nobis essent, salvo tamen nostro dominio. Ad testi-

monium perhibendum litteras præsentibus sigillo nostro obsignavimus, datas Hagæ-Comitis die Sabbathi postridie festum Pontiani An. Dom. MCCC. & LV.

I I I. De foro nundinario instituto pridie festum D. Lucæ, quod Comitatus Hollandiæ in civitatem Harlemæam contulit.

Gulielmus dux Baviariæ, Comes Hollandiæ & Zeelandiæ, D. & toparcha Frisiæ, & expectans Comitatus Hannoveriæ, Notū facimus universis & singulis, quod donavimus & donamus in perpetuum amicæ nostræ civitati, propter præclara in nos merita, & fidem in multis spectatam; quam etiam in posteris non defuturam confidimus; forum nundinarium intra urbis Harlemianæ nostræ pomeria: ubi Crucis signum erigendum, singulis annis pridie D. Lucæ festum, cum omni apparatu, qualis fere in omnibus nostræ ditionis civitatibus & pagis, salvo jure nostro in exigendis tributis, aliisque emolumentis, qualia in aliis civitatibus & pagis habemus, in quibus fora nundinaria observari solent. Ad id ratificandum, litteras sigillo nostro obsignatas damus, datas Hagæ-Comitis ipsis Kalendis Septemb. An. D. MCCC. LV.

I V. De cive aut municipe Harlemensi, qui mortis reus multari gravius

dius non potest, quam dimidia parte bonorum suorum. Item si Harlemiana civitas privilegia casu aliqua perderet aut in veterescerent, spondemus & promittimus, ea nos renovaturos sine sumptibus civitatis.

Dux Bavarix Gulielmus, Comes Hollandix & Zeelandix, D. & Toparcha Frisix, expectans Comitatus Hannovix, Notum facimus universis & singulis pro nobis & posteris etiã, quod amicis nostris & fidelibus Harlemianæ civitatis civibus plerisq; eam gratiam fecimus, qualis his litteris continetur: Ac primo quidẽ donavimus nostris bonis civibus prædictis, ut quicunque civis hujus urbis, secundum jus, reus mortis esset, non incurrere majorem multã possit adversus me, quam ad dimidiam bonorũ suorum partem, & pars altera uxori cederet, aut liberis legitimis, aut hæredibus ejus proximis. Porro si contingat amicam nostram civitatem jam dictam orbatã suis privilegiis, quæ vetustate consumpta, aut submersa aut casu aliquo amissã, cujus apographo dato fidem facere possint, sigillo addito hominum, qui fidem merentur, illi ipsi defectum supplebunt appresso sigillo, absque eorum sumptu. Porro donavimus & præsentibus hisce donamus, amicis civibus prædictis, ejusmo-

di jus libertatis, quale hoc tempore mœnibus & portis sumpserunt, reservato eo, ut unicuique fiat satis, qui aut bona habeant, aut juris aliquid prætendant, & assensum eorum obtineant, & nullum libertatis jus habebunt extra pomæria, aut aquæ ductus. Porro in nos recipimus omnem relevationem, & relevamus bonos cives Harlemenses in commune, & remittimus omnia homicidia, latrocinia, incendia, veltigalia, judicia capitalia, incarcerationes, dejectiones ædium aut murorum, quæ hoc bello & hujus belli causa acciderunt; & quæ fuere inter uxorem unice dilectam & matrem, & adjutores eorum, & nostros etiam, absque ulla reparatione præstanda. Donavimus insuper & juravimus amicis & fidelibus civibus nostris Harlemensibus in commune nos servaturos jus omne, quod per gratiam Comitæ Gulielmi obtinuerunt avunculi nostri multum delecti, (qui apud Frisones in acie cecidit, cujus animam & majorum Comitum etiam animas, divinæ tutelæ commendo;) privilegia & donativa & immunitates, quatenus probari ea possunt, ea intemerata servaturos pro nobis & posteris. Et quia volumus prædicti articuli & capita, prædictis oppidanis in perpetuum obser-

observentur & rata sint extra omnem dubitationis aleam pro nobis & posteris ; hæc litteras & placita donativa appenso sigillo stabilivimus , datas Hagæ-Comitis x1 die Maii : Anno D. MCCCLV.

*Alberti
Comitis
privilegia
com-
plura.*

V. *Promissa Albertus dux Bavarie fecit civitatibus Hollandiæ , cum Satrapa Hollandiæ renuntiatus, & provinciæ gubernator declaratus.*

Dux Albertus, Dei gratia Comes Palatinus ad Rhenum, Dux Baviæ, Notum facimus universis & singulis , ob causas evidentes & prægnantes, dilecti fratris Gulielmi Baviæ Comitis Hannoviæ, Hollandiæ, Zeelandiæ & D. toparchæ Frisiæ (quem divinæ tutelæ committo) ad communem salutem & pacem publicam ac ditionis suæ & subditorum commodum , petente id à me atque exigente dilecto fratre, sororis meæ Machtildæ unice dilectæ Domini Lanchastriæ, comitis sse earundem provinciarum, & qui à consiliis ipsi in Hollandiæ ditionem venerint , nos adsciverunt & quasi adoptarunt, & transtulerunt Hollandiæ Satripiam, & protectorem me voluerunt omnium fraternalium bonorum , provinciarum , subditorum Hannoviæ, Hollandiæ, Zeelandiæ, & Frisiæ, iis conditionibus & stipulationibus, quæ

infra scripto continentur.

Ac primo quidem, quod spondimus & spondemus bona fide, dilecti fratris dominia & subditos ejus prædictos , regere, administrare, tueri unumquemque in suis civitatibus & territorio, & consiliariis eorum, quos ad id eligemus , approbante Magistratu , ad honorem ejus & ad publicam civitatum & provinciarum utilitatem & commodum , ut unicuique tam pauperi, quam diviti jus suum tribuatur æquis suffragiis, decernere & rationem dare , ad bonas & receptas consuetudines, & jura, qualia chari parètes nostri olim provincias regere & dirigere soliti, & justum & æquum judicamus ad felicem provinciarum statum, Ac proinde hoc animo propositum habemus, ita ut nulla vis unquam nos separabit , ab equitibus, ministris, civitatibus ditionibus prædictis. Quod pro virili nos servaturos, damus obsidem fidem.

Porro spondemus suffragante concilio sanctiore , & assentientibus amicis civitatibus jam dictis , debita fratris nostri dilecti, tam extra provinciam, quàm intra, transferre & persolvere pro virili, ut mercatores suæ provinciæ, omni securitate absque omni periculo navigare & commercare possint. Porro

Porro, de qualibet religioſa, de cōtroverſiis cujuſcmodi generis, quæ in provinciis fuerint inter toparchas & dominia & civitates, & bonæ fidei homines, de bonis aut poſſeſſionibus, promittimus ſpondemusque bona fide, aſſentiente ſenatorio ordine, & bonis civitatibus approbantibus, pro virili ad pacem reduēturos & compoſituros abſque partium ſtudio, quod mediatorum & provinciarum Satrapā decet. Atque omnes illos articulos & ſtipulationes jã dictas, juſtas ratasque facimus, Ducis Gulielmi fratris mei prædicti ſalvo dominiorum & emolumētorum jure, & heroinæ Machthildæ Dominae in Lancaſtre, ſororis meæ u-nice dilectæ, cum toto ejus comitatu, & equitibus juſ dicen-tibus, miniſtris aulicis & civita-tibus, relicto unicuique jure ſuo & prærogativa, quamdiu frater meus jam dictus in vitæ periculo æger decumbet. Atque hæc quidem acta intra pomæria urbis Harlemianæ, præſentibus cognatis noſtris peramandis Engelberto Comite Marcionis, & Hendrico amico meo fideli Godefrido D. & Toparcha in Brunegen, Henrico Everardi Stoyneſre, Hē-drico ab Eenrepach, Hend. Con-radi à Craſſelaer & Volleſteyn, Ad fidē faciendam juſſimus Du-

cem Albertum appendere ſigil-lum noſtrum, hiſce præſentibus litteris, Martii nono die. An. D. M. CCC. LVII.

VI. *De eo quod nullus ludam teſſerarium, aut alveum luſorium ex-ercere, aut domi ſuæ habere poſſit, nec proxenatarum contubernia admittere.*

Albertus Dei gratia Comes Palatinus ad Rhenum, Dux Ba-varia, Satrapa Hannoviæ, Hol-landiæ, Zeelandiæ & Friſiæ, no-tum facimus univerſis & ſingulis civibus Harlemi incolis, propter multa & præclara merita, quæ majoribus noſtris, & nobis etiam ſæpenumero præſtitere, & adhuc præſtituros confidimus, eam gratiam iis factam, præſen-tibus hiſce, nos poſterosque noſtros non admiſſuros, ut ludus aleatoribus, aut alveus luſorius, aut proxenatarum contubernia, nullo unquam tempore aut tole-rentur, aut exerceantur intra po-mæria civitatis noſtræ, aut extra ad primum urbis lapidem. Ad hæc bonos cives Harlemeos, lu-dos aleatorum, aut alveos luſo-rios non admiſſuros, nec exer-ceri illos paſſuros. Quod ſi non facerent, in noſtra poteſtate reſervabimus, eos ruſſum tolera-re, & licentiam novam dare alea ludendi. Verum connivere ad illa poterunt, ſi cives boni & in-

corruptæ vitæ homines in diversis modeste aleam exerceant, aut quando civium sagittariis liberum est ad symposia venire, viris bonis & civibus aleam modeste tractare, ut ex consuetudine ab omni memoria obtinuit, pro ut Prætori & Senatui Harlemiano expedire videbitur. Porro remittimus & veniam damus omnibus iis, qui ibidem aderant & eo tempore Iohanni Bartholdi litteras nostras extorserāt, quibus nulla mûlcta pecuniaria imposita est, & in urbe manserunt. Et cum eam gratiam amicæ civitati nostræ libentes lubentesque fecerimus, propter merita eorum præclara, quæ agnoscimus memori animo, litteras hæc obsignavimus, posteris ad fidem, consueto sigillo, Hagæ Comitum datas, die Iovis proximo à festo D. Martini in æstate Anno M. CCC. LXXIV.

VII. *De eo quod provinciarum ipse Dominus, Prætores, Scabinos constituet, servata sibi ea potestate, ut intra anni spatium exauctorare & loco movere Scabinos possit, quotiescunque voluerit. Scabini autem in Scabinatu esse diutius non possunt, quam in unum annum.*

Albertus Dei gratia Comes Palatinus ad Rhenum, dux Bavaricæ, Satrapa Hannoviæ, Hollandiæ, Zeelandiæ & Frisiæ, No-

tum facimus universis & singulis, quod ob complura & fida merita, quæ amica & fida civitas & cives Harlemiani sæpenumero præstitere, & præstare adhuc in posterum paratos confido, donavimus ejusmodi articulos juris, quales infra scripti.

Ac primum, quod nulli potestatem hanc dabimus, nulli hanc curam cõmitteremus creandi Harlemi Prætores, aut Scabinos, verum eam potestatem penes nos reservabimus, & hæredes nostros.

Porro in nostra potestate erit Prætores & Scabinos exauctorare & remove pro arbitrio nostro. Verum si quem Scabinum eligimus aut statuimus, non diutius in Scabinatu erit quam in unum annum continuum, servata tamen ea potestate, ut exauctorare eum quolibet tempore, anno nondum exacto, possimus.

Item quemcunque Scabinum creabimus, & is postea abdicetur, ut dictum supra, eum postea intra annum sequentem creare Scabinum non poterimus. Verum exacto eo anno, creare denovo Scabinum poterimus, quod arbitrii nostri erit: Et si forte cõmorari extra Hollandiæ dittonem nos contigerit; in nostra erit potestate Prætores, Scabinos innovare, ut scriptum supra, & eorum nomina ad Prætorē trāsferenda

ferenda curabimus, ut intelligat qui sint illi, qui electi Scabini à nobis; eosque Prætor juramento obstringet, & cum iis jus dicturus, perinde ac si à nobis juramento confirmati essent.

Porro remisimus & missum fecimus omnibus Harlemianis, qui Civitatis signa non secuti, cum inceptum tumultuosum erat ante ædes & fores Simonis à Saenden, eas multas, de quibus Civitas & qui in judicio erant, sententiam tulissent, exceptis duntaxat iis, qui partes secuti ipsi Iudices fuissent, & de eo sive ab una sive ab altera parte, accusati aut delati essent. Et quoniam volumus ut illud firmum ratumque sit, & in perpetuum observetur à nobis, & posteris nostris, & à civitate nostra, & urbis Harlemianæ civibus & posteris eorum, litteras hæc apertas sigillo nostro consignavimus, Datas Hagæ-Comitis proximo die Dominico à festo S. Agathæ. An. Dom. M.CCC.LXXX.

VIII. *De eo quod nullus civis aut municeps qui agros habet in jurisdictione Sparendamensi nihil pendat ad munitionem aggerum inter Pettemiam & Ogben.*

Albertus gratia Dei Comes Palatinus ad Rhenum, Dux Bavarix, Satrapa Hannoverix, Hollandix, Zeelandix, Frisixque,

Notum facimus universis & singulis, quod polliciti sumus bona fide & pollicemur præsentibus hisce, pro nobis & pro posteris nostris, civitati nostræ Harlemianæ, omnes agros & latifundia ubicunque sita sint in Noort-hollandia, Schielandia, sive in Delflandia, Rijnlandia, quæ subjecta lustrationi Sparendamensi, & ante hæc tempora, petitione nostra & intercessione objecto aggere circumvallata, & reducta ad censum jugerum Zijpensium, quod civitas nostra præscripta, nec non eius posteris, nunquam deinceps præscriptos jam aggeres aut novos jacent aut collapsos restaurabunt, sitos etiam inter Pettemiâ & Ogham, & adhuc jaciendos inter Ogham & vicinum Schagæ aggerem. Et deinceps civitatem nostram Harlemianam nec precabimur, nec obstringemus ad aggerum structuram, & immunes erunt ab omni opere quod aggeribus struendis impenditur, idque in perpetuum. Et porro omnes cives nostri agrorum suorum jacturam facient & fundo suo renuntiabunt, qui extra Sparendami obices siti sunt, & intra Sparendamum aquas non exonerant, verum in singula jugera florenos ix. pendunt, quos accepimus parata pecunia. Ad ratificandum eas, has litteras con-

signavimus sigillo nostro, datas Hagæ-Comitis die Iovis ab assumptione Mariæ. An. Dom. M. CCC. LXXXVIII. Aug. xv.

I X. De Campo, qui extra portam nemoralem situs, Civitati Harlemianæ proprius donatus sit ad exercitia & ludas. Et de eo quod Comitatus nullum Prætozem constituet Harlemi nisi qui rationem muneris sui habebit, & semper usque ad contradictionem.

Albertus Dei gratia Comes Palatinus ad Rhenum, Dux Bavarix, Comes Hannovix, Hollandix, Zeelandix, & Frisix Dominus; Notum facimus universis & singulis, consideratis & expensis compluribus & fidelibus meritis & officiis, quæ amica & fida civitas Harlemiana præstiterunt, & præstituros deinceps confidimus, quod amica Civitati eam munificentiam tribuimus in vicem gratiæ, ut donare ei visum nobis fuerit Campum suburbanum extra portam nemoralem & nemori proximum, quod erit pascuum publicum non ad alios usus, quam ad lusus & exercitia destinatum, sine ullo privati alicujus emolumento, idque in perpetuum, ea longitudine & latitudine, qua hoc tempore situs.

Porro civitati nostræ præscriptæ dedimus & concessimus, quod nullum Prætozem consti-

tuemus intra urbis nostræ pomeria jam dictæ, alium quam qui ipse sua persona prætura fungatur, & nullum mandatum ultra concedere, quæ ad revocationem. Et quoniam volumus, ut articuli præscripti observentur, in gratiam civitatis nostræ Harlemianæ, à nobis, posterisque nostris in perpetuum, obsignavimus has litteras sigillo nostro, datas Hagæ-Comitis, die xx. Februar. An. Dom. M. CCC. LXXXIX. ad modum aulæ nostræ.

X. De eo qui relegatur ex civitate Harlemiana, quod intra ccc. decempedas propius ad urbem non accedet: extra urbem nemo edificabit propius quam ad xl. decempedas in terra firma, & decempedas c. in aqua. Item quod jus Scholæ administrandæ datum.

Albertus Dei gratia Comes Palatinus ad Rhenum, Dux Bavarix, Comes Hannovix, Hollandix, Zeelandix, & Frisix D. Universis & singulis notum facimus, quod consideratis & expensis compluribus & fidelibus meritis, quæ amica & fida civitas Harlemiana præstitit, & adhuc præstituros confidimus, ei ex sincero & liberali affectu dedimus damusque præsentibus hisce, ejusmodi juris articulos, quales hoc scripto continentur.

Ac primum quidem, qui relegatus aut in exilium missus, ne propius

propius ad urbem prædictam accedat quam ad ccc. decempedas, sub pœna capitis & confiscatione bonorum.

Porro nemini permittimus, ut intra xl. decempedas terra, & intra decempedas centum aqua secundum jurisdictionem Harlemianam ad habitandum accedat; ita nemo etiam intra hos terminos domicilia ædificabit inhabitanda. Verum domicilia illa quæ hoc tempore in fundo Arnoldi Iohannis extructa, ea loco suo manebunt nemine prohibente, nisi forte civitas nostra sublata ea vellet, & eo casu id pretii persolveret, quod iustum videretur concilii nostri proceribus, quos ad id deputabimus, quorum arbitrio res decidetur.

Porro civitati nostræ Harlemianæ Scholæ aperiendæ & instituendæ jus dedimus, ut civitas nostra conferat Scholæ regimen in Clericum qui jam est aut postmodum venturus idoneus juventutis regendæ & formandæ magister: ille ipse scholam moderabitur, nemo alius pro eo: vicarium non habebit, & semper ad semestre tempus post contradictionem, & non diutius: si forte minus idoneus erit ad operam scholasticâ, ut alius substituatur in locum ejus ex clero, qui idoneus ad munia scholastica obeun-

da. Atque hos omnes articulos præscriptos promissimus nos servaturos sine ulla interruptione constanter pro nostra parte, & posteris servâdos dabimus & præstandos civitati nostræ Harlemianæ & posteritati ejus, absque dolo malo, bona fide. Ad illud ratificandum litteras hæc consignavimus sigillo nostro, datas Hagæ-Comitis ipso D. Nicolai festo Anno Dom. 1389.

X I. De vento molario civitatis Harlemianæ, qui oppidanis promiscue competit sine ulla contributione.

Albertus Dei gratia Comes Palatinus ad Rhenum, Dux Bavariz, Comes Hannoviz, Hollandiz, Zeelandiz, Frisiz Dominus, Notum facimus universis & singulis, quod donavimus, donamusque pro nobis & posteris nostris in perpetuum, civitati nostræ Harlemianæ & promiscue oppidanis ejusdem civitatis, propter cõplura & fida merita, quæ nobis præstiterunt, & adhuc præstituros confidimus, ventum molarium à parte australi civitatis nostræ præscriptæ, Heemstadium versus, inter Pacis-fossam & Sparnâ, absq; ulla contributione, qualiscunque illa fuerit. Ad illud ratificandû litteras hæc consignavimus sigillo nostro, datas Hagæ-Comitis, die vi. Februarii An. Dom. m. ccc. xciv.

XII. *De eo quod civis sive mas aut femina sit, penam capitis incurrere potest bonorum non ultra LX. libras. Sed quicumque aut quæcunque civis, homicidium committeret, capitis pœnam incurreret, non autem bonorum mulctam amplius quam LXXX. librarum. Item quicumque fuerit Prætor, Scabinus, & Senator, Harlemi domicilium habebit ad annos decē, & census erit C. librarum ad bonorum æstimationem, quæ in possessione ædium aut fundi habet; qui vero censum & vectigalia contribuerit, annos XI. Item omnes infractiones & commissæ contra jus, fasque, decidentur intra anni spatium, aut pretentioni excident.*

Albertus Dei gratia Comes Palatinus ad Rhenum, Dux Bavarix, Comes Hannovix, Hollandix, Zeelandix, Frisix Dominus, universis & singulis notum facimus, quod fidelibus civibus nostris Harlemianæ civitatis nutritiis, propter complura & fida merita, quæ illi & majores ipsorum à multis retro annis, nobis majoribusque nostris præstiterunt, eosque ipsos, & posteros eorū, nobis, posterisque nostris juvate Deo præstituros adhuc confidimus, quod iis donavimus, & donamus hisce litteris, pro nobis, & posteris nostris in perpetuum ejusmodi privilegia & immunitates, quales hoc scripto continentur, videlicet hoc primum, quod u-

nusquisque aut unaquæque civis nostræ civitatis, capitis pœnam incurrere potest, & bonorū ultra LX. libras nullo modo. Verū quicumque aut quæcunque civis homicidium commiserit intra urbis pomeria, ille pœnam capitis subibit & bonorū jacturā non ultra LXXX. libras; atque ita redimet facultates reliquas, & proprietatem servabit quocunque se recipiet, si convincatur in judicio, ut justum & æquum; & tum civis ille aut illa, nunquam in nostram provinciam redibit, nec ad nostram civitatem præscriptam remeabit, nisi nostro consensu, & voluntate consanguineorum defuncti, reservato eo si civitas nostra secus iudicaret.

Porro civibus nostris præscriptis hic concessimus: Quicumque Prætor, Scabinus, aut Ordinis Senatorii in nostra civitate præscripta, ibi commorabitur x. annos continuos, & in ære habebit centum libras, sive redditus ex ædibus quas possidet aut latifundiis, priusquam ad Præturam, aut Scabinatum aut ordinē amplissimum aspirare potest, nec non census & tributa, exactiones persolverit annos xj. cum oppidanis, ut civis tenetur dare.

Porro civibus nostris eam gratiam fecimus, ut mulctæ omnes, quæ in civitate nostra incidunt

ante-

antehac, eas Prætor noster liqui-
dabit intra annū post configura-
tas litteras ; præterea ut omnes
mulctæ , quæ exigendæ adhuc in
posterum suo tempore , eas et-
iam Prætor noster civitatis præ-
scriptæ , qui jam est, aut futurus
in posterum, iudicio Scabinorum
submittet intra anni spatium ,
quam mulcta inciderit , aut ille
qui in mulctam inciderit culpæ
obnoxius , mulcta eximetur. At-
que ut prædictos articulos privi-
legiorum , qui privilegia conti-
nent pro nobis, & posteris omni-
bus, servari in perpetuū volumus
omni modo , quo scripti sunt ,
hasce litteras nostras apertas si-
gillo nostro consignavimus, datas
Hagæ-Comitis, xvi. Iun. An.
Dom. M. ccc. xciv.

XIII. *De eo quod Civitas Harle-
miana conferet templi seu sacræ ædis
custodiam , cui contradicere cavebit
quisquam. Porro quod aggerum cura-
tores & inspectores Riinlandiæ , pecu-
nias pro mensura iugeribus impositas
colligent , aut colligi permittent, nisi
ex consilio civitatis Harlemianæ.*

Albertus Dei gratia Comes
Palatinus ad Rhenum, Dux Ba-
variæ , Comes Hollandiæ, Zee-
landiæ , Hannoviæ , Frisiæ Do-
minus, Notum faciunt universis
& singulis , quod nos pro nobis
& posteris nostris fidæ & amicæ
civitati Harlemianæ , propter

magna & multa merita, quæ no-
bis & maioribus nostris & poste-
ris à multis retro annis præstite-
re, & præstituros adhuc confidi-
mus, (si volet Deus,) civitati
nostræ Harlemianæ eam fecimus
gratiam , quam scriptum indicat
sequentibus.

Ac primum quidem , civitati
nostræ Harlemianæ donavimus,
& donamus præsentibus hisce ,
sacrarum ædium custodiam, post
ejus obitum qui eam iam possi-
det : nec alio donamus modo,
quam ut prædicta Civitas , cum
ea persona, qui nunc ibidem est,
in eum conferent qui maxime
idoneus videbitur, ad custodiam
illam administrandam. Quod si
æditui illi ita se gererent , ut vo-
cationi isti minus idonei essent,
liberum erit Civitati nostræ &
personæ prædictæ, ædituos abdi-
care & remove, quoties con-
sultum videtur. Et post eius per-
sonæ jam dictæ obitum , Civitas
præscripta sola ædium sacrarum
custodiam dabit : In eum tamen
modum , ut ista persona , quæ
tunc erit, nullū assensum habeat.

Porro Civitati nostræ præscri-
ptæ donavimus ut aggerū Riin-
landiæ cōsultores & inspectores,
qui etiamnum hodie sunt , aut
postmodum futuri, nullas pecu-
nias pro mensura iugerum aut
colligant aut imponant, nisi duo-
bus.

bus aut tribus Senatoribus à nobis adhibitis, in consilium assentientibus civitate nostra Harlemiana & Leydensi; ibique aggerum curatores nostri præscripti, actionum suarum rationem reddent, priusquam pecunias colligant aut imponant pro aggerum mensura; nisi forte aggerum præfecti, aliis litteris probare possint non futurum jure ipso. Et quoniam promissimus, & præsentibus promittimus pro nobis posterisque nostris, omnes hofce articulos præscriptos, prout scripto continentur, fidẽ nostrã & amicã Civitati jam dictã servare, & servandos jubere sine ulla infractione in perpetuum, consignavimus has litteras appenso sigillo nostro, datas Hagã-Comitis D. Lamb. festo Anno D. M. CCC. XCVI.

XIV. *De eo quod Albertus Bavarie Dux jus beneficiarie urbi Dordracum datum sistendi naves Hollandie civitatibus remisit.*

Albertus Dei gratia Comes Palatinus ad Rhenum, Dux Bavarie, Comes Hannoviae, Hollandiae, Zeelandiae, & Dominus Frisiae, Notum facimus universis, & singulis, quoniam ab aliquot retro annis cõtroversia fuit & nostratium Civitatum novae semper querelae, videlicet, Harlemi, Lugduni, Delphorum, Alc-

mariae, Amsterodami. Rotterd, Sciedami, Bergae, S. Geertrudis, Veteraquinatis, Vlaeringae, Comitibus Arenacum, Nardeni, Medenblici, Enchuyse, Brielle, & dilecti nobis cognati Ottonis Hend. ab Arckel, ejusdemque civitatis Gorichemi, & pagorum etiam nostrorum, videlicet Wtgeestae, Wormerae, ab una parte Akerflood, & ab altera parte Dordracenae urbis, circa ea quae tangunt jus Stapulae & sistendi naves, & ab instituto retrahendi merces exoticas, & expensas quas nostra civitas Dordracum, & cognatus noster D. & toparcha ab Arckel, à civibus suis & Gorichomi incolis nec non à pagis nostris jam dictis, exigere ante hac solitus. Cum civitas nostra & D. & toparcha ab Arckel cives suos & indigenae, tum pagos nostros jam dictos saepe inhiberent, intra civitatis nostrae pomeria & extra in tractu fluvialis aquae naves secum ducerent, pro jure quod prætendebant. Quam controversiam & contentionem inter cives & indigenas, non tolerandam diutius rati, stat sententia, litem illam dirimere, idque ex consensu Senatus nostri secundum jus & æquum. Itaque Civitati nostrae jam dictae, item D. & cognato nostro ab Arckel, una cum civitate ejus Gorichomio,

mio, & pagis nostris ab una parte, & Dordrecht civitate nostra jam dicta ab altera parte, certum & definitum præscripsimus diem, nempe diem Lunæ proximum à festo D. Nicolai, quo jubentur omnes illi iam dicti utriusque partis citati corā nobis & Senatoribus nostris qui à consiliis se sistere & comparere Hagæ-Comitis, ut ibi privilegia, documenta acta & probata si quæ habent ab utraque parte litteris sigillatis consignata in medium adferrent. Præterea cautum volumus: quo civitas nostra Dordracena jam dicta, si quem ex suis deputatis mittant cum litteris privilegiatis, quibus tueri jus velint, non alias mittant, quam ad jus Stapulæ seu sistendi naves & merces quæ pertinent: Ita ab altera parte Civitates nostras, & cognatum nostrum D. & toparcham ab Arckel, & civitatem ejus Gorichomium & pagos nostros jam dictos, non alias producere litteras, quibus jus suum tueri, & causæ suæ patrocinari velint, quam quibus probare liquido possint, jus stapulæ nihil ad se pertinere, nec teneri aut obligari exactiones aut expensas pendere. Quod si civitas nostra Dordracena, ad diem præscriptum se non sistat, & mandato nostro non obtemperet, De-

cretum tandem una cum Senatoribus qui nobis à consiliis sunt unanimi consensu & singulari prudentia libros memoriales, tabulas publicas evolvimus, & ex prælectione audivimus, ac in eis invenimus, ejusmodi litteras ad jus Stapulæ & exactiones pertinentes, à majoribus datas, quales Civitas nostra Dordracena magis accuratas non habet. Præterea ab altera parte ejusmodi litteras fide interposita consignatas & data ad fidem dextra confirmatas, quales Civitas nostra, cognatus noster D. ab Arckel & civitas ejus Gorichomium, & pagi nostri jam dicti jam olim à majoribus nostris habent. Et cōperimus nos & Senatores nostri qui nobis à consiliis, videlicet nostras civitates, cognatum nostrum D. ab Arckel, & Civitatem ejus Gorichomium & pagos nostros prædictos, antiquas, atque adeo sigillo consignatas & optimas litteras majorum nostrorum indulgentia habere, quæ cū nostræ civitatis Dordracenæ litteris quas habet ad jus Stapulæ & exactiones jam dictas pertinentes, jure ipso non valeant. Quocirca nos pro conscientia nostra, & judicio & arbitrio nostrorum Senatorum, qui à consilio nobis sunt, judicavimus & judicamus presentibus hisce litteris, secundum

dum jus illud optimū, quoniam ad dominium nostrum illud pertinet, ut civitates nostræ, & cives earundē, & cognatus noster D. & toparcha ab *Arckel* & *Gorichomiū* civitas ejus & incolæ, nec non pagi jam dicti liberi atque immunes sint, idque hodie & in futurum, à jure Stapulæ, & ab omni exactione qualicunque in perpetuum, quam prætendebat urbs nostra *Dordracena* jam dicta. Porro *Monachodami* cives atque incolæ concessa hac immunitate fruuntur, secundum argumentum chirographi. Ad hæc promittimus pro nobis & posteris nostris, Civitatibus nostris & earum civibus atque indigenis, item cognato nostro D. & toparchæ ab *Arckel* & civitati ejus & incolis, tum pagis supra dictis & posteris eorū, servaturos & confirmaturos privilegia & immunitates eorum in perpetuum adversus civitatē nostram *Dordracum* jam dictam, atque adeo adversus quemlibet, qui refragari iis vellet aut obistere. Et si forte *Dordracum* civitas nostra jam dicta & incolæ ejusdem, aut cognatus noster D. & toparcha ab *Arckel*, & *Gorichomium* civitas ejus atque incolæ, & pagi nostri prædicti, si quid hisce contrarium committeret aut moliretur; Damus hanc

veniam pro nobis posterisque nostris, & potestatem facimus, Civitatibus nostris earumque incolis, & pagis nostris prædictis, ut conjunctis viribus, & mutuis auxiliis, repetere sua impune possint, & salvo dominio nostro & jure, exigere à *Dordrac* civitate nostra & incolis ejus, quasi jus Stapulæ tuentibus, bona per vim detenta. Et quidquid in eo præstiterint, pollicemur auxiliū & nulla in parte nos defuturos, & opem lauros. Et quoniam omnes eos jam dictos articulos absque ulla infractione servatos volumus, promissimus & promittimus litteris præsentibus pro nobis posterisque nostris, Civitatibus nostris, & incolis earum, cognato nostro D. & Toparchæ ab *Arckel*, & *Gorichomio* civitati incolisque ejus, tum pagis nostris jam dictis, eorumque posteris, nos eos servaturos & stabilimento confirmaturos in perpetuum, quibuscunque poterimus modis jam dictis. Ad fidem faciendam & ratificanda ea quæ promissimus hæc litteras consignamus appenso sigillo nostro, datas Hagæ-Comitis die Veneris proximo à Kalendis Januarii. An. D. M. ccc. xciii. secundum cursum aulæ nostræ. An. 1404.

Ratificatio Gulielmi Ducis, quæ patris sui beneficium ad jus Stapulæ

Dor-

Dordracenæ quod pertinet collatum civitatibus confirmat.

Gulielmus Dei gratia Bavariz, Hannoveriz, Hollandiz Comes, &c. Omnibus notum facimus, quod juris & favoris ergo, addo amoris, quem D. patri summa veneratione mihi colendo, Bavariz Duci, Comiti Hannoveriz & Hollandiz, pagis, civitatibus, hominibus ad litis contestationem & diremptionem, eum modum servari, quem D. pater sanxit & instituit inter civitates hinc inde, quales Harlemum, Lugdunum, Delphi, Alcmaria, Amsterodamum, Rotterodamum, Schiedamum, Geertrudæ-collis, Veteraquinas, Vlaeringa, Arena-comitis, Nardenum, Medenblicum, Enchuyfa, Briela cum pagis proximis, quales Fossa querna, Akerflood, Wtgeesta, Wormera; nec non cognatus noster D. &c. toparcha in Arckel, & D. mei jam dicti civitas Dordracû, habita primum deliberatione & re communicata in confessu Senatus nostri, confirmavimus & ratificavimus, ita confirmamus & ratificamus presentibus hisce quæcunque D. mei & patris pię memorię plurimum colendi litteris continetur, quas litteris patris suffiximus, & bona fide promittimus pro nobis & posteris nostris, civitatibus ac

pagis, nec non cognato nostro D. ab Arckel & civitati ejus Gorichomio, & eorum posteris, nos illis servaturos & confirmaturos ejusmodi jura & immunitates, & litium direptiones, quales D. meus & pater jam dictus statuit & approbavit adversus civitatem Dordracenam jam dictam; nec passuros, ut illi jam dicti, quicunque tandem fuerint, fraudentur, aut graventur in suis illis immunitatibus, & litium diremptione jam dicta, à civitate Dordracena, aut civibus ejus, aut quicunque; tandē is fuerit, qui hoc arrogare sibi audeat aut præsumat.

Et si forte civitates, pagi, nec non cognatus noster D. ab Arckel, aut civitas ejus Gorichemum aut concives ejus, aut quicunque; tandem illi fuerint quos Dordracum, aut municipes ejus coadjutores, fraudaverint aut onera imposuerint in prædicta diremptione, & immunitate, non contenta in D. Patris mei litteris & meis ad confirmationem transfixis: Eo casu liberum erit illis qui damnum passi, à Dordracenis civibus aut eorum coadjutoribus bona sua repetere, & legem repetundarum adversus eos instituere licebit absque ullo delicto, crimine aut mulcta adversus nos.

Porro civitatibus & pagis prædictis & singulis, & universis

concivibus eorum, nec non cognato nostro *D. & toparchæ* in Arkel & civitati ejus Gorichomio, & oppidanis ejus universis & singulis promittimus & pollicemur nos data ad fidē dextra, litteras quas prædicti à *D. Patre* plurimum colēdo habent, ab eo tempore, quo *Hollandiæ Dominus & Satrapa* fuit, ratas habituros, & in perpetuum servaturos, & nulla in parte quicquam detracturos, quas habuerunt ad hæc usque tempora, pro nobis posterisque nostris, idque in gratiam eorum & posterorum in perpetuum. Eaque confirmamus & stabilimus præsentibus hisce litteris. Ad faciendam fidē litteras hæc appenso sigillo nostro consignavimus: datas *Hagæ Comitum*, die Martis posttridie *S. Victoris festum*. Anno Dom.

1393.

X V. De eo quod Harlemi suborto tumultu civili ad conciliandos civium animos Albertus Comes Palatinus elegerit viros bonos qui rerum potirentur & judicio præessent, ad placandos civium animos.

Albertus Dei gratia Comes Palatinus ad Rhenum, Dux Bavarix, Comes Hannovix, Hollandiæ, Zeelandiæ, & Frisix Dominus, universis & singulis notum facimus: Quoniam intelleximus, & reipsa compertum ha-

bemus, magnam inclementiam, discordiam & contentiones subortas inter cives urbis nostræ Harlemæ, quam à fide commendare soleo ex relatione bonorum civium & oppidanorum, qui pacem amant, qui ea de causa nos secuti: Ad averruncandum hoc malum, quoniam ea moderatione semper usi sumus, ut suborta aliqua difficultate, inclinemus ad pacem, & id semper operādemus, ac in id incūbamus, ut subditos nostros per omnes provincias & civitates in pace & quiete conservemus: Ita habita primum deliberatione, collatis ad consilium suffragiis, & assentiente Senatu urbis nostræ, tam fidæ quam amicæ, propter multa fida & præclara merita, quæ nobis & majoribus nostris sæpenumero & evidēter præstiterunt, & nobis posterisque nostris, si volet Deus, præstituri sint: Ita ad averruncanda frequentia homicidia, latrocinia, infortunia cuiusmodi generis, quæ ex jam dictis dissidiis civium & contentionibus redundare possunt, donavimus & donamus præsentibus hisce litteris, & statutis in perpetuum, ejusmodi juris articulos, quales infra descripti.

Ac primum quidem de his xxxii. nobilibus & patritiis his litteris comprehensis, & scripto
confi.

consignatis, quorum hic infra nomina.

Symon à Saenden. Hugo à Rietwiick. Gijfbertus à Rietzvelt.

Petrus à Saenden. Gulielmus à

Schoten. Philippus à Cralingen.

Ioh. à Sparwoude. Florentius

Scoddi. Ioh. Gualth. Symons.

Gulielmus à Woude. Iohannes

Lothi. Iohannes à Foreest. Ge-

radus Alhout. Gul. ab Assen-

delff. Albertus Salomon. Iohan-

nes Rilardi. Iohannes Brouwe.

Nicolaus Hoen. Gulielmus à

Saendē Gerardus Buyse. Theod.

à bakenes. Gulielmus à Grob-

ber. Ioh. ab Heussen. Henricus

Theodori. Nic. ab Assendelff.

Nic. Zeelandus. Ioh. Gul. Ians-

sonius. Hend. à Berckenroede.

Hugo à Diemen. Gul. ab Adri-

chem Diet. Gerardus Baech.

Gul. Doevenii. Meinardus Ni-

colai. Ex quibus in singulos an-

nos eligendi ipso Geertrudis die

vii Scabini, qui iam dicti Sca-

bini ex reliquis xxvi viris quo-

tannis iv. eligent Senatores, pri-

die annuntiationis Mariæ, & eo-

rum nomina in templo Harlem.

cathedrali publice de suggesto

proclamanda, ipso festo annun-

tiationis Mariæ. Atque hi vii.

Scabini & iv. Senatores in ju-

dicio nostro præsidebunt, in u-

num duntaxat annum, non exau-

torandi intra anni spatium. Et

ad eum modum in singulos an-
nos Scabini & Senatores in civi-
tate nostra jam dicta eligentur,
ex xxxiii personis tam nobili-
bus, quam patitiis. Et qui Sca-
bini aut Senatores semel fuerint,
non ante in iudicium à nobis in-
stitutum venient, priusquam cæ-
teri quoque omnes in ordinem
Scabinorum aut Senatorum ve-
niant, dignitate non inferiores,
sed *ισότατοι*, qui hodie sunt aut
postmodum futuri. Et porro si
forte alicui eorū aliquid humani
acciderit, aut juri municipali re-
nuntiavit, aut consenesceret, aut
bonorum jacturam faceret ad e-
gestatem redactus, aut si quis ita
debilis foret, ut ordinis amplissi-
mi xxxiii viri iudicaret civem
inutilem & ad munia pub. minus
idoneum: Eo casu reliqui xxxiii
iam dicti interposito juramento,
scripto tradent iv. viros patritios
itidem & nobiles, fama integros,
& vita incorruptos, de meliore
nota homines, qui quieti, sine
jurgio aut querela facultates suas
possident intra Hollandiæ pro-
vinciam, sive istæ fuerint habita-
biles seu fundi, seu redditus an-
nui, ad summam dc. scutatorū,
perinde ac cēsus nostros annuos.
Et eo ipso tempore ad minimū
tertiam bonorum partem intra
pomeria habebunt. Nec de aliō
intelligi ista volumus, quam qui

decem annos in civitate domicilium & jus civitatis habuerit. Et ex istis 1 v. jam dictis unum eligemus, & in locum defuncti aut minus idonei surrogabimus, quatrduo postquam 1 v. virorum nomina scripto exhibita fuerint. Quod si forte intra octiduum personam aliquam non nominabimus, aut eligemus in locum defuncti aut civis minus ad publicum munus idonei; eo casu veniam damus & permittimus, qui superstites adhuc & in vivis erunt, ut ex præscriptis 33, unum eligant in locum defuncti, aut minus idonei, quod tātundem valebit, ac si à nobis facta esset electio. Et si quem 33, viri præscripti eligent aut decernent, pro suffragiorū numero valere debet.

Porro quæcunque xxxiii viri præscripti statuent, aut decernēt, rata erunt, dato primum juramento in Senatu corā urbis nostræ Prætorē, ad conservationem quietis pub. & pacis. Atque hæc omnia rata & stabilita volumus in perpetuum, perinde ac si à nobis confirmata essent. Atque hæc ita instituta & ordinata, semel recepta, nec aboleri, nec revocari unquam poterunt, nisi à Prætorē, & plurium suffragiis, aliter & secus judicatum fuerit, quod sequendum.

Porro si nos aut majores no-

stri fidæ & amicæ nostræ civitati prædictæ, chirographa, litteras aut privilegia olim donavimus, in quibus articuli continentur, qui his aut aliis chirographis quibuscunque litterariis ullo modo contrarii deprehendātur, in præjudiciū civitatis nostræ Harlemæ, in eo neque chirographis neque litteris, neque articulis, ne præsentibus quidem quicquā decedere volumus, talia authoritate: Verum hoc chirographum aliaque complura, tum litteras sigillatas, quas civitati nostræ donavimus, spondimus & spondemus, pro nobis posterisque nostris, fidæ & amicæ nostræ civitati Harlemæ & posteritati ejus in perpetuum servaturos, & rata ea habituros, nec passuros ullo modo infringi. Testimonii perhibendi causa, litteras hæc sigillo nostro obsignavimus, & ad majorem fidem faciendam, quoniam nihil æque gratum esse possit, quam si videre liceat pacem restitutam, & reversos in gratiam bonos cives pari concordia. Ita apud filium meum unice dilectum D. Gulielmum Bavarix Ducem, Comitē Oostervoudæ, intercessi, etiam atque etiam commendavi, nec defuere preces patris, ut chirographum hoc una nobiscum consignaret hac formula.

Et

Et nos Gulielmus Bavarix, Hannovix Dux, Dei gratia Comes Oosterwou, rogati à D. Patre cuius petitioni; negare nihil possum nec debeo filius, tū propter singularem affectum & amorem quem habemus erga amicam & bonam civitatem præscriptam. Et ut omnes articulos præscriptos, nostra voluntate & consensu approbatos constet; litteras hæc sigillo quoque nostro consignamus. Spondemus insuper nos omnes articulos, atque adeo omnia quæ hoc scripto continentur rata atque inviolata habituros pro nobis & posteris nostris fidæ & amicæ civitati & posteritati ejus in cōformitatem eorum quæ antecesserunt. Datum Hagæ-Comitis 14. Martii. An. M. cccc. & 11. secundum cursum aulæ nostræ.

XVI. *De eo quod quamlibet pacem quæ manu dextera aut in limine confirmari solita confirmare liceat campanæ sono.*

Albertus Dei gratia Comes Palatinus ad Rhenum, Dux Bavarix, Comes Hannovix, Hollandix, Dom. Frisix, Notum facimus universis & singulis; Quoniam observavimus aliquamdiu quantos sumptus & labores civitas nostra & Curia impenderit ad pacem & concordiam civium qui Harlemi sunt conservandam

& stabiliendam, in quadrimestre tempus observandam, & confirmandā in singulos annos, & correctionem statutorū nostrorum, & homicidia averruncanda, & pugnas ad cædem comparatas, dedimus & damus præsentibus hisce litteris in perpetuum iudicibus nostris qui Harlemi hodie sunt, aut postmodum futuri, hæc veniam, & potestatem facimus & permisimus iis, ut ad placitum confirmare possint campanæ sono pacem quamlibet, quæ in tabulis publicis nostræ civitatis continentur, descriptæ hodie aut in posterum describendæ: & is pacis ineundæ aut confirmandæ mos usitatus, qui aut manu dextera, aut in limine fieri solebat singulis anni quadrimestribus, videlicet pridie Kalendas Maii, pridie festum Iacobi, pridie festum omnium Sæctorum pridie festum Mariæ purificantis. Et permisimus porro, ut Pax illa quæ campanæ sono indicata, tantundem valeat, & æque efficax sit futura in nostra civitate jam dicta & extra urbis mœnia, perinde ac si Pax ista manu dextera, & lingua interprete, data et confirmata esset. Quem morem pacis ineundæ ita servari volumus, ut si quis pacem illam explodat, aut secus faciat quam jubemus, plectatur ille et pœnas luat corporis,

ris, mulctetur insuper *LX.* libris, secundum tenorem statuti nostri, quod civitati nostræ donavimus asservandum. Ad fidem faciendam hæc confirmamus, appenso sigillo. Datum Hagæ-Comitis, 24. Octob. die. Anno Domini *M. cccc. iv.*

Dux ille Albertus obiit *S.* die circa vesperam Anno Domini *M. cccc. iv.* ut supra.

Privilegia **XVII.** *De eo quod Gulielmus Bavarie Dux Civitati Harlemianæ confirmavit, Ducis Alberti patris sui litteras, prædictæ Civitati datas concessasque.*

Palatini fil. Gulielmus Dei gratia Comes Palatinus ad Rhenum, Bavarie Dux, Comes Hannoviar, Hollandiæ, Zeelandiæ, & Frisiæ Dominus: Notum facimus universis & singulis, cum Dominium comitatus Hollandiæ cæterarumque provinciarum jure successionis ad nos devenit morte *L.* patris unice colendi, Alberti Ducis, cujus pia apud Deum memoria sit, cumque nos fida & amica civitas, & cives Harlemiani benigne exceperint, & inaugurarunt ut legitimum Dominum suum, sic ut oportet: Eam igitur ob causam, juvante in partem favore, quem gerimus & habemus erga fidam & amicam civitatem Harlemianam, ejusdemque civitatis oppidanos,

confirmavimus & stabilivimus, confirmamus & stabilimus presentibus hisce litteris, ejusmodi privilegia, immunitates, jura, contractus, pro ut à majoribus nostris Hollandiæ Comitibus, & novissime à *D.* Patre unice colendo, Alberto Bavarie Duce ante nos consignatæ. Ita sancte pollicemur pro nobis, posterisque nostris, fidæ & amicæ Civitati nostræ Harlemianæ & civibus ejus jam prædictis, servaturos & confirmaturos, prout ea litteris continentur. Ad fidem faciendam, litteras hæc consignavimus appenso sigillo, Datas Hagæ-Comitis ipso *S. Agnetæ* festo, An. Dom. *M. cccc. & iv.* secundum cursum aulae nostræ.

XVIII. *De eo quod quicumque civis Harlemianus, qui agros habet ad loca nemorosa sitos, si forte contingat armenta eorum in nemus aberrare, ibi qui detineantur, & in septum agerentur, unusquisque noxium pecus redimere poterit VIII obolis Hollandicis, ultra non exigatur.*

Gulielmus gratia Dei Comes Palatinus ad Rhenum, Dux Bavarie, Comes Hannoviar, Hollandiæ, Zeelandiæ, Frisiæ dominus; Notum facimus universis & singulis, quod Civitati nostræ Harlemianæ donavimus & donamus presentibus hisce, atque adeo omnibus civibus qui agros habent

Gulielmi Comitum Palatini privilegia.

habent sitos ad nemora, aut non procul inde, ad usus proprios, aut elocaverint, si forte pecora aberrare cōtingat ex agro suo aut pascuis in nemus nostrum, quocunque modo id factum fuerit, ibique derinerentur & in septum agerentur, quod eo casu singula noxia pecora redimentur octo obolis Hollandicis parata pecunia, ultra non exigitur. Testimonii perhibendi causa has litteras obsignavimus sigillo nostro, datas Hagæ-Comitis, 111 die Iunii. Anno Domini M. cccc. vi.

XIX. *De eo, quod nulla Hollandiæ Civitas aut Zeelandiæ plura statuta imponent Harlemaniæ civitati, aut civibus ejus quam bonis suis, aut subditis. Item si quis, civem, marem, aut feminam Harleensem interfecerit, sive ille jure, sive ex judicium sententia in exilium mittatur, illi interclusus reditus in solum patrium, nec redire illi fas erit ante id tēporis quam cum redierit in gratiam cum consanguineis defuncti, & cum iis reconciliatus fuerit. Item, si quis urbe excedat Harlemania multarum causa, ei iniicere manum Prætor potest intra 111c. decempedas, ultra urbis territorium aut jurisdictionem.*

Gulielmus Dei gratia Comes Palatinus ad Rhenum, Dux Bavarix, Comes Hannovix, Hollandiæ, Zeelandiæ, Frisiæ Dominus; Notum facimus, univ-

sis & singulis, quod ex puro affectu & amore, favore etiam, quo affecti sumus erga fidam & amicam civitatem Harlemaniam, quod benigne & voluntarie & sponte voti compotes nos fecerint, & petitiones ejusmodi acceperint, quales exegimus: Ita fidæ nostræ civitati & civibus præscriptis, donavimus & donamus præsentibus his litteris ejusmodi articulos, jura, fædera, immunitates, quæ hoc scripto continentur.

Ac primum quidem, quod nulla civitatum Hollandiæ aut Zeelandiæ, plura statuta instituent, aut imponent fidæ nostræ Civitati & ejusdem civibus prædictis, quam suis bonis ponent. Et si forte civitatum nostrarum aliqua Hollandiæ aut Zeelandiæ plura statuta ponent aut facient in præjudicium fidæ nostræ civitatis & bonorum civium jam dictorum; ea promittimus abolere, & futura nullius pretii. Item si quis forte civem Harlemanium aut marem aut fæminā occidat in provincia nostra aut Hollandiæ aut Zeelandiæ, aut si quis in civitate nostra una eademque in exilium mitteretur in judicio propter homicidium, ei solum patrium interdictum volumus, nec tolerabimus eum in nostra provincia Hollandiæ aut Zeelandiæ

domicilium habere ante id tempus, quam reconciliatus in gratiam redierit cum consanguineis defuncti.

Item si quis civitatis nostræ Harlemianæ municeps aut oppidanus ob muletæ debitum in iudicio cōvincatur, & ob eam causam urbe excederet, eum Prætor noster Harlemensis, qui nunc est, aut postmodum futurus, apprehendere & in captivitatem abducere poterit intra ccc. decempedas secundum civitatis nostræ territorium, & tum causam ipsius expediet perinde ac captivum eum in urbe detineret.

Item quicumque nothus aut spurius illegitime natus, sive mas sive fœmina fato functus moriatur, non relictis legitimis liberis, & tres annos continuos in civitatem adscitus habitaverit, proximi & consanguinei matris, hæreditatem illam quam ille aut illa relinquet adibunt, excepto eo, si pater filio aut filiæ illegitime natis bona aliqua (quovis nomine) legasset, ut bona eadem hæreditatis jure ad eum redeant, aut hæredes proximos. Et quoniam omnes hosce articulos in gratiam fidæ nostræ civitatis & civibus ejus servari volumus & valere in perpetuum, ad fidem faciendam pro nobis & posteris nostris litteras hæc con-

gnandas dedimus, appenso sigillo nostro, datas in urbe nostra Middelburgenfi, tertio Novemb. die, An. Dom. M. cccc. & xi.

XX. *De iis qui extra pomeria civitatis Harlemianæ habitantes intra ccc. decempedas pendent & persolvent vectigalia.*

Gulielmus Dei gratia Comes Palatinus ad Rhenum, Dux Bavarix, Comes Hannovix, Hollandiæ Zeelandiæ, Frisiæ Dominus; universis & singulis notum facimus; Quoniam Civitas bona nostra Harlemiana sollemni modo promiserunt & favorabiliter & benevole numerarunt vi. millia scutorum, quos nobis erogabunt, & solvent in tres annos singulos duo millia scutorum præscriptorum: Et quoniam prædictas pecunias ordinare, nobisque in solutionem dare tenentur, ex vectigalium collectis, quas in civitate nostra prædicta imponent annonæ & rei alimentariæ: Propter rationes jam dictas concessimus atque indulgemus præsentibus hisce litteris, & volumus, ut omnes illi qui extra urbis pomeria habitant, intra ccc. decempedas territorii civitatis nostræ, vectigalia, quæ civitatis nostræ incolis imponentur, solvent perinde & ad eundem plane modum, ac si in civitate nostra

nostra domicilium habent. Et si forte quis refragabitur vœtigalia præscripta persolvere, volumus & jubemus Prætorem & Scabinos nostræ civitatis justitiæ administrandæ præfectos, qui iam sunt aut postmodum futuri, ut illud corrigant & transigant, ejusmodi statutis & legibus, quales cōfidimus eos qui in judicio erūt laturos, & posituros confidimus. Hæc in tres annos & non amplius durabunt. Ad testimonium perhibendum litteras hæc obfignavimus, appenso nostro sigillo, datas Middelburgi ipso Sæcti Willebrordi festo: Anno Domini M. cccc. & XI. Qui obiit, postridie festum Pentecostes. An. M. cccc. & XVII.

XXI. De eo quod Iohannes Lotharingie Dux, Brabantie, &c. nec non Iacoba Bavarie Domina, Gulielmi Bavarie Ducis Comitis Hannoviae filia unica, & Iohannes Dux prescriptarum provinciarum, Hollandiæ & Zeelandiæ confirmarunt & ratificaverunt omnia statuta & privilegia, quæ à Comitatu habent.

Iohannes gratia Dei Dux Lotharingiæ, Brabantie & provinciae Limborgenfis, Marcio Sacri imperii, Comes Hannoviae, Hollandiæ, Zeelandiæ, Frisiæ Dominus. Et Iacoba Dei quoque gratia, Ducissa, Marcionissa, & earumdem provinciæ-

rum Domina. Notum faciunt universis & singulis, quod fidæ & amicæ nostræ civitati cōfirmavimus & ratificavimus, confirmamus & ratificamus hisce litteris, ejusmodi privilegia, immunitates, chirographa, juraque, qualia à majoribus nostris, Hollandiæ, Zeelandiæ, Comitibus & Comitissis cōsignata habent. Et spōdemus pro nobis, posterisque nostris, fidæ nostræ & amicæ Civitati & civibus Harlemianis ea servare & stabilire in perpetuum, secundum litterarum argumentum, quæ sigillo cōsignatæ sunt. Ad fidem faciendam, hæc litteras consignavimus consueto nostro sigillo; Datas Woudrichemiæ Ian. XXI V. die, Anno M. cccc. XVI II.

XXII. De eo quod Iob. Lotharingie Dux, nec non Iacoba Bavarie Domina, prescriptæ Civitati Harlemianæ chirographum dederunt: Primum quod in singulos annos Scabinos vij. Coss. iv. eligent, ipso S. Ambrosii die, ætate integra xxdj. aut amplius annorum, nec sanguine propiores, quam consobrino, aut infra eum gradum. Item quod nulla statuta ponenda, nisi coram Prætoribus & assessoribus ejus, Scabinis, secundum plurimum consentientium suffragia. Item quod Balivus aut Prætor juramentum dabunt, se unicuique jus dicturos ex æquo & bono antequam munus suscipiant.

*Iohan-
nis Du-
cis Lo-
tharing.
&c. Pri-
vilegia.*

Iohannes gratia Dei Dux Lotharingæ, Brabantiae, Marcio S. Imperii, Comes Hannoveriae, Hollandiae, Zeelandiae, Frisiae Dominus; & Iacoba itidem gratia Dei Ducissa, Marcionissa, Comitissa & Domina earundem provinciarum; Notum facimus universis & singulis, quod propter egregia merita & fidei plena, quæ fida & amica Civitas nostra Harlemiana præstitit, & indies adhuc præstat, & si volet Deus, præstabit in posterum, ejusdem Civitatis nostræ civibus atq; incolis & eorum posteris donavimus & concessimus, donamus & concedimus præsentibus hisce litteris pro nobis posterisque nostris ejusmodi privilegia & chirographa, qualia infra descripta.

Ac primum quidem, quod singulis annis S. Ambrosii festo in civitate nostra præscripta creabimus aut creandos curabimus, VII probos & exploratæ fidei viros Scabinos, qui annum integrum non exauctorandi manebunt, nisi forte aliquis intra tempus annuū è numero viventium tollatur, tum in ejus locum alium surrogabimus, aut surrogandum curabimus, usque dum tempus unius anni expirabit. Et ad eundem modum etiam Coss creabimus, qui in annum manebunt non exauctorandi. Nec

quemquam ad id munus admitturi ante annum xxvj. Quodque nulli sanguine propiores, una in judicio sedebunt, quam consobriini gradu inferiori. Idque in hoc tempus, usque dum postrema pensio expiraverit, & C. nobiles Rosati numerati fuerint, quos promissimus Iohāni patruo nostro Bavariæ Duci persolvere.

Porro quoniam in civitate nostra præscripta aliquamdiu horum usitatum fuerit, quod Prætor noster, cum duobus aut tribus Scabinis, leges sanxerint & statuta condiderint, in annum aut semestrem tempus quæ durabant; quæ, ut clare instructi super ea re fuimus, cum magno reipub. aut civitatis nostræ detrimento, & civium damno. Itaque cum Civitati nostræ in eo prospectum velimus, prædictas consuetudines & statuta, quæ descripta habent, revocamus, & abolemus; Eique dedimus & concessimus, ut Prætor noster, Scabini & Senatores prædictæ Civitatis secundū assensum, consilium & suffragium & plerorūque opinionem, qui unquam in judicio nostro Harlemi fuerint, deinceps nova mandata, leges, aut statuta condendi potestatem habeant ad semestrem tempus, aut etiam annum integrum duratura, præmisso juramento, ea com-
muni

muni suffragio concepta, & reipub. quā maxime salutaria, salvo jure nostro & dominio & eatenus quatenus mandata, jura, statuta, juri & Dominio nō adversantur. Et quæcunque mandata, leges aut statuta secus instituētur quam communi omnium suffragio & unanimi sententia, ut scriptum antea, ea abroganda, & nullius pretii erunt.

Porro præscriptæ nostræ Civitati hoc dedimus in perpetuum, ut Prætor noster, judex, aut quicunq; munus aliquod obibit in civitate nostra aut subibit, sacro sancto juramento sese obligato, quod unicuique jus petenti dicturus sit, & judicabit ex æquo & bono. Quos articulos prædictos promissimus pro nobis posterisque nostris præscriptæ civitati Harlemianæ, & posteris ejus, observaturos & præstituros in perpetuum ad eum modum, quo hæc supra scripta : & ad faciendam fidem jussimus sigillum nostrum hisce litteris appendi, datis Woudrichemiæ 24. die Ian. Anno Dom. M. cccc. xvi. ii, secundum cursum aulæ nostræ.

XXIII. De eo quod nemo in bona alicujus profugi injicere manum possit quod nemo ultra annum perhibere testimonium debeat; virginum sacrarum collegia prohibentur.

Lohannes Dei gratia Comes

Palatinus ad Rhenum, Dux Bavarix, filius Hannovix, Hollandix, Zeelandix, Notum facimus universis & singulis, quod propter supplicationes & petitiones civitatis nostræ Harlemianæ, & ad ejusdem civitatis quietem & tranquillitatem, tum ad utilitatem & commodum promovendum, & simul ad tollendas dissensiones & controversias, præterea ad averruncandam contumaciam & audaciam quæ incidere possent, approbante Senatu nostro, donavimus atque indulgemus, præsentibus hisce litteris pro nobis & hæredibus, ejusmodi articulos & chirographa, qualia scripta infra. Primum quod nemo adversus civē Harlemum pendente lite se vindicabit, aut in bona ejus manum injiciet, tam quæ in urbe quam extra urbem, ejus inquam, qui urbē frequentare non possit, nec velit, nec ausit, relegatus ob damnum aut debitum, quod intra anni spatium contractum, & legitimo testimonio probabile sit, eo duntaxat reservato, quod Prætor urbanus, qui hodie est aut postmodum futurus, pecunias multaticias exigere & dijudicare possit, secundum jus & consuetudines Harlemianæ civitatis. Item quod nullus oppidanus testimonium

perhibebit, quo nocere alicui possit Harlemi diutius, quam in unum annum post eventum rei. Item quod nemini fas erit monialia aut virginum sacrarum collegia ædificare, condere aut alere: Extra civitatem vero non nisi ultra miliare extra jurisdictionem Harlemianæ civitatis. Et quoniam hosce articulos, & chirographa servari volumus in bonum Harlemianæ civitatis pro nobis, hæredibus posterisque nostris Hollandiæ Dominis: Ad testimonium perhibendum sigillum nostrum litteris hisce appendi curavimus, mandavimus, datis Hagæ-Comitis, 18 die Augusti Anno Dom. 1422. Signatæ litteræ rubro & pendulo sigillo.

XXIV. *De eo quod relegandi & exterminandi jus datum extra Keinimeriam.*

Iohannes Dei gratia Comes Palatinus ad Rhenum, Baviaræ Dux, filius Hannoviæ, Hollandiæ & Zeelandiæ Comitis, &c. universis & singulis notum facimus, quod propter singularem utilitatem & salutem fidæ nostræ civitatis Harlemianæ, ut omnes homines facinorosi melius & severius ibi plectantur & corrigantur, jam dictæ civitati ex gratia consensimus, & plenariam potestatem dedimus, ut in posterum facinorosos, & multatitios

homines, & delictis obnoxios, qui in civitate multam commeriti, & nostro & civitatis nomine relegare & exterminare jus habeant, ex Keinimeria, sub pœna capitis, aut multæ arbitrariæ, sine ulla aut nostra aut alicujus offensa nostri causa, perinde ac hætenus pro libertate flagitiosos relegarunt: Et durabit hoc beneficiû, usque ad edictum contrarium. Ad testimonium perhibendum appenso sigillo nostro consignavimus has litteras, datas Hagæ-Comitis, 16. Ianuarii. Anno M. cccc. xxi. secundum cursum aulæ nostræ.

XXV. *De eo quod Philippus Philippus Dux Burgundiæ & confirmavit Ducis stabilivit Civitati Harlemianæ omnia privilegia, jura, syngrapha, debita, Privilegia, statuta concessa liberalitate cognati sui legia. Iohannis Ducis Brabantie, nec non Anno avunculi ipsius Iohannis Baviaræ Ducis, quæ Harlemianæ Civitati data concessaque.* 1425.

Philippus Dux Burgundiæ, Comes Flandriæ, Arteliæ, Burgundiæ, Palatinatus, Salviæ Dominus & Mechliniæ, Satrapa & Gubernator provinciæ Hollandiæ, Zeelandiæ, & Frisiæ quoque, Notum facimus universis & singulis, quod ex justo amore, & affectu favorabili, quo prosequimur & amplectimur caros ac juxta fidos Harlemianæ civitatis nutri-

nutritios & oppidanos, & propter ejusmodi fidem atque obedientiam submissam, quam nobis præstiterunt solenni gratulatione & inauguratione in Hollandia, eidem illi Civitati Harlemianæ, atque omnibus eius civibus atque incolis, qui hoc die in vivis sunt, aut postmodum futuri, confirmavimus & stabilivimus, confirmamus aut stabilimus hæc litteris, ejusmodi privilegia, chirographa, jura inveterata, litteras quales à cognato nostro unice colendo Brabantia Duce, & ab avunculo nostro multum dilecto Iohan. Bavaria Duce, piæ memoriæ, nec non à majoribus ipsorum Comitibus & Comitissis impetrarunt, emerunt, aut compararunt. Ita ut in iis non simus defuturi ad tuendum, stabilendum jus eorum, secundum archetypum litterarum, syngrapharum ante scriptorum, idque durante eo tempore quamdiu regimen provinciarum Hollandiæ & Zeelandiæ penes nos erit. Ad firmandam fidem, consignavimus has litteras appenso sigillo nostro, datas Leidis ipso die S. Thomæ Apostoli, An. Dom. M. cccc. & xxv.

XXVI. *Philippus Dux Burgundie, Comes Flandriæ, Artesiæ, Burgundiæ, Palatinus, Dominus in Salinis, Mechliniæ, Satrapa & Gu-*

bernator Hollandiæ, Zeelandiæ, & Frisiæ, Notum facimus universis & singulis, quod propter singularem favorem & affectum quem gerimus & habemus erga cives Harlemianæ Civitatis apprime caros & dilectos nobis, propter multa & fida merita, quæ olim & à multo retro tempore præstiterunt, & in futurum præstare adhuc possunt, si Deus volet, & potissimum propter fidem nunquam satis prædicandam, & submissam obedientiam, quam reipsa præstiterunt, eo ipso tempore, quo cognata nostra Brabantina, eam cum Reinbeimeriis aliisque amicis, novissime obsiderent. Eidem Civitati dedimus, damusque hæc litteris ejusmodi immunitates juraque, qualia hic descripta tabulis continentur.

Ac primum quidem amicæ Civitati Harlemianæ dedimus & concessimus, damus & concedimus præsentibus hæc, Civitatis jura & territorii producendi & ampliandi circumquaque civitatem, præter libertatem quam nunc habent, cxxx. decem pedas, qua rura patent, ita ut intra novum territorium, omnia privilegia & jura usurpari, quemadmodum usque adhuc immunitatem habuerunt atque usurparunt. Et intra novæ immunitatis datæ tempus, ab extremo marginum, quæ nunc sepserunt extrinsecus, nemini fas erit nullo unquam tempore, domos ædifi-

edificare, aut habitacula exstruere.

Item non licebit intra urbis pomeria & territorium, ulla monialium virginum domicilia, nec ulla cœnobîa, virorum aut fœminarum condere aut exstruere, plura quam hodie sunt. Et quę virgines sacrę aut moniales, quę hodie Harlemi sunt, nec admittent in cœnobîa sua in posterum plures virgines sacras aut moniales, nec excipient, quam quę nunc tempore civium filiæ, aut quę deinceps civium seu virorū seu fœminarum filiæ fuerint ad xx annos continuos.

Item quod omnes agri & bona laïcorum servitio obligata & obnoxia, & tributo subjecta & petitionibus, ea obnoxia & obligata manebunt, quemadmodum ad id tempus fuerunt. Etiam si præscripti agri bonaque, aut emptione aut contractu, aut alio quovis modo in proprietatē eorum qui sacra profitentur: nisi forte, ea à nobis oblitterata & sublata essent, & nos servitutis onus remittamus.

Item consensimus & potestatem fecimus, consentimus, & potestatem facimus Scabinis in iudicio Harlemiano, qui jam sunt, aut futuri; quod in posterum in auxilium mittere licebit extra territorium Keinhimeriæ, & Riinlandiæ, quemadmodum

in hoc usque tempus extra civitatem & parochiam Harlemianam facere consueverunt, reservato duntaxat eo, quod exilium revocare in nostra potestate semper sit, in exilium missos aut relegatos revocare & in libertatem restituere, & intra fines Harlemiani territorii admittere, excepto omni dolo malo. Et quoniam amicam erga Civitatem Harlem. & cives omnes, qui jam sunt, aut in posterum futuri, præscriptos articulos, atque immunitates servatas volumus & à nobis & ab unoquoque in perpetuum sine ulla infractions, ad testimonium perhibendum, sigillum nostrum appēdi iussimus, Datum Amstelodami, 8. Augusti, Anno Dom. M. cccc. xxvi.

Exstat quoque Daniæ, Norwegiæ regis diploma gratiosum, quo propter merita quædam, & amicam voluntatem Harlemianæ Civitatis, incolis & oppidanis concessit in regno suo libera commercia, & saluum conductum, terra pariter & mari, commerciorum causâ, obsignatis regis sigillo litteris, datis Helsenburgi, pridie festum Martini, Anno 1465.

XXVII. De producendo territorio, & de exstruendo Aquarum obice Harlem. Civitati potestas data.

Maximilianus & Maria Dei gratia

gratia Duces Austriæ, Burgundiar, Lotharingæ, Brabantiar, Limborghi, Lutzenburgi, Geldriæ, Comites Flandriæ, Tirolis, Artesiæ, Burgundiæ, & Palatinatus, Hannoviæ, Hollandiæ, Zeelandiæ, Namurci, Zutphanæ, Marciocomites S. imperii, Satrapæ Frisiæ, Salusiæ, Mechliniæ, notum facimus universis & singulis, quod speciali gratia & singulari favore, quo affecti sumus erga civitatem nostram Harlemianam in provincia nostra quæ est in Hollandia, quod Civitati istî quæ provinciæ nostræ potissima, & commerciis idonea, donavimus & indulgimus, donamus atq; indulgemus, litteras nostras gratiosas prædictæ nostræ Civitati Harlem, ad evitanda quædam incommoda ex homicidio, duello & contumacia oppidanorum nostratium, aliorum etiam, quibus jus facimus quarta milliaris parte territorii producendi circumquaque urbem, idque absque ullo dominiorum, aut cujusquam præjudicio. Promisimus porro & concessimus, permittimus & concedimus prædictæ Civitati, præsentibus hisce litteris, & potestatem facimus propter annonæ caritatem, cataractam aut aquarum obicem condendi & extruendi, & quia Civitas mediterranea, sine

ullo fere aut exiguo commercio, ad recipiendas naves majores; idque in jurisdictione, aut territorio Sparendami, Sparnewoudæ, aut Velsæ, ubi maxime opportunum & commodum videbitur, idque propriis sumptibus, suo maxime emolumento, citra ullius detrimentum, aut noxam; reservato eo, & præsupposita illa conditione, ut cataractam & emissarium factû tectum habeant in perpetuum, absque impensis publicis provinciæ hujus. Quocirca de eo certiores facere volumus, fidum & amicum Gubernatorem generalem, aliosque Ordinis Senatorii viros, justitiam administrantes Officiales, atque adeo Hollandiæ, Zeelandiæ, Frisiæ, cæterarumque provinciarum subditos, ut prædictæ civitati Harlemianæ in pace & tranquillitate permittant usurpare & in usum vertere, absque ullo impedimento, damno aut molestia in contrarium, quoniam ita volumus & jubemus: ad testimonium perhibendum sigillum nostrum appendi jussimus. Datum Silvæducibus, 15. Februarii An. 1478. Nec ita multo post Maria præmatura morte fato concessit: quâ secutus Maximilianus in extrema senectute, 39. annis post. Verum de Philippo Duce, cum primum inauguratus & receptus ut legitimus

timus provinciarum Belgicarum Dominus, Anno 1492, testantur Annales, eum authore & suo-
re imperatore Maximiliano, ex
certa scientia, & deliberatione
habita, in consilio augusto revo-
casse, & renuntiasse omnibus in-
dulgentiis & privilegiis, & lit-
teris sigillatis, quæ ullo modo in
præjudicium dominiorum suo-
rum viderentur.

XXVIII. *Hispaniarum Prin-
ceps, Archidux Austriae, Gubernator &
Praefecto, Praefidi & Ordinis Sena-
torii viris in Hollandia qui sunt, Præ-
tori itidem Harlemensi, ceterisque
nostris Iudicibus iustitiam admini-
strantibus, officialibus, quorum in-
terest, pacem & salutem dicimus
plurimam, amoris testandi causa.*

Quoniam ad notitiam nostram
pervenit, quod non procul ab
urbe Harlemæ, extra iurisdic-
tionis Harlemianæ limites, in
territorio Heemstadiensi, diver-
soria sint complura, tam in silva,
quam extra silvam; ubi rustici
hoc unum agunt, ut publica di-
versoria aperiant, & tabernas
cerevisiarias, & vinarias habeant,
& eo prætextu ad symposia &
comotationes indies venire, fre-
quentare diversoria: Certo con-
stat scurrarum ac nebulonum cō-
tubernia ibi esse: Scorta insuper
& meretrices prostibula habere,
nec non impudicos & aleatores,

aliosque dissolutæ vitæ homines
collegia habere, quibus hoc quo-
tidianum, ut sese potu ingur-
gitent, bestiis quam hominibus
propiores. Atque adeo intolera-
bilis hoc malum, quod ebrii &
bene poti grassantur in triviis, in
silvis & dumetis, ubi tam oppi-
danos prædictæ civitatis, quam
alios, in quoscunque inciderint,
dieteriis incessunt, ludibrio ha-
bent, convitia jactant; adoriun-
tur etiam violenter, rixas mo-
vent, pugnas cient, & quotidie
homicidia, & quævis scelera &
flagitia committunt & vim pu-
blicam: quæ omnia pessimi ex-
empli cum sint, in Repub. bene
constituta tolerari nec possunt,
nec debent, nec permittenda per
dissimulationem aut negligenti-
am ullo modo. Verum ut obviam
huic malo & dissolutæ licentiæ
eamus, & flagitiis repagula ob-
jiciamus, non inconsultum visum
nobis, ad tutelam & proteccio-
nem oppidanorum & subditorum
nostrorum, in eum finem litte-
ras nostras voluntatis nostræ in-
dices ad vos mittere, ut è vesti-
gio, absque ulla dilatione pu-
blicari & proclamari de Curia
jubeatis, prohibeatisque dissolu-
tam illam licentiam & tabernas
omnium scelerum officinas, no-
stra mandantis auctoritate, præ-
cipue in prædicta civitate Harle-
miana

miana, & alibi ubi oportebit & necessarium videbitur: Ut nemo quicunque is fuerit præsumat in posterum, cerevisiam promere aut venalem habere promus condus, multo minus tabernas cerevisiarias instituere, suspensa pro foribus amphora; extra civitatem Harlemianam, aut urbis pomæria, septum usque Heemstedianæ jurisdictionis inclusive, idque sub pœna & multa Lx. librarum Flandricarum, quam pēdet quisque, quicunque tandem is fuerit deprehensus contrarium facere, pœna insuper arbitraria corrigendus, in exemplum aliorum. Quam pœnam sive multam volumus & ordinamus distribui triariam iusta portione, Nimirum ut prima pars fisco cedat, pars altera delatori, tertia Prætori, qui mandatum hoc exsequetur, nulla habita personarum ratione, qui procedet & procedere jubebit suos adversus delinquentes & prævaricatores ad plenariam multæ exactionem, sine ulla compositione, aut dissimulatio-

ne, nec ullam causam dabimus aliam, quam quod ita nobis cōplacitum. Atque ad exactionem multæ pecuniariæ, Præfecto plenariam potestatem facimus, & singulari mandato auctoritatem damus citandi quos velit, & imperandi Iustitiæ mystis & ministris, Iudicibus & officialibus, subditis etiam, ut serio id exsequantur, & obediant omni obsequio. Datum Hagæ-Comitis in aula nostra Hollandiæ, Anno 1515. Jul. 2. die. Ita subscriptum à D. Principe Hispaniarum in concilio. Gratosius Ducum & Comitum edictis subjicere operæ pretium visum Caroli V. diploma, ut lector intelligat principibus viris qui Hollandiæ præfuere, nunquam defuisse voluntatem bene merendi de Harlemais usque ad ea tempora quā Carolus V. Romanorū Imperator in ordinem Comitum receptus & initiatus Anno 1515, & An. 1518. edicta Comitum confirmavit atq; ampliavit, præcipue navigationem interaneam.

HARLEMUM COMITUM.

& *Magnatum aula.*

Commemoratis statutis, privilegiis, & immunitatibus, quæ Hollandiæ & Zeelandiæ Comites & Comitum filii à ma-

jorum virtute non degeneres in Harlemeos antiqua in fide perseverantes contulere; non alienum ab instituto videbitur, si hoc loco

inferam, quod regni proceres, & provinciarum magnates, quos Comites dixere, aulam suam & palatia Harlemi habuerint. Inde domus voluptuaria, cui nomen datum ab avium garritu, venationi destinata à *Comite Florentio* ejus nomine I. Anno 1280: Unde plures alii eam civitatem ad habitandum & commorandum sedem delegerunt, tum propter loci istius amœnitatem & aëris salubritatem, tum propter civium & incolarum fidem & humanitatem. Unde & Harlemum Hollandiæ aulam olim nuncupatum loquuntur annales, quam illustrem fecit Comes Florentius ejus nominis I I. cognomento Crassus, in ordine Comitum Hollandiæ VIII. Et qui cum etiam antecessere sedem aulicam Harlemi habuere, jam ab Anno 1291. Verum Florentius jam dictus uxorem duxerat Petronellam Lotharii imperatoris sororem, ex qua Harlemi nati Didericus hæres proximus, Florentius Keinheimariæ princeps, Simon & Hadewigis pulcherrima virgo, quæ Harlemi etiam obiit, & sepulta in templo majori, sub tumulo marmoreo. Et cum eo fere tēpore ditionis mutuatio sese obtulisset, ea transacta Harlemi, præsidente ac promovente negotium Florentiæ. Comite, legit-

timaque conjuge ejus D. Petro nella id volente, ipsis Kal. Martiis.

Didericus Comes III. ejus nominis expeditionem in Frisones ^{Didericus III.} Harlemi præparavit, copias co-^{ejus nominis} gebat juvante Imperatore Hendrico IV. Ita multo ante Anno 1195. inter Didericum & Gulielmum fratres, pacta Harlemi pacis fœdera.

Ada X.V. Comitissa Anno 1203, cum jam imperio potiretur, & invitis atque adversantibus D. D. Ordinibus Comiti Ludovico à Loo nupsisset, obnitente etiam Gulielmo avunculo, Harlemum tanquam ad asylum se recepit, cum omnibus qui partes ejus secuti, usque dum propter belli motum & metum fuga dissipati omnes. Verū inter omnes Comites illustre nomen Gulielmi Hollandiæ Comitissæ, qui Harlemi natus & educatus à teneris (quod dicitur) unguiculis Romanorum rex creatus, Anno 1245, qui jam potens, & in majestatis fastigio positus, cum nec altius quo ascenderet haberet, patriæ amorem deponere non potuit, sed urbem istam in qua primum vitalem lucem aspexerat, amplissimis privilegiis atque immunitatibus (de quibus dictū est ante) decoravit, eosque præ aliis, qui aut indigenæ, aut incolæ Hollandiæ

Hollandiæ essent, singulari prærogativa cives *Harlemæos* appellari volunt in honorem antiquæ, & generosæ stirpis *Harlemiorum*. Nec dubium quin *Comes Gulielmus* ejus nominis in ordine Comitum XVI, qui expeditionem cum civibus nostratium in S. Terram fecit, capto subactoque *Pelusio*, & trophæa reportavit, & insignia, quæ hodie *Harlemi* visuntur.

II. Gulielmus quoque alius in Ordine Comitum XVIII, itidem Romanorum Rex, sedem *Harlemi* elegit, & aulam habuit satis magnificam, unde adhuc platea Regia nomen obtinet, & in ejus confinio unionum & margaritarum vicus, propter aulam, Anno circiter 1250. Ad hæc scuta in fastigio Curia collocata indicant Comitum fuisse palatiū.

Florentius ejus nominis V. *Hollandiæ Comes* cū toto comitatu & nobilibus aulicis *Harlemi* vixit aliquot annis. Nota, quod à *Comite Florēio* fratribus Ordinis Prædicatorum, qui *Iacobini* dicti, in villa quæ *Harlem* dicitur, fundus tribuitur, ubi prout cernitur *Claustum* & *Ecclesia prædictis* fratribus ordinatur. *Gul. procurator* in Chron. M. S. apud P. Scriverium. Eum secutus postmodum *Iohannes I. XX.* in Ordine Comitum Hol-

landiæ. Is cum subditos parum obsequentes, & refractarios haberet, tum propter patris *Florentii*, tum *Wolfardi* facinora, ejusque interitum, ad *Iohannem Avenniensem* in *Hannonia* legatos misit, ob res prospere ab eo gestas, & singularis prudentiæ famam, deprecatur, ut redire in *Hollandiam* dignaretur, deq; manu *Nepotis*, *Diis* auspiciis, tutoris nomine, Comitatus gubernacula suscipere veller. Ille *Dordracum* cum venisset, quæ esset ætate, obviam profectus, renuntiatio ad quadriennium Comitatu *Harlemum* se contulit, ad secura otia, & studia venationis & aucupia. Rebus in *Hollandia* per *Hannoniensem* compositis, nondum exacto quadriennio, ad suos reversus, ad capeſſenda regni gubernacula se componit, & non ita multo post, febrem molitumque alvi passus, non sine veneni suspitione extinctus dicitur, & constans rumor. Anno 1299. iv. Kal. Decembris. Ei successit *Iohannes* ejus nominis II. *Hannoniæ, Holland. Comes*, & c. *Harlemi* cum esset, ibique vitam ageret genialem, in *Iohannem* cognatum suum ex *Anglia* cum Sponsa reducem, transſerre imperium satagebat, pactus cum eo in aula quæ *Harlemi* fuit, ad stipulantibus regni proceribus.

Iohannes Comes II. ejus nominis. In ordine Comitum XVIII.

Guliel-
mus
Comes
XXII.
Epulum
instituit.

Harlemi obiit 1 v. Kal. Novemb. cum Comitatus Hollandiæ & Zeelandiæ imperium obtinuisset annos 1 v. Fidem superat, quod testantur annales de Gulielmo Comite, cui datum ab indole cognomentum Boni, propterea quod beneficus in pauperes, incorruptus in iudicio; uxorem duxerat Philippi regis Franciæ sororem, cum dominationis suæ auspicia facturus, omnes aulicos Harlemi invitavit, Epulum instituit An. 1311. sumptuosissimum & plane Attalicum, sed ad breve tempus viii dierum: ad quod conyenerant xx. Comites, c. Barones, Equites m. cum innumeris Heroinis matronis & virginibus, pedissequis etiam nobilibus. Scutati aderant nobiles, & viri bene nati frequentes; durabant aulicæ pompæ solemnia ad octo dies, & celebrata magnificis sumptibus, ornamentis regalibus, decursionibus ludicris, hippomachiis, hastis velitaribus, epulis aulicis, choreis & trepidiis, aliisque equestribus exercitiis. Imperator Hendricus temporibus Iacobæ Baviaræ Ducissæ commoratus Harlemi aulam habuit, cum Diderico ejus nominis tertio copias auxiliares cogeret contra Frisones. Durante adhuc Afellorum & Hamorum factione, Isabella Ducissa ad par-

tes conciliandas Harlemum venit pridie festum Willebrordi An. circiter 1404. Nec ita multo post Maximilianus Romanorum Imperator, rebus pæne in Belgio conclamatis, Harlemi Comitiam habuit, & commoratus aliquandiu. Et quid attinet recensere omnes eos Comites, qui delicias suas Harlemi habuere, Dianæ cultores venationi deditos. Rex Bohemiæ nostra adhuc memoria multoties in territorio Harlemerensi animi relaxandi causa circa vicina nemora & colles venatus dicitur.

Adhæc Brederodiorum Domini, non obstante eo quod arcem haberent de *Lata Virga* Brederodiam antiquam Comitis indulgentia, & Cliviæ domum vicinam urbi, tamen aulam & domicilium Harlemi habuere. Nec quosvis Magnates in urbem admittere. Electori Colonienfi denegatum Harlemi hospitium habere aut commorari. An. 1584. Novemb. 15.

Amelia Dei gratia Palatina, natus ad Rhenum Comitissa, Baviaræ Ducissa vidua, Brederodii D. Vianæ, Ameidæ, Bergæ, aulam Harlemi habuit, & annos aliquot hic commorata in cœnobio Silensi, quæ ad Palatinum reversa, Anno 1613. mensis Maii 22.

D. quo-

D. quoque Siddenisci Baro , Magister Equitum , militum Tribunus, militari disciplina celebris quæ est in Belgio, in vico virginû momalium diu est quod habitavit; ubi & uxor ejus obiit, & sepulta in choro templi augusti. Ita Wernerus à Batenburg præfectus aulæ Palatinæ post discessum Ameliæ Comitissæ, Harlemi pedem fixerat propter aëris amœnitatem, & incolarum humanitatem. Brederodianæ ditioris Balivus, domicilium habuit in lato Pomarii vico, ubi conuenit atque obiit, An. 1625. Aug. 28. sepultus Harlemi in templo majori. Filius natu maximus, patrî successit Balivus, sed matura morte sublatus. Verum alter ejus filius I. C. Philippus à Batenburg certam sedem non habet, cælebs adhuc.

Facere hoc quoque ad urbis nostræ dignitatem videtur, quod indulgentia Comitum Palatini ad Rhenum, Hollandiæ, Zeelandiæ, Baviaræ Ducis, Hornanis datum, concessumque Coss. suos & Scabinos Harlemi creare, electione libera. Ita ut Harlemum

ab omni antiquitatis memoria Keinheimeriæ totius metropolis habita semper fuerit, & Iustitiæ administrandæ sedes augusta. Potentia autem atque opibus tum temporis nulli civitatum cessit. Nam cum Dux Philippus expeditionem in Flandriam cogitaret cum copiis suis, petente eo à plerisque Hollandiæ civitatibus xx. millia Scutatorum, quæ valebāt singula xv. stuferos, ad solvenda militibus stipendia, quæ in præfidiis circumquaque erant, Harlemum tum temporis conferebat 4622. Amstelrodamum empor. hodie opulentiss. 28320. Delphi loco tertio conferebant 3305. Lugdunum Batavorum totidem, 3305. Rotterodamum autē 853. Enchuyfa deniq; tantū 100. Illustres quoq; hic fuisset familias, tot arces indicant, videlicet Adrichemia, Alckemadia, Assendelphia, Forestia, Heemskirchia, Meresteinia, Oostervicana, Poelenburgia, Polania, Schotenia, & plures aliæ. Præter eas fuere & alia Nobilium stemmata antiqua, quæ hic honoris causa inserenda putavi.

Pars altera continens

NOBILIIUM STEMMATA.

Nobili-
lium
stemmata
antiqua.

Quam multi illustres & ordinis Equestris viri fuerint ex antiquissima & nobilissima

Harlemæorum familia, in principio Annalium meorum memoravi, quos recensuit longa serie popu-

popularis meus Ampsingius ab
Harle- anno 1124. à Wermboldo & Fol-
mei. berto D. D. exorsus usque ad Io-
 hannem *Harlemium*, qui *Hagæ*
 Comit. Senator fuit in suprema
 Curia. Inter eos Iohan. alter
Harlemius nobilis scutatus, cui
 ob merita, donata à Comite
 Florentio iugera aliquot compa-
 scua, prope *Harlemum* Betulæ
Berck- virga indigerata, *Berckenroede*,
roedii. hinc *Berckenrodiorum* nobilitas
 prima, & toparchia. Horum
 stirps intercidit nostra memoria.
 Postremi fuere *Didericus Har-*
lemius à *Berckenroeden*, qui in
 arce sua *Berckenroedia* vixit,
quemq; dedit cursum. Fortuna peregit;
 discessit improlis & absque libe-
 ris: Et alter *Hendricus* à *Ber-*
ckenroede, qui filiam duntaxat
 naturalem reliquit, Circa an-
 num circiter 1400 vixit etiam ex
 stirpe *Harlemia* nobilis heroina,
 quæ nupsisse dicitur (si tribuen-
 da historiæ fides) *Gerardo* ab *As-*
sendelphi. *sendelf*, qui tum temporis no-
 bilitate nemini cessit, equestris
 Ordinis primario viro. Ita ma-
 trimonio copulata duo nobilissi-
 ma stemmata. Nam *Gerardus* ille
 deficiente virili stirpe, domus
Assendelphia mutato nomine,
 stirpem *Harlemæam* duxit in
 familiam suam, eamque & scuta
 ejus, atque adeo omnem succes-
 sionem hæreditariam transtulit in

domum suam; & insignia, ma-
 trimonii jure in hunc usque diem
 præfert. In arce sua antiquissi-
 ma aulam habuisse dicitur for-
 sem, Caninefatium asylum. *As-*
sendelphia autem progenies no-
 minis sui ortum habet à domi-
 nio *Assendelpho* pago potente &
 opulento, cujus rudera adhuc ex-
 stant. Proxima ab hac stirpe do-
 mus *Renessia*, quæ mascula pro-
 le destituta, dominari desinit. Ve-
 rum his antiquiora adhuc stem-
 mata fuere & magis illustria *Bre-*
derodiorum, quos incolas quo-
 que fuisse urbis nostræ, supra
 memoravimus. Proximum *Tey-*
lingiorum, qui genus ducunt ab
 eodem patre. Nam *Arnoldus*
 III *Hollandiæ* comitem tres fi-
 lios habuisse loquuntur annales;
 horum natu maximus *Didericus*,
 qui patri successit primus ejus
 nominis Comes; proximus na-
 tu minor *Sifridus*, cui latifundia
 donata à patre *Brederodii* nomē
 dedere. An. 990: Inter hos natu
 minimus *Simon*, cui *Teilingianæ*
 arcis dominium & toparchia ob-
 venit, prope *Watmondam* sitæ,
 Hinc *Teilingiorum* stirps, quæ
 ad posteros propagata immensa
 serie fecunda soboles, cujus ge-
 nealogiam non inferendam hic
 putavi, quæ ab anno 1063. cæ-
 pit, & derivata stirpium propa-
 gine usque in hunc diem peren-
 navit

Brede-
rodior.
stemma.

Teilin-
giorum
genus.

*Duvoor-
dia
stirps.*

navit. Ex hoc nobili stemmate (quod præfiscine dixerim) uxor quoque mea mulatorum liberiorum mater Maria Teilingia, Augustini filia, Augustini neptis, eius qui ex Iosina Nyenburgia xx. liberos suscepit utriusque sexus, quorum natus minimus uxoris meæ pater consularis. Harlemi etiam vivere ex eadem stirpe oppido pauci, & nostra adhuc memoria Adrianus & Augustinus Teilingii patruales & professione Medici, quos illi filios reliquerint postea dicturus, si Deus volet. Antiquitate proxima stirps Duvoordia, unde nomen traxerit & genus Chronica indicant antiqua. Stirpis ejus author primus Philippus à Wassenæ, frater D. & toparchæ à Wassenæ, qui in patrimonio suo agros habuit, quos promiscue Duvoorde & Polanen nominabant. Is duos habuit filios, ex filia D. à Stryen: horum minor natu D. Ioh. à Duvoorde: sed natu major D. Arnoldus à Duvoorde equestris ordinis, qui duxit Dom. à Kraijenhofst & vixit Anno 1258. cum Theodorus à Wassenæ avunculus ejus prædium clientale, feudum vocant, transferret, suscepit Florentium D. à Duvoorde, qui ex uxore suscepit filium unum, qui vixit anno 1302. Eodem fere tem-

pore vixit Agneta à Duvoorde, quæ nupsit Gerardo à Raephorst equiti, quæ obiit An. 1335 relicta prole. Eodem tempore vixit quoque Machthilda à Duvoorde Abbatissa Rhenoburgi, quæ obiit An. 1349. Florentius jam dictus fratrem habuit Guilielmum à Duvoorde equitem, qui sagacissimi ingenii vir fuisse dicitur, quod dominia complura, municipia etiam & latifundia emit obærata vili pretio, & se ditavit. Duxerat conjugem Heylwiichiam Vianæ, quæ invitata & Iunone sinistra marito nupsit, quod filius naturalis esset obiit An. 1353. Prætereo alia atque alia nomina, qui à familia Duvoordia genus ducunt: ad propria venio: quippe fuit in hac stirpe etiam D. Iacobus à Duvoorde, in ordinem equestre Dordraci relatus à Philippo Hispaniarum Rege, An. 1549. Sept. 26. qui primus D. & toparcha Opdami, Heemsbrouchi, & is Harlemi obiit nondum sexagenarius, An. 1558. qui sepultus primum in cænobio Iacobi norum, & cadaver sine honore translatus in templum Bavonis augustum, in choro repositum, ubi ad columnas suspensio de tholo nobilitatis avitæ insignia. Is filium reliquit Gijsbertum, qui optime de patria meritis, cum

D d

Con-

Consul creatus à Principe Auria-
co, An. 1577, postea Woerdanæ
urbi præfectus obiit Anno
1580, sepultus in choro in ma-
jorum monumento. Secundus
Iacobi Duvoordii filius Silvanus,
in Delflandia aggerum præfe-
ctus, & Hollandiæ scutigerulus,
Anno 1627. mortuus & sepultus.
Tertius Iacobi Duvordii filius
Arnoldus fuit à Duvoorde, Bali-
vus Riinlandiæ, qui Leidæ obiit,
An. 1610. Julii 28 die. Hos secu-
tus D. Iacobus à Duvoorde Giif-
berti filius D. & toparcha in Op-
dam & Heemsbroeck, popula-
ris meus coætaneus, qui Princi-
pi charus, maritimis præfectus
in Hollandia Anno 1623 Hagæ
Comitis Sept. 7. Ante hos fuit
etiam Iohan. à Duvoorde, chi-
liarcha & tribunus civium obsi-
dionis tempore, qui uxore duxe-
rat Corneliā, ex nobilissima Fo-
restiorum familia, qui sæviente
maxime Albani Ducis tyranni-
dē, capta jam subactaque urbe,
in carcere, cum aliis civibus à
spe veniæ exclusis, animi ægritu-
dine & pedore carceris cōrabuit,
nobilis anima. Ejus filius patri
cognominis cæsus in acie mili-
tari in Ericeto Hardenbergenfi.
*Hæc stirps Duvoordia titulum
familiæ Wassenariæ assumpsit et-
iam defectu stirpis masculæ. Præ-
terea fuere Duvoordii in War-*

mond. Nam Ioh. Duvoorde ce-
ques, qui uxorem duxit Mariam
à Mathenes, Philippi filiam &
D. Mariæ à Woudén & War-
mondæ, qui à patre uxoris jure
hæreditario utriusque D. & to-
parcha factus, An. 1525. Super-
est adhuc unus ex familia Du-
voordia, ex nobili & antiqua
stirpe, D. Iacobus à Duvoorde.
D. & toparcha in Heemsbrouck
&c. cujus pueritiæ formandæ me-
præfecerat pater, & vixit me-
cum aliquot annos, postea in
Galliam profectus, & moribus
Gallicis humanioribus excultus,
in patriam reversus, in gratiam
Principis Hendrici sese insinua-
vit, & patriæ se devovit, secu-
tus aulam & principē ad quam-
libet expeditionem miles volun-
tarius, qui ita se gessit in pace &
bello, ut specimina dederit non
obscura avitæ virtutis. Ita inter
primipilos habitus & nostratium
Duces aliquamdiu, postea equi-
tum Magister lectus, Denique
seu favore Principis seu merito
suo ad Heulsdæ præfecturam e-
vectus, adhuc superstes.

Scoteniorem familia, quæ no-
men ducit à Scoten nobili vico
suburbano in territorio Harle-
mæo, antiquitate vix ulli cedit;
Nam Theodori cujusdam, qui
nobilis scutatus, sit mentio in
Chronicis, Anno 1163. In hac
familia

Scoteni-
cum fa-
miliam.

familia plures spirituales quam militares personæ fuere. Nam inter Præsides Iohannitarū, Commendatores vocabantur, Anno 1405. D. Gulielmus à Schooten primus: Deinde iterum, Anno 1428. D. Gerardus à Schooten: Et fere decennio post D. Nicolaus à Schooten. Et plures alii sacris initiati tam Canonici quam sacerdotes. Iisbrandus autem à Schoten Balivus Keinhimeriæ, qui obiit An. 1525. Cui successit Gerardus à Schoten. Fuit etiam in hac familia Iohannes à Schoten, qui uxorem duxerat Corneliam ab Egmond, Equitis & toparchæ in Kenéburg sororem, qui sedem Harlemi habuit, atque obiit sepultus in æde S. D. Iohannis: nec ita multo post filius ejus Iacobus à Schoten Anno 1616. Ex eadē stirpe Gerardus à Schoten civium arma ferentium signifer: ex quo prolem non suscepit, viduus obiit, & sepulta cum eo avitæ nobilitatis insignia. Ad hæc ex eadem stirpe Magdalena, Maria, Scoteniæ nobiles fæminæ, quarum altera (quod memorabile) obsidionis tempore per cæcellos ferreos speculariæ globi tormentario icta concidit. Hæc familia antiqua quamvis intercidit, destituta stirpe mascula, ædes tanta familia dignas habuere in vico lacteo.

In Bronchorstiorum familia ^{Bronchorst. fam.} ordinem ducit Otto à Bronchorst Dynasta, qui Iacobum Iacobi à Bronchorstiorum familia genus ducere asseverabat, & data ad fidem dextera pro cognato habuit, Anno 1446. Proximus successor Gulielmus à Bronchorst ex equestri ordine, balivus in Putten, Anno 1508. uxorem habuit Ewoldam à Mourmont, ex qua suscepit filios duos, Andream & Iustum, qui Prætor fuit, Anno 1519, si annalium constat fides. In hac stirpe immensa nepotum & pronepotum series, usque ad Laurentium Bronchorst equitem & toparcham in Werckendam, qui duxit Annam Zegers à Wassenhoven, & postea secundis nuptiis Annam à Chamay. Et nostra adhuc memoria Lambertus à Bronchorst Toparcha in Schoot, (qui vicus paludosus) qui obiit Anno 1628. Is reliquit filium hæredem proximum Gijsbertum à Bronchorst D. & toparchā in Schoot, qui in monumento illustri majorum suorum conditus quiescit in pace. Cui successit Gulielmus filius D. & toparcha in Outdorp, qui adhuc in vivis. Schageniorum familia illustris quoque, ^{Schageniorum familia.} nam originē habuit à D. Gulielmo, qui naturalis Alberti Bavarici Ducis, Hollandiæ Comitis

filius, quem ex *D.* Maria Bronchorstia susceperat : is primus *D.* & toparcha Schagæ, quæ in agro Veronenſi, arcem condidit, circa annum 1440. Et rebus gestis clarus : Nam & eques creatus in bello adversus Frisones, fuit archithalassus Hollandiæ, præfectus arcis Medenblidenſis, idem à cubiculis Ducis Philippi, qui eum (ut sic dicam) legitimavit : bis Hierosolymam adiit, quietis impatiens, mortuus provecta ætate, Anno 1473. Viderat (quod ratum) Comites V. Uxorem duxit Alitham *D.* Ioh. Hoodenpylii filiam, ex qua suscepit *D.* Albertum Schagen, successorem proximum, & *D.* Ioh. Schagen : duxit & alteram Mariam à Polanen, inde filii & posterii & nepotes longa serie. horum varia fortuna : inter eos Iohannes & Iisbrādus à Schagen Prætores urbani fuere, non simul sed successive, circa annum 1511. in pace vixere : Verum infelici fidere natus visus est. Christophorus à Schagen, qui obsidionis tempore, in platea regia vulgo dicta, ædes avitas inhabitabat magnificas ; infelix legatus, qui ab Ordine amplissimo, dissentientibus aliis, Amsterdam missus ad Dñm Fredericū, cum parvam gratiam inivisset apud suos, statim captivus abdu-

citur : ad Principem Auriacum Delphos delatus, in carcere exspiravit, dubium utrum morbo aut veneno extinctus fuerit. Is reliquit tres filios, Iohannem, Iisbrandum & Florentium à Schagen fratres germanos : quorum primus militaris Dux obiit, qui uxorem duxerat Mariam de Mathenes : alter uxorem duxerat Duvenvordiam Heroinam, ex qua suscepit Christophorum à Schagen, qui non relicta prole discessit. Tertius Florentius, qui vitam cælibem egit, apud Ordines Generales stipendia meruit gloriosa, signiferi & Ducis titulo. Verum Gerardus à Schagen, obsidionis Harlemez tempore, ictu tormentario cecidit, cui Lemmi sub manibus altis Contigit oppetere. Et novissime requievit in pace ex eadem familia *D.* à Spengen, qui ædes habuit in vico vinearum, tumulo illatus majorum suorum in templo augusto Bayoni sacro Anno 1601, *D.* Veenhuysen Curia Holland. præses, Harlemi natus. Nec obscuram *Vlietiorum* familiam fuisse testantur annales, ab An. 1204. quæ à *D.* Hermannō genus ducit, stirpis ejus authores ; qui patricidii conscius Florentii Comitæ, Fratrem habuit *D.* Gerardum à Woerden, qui metu fratris fuga quoque se subduxerat, & latita-

Vlietii.

lātirabat. Ille Gerardus jam di-
 ctus, agrum Vlietanum hære-
 ditario jure possidebat, unde
 Vlietorum nomen. Postea in-
 nocentia fretus, reversus ad suos,
 in gratiam rediit cum Comite,
 An. 1302. Nepotum & pronepo-
 tum immensa series. Verum in-
 ter omnes fuit D. Iohannis
 Vlietii Heroica virtus, qui Har-
 lemianæ obsidionis tempore vi-
 rum se præbuit generosi animi,
 qui ob id magnæ autoritatis
 fuit apud cives, ad clayum rei-
 publ. Consul sedebat, de patria
 nostra optime meritis, consi-
 liis & armis, rebus fortiter ge-
 stis adversus Hispanum clarus
 imprimis, terror hostium, mu-
 rus civium, qui in numero eo-
 rum, quos alibi diximus fuisse
 XVI, qui à gratia generali ex-
 clusi, captivi in carcere detine-
 bantur, læsæ majestatis rei, mi-
 raculose è vinculis evasit, de-
 posita veste consulis, assumpta
 molitoris. Is fratrem habuit An-
 tonium à Vliet à majorum vir-
 tute non degenerem, qui in
 vico Vulcanio Penates habuit.
 sine liberis discessit, sepultus
 Harlemi, & omnia nobilita-
 tis insignia cum eo. Nec exclu-
 dendi à cohorte nobilium Blo-
 sii pater & filius: Quippe Cas-
 parus à Bloys, qui Prætor, po-
 stea Balivus fuit, & ægerum

Blofi.

præfectus Briellæ: Ejus maxi-
 mus natu filius Ioh. de Bloys,
 sæviante Albani Ducis tyranni-
 de, securi percussus, una cum
 fratribus Batenburgiis, pro-
 pterea quod inter confæderatos
 nobiles ad unionem nomen de-
 disse: filium præterea habuit
 Gulielmum Bloys, Hollandiæ
 pariter & Zeelandiæ architha-
 lassum, & postea nemorum in
 Hollania præfectum, qui filiam
 duxit Otonis ab Egmond. D.
 & toparchæ in Kenenburg, qui
 inter plures liberos reliquit Cas-
 parum de Bloys, qui propter
 fidem in patriam egregiam Bri-
 ellæ præfectus. Longi operis esset
 stemmata omnia nobilium anti-
 qua investigare propagata per
 stirpes, eaque ab æruginе vetu-
 statis vindicare. Sed quis nescit
 Sparnæ accolæ? unde Sparnæ *Sparnæ-*
 woudana familia, quæ domici- *wouda-*
 lium habuit in vico Aethiopissæ, *ni.*
 tisbrandus à Sparwou consul ca-
 pta urbe. Inter Bekesteinios il-
 lustri familia natos Ioh. à Beke- *Beke-*
 steyn maxime inclaruit, quem *steinii.*
 virtus atq; eruditio ad summum
 honoris gradum subvexit, qui
 præfectus ærario diu quæstor,
 dein Prætor, tandem Consul, pa-
 ter patriæ. Mitto Alckemadios *Alcke-*
 patrem & filium adhuc supersti- *madii.*
 tes, prætereo Duynios, Cor- *Duynii.*
 nelios & Hendric. à Wamelen

cum tota familia, quos in numero nobilium semper habitos accepimus. Atque hæc fere nostratium nobilium familiæ, quarum multæ interciderunt; destitutæ virili stirpe, quædam injuriæ temporum, & bellorum sævitia; pleræque, quibus aulica vita magis placuit, aut militia, quam civium negotiantium tumultuosa commercia, Hagam se contulere aut Leydam. Ita ut hodie nobiles in nostra civitate oppido paucos invenias. In Teilingiorum familia, duo adhuc fratres supersistentes, Iohannes & Cornelius à Teilingen, tertius non ita pridem obiit columen familiæ: hi quidem antiqua stirpe nobiles, sed humiles animæ, & minime ambitiosæ. Item Gul. Bronchorstius, qui adhuc in vivis, cui bene latere, bene vivere est. Ad hæc Florentius ab Alckemade, qui uxorem duxit Goedelam, stirpe Harlemia antiqua oriundam, qui filium adhuc habet Hæricum ab Alckemade, Hend. Berckenrodii nepotem, spem stirpis Alckemadiæ. His accedunt nobiles alii antiquitate commendabiles, & virtute bellica clari, qui in expeditione Pelusiaca, cum Gulielmo eius nominis primo Comite in ordine Comitum XVI, bellicosæ virtutis insignia reportarunt à rebus fortiter gestis

Hinc Sinapiorum stemma, qui in scutis suis trigeminam clavam minaci dextera circumferunt. Hinc Cassio-fragi, Helmbrekers adhuc hodie, qui sublato inter cæli nubila brachio galeam dirumpunt: hinc ab heroica defensione nobilitata stirps Verweeræ, malleo militari feitrato minax: hinc stemma Coddæorum cestris & securibus Amazoniis illustre: hinc carina illa qua vectus pater Cogmans. Nec involendus silentio colus, qui scutatos nobilitavit: Nec trigemina spicula, & totidem stellæ, quæ familiam Halsiorum illustrent. Ita tribus sagittis Wissefiorum virtus inclaruit, & antiqua Beetsfiorum familia morsu nobilitata est. Denique leo candidus atque argenteus in campo cæruleo stirpem à Loo indicat, quam illustrem fecit Iacobus à Loo in expeditione Pelusiaca; nec eorum nomina postea interciderunt, temporum vetustate, qui genus à Loo ducunt. Nam Anno 1349 in Chronicis fit mentio Iacobi à Loo, & Anno 1416 Petri à Loo, cui filius Simon à Loo, quem Scabinum fuisse, Anno 1475. literæ indicant publicæ, qui uxorem duxerat Agatham à Wissen, cujus maiores in expeditione quoque Pelusiaca fuerant. Et quotquot ex ea stirpe, patritii omnes fere.

Simo-

*Stirps à
Loo antiqua.*

Simones inprimis à Loo, & filii eorum, qui aut Scabini fuere, aut Coss. thesaurarii etiam ab an. 1475. usque ad annum 1500. Hinc rursùm Gulielmi à Loo Scabini fuere, & consul unus ejusdem nominis, Anno 1510. Et an. 1518. vixit Iacobus à Loo patritius, qui uxorem duxerat Annam vander Laen, ex qua filium suscepit Nicolaum à Loo, juris licentiatum, qui & uxorem habuit Corneliam Velferman, Anno 1558. Ita propagata stirps à Loo, secunda sobole, in hunc usque diem, in quo superstes adhuc sera posteritas avitæ virtutis D. Iohannes à Loo vir consularis & filius ejus Iuris Licentiat, qui Scabinis à secretis adhuc est & bene audit. Sed redeo uude digressus sum, longum esset tam accurate scuta & insignia recensere omnia, quæ ab Oriente reportata æternæ virtutis Harlemez monumentò. Hujus historiæ fidem nonnulli in dubium vocarunt, quæ à majoribus quasi per manus tradita nunquam intermoritura, quam celebratam adhuc me puero memini, cum imagines bacillis circumferret pubes Harlema, bellicas, victoriæ Pelusiæ indices, in singulos annos ipsis Kalendis Ianuar. qui mos inveteratus, & sæcula aliquot observatus, tandem exole-

vit. Hactenus stirpe & virtute nobiles dixi: Nec tacenda eorum nomina, qui obsidionis tempore virtute bellica, & rebus fortiter gestis clari Duces, tã cives quam militares. Inter hos fere ordinem ducit, Ioh. à Duvenvoorde jam dictus & legatus ejus à duce proximus, Arnoldus Iunius: fuit & alter Iunius re & nomine Gerardus Iunius, qui ipso obsidionis tẽpore triremi præfectus, ad lacum vicinum tutandum adversus Boslu, infeliciter pugnavit primo militiæ tyrocinio. Postea rebus fortiter gestis ad summos honores militares evectus, cum civitati Lochumiz, Cnotsenburgo & novissime propugnaculo Schenckii præfectus, ubi & gloriosa morte occubuit, Anno 1595 Sept. 27. Nec non fratres Schatteri duces quorum alter Didericus in expeditione Batenburgica cæsus occubuit. Itẽ Hendricus Ioh. Tyfius, cui patriæ sub mœnibus tormento iccto contigit oppetere. Adhæc Iacobus Bernardi, Iacobus Bartholomei Pelicanus, qui in pedore carceris extincti. Item Michael de Wael, qui defunctus extremis adversus Hispanum periculis, in suspicionem hæresios cum venisset apprehensus à Foppenio prætore, sed à civibus obviam venientibus, ereptus è manibus, tanquam

tanquam agnus è lupi faucibus
difficulter evasit. Præter hos Pe-
trus Vlasman glande plumbea
ictus occubuit, Anno 1573. die
27. Januarii. At Gerardus Scho-
ten nobilis civis, & Petrus Ioh.
Raedt, Petrus Iohannis archite-
ctus, Theodorus Braessleman glo-
bo tormentario extincti simili
fato. Nec excludendi civium for-
tissimorum cohorte, Gerardus
vander Laen, qui relicto Spa-
rendamo expugnato ab Hispa-
nis, cum Michaele duce & com-
mititone, cum summo vitæ pe-
riculo evasit, Deo sospitatore;
cum Martinus Pruyssen, & Ni-
colaus Berchout à duce proxi-
mus ibi caderent. Nec te taci-
tum relinquam Lancelote Bre-
derodi, qui Scoteniæ capite trun-
catus nobilis victima. Quique a-
liis ad virtutem bellicam signa
sustulere, Franciscus Cornelii
Consebandt, Gerardus Petri
Ruychaver, Iohannes Theodori
Schatter, Nicolaus Theodori
Hasselaer, mortem pro patria
oppetierunt.

*O terque quaterque beatos
Quos ante ora patrum Lemi sub mœ-
nibus altis*

Contigit oppetere,

quique innumerabiles alii de ple-
be cives. Nec fraudandi honore
suo externi Duces militum au-
xiliarium. Inter hos palmā me-

ruit D. Wiickhaldus Ripperda,
gubernator urbis, invicti animi
heros, nobilitatis Frisiæ illustre
jubar, & legatus ejus Ludovicus
Gandavensis, qui una securi per-
cussi, Anno 1573. Jul. 16. Vir-
tute bellica proximi Hieronymus
Tseraes legatus à Principe, &
militum præfectus non è multis.
Item Nicolaus Houtiin Vlissing-
gæ gubernator, Nicolaus quo-
que Beaufort, inter militares vir
fortis ac juxta prudens, qui cum
Toparcha à Vliet, Steenbachio,
Pelicano, Cornelio Matthei ad
hostium castra feciales missi ad
fœdera paciscenda. Cum Bordet
nobilis Gallus, qui invicti ani-
mi Tribunus militum, ne in ho-
stium manus veniret, a famulo
suo multum recusante & abhor-
rente a patricidio, interfici se
imperavit, glande plumbea tra-
jectus in culcitra se reclinavit
moribundus, & invocato Dei no-
mine, extremo spiritu animam
efflavit. Feliciores illi qui ex-
stincti in prælio nō inulti. Qua-
lis N. Derdeyn cum suis, qui e-
ruptione omnium periculosissi-
ma & acerrima, caesus in castris
hostium, Anno 1573. die 25.
Martii. Nec degeneres a mayo-
rum virtute Germani fuere, in-
ter quos Christophorus Gunter,
Christophorus Vaderus, qui
virtute bellica clarus, civē duxe-
rat

rat nobilem Mariam Scoteniam, nec non Iacobus Steenbachius. Lambertus Wirtenbergenſis, qui noviffima Hiſpaniarum oppugnatione glande plumbea iſtus, non ita multo poſt exſpiravit, Margottin cohortis prætoriæ præfectus, tentata in hoſtium caſtra excuſſione, glande plumbea trajectus. Item Martinus Pruys, Schram Brunſvicenſis, Ioh. Bebekor, Germani omnes, bene de patria noſtra meriti. Inter Wallones præcipui fuere propugnatores, N. Roſoni, qui Scoteniæ capite truncatus, An. 1573. Aug. 18. cum eodem ipſo die XVII. tam duces quam ſigniferi capite mulctati, cruento ſpectaculo. Quique alii Duces, Summado Anglus, Ioh. Kuningam Scotus, aliique complures, quorum nomina in Annalibus ſera leget poſteritas. Et ſoluta jam obſidione pacata repub., quieſcere non potuit mens ignea Hermannii Hellingii, qui gubernator Harlemi, magni animi heros, ſtratagemate callido Amſterodamo inſidias parabat, Ruyc-haverio & Franciſco Circourt conſciis, ſed infelici ſucceſſu. Ita, pœne nullâ ætas fuit, quæ non habuit militari gloria claros ci- ves: hos inter Nic. Harlemius, qui parva militum manu Haſſel- liam cepit, Nicolaos victores

populi, alterum à Diick, alterum vander Leur, Oſtenda adhuc hodie loquitur, qui milites gregarii, per omnes militares diſci- plinæ gradus graſſati, præſſe aliiſ metuerunt, quod Epitaphio alterius inſcriptum legimus:

Arma puer geſſi primis inglorius an- nis,

Sed peperit nomen dextra, fideſque mihi:

Lustra decem implevi, Dux & vir- tute Tribunus

Glorior Oſtenda ſic potuiſſe mori.

Inter militares non poſtremus Iac. Auguſtini Steyn, rebus for- titer geſtis clarus, qui tandem in prælio Steenvicano glâde plumbea iſtus occubuit. Mitto jam Gulielmum & Hieronymum a Paenderen patrem & filium tam ſtrenuos, quam bellicoſos, & in- numerabiles alios. Adhæc lon- gum eſſet narrare Archithalaſſos, ^{Heemſ-}kerckius, navarchos & duces maritimos, ^{Archi- thalaſ-} inter quos vel ordinem ducit ^{ſus.} Heemſkerckius, qui eſſi Am- ſterodami non Harlemi natus, tamen cum inter noſtratum duces ponendum cenſui, quod uxorem duxit Harlemi natam & e- ducatam, ex illuſtri Coltermannorum familia, tam nobili he- roe dignam, qui poſt varias ex- peditiones maritimas globum Terræ circuit, & terras alio ſub Sole jacentes revelavit, cum

E e

Anno

Anno 1597, viam aperuit Aquilonem versus ad novā Zembalam, ubi nulla unquam hominum vestigia, cum Chinæ investigandæ studio, comitante Gulielmo Bernardi, ad LXXX. & novissime ad 76. gradus cælum dimensus, terram petiit, ubi instructo tugurio cum suis hibernavit, destituti Solis lumine & die menses III. Exinde Indiam Orientalem adiit archithalassi titulo honorifico, famæ studens, scrutator orbis etiā non habitabilis. Tandem observata occasione rei bene gerendæ in Hispania convocatis ad colloquia Ducibus, consilia aperuit sua, & simul 25 Aprilis cum tota classe vela direxit ad Gibraltarram vulgo dictam, ubi classis hostium, cui præerat Ioh. Alvares d'Avila imperator, heros strenuus, & rei maritimæ peritissimus. Nec diu cunctatus Heemskerckius Archithalassio inflati classica jubet, & simul in hostium classem signa & rostra navium suarum convertit, & ad pugnam provocavit: prælio inito accendit animos suorum, facto simul impetu in navem Prætoriam, quem secutus statim Dux Lambertus Pulcher, aliique servato ordine complures, qui horrendo tormentorum boatu utrimque, impediēte prospectum fumo, stra-

gem dederunt formidabilem. In hoc conflictu & prælio navali Heemskerckius terror hostium cecidit: tibiam sinistram læsus, suos ad virtutem Batavicam hortari non destitit, dein invocato Dei salvatoris sui nomine in armis expiravit. Non obstante eo Duces cæteri, classici & focii navales quasi in furorē dati, hostium classem ita tædis piecis ardentibus infestarunt, ut quo se reciperent non haberent. Tandem victoria potiti multo sanguine fessi, quieti se dabant & vota solvebant armipotenti Deo. Epitaphium herois nostri exstat Amsterodami in templo memoriæ sacrum.

Hunc secuti ejusdem ordinis alii atque alii. Nam Anno 1611. *Jacobus Clantzius Archithalass.* mense Decemb. obtinuit ab Ordinibus, datis etiam à Principe Mauritio litteris, sigillo obsignatis, ad stipulantibus rei maritimæ præfectis Amsterodami commorantibus, ut expeditionē in Guineam pararet Jacobus Adriani Clantzius, titulo præfecti generalis navēs aliquot procuraret, navem unam bellicam tuiremem instrueret, liburnicas duas, adhæc navem alteram ad victū & comæatum, nec non Epibatas & classiarios, ita jussus ire in Guineæ oras aureas, idque in eum finem ut propulsaret omnē vim à no-

à noſtratum navibus qui ibi negotiantur, & mercaturâ exercēt emundis vendundisque, & commutandis mercimoniis, & recta petere locū juſſus de Morè vulgo dictum, & ſeſe inſinuare in gratiam Regis iſtius loci *Sabou*, illi cauſas adventus exponere, pacem offerre, & miſſum ſe dicere exhibitis litteris, appenſo ſigillo ad fidem, ad tuendas Belgarum naves, qui in iſtis partibus commercia habere aſſueti, & ſeſe in mandatis habere à rerum Dominis patribus patriæ, non obnitenſe rege *Sabou* propugnaculū exſtruere, ad præſidium adverſus hoſtium & barbarorum incurſiones. Ita impetrata venia à rege iſtius loci condendi propugnaculum, auxiliares petiit à ſingulis Mercatorum navibus Epibatas aliquot & Claſſarios, *Periculoſe plenum opus aleæ*, ſumpta audacia, quam pro muro habebat, aggreſſus. E veſtigio impacto in terram ligone Iacobus Clantzius Præfecti filius, hortante patre ſignum aliis ſuſtulit & manum operi admovit, non ceſſantibus lociis navalibus. Difficile dictū quanta alacritate opus illud inchoaverint, & quanta celeritate molem tanti propugnaculi perfecerint, nomen ei datum Naſſovicum propugnaculum. Exſtructa arce, libera ibi commer-

cia; navigatio minus periculofa, commeantibus hinc inde Mercatoribus. Succellus tam felix & ſupra votum occaſionem dedit repetendæ expeditionis in terram pretioſo metallo ſatam. Ita poſt annos aliquot pari auctoritate & dignitate qua ſupra Guineam repetiit, Anno 1616. Novemb. die 6. ibi aliquamdiu commoratus cum laude, domum ſoſpes reverſus, Patriam gazis opulentis ditavit, & æternam nominis ſui memoriam reliquit. Iacobi Ruychaverii fortuna memorabilis quoque, qui vulgari provincia non contentus, ad majora aſpirabat, non humilis anima, quæ cœlo intenta & cœlorum motori Deo, primum peregrinandi ſtudio captus, ita ſe ſubmiſit, ut ærarius ſcriba mercaturæ ſe totum dederit, & ſpecimina complura rerum quæ ad mercatum pertinent expediendarum, quibus ſeſe inſinuavit, in gratiam eorum qui *xix.* numero rebus maritimis præſunt, ut oblata ei provincia tam lucroſa, quam honorabilis fuerit. Ille provinciam non aſpernatus, ad iter ſeſe accingit, & in Mercatorum numerum receptus, navigationis & mercaturæ director renuntiatus. Ita Anno 1639. vergente ad Autumnum æſtate navem conſcendit Cameli imagine

conspiciam, & Guineam petiit auro affluentem, qua delata tandem, & ex præscripto superioris potestatis J. Martii ad S. Georgii fodinas vela dedit, & 19. Decembris appulit. Ubi & menses complures cum sociis navibus commoratus, lucro & quaestui intentus rem fecit, Interim Arnoldus Jacobi Amsterodamensis, præfectus classis generalis, morbo epidemico correptus decubuit septimanas aliquot, qui decumbens in lecto 26. dies, tandem ex viventium numero sublatus excessit v. Januarii die Dominico, plangentibus sociis navibus. Illi cum parentassent & iusta solvissent Præfecto suo Generali, Senatus habitus, quem indixit Don Antonio Florada, qui oratione habita in obitum Arnoldi Jacobi jam dicti, author fuit, ut in locum defuncti, alius eligatur & substituatur, suffragantibus viris, exigente illud necessitate, cum diu vacare locus ille non posset, propter negotiorum molem & difficultates, quæ incidere indies possunt. Præmissa igitur juramento nihil se facturos aut decreturos contra datam fidem & bonum publicum, itum ad suffragia quæ schedis papyraceis involvebant: collectis suffragiis compertum D. Iacobum Ruychaver omnium calculo

dignum judicatum, qui rebus maritimis & negotiis præfesset, Anno 1641. Ianuar. 18. die. Ille provinciâ non invitus suscepit, & talem se præstitit, qualem decuit Præfectum Batavum; Qui tanta moderatione & prudentia functus officio, ut omnibus gratum se præberet, nemini gravis. Mercaturæ promovendæ prima ipsi cura fuit, militiæ altera, cum Anno 1642. Ianuar. 8. delectum habuit, tam navium, quam naviculariorum & epibatarum, missis navibus per omnes Guineæ oras & tractus; nunc ad propugnaculum de Nassou, nunc ad S. Georgii fodinas subterraneas, nunc ad propugnacula Axem aut Chama, ubi negotiabantur Mercatorum Commissarii; nonnunquam in oras Africæ, cum omnis generis merces, corallium, cassiam, saccharum in magna abundantia, Brasiliæ lignum, artes manuarias seu manu facturas commutabant. Ad hæc magnam auri & eboris vim convasabant. Nam An. 1643. unus Navarchus 806, libras auri & 29501. eboris, præter alia quæ in pretio habentur, reportabat. Ita nihil intentatum reliquit Iacobus jam dictus, toto illo tēpore quo in Guinea Præfectum egit. Exacto jam septennio, rebus prospere gestis, de discessu cogitavit, Patræ, conjugis.

jugis & liberorum desiderio capus: Ita tandem impetrata à xix viris dimissione, in Zeelandiam appulit, ubi summa gratulatione exceptus dicitur, & in Cameram introductus eorum, qui expeditionis istius authores fuerant. Cum eo appulere naves divitis Guineæ gazis graves. An. 1646. Mart. 21. Ibi Præfectus jussus à supremis rei maritimæ potestatibus, auro onustas naves exonerare, & omnis generis merces exponere: id mandatum Coc-

quio cuidam & Fulloni fidis misistis, qui auri milliones aliquot in medium attulerunt, tum merces alias atque alias, cistas & arcas complures saccaro redundantibus, tum lignum Brasiliense æquato pondere. Defunctus illa in Guineam expeditione, tam utili quam honorifica ad suos in patriam sospes rediit, uxore in amplexum mariti, liberis in amplexum patris ruentibus, gratantibus amicis.

POLITIA HARLEMIANA.

L I B. V.

Qualis autem Politeia Harlemi fuerit ab ipsa urbis condita, ut sic dicam, infantia, eam rudem fuisse & tenellam supra attigimus, lib. 1. At qualis ea hodie sit, & ab aliquot retro seculis, porro dicturus.

Hollandia in Civitates & pagos divisa; singularum Civitatum cura penes Magistratum & Senatores semper fuit, quibus ea potestas data in suo territorio, Decreta & statuta secundum leges & consuetudines condere, abrogare. Nam proprium Magistratus munus dixit Tullius, intelligere, se gerere personam civitatis, debereque ejus dignita-

tem & decus sustinere, servare leges, jura describere, & fidei suæ commissa meminisse. Sunt enim Magistratus ejusmodi personæ, qui in dignitate civili & reipub. administratione constituti, titulis honorificis à Deo ipso in sacris insigniti, qui Dii in terris & à curæ similitudine Patres, à tutela Pastores populorum dicti. In quibus hoc optandum maxime, ut Magistratus obtemperet legibus, subditi Magistratui. De Magistratu nostro exstat Alberti Comitis edictum, neminem ad Magistratum aspirare potuisse, nisi qui in album civium oppidanorum re-

latus esset, exacto prius decennio, & in ære haberet C. libras annuas. Magistratum autem gessere tam Coss. quam Scabini annui, & cum iis Senatores perpetui fere, sine ullo salario aut emolumento, perquam exiguo: horum Coss. supremum habent jus in cives; quibus hoc potissimum commendatum veteri formula, curare nequid respublica detrimenti capiat. Iustitia administraretur, tam in causis civilibus, quam criminalibus. Prætores tam urbani quam suburbanii, partim qui urbanis rebus, partim provincialibus præsent: qui publico accusatorum munere funguntur, & jus dicunt, singuli habent suos assessores, Aggerum præterea, & silvarum præfecti saltuarii. Adhæc Curia suprema quæ jam Hagæ-Comitis, ad quam datur provocatio. Præterea D. Ordines tam generales quam particulares, penes quos summa autoritas: horum caput Hollandiæ & Zeelandiæ gubernator, cui credita semper fuit disciplina militaris, electio magistratus præmissa denominatione; delictorum capitalium remissio, quæ supremæ potestatis signa sunt, qualis Comitum semper stante & vigente repub. Verum Comitum tempore creandi Magistratus non una praxis. Nam

cum Margarita Hollandiæ Comitissa nupsisset Ludovico Bavarix Duci: cumque Gulielmus Margaritæ filius Dux Bavarix & Hollandiæ Comes esset jure successionis, Anno 1355. ab eo tempore Coss. & Scabini creati, ratificante semper Comite. Postea Anno 1430. tam Coss. quam Scabini creati inconsulto Comite, perinde ac si electio libera penes Ordinem amplissim. fuisset. Ut à Politia civitatis nostræ magis inclarescat, totum reipub. corpus bifariam dividam in Magistratus & subditos; unum genus eorum qui reipub. præsent, qui imperant; alterum eorum qui parent. Eorum qui reipublicæ præsent, non unum regimen: aliud enim Politicum, aliud Ecclesiasticum, tertium militare, quartum æconomicum & Pædagogicum. Ad regimen Politicum pertinent Prætores, Coss. Scabini & Senatores. Inter hos eminet Prætorum dignitas, & Consularis potestas.

PRÆTURAM in honore *Præto:* semper habitam apud nostrates, *ria di-* etiam testantur annales, quæ ran- *gnitas.* to apud Quirites in honore fuit, ut omnes eos, qui Magistratum gererent, honoris causa Prætores appellarent, postea Patres. Sed quo tempore L. Sextus, primus ex plebe consul, Furius Camillus primus

primus Prætor urbanus (qui jus in urbe diceret) creatus est : Postea crescente imperio , capta , subactaque Sardinia , aliisque provinciis , electi quoque qui jus peregrinis dicerent : Et postea totidem Prætores , quot provinciæ in ditionem Romanor. venissent , creati . Prætorum autem magna auctoritas , par potestas , quos à præssendo dictos Livius existimat , Varronis sententia à præeundo quasi reitores appellatos , ex vocis etymo conjicit , propterea quod præirent jure & exercitu , penes quos , omnis publici privatique juris potestas fuit , ut & novum jus condere , & vetera abrogare iis facultas esset , quod jus honorarium appellatū , quo respexit Poeta ,

Verbaque honoratus libera Prætor habet.

Prætores.

Prætorum , etsi magna auctoritas , tamen semper limitata potestas fuit , quippe civium neminē vocare in judiciū Prætor potest , nec in civilibus , nec in criminalibus , inconsulto consule , neque remittere delictum , neque absolvere reum , neque componere cum quoquam potest pendente lite , sed expectandum illi usque dum pronuntiabunt sententiam Scabini . Prætores in rebus publ. nostra fuisse ab aliquot retro sæculis liquido constat , sed

qui illi , quos prætura dignata est suprema potestas , in publicis tabulis non habemus : præterquam quod prætoris cujusdā sit mentio , qui pro ea qua pollebat auctoritate , vicarium postulavit atque obtinuit , Substitutum vocant . Anno 1476 . Verum illud in primis memorabile , atque adeo novum & inauditum , quod an. 1479 . i v. numero Coll. quorum nomina habemus , prætorem egerunt , diviso imperio . Singuli ad trimestre tempus prætura functi , exorsi à primo consule , qui erat Gerardus de Visscher , secundus Iohan. à Schoten , & post eum Ioh. Petti Hals , item Ioh. à Schagen . Sic Anno 1484 . Iacobus ab Assendelff de consule Prætor factus , qui in foro pro tribunali sedens jus dixit , Anno 1492 . Iul. 10 . Quo tempore Albertus Bavarie dux Saxonie , mutato Senatu , mulctatis civibus prætorē quoque urbanum creavit ultimo die Maii , ut fontes puniret , & conspirationis reos in jus vocaret , Anno 1498 , de quo dictum est ante pluribus verbis . Didericus Spiicker Thesaurarius cum esset , prætor creatus est , & pro tribunali jus dixit , An. 1511 . Iul. 27 . Prætor itidem fuit Iisbrandus à Schoten , An. 1516 . Nec ita multo post Ioh. à Schagen , qui relevari petiit annua pensione ,

pensione, & impetravit. Item
 Iustus Bronchorstius prætor An.
 1519. April. 22. An. 1521. Sept.
 3. Franciscus ab Hoochstraet. At
 Anno 1524. Octobr. 2. Prætor
 Ioh. ab Alckemade. An. 1527.
 Octob. 2. Casparus à Treslonge
 prætura functus, qui continuavit
 Senatum, supremæ Curiæ man-
 dato, exacto pro more juramen-
 to, & absente prætore D. Assen-
 delphio in arce Assumburg jura-
 mentum datum, An. 1548. Gual-
 therus à Bekesteyn cum ærario
 publico præfuisse annos aliquot,
 Anno 1536. Prætor creatus, is
 qui in Ordinem amplissimum
 recipi, & ad arcana reipubl. ad-
 mitti instanter petiit, sed nihil
 obtinuit, obstante votis privile-
 gio. Idem Vicarium petiit, sub-
 stitutum vocant, sed repulsam
 passus quoque; An. in Jul. 1552.
 Tandem pertæsus Præturæ ad
 consulatum evectus Anno. 1559,
 in quo acquievit. Meynardus ab
 Heussen, mulctarum exactor ri-
 gidus, adversus eos, qui vecti-
 galia fraudassent. Augustino de
 Witt Swollenſi à D. Coll. suf-
 fragante Senatu præturæ digni-
 tas delata, quam ille gratiis actis
 non admisit, minime ambitiosus.
 Anno 1556. Eum secutus pro-
 xime Petrus à Soutelande, Anno
 1566. Jul. 19. Gerardus Bere-
 hout prætor electus, lege con-

strictus, ut tertiam duntaxat
 mulctarum partem in usus suos
 verteret, partes reliquas in pau-
 peres, certis conditionibus præ-
 tor, An. 1570. Mart. 4. Quem
 secutus Iacobus Foppenius, qui
 sub initium reformationis, tem-
 pore persecutionis Albanæ, Ca-
 tholicæ religionis tuendæ præ-
 textu, rigidus hæresios vindex,
 qui ob id civibus invisus, etiam
 cum vitæ periculo. Ejus rei il-
 lustre exemplum Michael de
 Wael & uxor ejus Geertruda Eg-
 berti, qui jam ante biennium in
 suspicionem hæresios venerant
 apud eos qui Catholicæ reli-
 gionis tuendæ zelo immodera-
 to incaluerant. Cum Michael de
 Wael maritus Geertrudæ Eg-
 berti forte incidit in Foppenium
 prætorem ad Sparnam prope
 pontem piscatorium; quem cum
 vidit, suspicatus se peti, expli-
 cato pallio prætori sclopo curto
 minatus dicitur, veritus ne sibi
 violentas injiceret manus. Ut
 qui se delatum ad prætorem jã-
 pridem intellexerat, quod inter
 præcipua capita rebellionis, &
 novi cōsistorii in ædibus Theod.
 Chondropei habiti diceretur. Ita
 prætor jam dictus Michaeli de
 Wael injecit manus, & compre-
 hensum per vicum Sparnæ pro-
 ximum medium inter lictores
 deduxit. Et cum ingens civium

*Iacobus
 Foppen
 prætor.*

comi-

comitantium, baiulorum, victorum & structorum frequentia, & populi concursus prætorem circumstiterent, qui ante domum Hendrici cujusdam Appel paulisper moratus, raptum intra limina, tabulata conscendere iussit fremente turba. Et invalescente tumultu rumor spargitur, Michaellem de Wael Geertrudæ maritum in homines factiosos incidisse, manus conseruisse ad vim propulsandam, etiam periclitatum de vita, nisi opem auxilium tulissent amici cives: quod ita eum exceperunt, ut strangulare eum aut interficere in animo habere viderentur. Quo nuntio ita perculsa & consternata Geertruda, ut derepente relicta domo, in pedes se daret, peteretque locum illum in quo maritum esse & detineri dictitabant. Iamque ad pontem piscatorium delata, turbam vidit ruentis populi; percontata quid rei esset, responsum tulit, Michaellem de Wael vi comprehensum tanquam maleficum, & in domum quandam in proxima vicinia sitam introductum, & ad contignationem ædium superiorem raptum ad pœnam. Fidem fecit ita se rem habere civis quidam, qui ex ædibus se subduxerat citato cursu, Deumq; atque homines contestatus, de vi conqueritur, & Michaellem de Wael

in vinclis ad supplicium rapi. Audito mariti nomine Geertrudis Egberti ita excaudit exanimata, ut pudoris matronalis oblita, cursu contenderit ad ædes fratris sui, qui in propinquo habitabat: illa correpta scala iuvantibus aliis, & erecta ad fenestras ædium superiores, tectum petebat irritò conatu: Nam erectam aliquoties scalam lictores repulerunt, & tandem sursum ad se pertraxerunt. Et cum opem ferre marito non posset, ita exacerbata partim dolore, partim indignatione, ut humi collapsa jam animam agere & exspirare jam videretur: sed resuscitato tandem spiritu domum reversa, sensim ad se rediit, solantibus amicis; & nuntiantibus maritum jam liberatum, animos sumit. Verum ut se vindicaret Poppenius prætor; non ita multo post ex seditionis civibus duo capitis supplicio affecti. Dein Geertrudam tanquam ream citat; quod marito patrocinata contra jus, fasque, & ad se in Curiam venire cœgit: iussitque ut bona fide rationem daret, & quantum sementis aut frumenti in granario haberet, profiteretur; gloriatus satis arroganter, potestatem sese habere confiscandi bona ejus, propterea quod maritus ejus Michael de Wael vim publicam minatus, pro-

ducto è sinu sclopo. Vix ultra limen Curiae pedem intulit Geertruda jam citata, cum apprehēdi eam iussit, & deduci in locum infamem, Curiae culinam vocāt. Nec ita multo post Prætor assumpto Scabino, ad ædes captivæ se contulit, & liētores suos, in possessionem bonorum ire iussit, & græcari; non obstante eo, quod fidem interposuerat Adrianus Nicolai consobrinus ejus, ærarii olim præfectus: & quod pejus adhuc & deterius multo, seras omnes referari iubet, illisa in terram arca. De vi questus fidejussor, nec Prætorem jus habere hoc modo procedendi palam dixit, cum illa quæ civis esset, multam incurrere majorem non posset, quam LXXX florenorum, pro quo interponere etiam fidem paratum se dixit. Et rogatus sententiam Scabinus, desistendū ab instituto contendit, & referenda ea ad Senatum: sed surdo fabula. Nam Prætor insipientis in morem suo periculo arcam effringere se dixit, ita dispersa per pavimentum captulæ, per fas & nefas prædæ inhians, persuasus, maximā pecuniæ vim in scriniis reconditam latere, quod negotiator esset, & bynopæus. Verum ne his quidem placare potuit irā implacabilem & sævitiam immanem, Minatus

in super carcerem propudiosum, atque inamabilem, facinorosis destinatum, non honestis viris, nedum matronis. Hæc atque alia ingerentibus amicis, & intercedentibus pro ea viris bonis, & juxta honestis, quod ægra esset, & cerebri imbecillitate laboraret, qui vel liberandam carcerem, vel judicio sistendam, dato fidejussore contenderent, sed exorare eum non potuere: reddito hoc responso, nec informationem se paratam habere, nec posse se captivam demittere, inconsultis supremis potestatibus. Tragœdiæ hujus hic primus actus. Postea instituit actionem adversus Geertrudam prætor, qua ad torturam rapi eam instanter petebat. Audita conclusione prætoris Iudices, ut de veritate constaret magis, in diē Veneris proxime sequentem judicium suspenderunt. Ita Scabini consultis super ea Coss. postulata prætoris repudiant, additis mandatis, ut captivam judicio sisteret, & causa disceptaretur ex æquo. Sed Prætor aggravare indies crimen, cum Adrianus Nic. consobrinus ejus, cæterique amici, & consanguinei, consilii inopes, ad Deos tutelares se verterunt, cæterosque Hollandiæ Curiae Senatores, dato ad Præsidem libello supplice uno atque altero. In priore hoc obtinuerunt,

ut

ut Curia suprema ad Prætorem litteras daret, ut Geertrudam captivam relaxaret, aut iudicio sisteret. Tantum abest, ut mandato Curiae obtemperaverit Prætor, ut eam relegaverit ad carcerem infamem illum qui est ad portam D. Iohannis, intercluso omni aditu, ut nec sororibus, nec fratribus aut fratrum liberis accessus daretur, nulla ratione habita, quod ægra & valetudinaria. Et cum torturas, & querelas in carcere audiret indies lamentabiles, periculum erat, ne in malum gravius incideret, quæ domesticis commoditatibus & servitio famulari assueta, tolerare non posset incarcerationem tam infamem & atrocem, ut quæ sceleris nullius sibi conscia esset, nisi quod iustissimo dolore, & piissimo affectu fidei conjugalis, ad opem marito in tanto discrimine ferendam sese obtulisset. Sed intercedentibus diebus aliquot, cessante Prætoris officio, ad iustitiæ thronum amici & consanguinei provocant, iterato libello supplice, & matronam illam ut vinculis vel relaxarent aut iudicio sisterent; dato fideiussore; visa quoque hæc iusta petitio. Verum Prætor causari alia atque alia, morasnectere, donec tandem litteræ Comitris Bossuvii, qui Gubernator generalis, superveni-

rent, quæ pondus addiderunt Majestatis regię auctoramento subnixæ, ferente litteras atriensi, ut si Geertrudæ illius delictum criminale esset, iudicio eam sisterer prætor, si civile, dato fideiussore relaxaret. Quibus impetratis Adrianus Nicolai tribunus olim ærarii, & cum eo Nicolaus Ioh. Capito sanguine proximi Geertrudæ Egberti quæ in carcere, eo rem deduxerunt, ut adstipulante Senatu, postero die prætor Geertrudam iudicio sisteret. Ibi tum prætor crimen exaggerare, capitis supplicio afficiendam edicto regio contendere, hæresios ream insimulare, flagitans ut ipsa causam diceret, non juvante patrono. Senatus audita causa, collectis suffragiorum calculis, in hæc verba sententiam pronuntiarunt: Iniqua Prætoris postulata, amicorum æquissimam petitionē. Ita resumpta aliquoties causa in Camera consulari, præsentē Roosveldio & Mazio Coss. & Scabinis omnibus, offerentibus amicis & consanguineis, inprimis Adriano Nic. olim Thesaurario, & Nicolao Ioh. in subaurato capite fideiussione. Et ecce dilata denuo causa est, quasi subesset gravius crimen, non dierum aliquot comprehensione, sed spatio mensium aliquot, quo resumpta causa, petentibus

tentibus Geertrudæ amicis Prætoris postulata scripto mandari, ut ad ea Geertruda Egberti filia peremptorie responderet, non abnuentibus Coss. qui præsentibus aderant, præter Mag. Quirinum Consulem, & præter Scagenium & Rollandum Scabinos, VII. Kal. Nov. Prætor igitur serio agere iussus, actionem instituit, postulata scripto mandata exhibuit, plenaria addita informatione, facta hac conclusione, commeritam eam cui gladio caput amputetur, ad Decreti placitum contra hæreticos; & adversus eam procedendum, usque ad confiscationem bonorum eius; aut ad correctionem criminalem, aut multam civilem redigatur, nullo admisso patrono. Aulus Loevenius cum Adriano Nic. & Nicolao Iohan. & Iohanne de Wael propinquis & consanguineis proximis contra instare & urgere, ut causam agere liceat in iudicio per patronos ad amicorum arbitria. Audita causa Iudices & Scabini, in eo consenserunt, ut Prætor postulata proponat præsentem captivam, illa ut ad placitum, unum pluresve patronos eligat ad sui defensionem & patrocinium. Aulus una cum cæteris amicis & consanguineis submisit petit relaxationem captivæ per modum provisionis, offeren-

tibus sese ad fideiussionem amicis, ad Iudicum arbitria & placita. Petitionem subsecuta pronuntiatione in hanc fere sententiam: D. Coss. cæterique Senatores visa informatione, cæterisque munimentis & probationis, & actis notarialibus exhibitis, per modum provisionis relaxandam censuere, idque beneficio cautionis interponendæ, data ad fidem dextera, ut quovis tempore à Præторе citata personaliter compareat, sub pœna Confessæ & Convictæ, adhæc cautione interposita c. librarum Flandricarum. Spondebit insuper Geertruda jam dicta, quæ adhuc in vinculis pendente lite, sese extra urbis pomeria pedem non claturam, & habituram urbem pro carcere sub eadem multa. Prætor iussus diem dicere supersedit. Cum Adrianus Nic. præfectus olim ærarii, & Nicolaus Ioh. sub capite inaurato, ut cõvenerat, fideiussores fierent Geertrudæ Egberti, data Prætori ad fidem dextera, eodem die soluta vincula. Illa quasi postliminio ad suos reversa, multa adversa passa, movente nova semper Præторе, patientiæ se dedit & bonæ menti, quamvis octiduo post citata denovo, sed non convicta, innocentiae testem Deum invocat memorem fandi atque nefandi, scel-

rum vindicem. De Agatha Iaf-
fes quæ narrant cives, tam hor-
renda quam stupenda.

Arnoldo Dordraceno nondum
capta urbe præturæ jus datum,
adempta compositione cum de-
linquentibus, quibus nullus gra-
tiæ locus, An. 1571, April 25.
Prætor capta jam urbe, Vincen-
tius Iacobi, Civibus non minus
invisus, sæviente tum maxime
tyrannide Hispanica, quam Pop-
penius fuit, qui graviter vulnera-
tus à militibus, obiit An. 1573.

*Præto-
ris Se-
bastiani
fatum
tragie.*

Eum secutus ex nobili familia
Sebastianus Craenhals ab Hot-
tinga, cui grassante ferocia mi-
litum in parte Boreali Hollandiæ,
decreto Ordinum demandata
provincia Satrapæ oppido peri-
culosa, ut milites desertores &
scurras erroneos observaret, &
in delinquentes animadverteret.
Is ratione officii cum XI. satel-
litibus & ministris sub finē Iulii
rus profectus, Vellseham, Ba-
varovicum, aliosque pagos præ-
tergressus sub vespæram Bergam
delatus, primo ab Alcmaria la-
pide, ubi in prædio pro more
suo pernoctabat apud Petrum
Ioh. villicum suum. Postero die,
primo diluculo Schoreliam pe-
tiit cum toto satellitio, relictis
duobus duntaxat, qui equorum
curam haberent: ipsi diversi mi-
lites obviam venire, nunc bini,

nunc terni, nunc quaterni; plu-
res etiam, à quibus omnibus &
singulis, more militari libellum
dimissionis exegit, mox super-
venientibus aliis atq; aliis idem
fecit: qui diploma à Duce suo
non haberent, eos ad præsidia
sua ire iussit. Quorum quidam
non inviti; quidam coacti ibant
cum indignatione: quibusdam
liberum fecit irent, quo vellent;
cum hoc mandato semper, ut co-
lonis parcerent, & à latrocinis
abstinerent. Cum Schoreliæ ali-
quandiu fuisset, in villam suam
divertit, securus periculi, prandii
tempore. Cumque jam cum vil-
lico suo mensæ accumberet, ecce
de improvviso supervenit militum
manus, circiter LXXX aut plures
etiam, quantum conjicere licuit,
qui excitato horrendo clamore,
vitra primum grandine plumbea
infestantur, quasi signo dato ad
cædem, vociferati *ber, ber, tru-*
cidate; ubi, ubi hoc scelus quod
nos affligit, & persequitur? Id
cum audissent satellites ejus, tre-
pidi in aëdes interiores se recepe-
runt, periculum denuntiantes, &
præsens exitium. Satrapa id cum
sensit, per posticum ostium fu-
gam capit corporis tuendi gra-
tia, quem statim furore percitis
& cientes ad cædem clamorem,
persecuti sunt, & statim affecti,
eum gladiis confoderunt, & ite-

ratis ictibus crudeliter confecerunt : ille implorata semel atque iterum divina misericordia, subito expiravit, defixis in cœlum oculis. Lustrato postea cadavere, comperta vulnera duo de triginta, ita eodem pane fato, quo Cæsar ille in Senatu Romano extinctus. Perpetrato tam atroci scelere & parricidio, ad prædæ se vertere, abacorum & scriniorum claustra effringere, quælibet utensilia secum rapere, nihil intactum relinquere. Pecunias etiam quas secum habebat ad mercandos equos, excusso sinu, & femoralibus, abstulerunt: Adhæc cimelia quædam ex auro, & numismata antiqua de meliore nota, quæ circumferre pro delectamento habebat, spoliaverunt. Ita Sebastiani ab Hottinga Prætoris exitus plane tragicus, cujus cadaver & viscera concisa in partes Harlemum deportata. Hunc secuti Albertus Raephorst, Casparus à Bloys, & nostra adhuc memoria meliore fato, Nicolaus Ruychaverius, & post eum Nic. Zuycker, qui indulgentior visus in Pontificios, exauctoratus dicitur. Quo tempore Præturam ambiit Block, sed obtinuit civibus magis gratus Corn. Teilingius. Denique qui adhuc in vivis Iohannes Scatter, de consule Prætor. Ad

Præturæ dignitatē quæ faciunt; veterū annalibus consignata, ab anno 1479 perpetua successione, ad nostra tēpora, hæc fere sunt. Sequitur jã Consularis potestas *Consu-
proxima imperio. Itaque consulum laris po-
electio penes Principem aut gu-
bernatorem fuit, aut Curiam su-
premam, absente Principe, pe-
nes quos directio ordinaria, &
imperium in quibuscumque re-
bus politicis, tum administratio
bonorum civitatis, & reddituum,
quibus salus publica, civitatis in-
columitas, civium tutela credita,
unde formulæ istæ apud Roma-
nos usitatæ, laborante repub. da-
rent operã. Coll. *Ne quid respubl.
detrimenti caperet.* Coll. munus seu
officium est, jura civium & op-
pidanorum tueri, & patrocinari
civitati, chirographa, privilegia,
jura, prærogativas defendere,
tueri. Prætori in omnibus causis
& rebus dominium Comitibus
concernentibus, laboranti suc-
currere, opem ferre, eum consi-
lio juvare. Convocare Scabi-
nos, & exigente id necessitate
Senatores: In deliberando mo-
dum ponere, rogare sententiam,
colligere suffragia, & ex iis con-
clusionem facere, eam in came-
ra pronuntiare, aut Syndico pro-
nuntiandam dare, iidem causas
forenses publicitus proclamare.
Nota, Nemo ad consulatum ad-
missus,*

missus, nisi qui sexennio ante in album civium ascriptus esset.

COSS. **C O S S . & S C A B I N O S** fuisse à multis retro sæculis, ex superioribus satis constat, & testantur acta publica, ab ipsis Scabinis consignata, sed nomina eorum pleraque interciderunt, & temporum injuria ad nostram memoriam non pervenere. Scabini hujus civitatis, coll. etiam præter solenne juramentum jurare cogebantur, se omnes leges & consuetudines, antehac institutas, aut deinceps instituendas omnibus modis defensuros, & ad eas stabiliendas & observandas operam duros: qui facere id detrectarent multarentur summa **lx** librarum. Ad Scabinos, suffragantibus Coll. causarum cognitio pertinet, item documenta, judicata quæ de civibus & bonis eorum pronuntiata; correctio item & pœna omnium delictorum, quæ commissi intra urbis mœnia. Ad Prætores executio pertinet, conferente ad id auctoritatem Comite. Item penes Scabinos potestas illa & auctoritas, una cum Prætores statuta condere, leges figere atque refigere bono publico. Verum ab Anno 1430 & sequentibus; qui Magistratum gesserint in hunc diem, tabulæ indicant publicæ: in quibus hunc ordinem observavi in

eligendo Magistratu, quod initio Coll. **iv**, & Scabini **vii**. eligi soliti. In hac serie ordinem **vii**. ducunt Consules, Meinardus Nicolai. Ioh. vander Laen. Nicolaus Pellegrum. Iisbrandus Schoten. Scabini **vi** i. puta Iohannes Iacobi Put, Bartholdus ab Assendelff, Pet. Gerardi Bennebroeck, Ioh. Nicolai van Dâmen, Ioh. Diderici Tymans, Ioh. Gulielmi Claess. Florentius Martini. Eodem ordine & numero Scabini electi usque ad annum 1449. Quo tempore electi seu eligi cepere, qui ærario præessent. Thesaurarii **iv**. Harperus Forestus, Gerardus Stephani, Florentius Egberti, Nicolaus de Vries; manente eodem numero usque ad annum 1504. cum duotantum electi, Fredericus Iacobi Deyman, Petrus Ioh. Raedt. Tandem unus sufficere visus, qui ærario præesset, jam dictus Deyman, Anno 1510. Cui successit Gualtherus Bekesteyn sine collega, Thesaurarius in multos annos, qui tandem abdicationem petiit Anno 1542. Dein alii atque alii, Gul. Ramp, Adrianus Nicolai, Gul. Corn. Berckenroede, qui obiit anno 1583. qui singuli ærario publico præfuerunt, omnium diutissime nostra memoria Gerardus Ruychaver, in quo Catonis severitas, virtus Scipionis,

nis, qui à Senatu Romano vir optimus judicatus. Hodie adhuc duos habemus, quibus pecuniæ publicæ creditæ, videlicet Cornelium Guldewagen, & Gulielmum Buys, quorum alter vir consularis, alter aliquoties Scabinus.

*Consul-
um nu-
merus
varius.*

C o s s. I V. primum fuisse jam dixi. Verum An. 1501. creati coss. duo Didericus Potter & Gerardus à Schoren, regis Hispani auctoritate datis ad Curia Hollandiæ Præsident litteris, manentibus ad tempus iisdem Coss. At quadriennio post Triumviri creati ad consulatum, Gerardus à Schoten, Franciscus Gerardi, Petrus Iohannis Raedt. Et rursus Anno 1510. electi Coss. alii, numero tres, Gulielmus à Loo, Hermannus Egberti Ramp, Gerardus Adriani. Itaque, quod ad antiquitatem facit, Coss. initio IV. fuere ab an. 1430. usque in hunc diem, postea bini, mox terni, sed numerus quaternarius mansit per multa sæcula & adhuc obtinet per omnes fere Hollandiæ civitates, Dordraci excepto, ubi unus Consul duntaxat, quem secures comitantur, imperii imagine. Scabinorum hic idem numerus semper fuit, mutatio fere perpetua, & electio anniversaria ad arbitrium Principis, aut Gubernatoris, quovis anni tem-

pore. Senatorum nulla mentio in tabulis pub. ante annum 1560. *Senato-
res.* Aug. 27. Nomina eorum habemus longa serie: Gulielmus Hermannii Ramp. Didericus Iac. de Vries, Bartholomeus Iacobi, Petrus à Dorp, Cornelius à Beresteyn, Ioh. Andreæ, Cornelius Timanni, Ioh. Adriani Lou, Gualtherus à Rolland, Pet. Freder. Deyman, Didericus Nicolai, Stephanus Theodori, Hendricus à Wamelen, Iisbrand. Berckenroo, Franciscus Ioh. Kies, Ioh. Iohann. tinctor, Anno 1571. Coss. M. Quirino Theodori, M. Gerardo à Ravenbergen, M. Theodoro Ramp, nec non consule Nic. vander Laen. Anno 1572. tempore satis periculoso Consules Didericus de Vries, Nicol. vander Laen, Iohannes à Vliet, Gerard. Hend. Stuyver. Verum hi exauctorati, & electi à Dom. Aldegonde, Harlemi, ex mandato Principis Auriaci, Coss. alii, D. Ioh. vander Vliet, Nicolaus vander Laen, Gerardus Stuyver, Petrus Kies, & VII. Scabini. Anno 1572. Decemb. 9. capta jam urbe Coss. fuere Iohannes Zurenus, Philippus Mazius, Hendric. à Wamelen, Iisbrandus à Sparwou. Verum Anno 1580. Novemb. 9. in numerum Senatorum electi in perpetuum xxx. Patrii

*Senato-
rum nu-
merum.*

tritii omnes. Denique per libellum supplicem, petiit Magistratus à Principe Auriaco, ut Senatum numero ampliaret, & pro xxiv. Senatoribus xxxii. haberent, quod & impetrarunt. Ita demum creati iv Coss. Ioh. à Vliet, Nic. vander Laen, Adrianus à Berckenroode, Gulielmus Theodori Deyman, Scabini vii. Mr. Ioh. Zurenus, Matthæus Steyn, Cornelius Riiken, qui obiit An. 1595. octuagenarius, ite Iohan. Nicolai Gael, Gerardus Ruychaver, Gulielmus à Paenderen, M. Petrus Blanckeroort.

*Senato-
res xxiv*

Senatotes xxiv perpetui. Didericus de Vries, qui obiit, & in locum ejus surrogatus Gerardus vander Laen Petrus Kies, qui obiit v. Februarii, An. D. 1594. M. Hugo Bol, qui obiit eodem anno, non die; cui successit Ioh. Colterman Keinheimeriæ quæstor. Item Petrus Gulielmi Bal, Arnoldus Petri Deyman, Iacobus Iisbrandi, Petrus Iisbrandi Oly, is obiit quoque, & in locum ejus surrogatus Hendricus Vechteri pharmacopœus, Ioh. Bartholomæi, Gul. Iusti: Prior ille defunctus, locum dedit filio suo Iacobo Iohannis. Egbert, de Jong, Petrus Gulielmi Zythepsa, Iisbrandus Hageman, Cornelius Gerardi Eeffs, Mr. Egbertus Hendrici, Ioh. Schatter, Cor-

nelius Vechteri, Ioh. Marci, Arnoldus Meinardi Fabricius, Sim. Schoten qui propter ingravescentem ætatem emeritus, Gerardus Schooterbosch, qui repentina morte obiit Hagæ Comitum: item Iohannes Matthæi, in hoc ordine amplissimo tum postremus. Ab hoc tempore ea lex posita, ut vii. Septemb. die in electione cōsulum vii nominentur, ex quibus Gubernator Auriacus eligere quatuor solitus, aut absente illo, aut commorante extra provinciam, à Supremæ Curia Senatoribus: At x. die, dato juramento confirmandi. Similiter duodecimo Sept. in electione Scabinorum xiv. duplicato numero, ex quibus eligendi vii. juramentum datur i 14. Sept. Electio datur libera, vel ex Senatu, & ordine amplissimo, vel ex civium numero, qui patritii, aut honesti & bene nati, vitæ inculpatæ. Atque hi fere qui præesse reipub. consueverunt; juvant in parte qui à pensionibus, à secretis, quorum illi Syndici, hi Secretarii vulgo dicuntur, Syndicorum magna dignitas, quod prudentia & eloquentia fere cæteris antistant, qui (ut dicam ita) oracula civitatis habentur, quique cum Scabinis jus dicentibus in judicio una jus dicunt, quod & nomen ipsum

*Electio-
nis tem-
pus.*

Syndici.

Syndici indicat, quorum potissimum munus, suadere, dissuadere quod ex usu reipublicæ videatur. Patres consilio labantes consilio subacti juvant. Syndicis nec leges ponere aut positas abrogare, nec oppidanorum quemquam in jus vocare, neque hic, neque alibi concessum. Eos in quavis repub. in honore habitos omnes norunt. Verum quis in repub. nostra primus fuerit, non ausim dicere. Certum est à multis retro annis Syndicos hic fuisse. Nam Magistrum Ioh. Brielanum Harlemi Syndicum fuisse, Anno D. 1518, tabulæ indicant publicæ. Et post eum Anno 1523. Mag. Lambertum, & Mag. Quirinum Anno 1531. Mag. autem Cornelius ab Alckemade ad Syndicatum vocatus, An. 1559 mense Octob. qui obiit an. 1566 septennio post, cum vidua ejus post mortem mariti, dimidium salarii peteret, quod obtinuit etiam, qui pro salario habuerat tantum cz. libras Flandricas, & quando in Comitia irent Coss. aut Senatores, præter viaticum stuferos sex. hunc secutus Mag. Adrianus ab Assendelff, Anno 1568. Novemb. die 3. Defuncto eo, Syndicatus (ut sic loquar) vacavit 31 annos, ab anno videlicet 1570 ad annum usque 1603. quo tempore vocatus Mr.

Ioh. de Haen, qui in collegio rerum maritimarum per annos aliquot à secretis fuerat, qui post annos xv. verso rerum cardine, & mutato reipub. statu exauctoratus, latuit & vixit privatus, annos aliquot. Id factum Anno fatali 1618. In cujus locum surrogatus vir clarissimus Aegidius de Glarges D. & toparcha in Eslems, qui & Academiae Lugdun. curator fuit. Et vivente adhuc eo ingravescente ejus ætate indies magis, fatiscientibus corporis viribus (discessit enim octogenerius) D. Coss. & Senatores D. Advocatum Reulium virum apprimè doctum, & quem Curia habuit consultissimum, qui prudentia juris inprimis & orationis suada cæteris antistabat, humanissime sollicitarunt, ut operam suam addiceret titulo Syndici Harlemianæ reipub. quod & factum, cujus virtute adhuc hodie gaudemus. A Syndico proximi Secretarii, qui ad secreta Curia admittuntur & archiva, tanquam ad arcana Cereris, quique acta publica in tabulas referunt, suffragiorum puncta colligunt, rationes subducunt, litteras publicas obsignant. Illorum in nostra repub. fere tres Ordines sunt. Primi qui Coss. à secretis, Senatus consulta in codicem referunt. Dein Scabi-

Secretarii.

nis in iudicio adfunt medii Ordinis , acta forensia in tabulas redigunt , & jura Civitatis observant , codicillos , & causarum indices , & chartas servant. Tertio sunt etiam qui Cameræ pupillari operam impendunt , quæque ad tutelam orphanorum faciunt accurate observant. Eos fuisse ante sæcula , & adhuc esse nemo nescit. Clerici antiquissimi qui ad nostram memoriam pervenerunt tres , qui pro salario temporis 30. florenos habuere , Anno 1503. Et post eos Mag. Lambertus Iacobi filius salarium habuit xvi. florenorum dūtaxat & pro toga pecunias annuas. Anno 1515. Iacobus ab Eyck , qui Cameræ consulari & pupillari inserviebat , salarium lautius habuit 70 flor. Ita paulatim aucta salaria : Nam Anno 1523. Martino Borrio, Lamberto Roset , & postea Iohanni de Grande & Gerardo Ioh defunctis , luculenta salaria Secretariis obtigerunt, Anno 1558 in primis & Anno 1562. Adriano Steynvort , Coornhartio , de Raet , aliisque. Verum hoc memorabile , quod collegæ tres xxxvi. annos in eodem collegio una fuerunt, triga fratrum. quorum primus Michael à Woerden, qui sæpe cum Coss. aut Scabinis ad Comitia profectus pro Syndico :

Alter Adrianus Gulielmi , qui ad secreta publica admissus, An. 1578. integerrimæ fidei homo , & minime ambitiosus, avitæ modestiæ imago. Tertius M. Theodorus Spiicker virtutis & probitatis rarum exemplar. Hi sine jurgio aut querela tot annos vixere trigemini fratres. Hos antecessere Ioh. de Waert, cui successit & in cuius locum surrogatus Michael Woerden. Theodorus Volcardi Coronard, vir acris iudicii quadriennio ante obsidionem provinciam deseruit, suspectus hæreticæ opinionis. Anno 1568. & versò reipub. cardine D. Hugo Steyn , non remotus , nec longævus. His subijciam qui adhuc hodie in vivis Secretarii, Iacobum Benningium , & Iacobum Steyn, filium consulis & affinem, qui in Senatu augusto (quod rarum) vocē habent ; Proximus D. Loo jurisconsultus , Consul filius. Tertius Iacobus Bosveldius; cuius pater Cameræ pupillari pæne l. annis operam impendit , qui supervixit clxxxx. Cameræ pupillaris præfectos , quorum pauci adhuc in vivis . cui successit tandem Hillebrand.

Warmont consulis filius , Nec prætermittendi hoc loco minorum causarum Commissarii, qui levioribus non magni pretii negotiis, hoc est, cōtroverisiis, sum-

*Minorum
causarum
commissarii.*

Secreta-
rii.

mam quinquaginta florenorum non excedentibus; ad sublevanda Coss. & Scabinorum onera & negotia instituti. Anno 1613. Triumviri primum, dein iv. viri, nunc v. viri. Inter Triumviros primi Petrus Nicolai ab Hoorn, Iohannes à Napels, Nicolaus Crabbemos in biennium. Anno autem 1618. ingravescente negotiorum mole iv. viri componendis litibus, idonei electi Gerardus Iacobi Hulfft, Simon Francisci Bogard, Petrus à Dorp, Cornelius Schout, Abrahamus de Block, continuata iv. viro- rum serie usque ad annum 1645, cum electi quinque crescente republica, videlicet Mag. Iohannes Everswiick, Gulielmus Fabricius, Theodorus Theodori Del, Egbertus Warmond usque in hunc diem; horum Secretarius primus fuit, Petrus Ruycha-verius, qui in camera minofum causarum xvi. annos à secretis fuit, cum ei successit Iacobus Bennigius Anno 1628. qui cum aliquandiu secretarii munere honorifice functus esset, ad secreta consularia qui admitteretur dignus iudicatus. In locum ejus subrogatus tertius secretarius Michael à Limmen Anno 1642. Et tandem vacante loco ad secreta minorum causarum vocatus Salomon Cuyfart, dignus qui ad

altiora promoveatur. Atque hæc fere sunt ad Politejam seu regimen politicum quæ spectant. Ad Ecclesiam venio, & ecclesiasticum regimen: sine quo respub-
Regi-
men Ec-
clesiasti-
cum.
 nulla diu stetit, cum ad rempublicam stabiliendam nihil prius, nihil antiquius, quam imbuere hominum animos religione aliqua, & Deorum metu; quod bene intellexit Numa Pompilius II. Romanorum rex, qui ipsis regni auspiciis, in id incumbendum sibi existimavit, ut sacra, ceremonias, omnemque cultum Deorum immortalium doceret, cum Pontifices, Augures, Salios ceterosque per sacerdotia distribuit sacrorum antistites, in id intentus, ut feroces & bellicosos Romuli nepotes, ad mansuetiorē vitæ cultum adduceret; atque hæc omnia quasi monitu Deæ Egeriæ, quo magis barbari acciperent. Iustitia enim stabilita, quæ virtutum omnium causa recte dicitur, religionis cura proxima. Transeo igitur ad regimen Ecclesiasticum, & eos qui sacris præsumt, quibus à Magistratu honores proximus, ut qui optime de genere humano, de republica merentur. Qui sacris præsumt sacrorum antistites, communi nomine Seniores dicuntur. Sed Seniorum in primitiva Ecclesia Apostolica duo genera, unum ge-
Seniores-
eorum 2.
genera,
1. Tim.
cap. 5.
vers. 17
 nus

nis eorum qui maxime laborabāt in sermone & doctrina, quos Presbyteros appellat Apostolus, & duplici eos honore dignos deputat, qui Evangelium prædabant, divinorum mynisteriorum interpretes, & sacramenta administrabant, distincto munere ab iis, qui in sermone non laborabant, adjutores duntaxat laborante Ecclesia consilii inopia. Horum officium peculiare, quod Ecclesiæ curam gerant, eamque regant ac gubernent una cum verbi divini ministris. Ex quibus recte colligimus, secundi Ordinis Seniores, cum verbi divini dispensatoribus, unum facere collegium, in modum Senatus Ecclesiastici, qui repræsentat universam Ecclesiam. Ita ut munus Seniorum præcipuum sit, una cum verbi divini ministris, curare nequid Ecclesia detrimenti capiat, observare quomodo se gerant, qui Christo nomen dedere: adhuc an vitam instituant professione Christiana dignam: monere etiam ex verbo Dei, qui dissolute vivunt, ut melius vitam instituant, ad se redeant, & resipiscant: præcavere insuper ne Sacramenta à Christo instituta profanentur. Curare ut disciplina Christiana facta recta conserveatur; hoc dare operam, ut erroneos in rectam viam reducant, obsti-

natos gladio Spiritus tanquam fulmine feriant, contumaces regno Dei excludant qua tales, resipiscentes in sinum Ecclesiæ recipiant, cælestis aulae quasi Clusii & Patuleii, clavium potestate. Verum proprium Seniorum, qui ordine inferiores, munus, id dare operam, ut decenter omnia & ordine fiant, ad ea attendere, quæ incidere possent, quæ ad decorum & Ordinem Ecclesiæ parum facerent: adhuc verbi ministros consilii inopes, consilio juvare, adeo quibuscunque in Christo fratribus etiam solatio subvenire. Tertium & præcipuum eorum munus est, in id incumbere, ut vitæ pariter & doctrinæ circa ministros rationem habeant, id inprimis curent, ut omnia ad ædificationem Ecclesiæ referantur, invigilent ne lupi in ovilia Christi sese ingerant: atque ut idoneos Seniores se declarent ad munus illud recte ob-eundū, dabunt inprimis operam, ut verbum Dei sacris litteris cōsignatum diligenter evolvant, & in ejus lectione, & meditatione assidua mysteriorum fidei sese exerceant. Tertium munus in Ec-
Diaconi quomodo institu-
 clesia pauperū cura, quod necessitas docuit. Nam cū in primitiva Ecclesia, aliquandiu eleemosynarum & sacri ærarii cura penes Apostolos fuisset; qui crescente

evidenter Apostolorum numero, cum Ecclesia incrementa sumeret indies majora; suborto etiam murmure & cavillatione inter Græcos & Hebræos, quod vidui eorum despectui haberentur in ministerio quotidiano; conqueſti aliquoties onus ministerii ingravescere indies magis & pauperum curam; data jam occasione Apostoli illi penes quos suprema auctoritas, vocata ad concionem discipulorum multitudine & societate, fratribus auctores fuere, propter rationes jam dictas, ut dispicerent viros idoneos, qui elemosynis præessent, & curam pauperum haberent. Ita electi Diaconi solenni ritu.

Episcopi.

Sed quoniam Episcoporum quoque in sacris litteris fit mentio, de Episcopis hic pauca subjiciā, cum sedes Episcopalis posteriori ævo Harlemi fuerit, quod ad honorem nostratum pertinere visum. speciosum enim in oculis hominum, & plenum dignitatis Episcopi nomen. quod agnoscit quoq; D. Paulus 1. Timoth. 3. vers. 1. *Fidus hic est sermo, si quis Episcopatum appetit, præclarum opus desiderat.* indicans, Episcopatum, hoc est, verbi divini ministerium, non otiosam dignitatem, sed opus tam præclarum quam arduum. Verum Episcopi nomen, si vocem spectes, late patet,

quod & vocis indicat Etymon. Quid enim Episcopus aliud significat si vocis Etymologiam spectes, quam inspector, observator, explorator? quo respicere etiam D. Paulus videtur, cum jubet ministros Dei attendere ad se ipsos & totum gregem, in quo Spiritus S. constituit Episcopos. 1. C. Episcopos appellant ædiles Cereales, qui panificio præerant, cæterisque rebus venalibus quæ ad victum pertinent. Episcoporum quoque Arrianus meminit; quorum munus erat, observare, quid in unaquaque regione fieret, ut cognita ad reges rerum dominos, & Magistratus suos referrent. Fuit & Magistratus Atticus Prætor Episcopus, qui mittebatur ad quævis oppida, quæ sub imperio & ditione Atheniensium erant, explorandi causa cum jus diceret. Ita in omnibus disponendis moderandisque spectatorem interfuisse Phidiam refert Plutarchus. Ita Dii denique malorum & bonorum Episcopi dicuntur, quos nihil fugit, qui cuncta vident, qui cuncta tuentur. Verum Episcopi nomen ad sacra & functiones Ecclesiasticas translatum eadem significatione. De Episcopatu honorifice loquitur D. Paulus, quos ad pascendam Ecclesiam Dei datos innuit, quam proprio

san-

Ad Philippiens. Cap. 1. sanguine acquisivit Servator noster. Omnes Dei servi, & mystici gregis pastores, ministri Christi, mysteriorum divinarum dispensatores tales sunt; quibus æqualis potestas cum Episcopis & aliis Dei servis data, sed ad ædificationem, non subversionem.

1. Tim. Cap. 3. vers. 1. Ita ex his satis constat, quod presbyteri, pastores, verbi divini præcones, Seniores, qui laborant in sermonis efficacia, & doctrina,

cap. 2. cum Episcopis promiscue habentur. Neque enim purpuratos illos aut insulatos Episcopos, agnoscit Ecclesia Apostolica. Externa illa non requirit D. Paulus:

1. Tim. Cap. 3. vers. 2. sed alias virtutes, quas longus recenset. Vult enim & oportet Episcopum virum esse bonum, &

ad Tit. Cap. 1. ut sic dicam perfectum, inculpatum, tanquam Dei dispensatorem, unius uxoris virum, hoc est, castum & pudicium, vigilantem, sobrium, compositum, hospitalem, & quod caput rei, aptum ad docendum, tenacem & fidelem ejus sermonis, qui ad doctrinam facit: præesse etiam eum vult domui suæ & familiæ eum autoritate, & liberos continere in subjectione cum omni honestate: Adhæc bonorum amantem, temperantem, justum, pi-um, atque adeo omnibus virtutibus præditum, quæ cadere in hominem Christianum possunt.

Et ut omnibus virtutibus Episcopum ornatum vult, ita ab omni vitio purum: detestatur enim percussores, contentiosos, avaros, arrogantes, turpi lucro ditos, iracundos, vinosos, convitatores. Atque ut virtutem in Episcopo commendat, ita vitia Apostolica auctoritate & censura gravitate taxat, securus offensæ. Et ut absit omnis præsumptio & gloria de potestate concessa à Domino ad ædificationem, Presbyteros Ecclesiæ servire vult Dominus cum omni modestia & humilitate. Superest ut de Episcopis Harlemais pauca dicam.

Posteaquam Senatuscòsulto decretum fuit Episcopos admittere titulo honoris, primus Episcopus ordinatus indulgentia Pontificis qui Pius 1v. Nicolaus de nova Terra, qui antea Episcopi Trajectensis vicarius fuerat, eum inaugurarunt, Anno 1562. Et ante eum *Canonicorum Collegium* Harlemum translatum fuit in templum Bavoni sacrum An. 1560. quod institutum An. 1307. Decanus cum 11. Canonicis: Qui non ita multo post, Episcopatum venalem habuit, & Episcopatu suo renunciavit, surrogando in locum suum Godefridum à Mierloo, Ordinis Dominicanorum Prior Trajecti qui fuerat, Harlemini introductus tanquam ad Petri.

Anno
1561.
Nov. 6.

Regi-
men Oe-
conomi-
cum.

tri cathedram cum clero suo, Anno 1571. Mart. 4. primo die Dominico Quinquagesimæ, magna pompa & civium gratulatione. Obsidionis tempore in castris hostium aliquandiu fuit, imperatori apprime carus propter eloquentiam, qua pollebat. Debellata & expugnata urbe ad sacra reversus expiata æde sacra, missam denuo celebravit solenni ritu, cum omnibus ceremoniis, Anno 1573. Sed breve gaudium. Nam An. 1578. prævalente veritate Evangelica, profligata idololatria, vix effugit militum bacchantium manus: ita coactus urbem relinquere Anno 1578, & quod dolorem augebat ipso Sacramenti festo. De tertio reipub. regimine Oeconomico porro disturus, quod totum consistit in Oeconomia quasi domestica, huc Magistratus subalterni pertinere videntur, qui ad sublevandum Magistratum majorem instituti. Nam cum crescente indies reipub. & civium numero, laboraret Magistratus negotiorum pondere & onere, ut se sublevarent, partem aliquam oneris in cives subordinatos derivarunt, viros inprimis honestos & probos, quos potestatis titulo Magistratus appellarunt, sed subalternos, ut qui pendeant à superiori Magistratu: quippe limitata & sub-

ordinata illis potestas data; ut agros alienare aut vendere non possent, nisi Consulum assensu, ita gradu distincti & dignitate. Sed inter subalternos Magistratus primas tenent Cameræ pupillaris tutores, proximi, qui temporis præfecti æditui, quorum dignitas & autoritas major quam cæterorum; plerique enim aut consulares, aut juris periti, aut Ordinis amplissimi viri, qui ad ista munia obeunda deliguntur. Inter subordinatos Magistratus non postremi ab omni hominum memoria fuerunt Censores lanarii, qui lanificiis præstant, qui in singulos annos singulari prærogativa, in Ecclesia, finita concione proponuntur ante festum Paschæ, dato pro tribunali solenni juramento. Reliqui qui gradu inferiores Magistratus, eos à curæ similitudine nostratum lingua Patres dixere. Ita nulla domus nullum hospitium aut cœtubernium ad pios usus institutum, quod non habeat patres suos, matres etiam ut sic dicam familias, quibus totius œconomiae cura incumbit. Ita præfectos suos habent & regentes, Xenodochia Sacrarum virginum Elyzabethæ & Barbaræ, item S. Remigii, Antonii, aliorumque. Sicut ergasterium quod institutum Anno 1610. Hierocomium

Camere
pupilla-
ris tuto-
res.

Censo-
res lana-
rii.

lepra

lepra infectis asylum. Denique atræ luis domus; & quæ inter minimas censetur, Petro sacra domus, non destituta regentibus: hortuli præterea ab opulentis instituti, quales illi à Loo, à Petro Wtenhage, hortulus Gratia & S. Martini, Camera in Bake-nes, habent dispensatores suos & curatores. Postremo quotquot domus exstructæ ad pauperum solatia, sive à Nicolao ab Heusen, Petro Deyman, Iacobo Iacobi de Ionge, Cornelio à Wy, Francisco Loenio, Iacobo Zaffio, Giiisberto à Nes, Catharina Velferman, reguntur ad præscriptum conditoris. Institutorum denique contubernium, habet censores suos & decanum, habet leges ex quarum præscripto vivitur, jubente & approbante Magistratu. Ut tandem concludam, ad Magistratum subalternum referendi quoque, qui rem frumentariam curant, annonam moderantur, laxant, gravant, panes ponderant, pretium ponunt, & vendentium habendi rabiem coercerent. Censores denique victus & aduliorum. Atque hic fere ordo eorum qui subalterni Magistratus dicuntur limitata potestate, quæ hodie adhuc obtinet: nomina eorum ascribere omnia, operæ redundantis existimavi. Verum hoc notandum, quod

plures officiales alii atque alii fuerint prioris ævi, hodie non usitati. Inprimis quod præter ædituos etiam ædituæ fuerint in honorem D. Bavonis, Bavoni sacra, binæ primum, An. 1556. Bavo nempe Theodori filia cognomento Cæsaris, & virgo nobilis, Maria à Schoten. Tres deinde numero fuere, An. Dom. 1573. usque ad annum 1577. cum mos ille eligendi ædituas exolevit, eo ipso tempore, quo primæ reformationis aurora affulsit. Inter subalternos Magistratus tum temporis habiti quoque, qui sacris intenti horariis precibus legem ponebant, & modum. His accensendi quoque Architecti & Architectonices quæstores; quippe Anno 1570 quæstor Iohan. Raedt. Denique limenarchis quoque honos datus qui portibus præerant. Ita navium stationibus Rembrandus Bernardi præfuit, Anno 1570.

Inter primarios urbis cives censendi inprimis qui rebus militariis præsunt, quorum regimen discretum ab aliis, regimen illustre magis quam Oeconomicum aut Pædagogicum, quibus potestas permixta Tribunitia intercedendi pro civibus ope destitutis, & tuendi jus civium: hinc est, quod qui rebus militari-

H h

ribus

Anno
1565.

Regi-
men mi-
litare ci-
vium
ad ur-
bis tute-
lam.

ribus præfunt, Tribuni, Duces & Legati eorum, plerique aut Coss. aut consulares sunt, qui disciplinam militarem & avitam semper in honore habuerunt à multis retro sæculis, quæ adhuc hodie observatur. Bellicosam Harlemæorum gentem fuisse & populum bellis assuetum, testantur Annales, ab Anno 1132, cum primum adversus Frisones, petente id Didrico Hollandiæ Comite, bella gesserunt, & contra rebelles arma sumpserunt; incendio & rapinis grassantibus, magna suorum strage fortiter resistere, donec victi & sub jugum missi Frisones Dominum suum legitimum agnoscerent. Quis nescit

Anno
1188. Harlemæorum in Aegyptum expeditionem, qui relicto solo patrio, Florentium XIII, Hollandiæ Comitē, lecta cohorte secuti terram usque Palæstinam, quique observato vëto secundo serrata navi Nili claustra perrupere, & victoriæ occasionem præbuere, cum debellato subactoque Pelusio, victoriæ monumenta æterna reportarunt, de quibus nulla conticescent sæcula. Postea adversus Caninefates finitimos bella assidua; cum totam fere Keinheimeriam infestarent latrociniis, castella, arces impune incenderent, cum Nobiles bonis fortunisque omnibus

exutos ad desperationis consilia adigerent; quos tacti commiseratione, intra urbis mœnia nostratum cives recepere, & paricum illis audacia barbarorū violentiam armis vindicarunt, & omnem vim propulsarunt victoria potiti, bello superiores. Digna quoque quæ annalibus nostris inferatur pugna navalis prope Tessaliam & Wieringiam, cum Harlemæi classem ducerēt, comitantibus aliis Borealis Hollandiæ civitatibus, adversus Guilielmum Brederodium cum suis, militantem sub imperio D. Iacobæ Ducissæ, ubi navale prælium atrox: coëuntibus rostris, injectæ ferreæ manus, ita captæ navæ aliquot, aliæ in breviam & Syrtes, aliæ in fugam actæ, & classis Gul. Brederodii tota dissipata, magna suorum clade; nam præter illos qui in conflictu cæsi complures catervatim in mare abjecerunt. Captivos insuper catenatos & spolia opima reportarunt, victoria lætabundi, reservatis captivis aliquot ad gravius supplicium, qui omnes securi percussi truncato capite, relaxato propter stirpis nobilitatem navarcha Brederodio, qui variantibus judicium militarium suffragiis, difficulter evasit, evasit tamen perinde ac apparuisset Deus è machina. Fuit & alia Ca-

Anno
1427

Anno ninesatum factio multo gra-
1492. vior & periculofior, qui re-
 vulsis portarum claustris, obni-
 tente Magistratu, in urbem ad-
 missi nefanda perpetrarūt omnis
 generis flagitia, quæ supra me-
Anno moravi pluribus verbis Bello et-
1518. iam Geldriaco Harlemaëorum
 spectata fides & virtus Batavica,
 cum Anno 1522. Oppidani for-
 titi ad bellum profecti: hoc eo-
 dem anno Sagittariorum colle-
 gium institutū: extructę ibidem
 ædes magnificæ, & spatiosa atria
 palatii instar, & ad voluptatem
 plantatus hortus. Et crescente
 paulatim civium sagittariorum
 numero, auctis etiam cohorti-
 bus, ædificatum sagittariorum
 collegium alterum, in fundo sa-
 cro prope portam nemoralem.
 Ubi & amœnus hortus, & circus
 jaculatorum. In ipso domus pub-
 licæ vestibulo portæ incubat in
 equo hasta minax S. Georgius,
 cui dicatum hoc collegium. Sic
 honor semper civibus habitus,
 qui ut prompti & parati ad quam-
 libet expeditionem, ita volunta-
 rii præeunte Duce in Geldriam
 profecti: qui reversus ad suos,
 rebus fortiter gestis, cæsis fuga-
 tisque hostibus, præmium petiit
 militari more luculentum, obti-
 nuit exiguum, & gloriæ magis in-
 tentus quam præmio, acquievit.
 Et post annos pauculos, cum

Geldri auxilia peterent sub ad-
 ventum hostium, missæ ex civi-
 bus copię subsidiariæ, quibus
 promissa stipendia in dies singu-
 los 1v. stuferorum. Ita rebus
 fortiter gestis terra, mari, & ar-
 mis clari toto orbe, militarem
 disciplinam in honore semper
 habuere usque in hunc diem,
 quippe cives adhuc hodie, qui
 sagittarii prisco vocabulo ita di-
 cti ante usum bombardarum &
 tormentorū, in armis adhuc ex-
 cubant, parati pro aris & focis
 urgente necessitate pugnare he-
 roica virtute. Hi divisi in cohortes,
 centurias & decurias, sed
 non eodem semper modo: Alia
 enim fuit ab aliquot retro annis
 civium sagittariorum disciplina
 & regimen, quam hodie habemus,
 alia dignitatum nomina &
 cognomina; quæ paulo altius
 repetam ex prisca illa antiquitate
 deprompta. Sagittariorum ordo
 S. Georgio sacer, habuit præf-
 ectos suos, qui rebus militaribus
 præerant, & rationum expensas
 subducebant in annos singulos.
 Atque hi quidem contubernii
 militaris præfecti, ordine distin-
 cti: Præsides contubernii, Decu-
 rio dictus, & 1v. assessores, pe-
 nes quos regimen, succedentibus
 semper aliis atque aliis unanimi
 consensu. Atque hoc quidem
 contubernium fuit S. Georgio

facrum, antiquorum sagittariorum collegium, ad hæc usque tempora, perpetua successione observatum & in honore habitum. Decuriones præcipuæ nobilitatis viri, qualis D. Gerardus à Sparendam, Anno 1548. In cuius locum surrogatus Iacobus Duvenvoorde, D. & Toparcha in Opdam, Anno 1549. & post eum D. Ioh. à Schooten. Et rursum An. 1556. Iustus Bronchorstius eques, & post eum Iohannes à Duyvenvoorden, Anno 1557. Item Ioh. Sinapius Mostart, & plures alii viri nobiles. Qui à consiliis assessores proximi, ab initio 14. viri fere fuerunt, patritii omnes, lecti ex sagittariorum cohorte in utramque partem. Anno 1548. Ian. 12. hic ordo observatus, cum Gerardus à Sparnwouda Decurio fuit. Ioh. Gerardi Alcaer, M. Franciscus Lakeman, Nic. vander Laen, Florentius Ioh. Brouwer, Assessores: in quorum locum surrogati Iacobus Duvenvoorde Decurio, Ioh. Iohannis Verwer, Lubertus Gijfberti, Arnoldus Simonis, Theodorus Nicolai Iustus. Ita annuatim novi semper Decuriones & Assessores. Et quoniam usitatus, & in honore semper habitus arcubalista, erecti sæpe supra molas Psittaci. ficulnei in palo defixi, quem

petebant validis ictibus certatim balistarii funditores; qui autem deiciebant à culmine psittacum, regis titulo salutari, regis insignia reportabant. In hoc ordine illustre nomen Ludolphi Gijfberti, qui rex fuit, peritia jaculandi clarus, Anno 1558, cum Iustus à Bronchorst decurio erat, & M. Hugo Bol, Theodorus ab Heussen, Cornelius Tilemanni & Nicolaus ab Hogendorp assessores, factæ expellæ pæne regales, cū Iul. 31. Lubertus Gijfbertus, dejecto psittaco rex renuntiatus, plaudentibus & gratulantibus civibus sagittariis: carchesium dono datum argenteum magni ponderis, semunciarum 32, & solenni epulo exceptus. Heemstedium profectus, curru quasi triumphali inductus, stipante comitatu civium & sagittariorum, canente classicum tuba, resonantibus in via tympanis; adhæc eradicatæ arbores in silva, plantatæ pro foribus Curie & aulae regis, & plura id genus, quæ ad splendorem facerent ludicri regis. Ab eo tempore prævaluit nomen regis, & in collegio S. Georgii sacro Rex præfuit, qui decurionem, assessores, quæsitorem convocabat, quoties reddenda ratio accepti & expensi, aut si quid statuendum, ad disciplinam militarem quod faceret. Postea ad regimen militare.

care plures admissi, nam præter regem qui Præses collegii, præter Decuriones & assessores, Signiferi & rerum capitalium præfecti in collegium disciplinæ militaris recepti. Hætenus Decuriones, assessores aut contubernales, qui inter sagittarios aliis præerant, postea militari more Tribuni, Ductores, Legati, Signiferi, Quæsitores appellati ab Anno 1582. usque in hodiernum diem. Ad triennium electio fit Tribunorum, Ducum, Legatorum, tum eorum qui ordines ducunt, Signiferi ad annos cælibatus, aut ad vitam etiam manere soliti, quippe electio eorum non est annua, nec certa. Sagittarii igitur, divisi in cohortes, quæ numero VI. & ordines, & decurias, habent præfectos suos Tribunos militares, Duces, Signiferos seu vexillarios, habent quæsitores rerum capitalium, præfectos, Ordinum ductores, antesignanos, primipilos, item decuriones, hastatos, scutatos, ferentarios, milites stationarios, & militum gregarios magnas copias. Si quando armilustria sunt, per cohortes distincti, & vexilla, urbem circumeunt, vicos frequentant armati, & tandem instructa acie in foro stipati cœunt, explosis iterum atque iterum scloppis; dein receptui canunt, expli-

cata acie; ad hortos sagittariorum se recipiunt tanquam in Areopagum, & multo libant caribesia Baccho. Hæc ad pompam magis, sed maxime ad urbium præsidia instituta civium sagittariorum contubernia: custodiunt urbem in pace & in bello noctu, interdium. Post occasum Solis, portis claustra objiciunt, primo diluculo referant Clusii & Patulcii. Nocte excubias agunt, stationes vigiliarum observant, circumeunt urbem armati, prohibent insolentias, plateas lustrant, vigiles mercenarios inveniunt. Dato signo incendiario noctu, interdium, statim in armis sunt, viarum compita occupant, aditus omnes prohibent ruenti turbæ, Curiam custodiunt una cohorte civium, ad tuenda archiva, & secreta Cameræ pupillaris in primis, tumultuante & malignante plebe: In repentino tumultu aut discrimine Consul, more Romano ad arma cives vocans, dicere solitus, *Qui rempub. salvam esse vult me sequatur.* Talis non ita pridem rusticana seditio. Dato signo, armati statim in Curiam veniunt, ordines ducunt in publicum, & pro civium suorum salute devovere se parati. Laborante autem patria, tumultu bellico, supereminente hostium exercitu, ingruente periculo, co-

pias auxiliares cogunt. Qualis illa expeditio civium nostrarium, cum anno 1622 in Sept. armati Hasselâ profecti & postea Heusdam, vocatis militibus veteranis è præidiis in castra. De his Adr. Iunius in Bat. cap. xvi. Illud operæ pretium est scire, singula Hollandiæ oppida pro suis opibus, & pro loci conditione, honestissimorum, quique opibus mediocribus instructiores sunt, civium centurias in certas classes distributas habere, quos robora & nervos Reipub. dicere liceat. Sagittarios communi nomine appellant, sive illi balistis, arcubusque chalybeis spicula fundūt, sive acernos arcus ducunt, sive manuariis tormentis sclopiisque plumbeas pilulas spargunt. & plura ibid. Adhæc si usus postulet, ad comprimendam seditionem, ad arcendam hostilem incursionem, armati adhibentur, vel si ornandus sit Principis alicujus adventus, vel novi inauguratio decoranda, tum vero honoratæ custodiæ ac solennis vicem præstant. Hactenus Iunius.

Pædagogicum seu Scholasticum regimen. Est præterea Pædagogicum seu Scholasticum regimen, proximum regno munus, in quo Magistri, juventuti studiosæ præsunt, virgarum fascibus, & scepro buxæo terribiles, ad quos pertinet liberorum educatio atq;

institutio, quas minime negligendas Lycurgus docuit canum exemplo. Nam convocatis quodam tempore, quasi ad concionem Lacedæmoniis, produxit in forum duos ejusdem genituræ, sed diversæ educationis canes, quorum alter cupediis altus & educatus, in patinam sese abjecit, alter venationibus assuetus in leporem objectum fertur uno impetu, quem dimiserat. Admirantibus Lacedæmoniis, quid sibi vellet spectaculo tam facero, indicat, hoc documento Spartanis esse voluisse, ut qui liberos suos indulgenter haberent, educationem liberorum minime negligendam, cum felicissima quæque ingenia corrumpantur neglecta educatione, & instituentium imperitia, qui ut ita dicam equos vertant in asinos, degeneres à parentum virtute, magno reipub. detrimento. Neque id Lycurgus duntaxat egit, verum omnes legum latores atque ephori in id sibi incumbendum censuerunt, ut idoneos vitæ morumque magistros juventuti suæ præficerent, Gymnasia haberent publica & illustria, ad formando puerorum animos, qui in spem Patriæ nati. Neque enim Magistratus tam sollicitos volebant de legibus atque institutis sciendis, quam de legitima

(uorum

suorum institutione & disciplina: observata enim vitæ hujus conditione, quod ea miserrima sit futura si institutionis cura destituta sit, formandæ juventutis prima illis & suprema lex, quæ obtinuit apud omnes gentes etiam barbaras. Neque neglexit eam disciplinam Magistratus hujus urbis. Nā & scholas hic fuisse ante multa sæcula certum est, iam inde ab Alberti Ducis Austriae temporibus An. 1389, cum Magistratui non Clero jus datum gymnasia condendi, creandi scholarum præfectos, quos honoris causa Gymnasiarchas vocarunt, hodie Rectores idoneos formandæ juventutis Magistros. Schola publica civitatis duntaxat una, in qua linguæ doceri solitæ, tam Latina, quam Græca, atque adeo omnes artes instrumentales quas vocant, ad omnes scientias & facultates subsidiariæ. Qui autem illi, quos Magistratus Scholis præfecit, primi, nomina eorum in obscuro latent. Antiquissimi illi Lambertus Ruseveldius, & Magister Jacobus Meysterus, quorum prior Lovanio domū reversus in patriam scholæ præfectus Rectorem egit gratulantibus amicis. An. 1519. Rector Helico vir magnæ auctoritatis ac eruditionis non è multis unus. Hunc secuti alii atque

alii, vitæ morumque magistri, inter quos non postremus Docomius Frisius vir gravissimus & doctissimus; & parentum adhuc memoria Mag. Cornelius Duyck, qui accusante eum Episcopo tanquam hæresios suspectum, ex auctoratus dicitur, Anno 1568. Idem ille, qui in Senatu veniam petendam consenserat, credo, benevolentia capandæ causæ ad averruncandam hæresios suspicionem. Inter Rectores coryphæus Adrianus Iunius. Hornan. Bataviæ nostræ prælustre jubar. Et post eum Jacobus Iperius, qui dicere non tantū sed facere suos docuit præcepta vitæ: Hos secutus Cornelius Hagius, qui obiit duabus ante septimanis, quam capta civitas in manus hostium venit. Huic successit Cornelius Ketelius, in quo Catonis gravitas, tum Rector cum omnia bello flagrarent, grassante in cives milite Hispano. Nec ita multo post defuncto Ketelio, Corn. Schoneo Goudano, præceptor olim meo, provinciæ Scholasticæ delatus honos ab amplissimo Ordine, qui Scholæ Harlemianæ præfuit xxx annos & quod excedit; tandem emeritus, reservato salario ad vitam. Tandem collega proximus Theod. Schrevelius, cum diu vicariam operam præstitisset optimo seni, Rector creatus.

creatus, Coss. ita volentibus, civibus applaudentibus. Is Scholæ præfuit etiam cum laude xxiv. annos, cum peracto tot annorum curriculo verso rerum cardine deferenda provincia fuit, sed commiseratione Dei, obtulit sese alia magis splendida Lugdunensis illa, quam post annos xviii. habita oratione filio reliquit jam septuagenarius. Vacante sede Rectorali itum est ad Ioh. Middelhoevium Ecclesiæ Lissanæ pastorem, qui spe majoris boni ad Rectoratum se vocari passus, factus ut sic dicam de consule rhetor: nondum exacto septennio iussus provinciam scholasticam deponere: qui in abdicationis solatium, Lugdunum petiit, antiquum Musarum hospitium. Et cum surrogandus in locum ejus jam alius esset; Gul. Nyenhuis in ordinem Rectorum receptus, in lingua Hellenistica bene versatus, ita ut inter N. Test. interpretes unus fuerit, non sine reipublicæ litterariæ incremento. Ille sive tabe attenuatus, seu pestilenti aëre afflatus obiit, Harlemi elatus, Enchusæ sepultus. In locum ejus surrogatus collega proximus D. Iustus Duyft, vir gravis & poëta non infelix, discipulus olim meus, etiam collega, qui Scholæ jam pertæsus aspirabat ad altiora, non humilis

anima; ad quæ tandem pervenit voti compos, rebus maritimis jam præfectus. Laborabat interim Schola destituta jam Rectore. Ita de vocando alio Scholæ moderatore serio cogitatum. Scholarchæ, quibus ea cura incumberebat, ne quid respublica litteraria detrimenti caperet, mandato Consulum instructi, circumspicere, nihil non tentare, ut idoneum vitæ morumq; magistrum promissis lautioris stipendii aut salarii invitarent, & iterata aliquoties legatione sollicitarent, nunc hos, nunc illos Rectores qui celebres maxime, sed data fide obstricti, qui, ut decuit, gratiis actis honestissimæ vocationi renuntiarent. Interim D. Ursinus sentiens molem tam laboriosæ provincie ingravescere indies magis, officiose offerre quoque operam suam non destitit, rogare Scholarchas ut sui quoque meminisse velint, qui jam annos aliquot collega à Rectore proximus diligentia atque industria specimina dedisset non obscura, sed luculenta. Quibus permoti Coss. & Scholarchæ, Scholæ præesse cum voluere, & simul Rectorem crearunt & inaugurarunt solenni ritu: Ille habita oratione luculenta spem dedit rei bene gerendæ. Et quoniam Scholarcharum jam fecimus men-

Scholarcha,

tionem

tionem, penes quos supremam
 auctoritatem semper fuisse di-
 ximus quidvis statuendi, quod
 ex usu Scholæ, illi quando pri-
 mum instituti, operæ pretium e-
 rit hic observare. Nostra & pa-
 rentum memoria formandæ ju-
 ventutis studiosæ jus supremum
 & regimen penes Rectores fuit.
 Verum recepta jam & stabilita
 reformatione, Scholarum præ-
 fecti, & reipub. litterariæ Di-
 ctatores perpetui, à Magistra-
 tu instituti, penes quos فرمان-
 دæ & reformandæ Scholæ sum-
 ma auctoritas, qui plerique Ec-
 clesiastici initio fuere, quales A-
 brahamus Gallus, Iohan. Da-
 mius, Ioh. Mathisius, alique se-
 cuti eos. Postea Politici etiam
 electi, D. Petrus Nicolai ab
 Hoorn, Nic. Crabbemos, item
 Paulus à Beresteyn I. C. & in-
 ter Politicos Syndici, D. de Haen,
 & D. de Glarges. Scholarchæ
 qui adhuc hodie in vivis sunt, D.
 Campius, D. Sualmius Eccle-
 siastæ, D. Iisbrandus Olykan I. C.
 & D. Nicolaus à Loo Secreta-

rius, & novissime creatus in lo-
 cum D. Campii, Iohan. Def-
 watiin Medicinæ D. Scholæ
 quoque privatæ complures quæ
 salarium à Magistratu annuum
 non habent, quibus prima lit-
 terarum tirocinia & adultiori-
 bus pingendi ars, lingua item
 Gallica, Arithmetica, ars libra-
 ria, Mathematica, & quæ ad de-
 lectationem facit ars Musica,
 quibus iuventus instructa, ad o-
 mnem vitæ conditionem, ad
 rempub. ad mercaturam, atque
 adeo ad omnia negotia idonea
 magno reipub. emolumento &
 stabilimento. Præceptores lin-
 guæ Gallicæ præcipui & scripto-
 res excellentes, partim qui adhuc
 hodie sunt aut fuere, Ioh. à Vel-
 den, Thomas à Breugel, Magi-
 ster Matthias, Petrus Ketelaer,
 Iohannes Balot, Gofuinus Heu-
 velman, Ioh. de la Chambre:
 Musici & organistæ Mag. Phi-
 lippus, Cornelius Helmbreker,
 & Cornel. Padbrue, Pater Ban.
 & plures alii.

LIBER VI.

*Continens nomina eorum, qui eruditione clari, in quavis facultate, aut scientia
 illustres, aut arte etiam mechanica insignes, Harlemi fuerunt, aut etiam-
 num hodie adhuc in vivis sunt, quibus subijcio varia hominum
 studia ex infima plebe.*

AD subditos accedo; quos et-
 iam discretos volo; nam

inter hos quidam sunt, qui eru-
 ditione clari ac arte insignes.

Qui eruditione clari, eos rursum in Classes IV. distinguo. illi enim vel Theologi, vel Iuriconsulti, vel Medici, vel Philologi. Ordinem ducunt Theologi, divinorum mysteriorum interpretes. Atque ut paulo

Theologi
Hugo
Harl.

tius repetam, Hugo Harlemæus se offert mihi, qui Abbas Egmondanus ejus nominis primus, antistitum XXI. qui obiit hoc Epitaphio insignitus, chronographico & rhythmico, moribus antiquis secundum seculi istius simplicitatem. *Laurent. Octa. Iesu semel M. ter C. novies V.*

Est populus mæstus, moritur quia largus, honestus,

Hugo Mensonis, exemplū dapsilitatis, Mitis valde bonis, ultor durus sceleratis,

Nobilibus charus, verum fuit ordine gnarus,

Hic vitā duxit, quod dormitur astruxit,

Et terras emit, violatos jure redemit; Flent verecundantes inopes, victumque rogantes:

Tali privati, qui pronus erat pietati, Vivendi norma fuit atque gregi bona forma;

Nam fuit Abba Pater, claudatur ei locus ater:

Et sit pro meritis, conjunctus in æthere choris.

Oluvius Harl. Huic non cessit Oluvius Harlemæus, qui ad litterarum com-

mercia Romam profectus, tantum profecit, ut ibi publicus Decretorum Doctor renunciaretur, magno omnium applausu. unde in Abbatem Egmondanum domum vocatus, an. Christi 1351. quo munere egregie defunctus per biennium, obiit An. 1353. xviii. Kal. Octob. fuit autem in serie Antistitum Egmondanorum xxv. Scripsit prælectiones & epistolas ad familiares.

Gerardus Sprong de Harlem S. Theologiæ Baccalaureus, Academiæ Lovaniensis Rector Magnificus Anno 1452. Theodorus Ballingius major, Petri Ballingii consulis Harlem. frater, Paris. universitatis Rector, pietate, & eruditione eminentissimus. Fuit & quidam Symon Hermannus; Cœnobii Carmelitici monachus non indoctus, qui claruit an. 1460. Scripsit copulata Lib. 1. & alia nonnulla.

Simons
Hermannus

Fuit & Ordinis Carmelitici Albertus S. S. Theologiæ Doctor, Theologiam etiam Lovanii professus, qui scriptis quoque inclaruit, scripsit enim *Quæstiones in magistrum sententiarum lib. 4. Lecturam in Ecclesiasticum Lib. 1. In Canonicam Iohannis Lib. 1. Sermones & lecturas lib. 11. & alia typis nondum edita.* Obiit Mechlinæ An. 1496. Item Nicolaus

Albertus
Harlem.

Nicolaus
Symon.

colaus Symonis Harl. Carmelita, & sui Ordinis apud Harle-
menſes Prior ac Provincialis.
*Exſtant Sermones ejus de tempore &
Sanctis, Chronicon temporum Lib. 1.
Diſputationes variae. De Poſteſtate
Pape, Imperatoris & Concilii, in lib.
11. Decret. De foro compet. c. Si
quis contra Clericum. Vita S. Patrum
Lib. 1. De Sacris mulieribus Lib. 1.
Vitam D. Anne lib. 1. Vitam D. Cy-
rilli lib. 1. Hiſtoriam Ordinis Car-
melitici. Lib. 1. Farraginem fragmen-
torum. Lib. 1. Conciliorum volumina
11. Repetitiones itidem, & alia que-
dam. Diu vixit. & ſenex obiit
Anno 1511.*

Iohan.
Ger-
brandi
à Lei-
den.

Proximus Carmelita Ioh. Ger-
brandus à Leidis. Hic author eſt
Chronicorum Hollandiæ, quæ
Latine ſcripſit: Quibus aſpergit
nonnunquam facetias, & fabu-
las monachales, & miracula que-
dam nugatoria. Collegit idem
ex diverſorū ut ait hiſtoriogra-
phorum ſcriptis, Chronicon E-
piſcoporum Ultrajectenſium &
Comitum Hollandiæ, à S. Wil-
lebrordi temporibus ad annum
1480, in quo opere decennium
& amplius elaboravit. Scripſit
præterea, *Hiſtoriam ſui Ordinis,
Lib. x. Item Collationes Sanctorum.
De feſtis Deipare, & de doloribus
ejuſdem. Sermones de tempore &
Sanctis, aliæque: Obiit Harlem.
Anno 1504.*

Theodorus Harlemus S. S. *Theod.
Theologiæ Licētiatus Pariſienſis, Harl.*
& Carthuſiæ Colonienſis alum-
nus. Reliquit nonnullos Sermones.
Epistolam de Solitudine ac Silentio.
M. S. adſervantur Colonia. Vi-
xit circa annum 1508.

Florentius item Harlemius
Carthuſiæ Lovanienſis Prior, *Florent.
Harl.*
non contemnendæ eruditionis:
Scripſit Belgico idiomate *De
Chriſtiane vitæ inſtitut. Lib. v.*

Vincentius de Haerlem, ſa- *Vin-
cent de
Harl.*
crarum litterarum & bonarum
artium ſtudiis inprimis deditus.
Edidit libros 1 v. *Sententiarum
cum commentariis antiqui Doctoris
Petri de Palude, circa annum 1300
deſuncti; Eumque diligenter cum
Veneta editione conſulit, atque
in multis locis emendavit, & il-
luſtravit. Anno 1514.*

Iohannes ab Heemſtede Har- *Ioh ab
Heemſ.*
lemēſis, Ordinis Carthuſiani Lo-
van. Ad hūc Epistolæ aliquot de-
dit magnus Erasmus in magno il-
lo Epistolarum Volumine, ad an.
1525, & 1533. De obitu & ſcrip-
tis ejus nihil. Virum apprime
doctum ex Eraſmi familiaritate
apparet.

Ioh. Gulielmi Harlemenſis, è *Ioh. Gu-
liel.*
ſocietate Jeſu, & dictæ ſocietatis
Lovanii Rector, Philoſophus &
Theologus pontificius non vul-
garis, S. S. Theologiæ Licentia-
tus, multarum linguarum peri-
tiſſimus,

tissimus, S. Scripturæ, & linguæ Hebraicæ apud Lovanien-
ses in collegio Bussidiano pro-
fessor. vir de Bibliis sacris, Re-
giisque Plantini typis editis opti-
me meritis. De hoc testimonium
in Præfatione altera B. Ariæ
Montani luculentum, in qua de
totius operis usu, dignitate &
apparatu ex ordine disseritur.
Gisbertus Schoock universita-
tis Lovaniensis Rector egregium
testimonium perhibet: Aliique
eximii & venerabiles viri D. D.
Magistri, Augustinus Humæus,
Regius & Ordinarius, & Cor-
nelius Reyneri Gaudani, Ordina-
rius in Academia Lovaniensi
professor, qui ut commissum
munus ad Biblia Regia accele-
randa, melius & perfectius ex-
plerent, celeriusque & expedi-
tius absolverent, honorabilem
virum D. & Magistrum Ioh. Gu-
lielmi Harlemium, Licentiatum
è societate Iesu quæ est Lovanii,
S. Scripturæ & Hebraicæ lin-
guæ Professore pub. & linguarum
Orientalium peritissimum,
sibi socium & adiutorem adjun-
xerunt. Qui collegit indicem
Biblicum, qui res eas de quibus
in S. litteris agitur, ad certa ca-
pita alphabeti ordine digesta re-
vocatas summa brevitate com-
plectitur. Item varias lectiones
in Biblia Latina vulgatæ editio-

nis ex vetustissimis M. SS. ex-
emplaribus collectas, & ad tex-
tum Hebraicum, Chaldaicum,
Græcum & Syriacum examina-
tas edidit. Discessit Lovanii. Nec
silētio prætereundi Episcopi no-
strates. Inter quos ad stabiliendā
Hierarchiam Ecclesiasticā, pri-
mus fuit Nicolaus de Nova terra,
cujus antea mentionem feci, qui
Archiepiscopi Trajectensis Vi-
carius fuerat: Secundus Gode-
fridus à Mierlo Ord. Dominica-
ni prior Trajecti, qui non ita
diu sedem Episcopalem tenuit.
Nam septimo anno post, profligatis
jam idolis, vix effugit mili-
tum bacchantium manus. Ita re-
formatio tandem cepit sanioris
doctrinæ: Hic primi sese obtu-
lerunt, ad ministerium novæ Ec-
clesiæ, reformationis plausibili
titulo, Abrahamus Gallus ætate
& pietate venerabilis, & qui ex
Palatinatu advenerat, Ioh. Da-
mius Dei servus, primus omnium
in templo augustus, expiato jam
ab idololatria, concionem habuit
auspicalem, cantantibus organis,
Hymnum canentibus *Te Deum*
laudamus, &c. Quos secuti legit-
time vocati omnes, Hendricus
Geesteranus, Gerardus Blocho-
ven, Lucas Hespilus, Ægidius
Stroo, quorum scripta non ex-
stant quod sciam. Circa hæc tem-
pora Ioh. Ampsing Octmarfen-

Anno
1578.

Nic.
Florent.

Pastores
initio
refor-
mar.

Iohann.
Amp-
sing.
lis.

sis, pastor hujus Ecclesiæ fuit, potens fandi, cui eloquentia invidiam peperit, Theologus & Medicus, scriptis clarus. Edidit *opuscula quedam Theologica contra Anabaptistas, item de institutione utriusque fœderis, tam novi, quam veteris: De incarnatione Iesu Christi, de Disciplina Ecclesiastica.* Adhæc orationes aliquot & tractatus Medicos. Et post eum Ioh. Bogardus fuit, subacti iudicii vir, Theologus non è multis, qui unus quoque inter collocutores Contra-Remonstrantium in collatione Hagienfi habita; An. 1611. Qui in lucem dedit *dogmata selecta aliquot*, tum ad patientiam quæ faciunt, ad quævis mala in hac vita toleranda, tum quæ ad vitam æternam & salutarem illam doctrinam quæ est in Christo. Et cum eo Gul. Hasius, qui non profundæ eruditionis pastor fuit, sed concionator non infelix. Et eodem fere tempore Ioh. Mathisius Antuerpianus, cultissimi oris homo & *ὀμιληπὸς*, gratosus, in S. Patrû lectione bene versatus. Ejus collega Hadrianus à Terrode Harl. qui zelotes, & tuendæ veritatis adversus Remonstrantes acerrimus propugnator. Et cum iis Hend. Geesteranus. qui pastorem vitam egit puer, inclementia vitrici, cujus tutores observata ingenii sagacitate, eum stu-

diis consecrarunt. & ludo literario initiatus, & gradum magisterii Lugduni consecutus, profundæ eruditionis Theologus evasit in Canticum Salomonis doctissime commentatus est. Cum eo vixit Isaacus Iun. qui consilio, *Isaac.* prudentia cæteris antistabat, qui *Iunius.* adversus Socinum doctissime scripsit, Et cum eo Daniel Zouterius Flandro-Batavus, qui præter opuscula quædam Belgice scripta, librum scripsit *de officio Mercatorum, Præxin item Banruptorum, Mastiga Fallitorum, Palamedem sive de alea, & variis ludis, lib. 3.* Et quæ materia magis Theologica, *Pharmacum afflicti animi, Pedagogum Divitum, De usu atque abusu opam.* Et ne quid intactum relinqueret, *Exsequias regales* scripsit *magnæ Britannie, & quedam anonyma.* Circa hæc tempora vocatus etiam Dionysius Spranc- *Dionys.* huiusius, mysteriorum divinarum *Spranc-* fidus interpret, orthodoxæ do- *buiusius.*ctrinæ adversus Remonstrantes acerrimus propugnator, vitæ inculpatæ, qui vocationis suæ adversarios habuit, minister infelix, sed respexit eum Deus & beavit iterata vocatione. Surrogatus in ejus locû Ioh. Acronius Frisius, *Iohann.* in quo Catonis severitas, morum *Acro.* Censor rigidus, vir profunde doctus. Exstant lucubrationes ejus complures & variæ: ac primum

Iohann.
Bogard.

Dan.
Zouter.

Guliel.
Hasius.

Iohann.
Mathisius.

Hadrianus
Terrode.

Hend.
Geesteranus.

Dionysius
Spranc-
buiusius.

Iohann.
Acro-
nius.

apologia pro edicto Groeningano: Item de jure Patronatus tractatus, Syntagma Theologiae, Elencbus orthodoxus pseudoreligionis Catholicae: de precipuis religionis Christianae capitibus tractatus: Item Problema Catholicum Theologicum de nomine Elohim: Problema alterum de studio S. Theologiae recte privatim instituendo: Itē de concionibus Ecclesiasticis recte formandis, Postremus horū qui in numero Beatorum ejus regni erant, Samuel Ampsingius, qui utraque lingua tam Gallica quam Belgica concionatus dicitur: is varios tractatus metricos composuit satis feliciter: Pub. Syri Mimos, Catonis item disticha moralia, aliaque rhythmis Belgicis opuscula tam docte quam facete. In laudem Patriæ quæ litterarum monumentis consignavit, tam soluta, quam ligata oratione æternitatem spectant, quibus sese ab oblivionis æruginē vindicavit, & æternam nominis sui memoriam reliquit.

Sequuntur qui adhuc in vivis sunt Ecclesiarum nostratium magna nomina. Inter quos primus in ordine D. Iacobus Alberti Campius, sollertis ingenii vir, mysteriorum acutus interpret, obiit An. 1646. In ordine proximus Iosephus Rosarius Harlemius, bonæ mentis ac indolis homo, comis & effabilis omnibus, & quod caput rei, Pastor bonus. Tertius

in ordine D. Hendricus Sualmius, qui fratres omnes ætate antecedit, omnium ministrorum qui in Hollandia sunt, ἀριστὸν τῶν, cui in vultu gravitas, in labris suavitas qui eloquentia & orationis Suada cæteris antistare videtur, nec iners ab opere. Scripsit enim orationem funebrem, in obitum illustrissimæ D. Sabine Comitisse Egmondane, Principisse à Gavren. Et qui his successerunt. Ioh. Crucius junior, qui sub disciplina nostra vixit contubernalis meus, in studio Theologico bene versatus, utriusque linguæ, tam Græcæ quam Latinæ peritus, nec rudis Hebrææ, nec alienus à Musis Pieriis, homo modestus & minime ambitiosus. conciones instituit ad captum vulgi, & parcem iis illustravit: Poetas imitatus sacros illos. Qui prodesse volunt, & delectare. Nec cuiquam æqualium suorum cedit Theodorus ille à Wiickenburg, in quo præter excellentia ingenii dona, quæ undiqueque relucet in eo, Catonis gravitas, Socratis æquabilitas, cui majestas in vultu, in vita comitas. Quem in ordine sequitur Petrus Buskerius Ecclesiæ lumen & columen veritatis quæ est in Christo acerrimus propugnator, defensor fidei, hæresios vindex indefessus, nulli adulari solitus, nemini parcere: ad sanandum pec-

Sam.
Amp-
sing.

Quiobis
Anno.
1549.

peccatorū vomicam, magis cauteria adhibet, quam pittacia aut cataplasmata, medicos imitatus animarum medicus. Et ut refractariis & contumacibus irā Dei denuntiat, ita respiscētibz gratiam pollicetur, iusta retributione; peccatorum conscientia consternatos, solatio erigit, erroneos in rectam viam reducit, atque adeo omnia boni pastoris officia facit. *Adrianus Tegularius* in concionibus sacris ad movendos hominum animos (quod præfiscine dixerim) parem inter collegas suos habere non videtur, qui verbi efficacia tanquam fulmine penetrat intimas cordium fibras, dicendi torrens, verus Theophrastus, qui ad Amphionis exemplum, Saxa movere sono testudinis, & prece blanda ducere hominum animos quo vult posset. *Salomon Ecbthe-nius* autem qui octavus in ordine prophetarum, modestiæ & humilitatis exemplar, scripturarum fidus interpret, didacticus plane, ut qui vita docet, doctrina docet, ad exemplum Phœnicis Homerici. His novissime accessit D. Ioh. Rulæus, qui peculiaria habet dona gratiosa, eloquentiæ, comitatis, qui demulcere animos hominum potens, qui alter Hercules Gallicus linguæ licii subtilissimis, ab ore

pendentem gentem patriam trahit in assensum & Christo vindicat; qui S. litterarum acutus interpres, non superficiale doctrinam, sed, ut sic loquar cum Chymicis v. essentiam è sacris eruit igne Spiritus: quem ut D. Deus diu superstitem velit, Patriæ, Ecclesiæ commune votum. Ignoscite fratres, quod minora his, majora illis dona tribuam, cum paria non possum. Variæ enim seu donorum, seu ministeriorum, seu facultatum divisiones, prout cuique ad mensus dona sua idem Spiritus. Nam huic datus sermo Sapientiæ, aliis vero sermo cognitionis & scientiæ; aliis rursus fides, aliis prophetia, aliis discretionēs Spirituum, aliis genera linguarum, aliis vero idiomatum interpretatio: hæc tametsi imparia dona sunt, ea tamen sapientissime distribui dispensante Spiritu, non paria, sed sufficientia, docet gentium Apost. sumpta similitudine à corpore humano: quemadmodum enim unius corporis plura membra, discretæ sitū, decore, functione; ita ad cōstituendum corpus illud mysticum Ecclesiam videlicet varia concurrere dona necesse est ad perficiendum opus Domini. Nec excludenda ab hoc ordine eorum nomina, qui Harlemi nati atque educati, variis in urbibus

1. Cor.
12. ver-
su 6. 7.

1. Cor.
16. ver-
su 10.

urbibus & pagis vicinis pastorum munere funguntur. Inter quos ordinem ducit *D. Ioh. Hoornebequius*, quem sæculi nostri miraculum dixerim, ut qui juvenis adhuc vernantibus annis *S. S. Theologiæ Doctor*, *Professor Academiæ Ultrajectensis*, & ibidem *Ecclesiæ pastor*, & in lingua *Hebræa coryphæus*. Proximus *Iohannes Derramoutius*, & *Iacobus Silvius*, qui *Leidis* in ministerio sunt, & *Cornelius Iac. Petreius*, ille qui in magna veneratione *Campis* est. Item *Hendricus vander Schalcke*, qui *Edamensis* charus acceptusq;. Adhæc *Iisbrandus ab Os*, legati nostri apud *Christianissimum Galliæ regem* concionator. His adde *Iacobum Verhoeven* jam emeritum & rude donatū. Tum *Hendricum Bruning*, *Iacobum à Tethrode*, *Petrum Alberti Kuycium*, discipulos olim meos. Quique alii pastores *Classici*, *Iohan. Polanus*, *Iohannes Ampsingius*, *Hend. à Loon*, *Iohan. Nyenhuisius*, & plures alii. Longum esset recensere omnes satis notos. Stabilita jam reformatione, *Ecclesiæ incrementa* indies maiora, supra quam credibile est. Ea occasione *Galli & Walones* zelo pietatis exsules, *Ecclesiam* formarunt approbante *Magistralu Harlemi* in *Belgio*, vocato ad

ministerium *Ioh. Tassino*, qui salutarem in *Christo fidem*, & veritatem illam orthodoxam propagavit, & quæ cum hac pugnaret sententiam damnavit iusto anathemate; Scripsit enim de vera vitæ poenitentia, docuit quæ vera *prophetæ* filiorum *Dei*, solatia in afflictionibus. Exstat etiam *brevis institutio de erroribus anabaptistarum*: item *de incarnatione Iesu Christi, qui verus Deus, verus homo*: item *De Paidobaptismo: De officio & auctoritate Magistratus*. III. *De juramento legitimo*. In hujus locum successit *Ioh. Crucius Isulanus*, qui deputatus ad *Synodum Dordracenam* fuit: qui prædicavit ad exemplum *Pauli Christum*, eumque crucifixum, cui prima gloria in *Cruce D. nostri Iesu Christi*, qui nihil ambiit scire præter *Christum eumque crucifixum*, qui unicam sacram salutis anchoram in *cruce Christi* posuit: nec aliam in cælum viam, quam bajulare crucem suam, & *Christum* pone sequi. verus *Crucius*, crucis mystagogus. Exstant quoque scripta ejus tralatitia ad ædificationem pleraque quæ faciunt, videlicet *Tassini de poenitentia tractat. Gallic. in linguam Belgicam transtulit*: Item *Ant. Wallei tractatum de jure & potestate Magistratus, in Gallicam*: item *Viam regiam è Latino in Gallicam transtulit.*

Institutum

*Initium & progressus motuum Ecclesiasticorum in Hollandia, editum à Frederico de Vrij, è bellico in Gallicum sermonem. Obdormivit placide in Christo Anno 1625. Feb. 7. Succesit Crucio Iohan. de Seins, qui pari fide viam salutis aperuit & plurimos Christo lucrificet fœcunda messe: fato functus, animam Deo obtulit. scripta ejus nulla quod sciam extant. Præter hos Gallicanæ Ecclesiæ pastor. Petrus de Bon-Temps, qui adhuc in vivis Ecclesiæ charus acceptusque, qui delinire hominum animos potest potente verbo, hæresium acris censor, Anabaptistarū inprimis, quos flagellat horrendo anathemate, cum eos læsæ majestatis reos arguit, tam divinæ quam humanæ; *Ενγοδδξιας*, quasi alter Cato, gravitate plusquam Censoria. Transeo jam ad eruditum Harlemensium secundā Classem, quæ I.C. destinata. Harle-
mum excellentium ingeniorum nutricem semper fuisse, testantur Annales, probant id Theologorum nomina jam recensita minime obscura, qui sacris præfuerunt, quos Ecclesia habuit. Non pauciores fuisse in Politia qui reipub. præfuerunt; fasti indicant ab aliquot retro sæculis. Primus mihi in hoc ordine occurrit Magister Nicolaus de Vries (sic*

enim juris legumq; peritos vocabant, & usitatum adhuc hodie nomen) qui honoris causa ærario publico præfectus, Anno 1475, & alter M. Iacobus Ioh. Anno 1489. Et post eum alii atque alii, Ioh. Balling, Nicolaus à Schotten, Gerardus Hendrici, Magistri omnes, ærario præfecti, iusta successione. Ad Scabinatum etiam promoti Iuris interpretes, ab Anno 1479. & sequentibus Scabini, quorum nomina prætereo pleraque, sed inter eos celebres maxime Quirinus Theodori Talefius, Nicolaus à Schooten, Petrus Forestus, Hugo Bollius, Gualtherus Prins, Ioh. Zurenus, Lothus Gael, Theodorus Ramp, Philippus Maezius, partitii omnes. Inter eruditos, magni nominis fuit Petrus Montfortius, qui præterquam quod humaniorum litterarum studiosissimus, Iuris utriusque licentiatu fuit, & poëta non infelix. scripsit carmen gratulatorium in novum Præsulem Leodiensem, Cornelium à Bergen, Baronem Sevenbergensem, circa Annum Christi 1538. Dixi de singulis aliquot qui Scabini fuere, quod in plerisque civitatibus usitatum, ut unus atque alter in judicio sedet juris catus: sed rarum hoc quod Anno 1563 simul in eodem Scabinorum col-

legio quinque fuerūt I. C. omnes Iustitiæ antistites hoc ordine, Quirinus Talesius, Gerardus à Ravesteyn, Theodorus Ramp, Iohannes Zurenus, Philippus Maetzius. Rursus Anno 1569. Scabini iv. in eodem collegio, Gerardus Ravesteyn, Hugo Bollius, Ioh. Zurenus, Franciscus à Nes. & totidem sequenti anno, Lambertus à Roofvelt, Hugo Bollius, Gijsbertus à Nes, Philippus Maetzius. Adhæc ad consulum etiam electi I. C. Ab Anno 1491. & sequentibus Iacobus Balduini, Petrus Balling Coss. singuli, Petrus Balling iterum Consul, ita Petrus Forestius atque alii. M^r. autem Quirinus Talesius vel septies Consul de republ. optime meritis male multatus. Atque hi fere Coss. singuli, succedentibus semper aliis atque aliis. Sed quod rarum in republ. etiam optime constituta tres simul Coss. qui I. C. essent in uno collegio, & eodem tempore fuisse, ex archivis habemus: Nam An. 1560. Quirinus Theodori, Gerardus à Ravesteyn, Theod. Ramp una Coss. fuere. Iterum anno insequenti, electi Coss. Theod. Ramp, Ioh. Zurenus, Lambertus Roofvelt. Sicut An. 1569. Quirinus Theodori Talesius, Theod. Rampius, Ioh. Zurenus. Denique Anno

1570. ante obsidionis tempora, Quirinus Theodori Consul infelix, cuius fatum tragicum & lamentabile, & cum eo Ioh. Zurenus, Philippus Maetzius, qui magnæ autoritatis apud Hispanum fuit. Verum ille mos creandi Coss. eruditos paulatim exolevit, cum bello omnia arderent, efferatis hominū animis. Quamvis & alii fuerunt qui ad maiorem dignitatem pervenerint virtute sua, juvante in partem fortuna. Inter eos pono Iacobum Diickium, Florent. Schooterbosch, Martini Ruychaverii Consulis filium, Antonium de Wael, Iohannem Bosvelt. Quorum Iacobus Diickius Harlemi natus anno 1567, qui cum aliquandiu in Curia suprema causas egisset, patronus à privatis in Sueciam missus negotiorum causa, ad Gustavum ejus nominis II. ita placuit Regi, ut cum pro legato suo habuerit: missus ad Ordines generales inferioris Belgii, ubi legationis munere aliquandiu functus, in Sueciam revocatus, & in ordinem equestrem admissus, Bruggavius renuntiatus Ottenburgi & torius illius tractus; in pace aliquandiu in arce maritima vixit: obiit Anno 1616. April. 14. Fuit & quidam Iohan. Baptista Hansenius Harlemi natus & educatus, qui Iurif.

Iurisprudentię gradum consecutus Professor Tolosæ fuit, antiquitatis omnis gnarus & potissimum Romanæ, qua in urbe annos aliquot egit, & amicitiam cum magnatibus coluit, inter quos Baronius Cardinalis fuit. Sed nomen famamque meruit, edito *de iurejurando veterum commentario*, quod ex electis ejus singulare caput est, vitæ cursum Tolosæ absolvit, Anno 1614. Ad Senatoriam dignitatem evecti, Iurisprudentiæ titulo insignes, quos jam dixi Florentius Schooterbosch, Antonius de Wael Consulis filius, & Gul. Ruychaverius, Martini consulis filius, & novissime Ioh. Bosvelt, qui à secretis Harlemi fuerat. Nicolaus autem vander Hooch, sive ab Alto, jura Lovanii didicit, Doctoris titulum in Andegavensi Gallorum Academia meruit; causas egit Mechliniæ in concilio Belgico. Prodiere ex illius Museo, *singularia Iuris seu Doctorum dicta memorabilia*, edita Antverpiæ An. 1620. Obiit Harlemi in patria, Anno 1624. Oct. 3. 1. Atqui nondum omnes dixi qui dignitate eminentiori aut scriptis clari. Iohannes Gael qui ut I. C. se probaret, scripsit inter alia *Tractatum de Testamentis. & jure Codicillorum*, captus mentis alienatione juvenis obiit An. 1621. Jun. 3. Fuere

& alii ex hoc genere, qui tamen nullos in jure tractatus divulgassent, qui juris peritia celebres, tanquam oracula civitatis fuere. inter quos præcipui M. Harperus vander Wielen, M. Gulielmus ab Heda, qui postea Alcmariam commigravit, spe majoris lucris item M. Hendricus Spoorwaeter, summus I. C. Præter hos Petrus Nicolai ab Hoorn, Petrus Verhooch, & M. Iacobus Medenblicensis, & Iacobus alter vander Broeck, Paulus à Beresteyn & frater ejus Ioh. à Beresteyn. quorum alter advocatus, alter secretarius Keinhimeriæ & Brederodiæ jurisdictionis. qui pleriq; omnes è numero viventium sublati. Eorum qui adhuc in vivis sunt quidam Iurisprudentiam practicam profitentur, quorum præcipui Franciscus Valck, Theodorus Boorten, Beukelius vā Santē, Simon vandē Broeck, Gul. Hulst, Gulielmus vander Horn, qui scilco patrocinator in India occidentali Farnabuci, nunc à secretis Harlemeis. Quidam operam maxime impendunt componendis moderandisque litibus & controversiis, arbitri honorarii, non mercenarii, à Magistratu sæpenumero ad munus illud electi, & ordinati gratuito officio, quales Iisbrandus Olykan & Georgius ille vande Velden ✓

Denique quidam etiam honoris duntaxat titulo advocati, consulta non dant, nemini obnoxii; quales sunt Theodorus Ramp à Rol- len, & frater ejus Egbertus Rāp, item Adrianus & Frācisus Kies fratres, qui opibus pollent, & ejusdem fere conditionis sunt se- quentes, videlicet, Adrianus vā- Dorp, Iohannes Verwer, Ioh. Laignier, Theod. Schout, Cor- nelius Dobbius, Gijsbertus Ap- pelman, alique complures qui privatam vitam agunt, quibus bene latere, & bene vivere, se- cundum Epicuri illud, *ἀσκήσειν*. Ita pauci oppido juris inter- pretes & legum periti ad rei- publicæ Harlemianæ gubernacula admittuntur, seu sæculi vitio sive relligionis divortio. Hodie in ordine Senatorio duntaxat duo, Iacobus Druyvesteyn & Iacobus Steyn. De l. C. plura dicere supersedeo. Nunc ad Medi- cinæ Doctores, & gentem illam Aesculapiam transeo, quos in Classē III. remitto: pauci eorum reipub. præfuere si Anna- lium constat fides. Nam Anno 1479. Scabinus fuit Petrus Bal- ling & postea consul; & post eum Iacobus Baudini, ambo medicinæ doctores. Anno 1531 Mag. Hendricus Arnoldi Phy- sicus professione, medicinæ do- ctor civitatis & pariter Xeno-

dochii publicus, cujus salarium exile admodum cæterisque ejus- dem professionis viris toga fuit 1x. florenorum, præter immuni- tatem à vectigalibus eo tempo- re. Non plures in tabulis pu- blicis Medicinæ doctores qui in ordinem amplissimum electi ad gubernacula reipublic. sederunt; nisi quod posteriori ævo Nico- laus de Febyre Medicinæ Doctor, cum omnes dignitatis gradus obisset, tandem ad consulatum evectus in Ordinum collegio tri- ennio vixit. Doctores Medicinæ ab omni hominum memoria fuisse, & semper quamdiu ali- quam reipub. habuimus, non est dubium, quia Medicorum ope carere non potest humana indigentia & imbecillitas, quæ morbis obnoxia Medicorum o- pem salutarem implorat, & ado- rat tanquam Deos sospitatores & malorum averruncos. Qui felices in praxi medica fuerint, ab aliquot retro annis, præter eos quos nominavi, non ausim dice- re. Itaque qui nostra & parentum memoria vixerunt, eorum dun- taxat nomina recensere est ani- mus. Doctorem quandam fuisse, cui nomen Cornelius Gallius, à parentibus accepimus. insignem practicum. Et post eum Hadria- num Iunium, omnium Medico- rum coryphæum, qui omnigenæ eruditionis

*Medi-
corum.
classis.*

eruditionis apicem, & sæculi miraculum, ex Gulielmo Bollio, qui Regulariū Prior fuerat, quique cum eo conjunctissime vixerat, intellexi, plura de eo dicturus sequenti Classe. Post eum Ioh. Davius fuit, alter Aesculapius, qui eo tempore parem non habuit in arte Medica, à Magnatibus sæpe vocatus extra urbem: ille observationes Medicas, quas in volumina aliquot congesserat ex assidua praxi, Doctoribus junioribus amicis suis reliquit ad ægtorum solatia. Circa ea tempora Adrianus Teilingius, qui in Italia peregrinatus fuerat, Harlemi etiam Medicinam exercuit, qui propter artis medicæ peritiā sæpe in Frisiam vocatus à Comite Ernesto. *De morbis mulierum scripsit*, sed non exstant. Augustinus quoq; Teilingius patruelis ejus, qui pharmacopœus fuerat, medicinæ minime rudis, quam exercuit etiam non infelicitè. Commendatio D. Doctoris Duvii Georgium vander Plas, juvenem adhuc, ex Italiam tum primum reducem, promovit: Unde illi praxis ampla, qui obiit in flore ætatis, plangentibus ægris, & valetudinariis. Martinus etiam Pelanius eodem tempore Doctor publ. civitatis, Paduæ promotus. Et cū eo Damius Mathias, qui Theologiæ destinatus

ad Medicinæ studium animū applicarat, Cadomi promotus: postea cū gradū in medicina haberet, in Polonia peregrinatus dicitur, multarū linguarum peritus. in comitatu legati cujusdā regii, Constantinopolim delatus, Turcarum imperatorem salutavit tunica aurata insignitus, more solenni: reversus in patriam medicinæ se totum dedit; qui studio medendi, ut ægris subveniret, peste sublatus caelebs adhuc, An. 1636. Hoc tempore Ioh. Deswati in artis Medicæ specimina majora indies dedit, & fidem meruit apud cives suos, primarius jam civitatis Doctor, qui in mathematicis, physicis, opticis, atque adeo in omni philosophia macula versatissimus: scripsit *moralia* accurate admodum, stylo non vulgari: Multa adhuc habet in scriniis scripta erudita, quæ lucem merentur, indigesta. In ordine medentium non postremus. Gulielmus Brouwerius, qui Bononiæ promotus, in magna expectatione apud suos fuit, quam & fovit usq; in hunc diem, summus practicus. Contra Cornel. Westerloo in medicina Theorica voluptatem magis cepit, vir subacti judicii, gravis politicus, & poëta non infelix. Et qui patria pulsus temporū injuria Doctor Carolus, medicinam hic

exercuit bene lucrosam, ut qui officinam habuit pharmacopœi. is in vigore ætatis adhuc cholica passione extinctus dicitur. Qui que plures alii, (longum esset recensere omnium nomina, & dona therapeutica) quales Ioh. Episcopus, Simon Rodentius, Hieronymus de Clerck, Hendricus Braver, qui præmatura morte extinctus mærentibus civibus. Proxime ad hos accedunt medici aliquot novitii; in hoc ordine ordinem ducit D. doctor Santius, philosophus & physicus non vulgaris; item Philippus de Glarges Syndici filius, Doctor Werckhorstius, archiatri Werckhorstii filius, qui Leidæ praxin exercuit satis felicem à multis retro annis. Item D. Iacobus Akerflood minime ambitiosus, tum Mahu le Fevre consulis filius Xenodochii doctor: tum doctor à Veen, Gualtherus à Leent: adhæc D. Gulielmus à Tefelen, Dionysius Bellens, & si qui sunt præterea, quorum nomina innotescunt indies magis crecēte praxi. Discreti à medentium ordine Chirurghi, qui manu industrii, curant ulcera, vulnera, & necessitate id exigente, urunt, secant ex præscripto medicorum. Inter hos celebres maxime nostra & parentum memoria, M. Lambertus, qui tum temporis

Chirur-
gi.

coryphæus in arte chirurgica, & post eum M. Iohannes Damius, qui relicta & posthabita chirurgia ad politiam se vertit, ad Scabinatum, & tandem ad consulatum evectus. Hos proxime sequitur qui adhuc in vivis in arte chirurgica excelluit, & quæstum fecit, jam emeritus sibi vivit, M. Gulielmus Brouwer. Ante eum fuere M. Volcardus Doctoris Pelanii pater, & M. Gerrebianus chirurgus olim civitatis, & M. Gerardus Schoneus: item M. Ioh. Wat, natione Germanus, qui castra aliquandiu secutus faucios ligabat, & postea Harlemi praxin exercuit cum laude. Nec cuiquam cessit M. Florentius ab Adrichem. Nec silentio prætereundi illi, quos commendat canities venerabilis propter experientiam quam habet, nimirum M. Gellinchuyfen, qui Xenodochii chirurgus nō ē multis, & M. Cornelius Cooper, qui hoc peculiare habet, quod, præterquam quod in arte chirurgica certare cum optimis possit, *multorum providus urbes Et mores hominum inspexit*, & præcipuas orbis habitabilis partes lustravit. Nam Genuam primum Ligurum caput delatus Liburniam petiit, & mare Adriaticum emens Venetos adiit. Alexandrettam etiam vidit, Alepum vidit: in mari Adria-

Adriatico Cyprum & Rhodum. Postea terra jactatus & alto, in manus Turcarum incidit; captivus Antiochiam delatus, & ibi aliquandiu commoratus, Proregi in Alger, propter artis Chirurgicæ peritiam charus fuit, acceptulque & in honore habitus inter barbaros; ibidem chirurgi classis, cui Wynandus præerat. Tandem manumissus, tres Belgas Christi nomen profitentes, libertate donatos in gratiam ejus, reduxit in patriam sospites. Verum illud memorabile inprimis, quod jam dictus Cornelius, Antiochiæ cum esset, in hominem barbarū inciderit natione Tartarum, cui nomen Carbadam, qui præsens remedium eum docuit, quo mulieribus parturientibus sæpe in hac urbe miraculosam opem tulit. Inter posterioris ævi chirurgos maxime celebres Cornelius van Suchten, qui hernia laborantes feliciter curat, cætera non indoctus; *M.* Casparus de Busscher, tam felix Musicus, quam practicus; & qui nemini horum cedunt *M.* Martinus Everdiick, & *M.* Jacobus vir industrius & ambidexter, qualis etiam *M.* Ioh. Eritsom. Mitto *M.* Timannum & fratrem ejus & alios complures artis chirurgicæ minime rudes, de quibus jã plura dicere super sedeo.

Una adhuc Classis superest, *Philologorum* quam philologis destinavi, quæ *gi.* late patet, & in cohortem admittit philosophos, mathematicos, Astronomos, Geographos, historicos, Oratores & Poetas: item Arithmeticos, Musicos, atque adeo omnes qui artes liberales profitentur; omnes denique qui politioris literaturæ studiosi, numero pæne infiniti, pauci celebres. Inter hos ordinem ducit *D.* Adrianus Iunius, patria quidem Hornanus, sed Harlemi altus & educatus, à teneris unguiculis optimis literis institutus. Celebriores vix Batavia habuit, quam Erasmmum Rotterod. & Hadrianum Iunium, sed Harlemū patria altera illi fuit, quam juventutis suæ nutricem habuit, ubi parentes mentium præceptores habuit Zenonem Epicureorū coryphæum à Philone Atheniensi appellari solitum, ut refert Cic. Ego omnis eruditionis & politioris literaturæ coryphæum Iunium nostrum non verear dicere, de quo Theodorus Velius popularis eius medicinæ Doctor ita testatur. lib. iv. Chronicorum suorum. Natus (inquit) Hornæ Hadrianus Iunius, An. 1512. primo Jul. qui à teneris studiis literariis innutritus, Harlemi primum, ubi Schola celebris erat & bene constituta, in qua

cunx

cum operam litteris daret , propter ingenii acumen & sagacitatem in respondendo , tenella ista ætate , lumē Scholæ audiebat , & juventutis Harlemianæ Phoenix dicebatur. Exinde studiorum severiorum causa Lovanium missus , ubi brevissimo temporis spatio , tantum profecit , ut Lovanienſibus pro naturæ miraculo haberetur. Vnde Harlemei nominis ejus fama permoti Harlemum vocarunt , & ampliss. conditionibus vocatum Scholæ suæ præfecere , in qua litteras latiales & Græcas professus dicitur. De eodem Gualtherus Gouthovius refert , eum magnatum & potentiorum civium filios , litteras tam latinas quam Græcas docuisse , pertæsum fortasse pulveris scholastici. Verum ante obsidionis tempora refert eum Delphos commigrasse , capta subactaque Harlemo , magnam bibliothecæ suæ (quam instructissimam habebat) jacturam passum , militum ferocia. Inter alias suas lubricationes non sine dolore animi amisit, Commentaria in Plinium , Flaccum , aliosque complures authores veterum classicos. Exinde profectus in Zelandiam appulit , fatalem sibi : nam ibi non ita multo post Arnydæ obiit , & sepultus est, Anno vitæ suæ climacterico, qui

fuit Annus 1575. De eodem pergit narrare Theod. Velius : Hadrianus Iunius Hornanus Medicus, Historicus, Poëta, & Polyhistor incomparabilis , alterum ab Erasmo Hollandiæ lumen. Vir in quo omnia excellabant , Medicinæ, Historiæ, Antiquitatis peritia , ingenium ad Poësin factum : Linguas præter vernaculam , septem tenuit, Græcam, Latinam , Gallicam, Italianam , Hispanicam , Germanicam & Anglicam.

Scriptit varia , ut ingenii erat varii & magni. *Philippidem scripsit, sive Carmen Heroicum in nuptias Philippi II. primi Hispan. ac Mariæ reginæ Angliæ, Londini. An. 1554. De anno & mensibus commentarium. Item Fastorum librum, sive in præpo- λόγιον. Basil. Anno 1556. Item De fingo Phalli, in fabuletis Hollandiæ nascente. Delph. Anno 1564. Nomenclatorem, typis Plantini. Animadversionum lib. vj. De Coma commentarium. Stromatum opus eximium. Emblematum & Aenigmatum libellum, typis Plantin. Adagiorum post Erasmus Centurias viii. Epistolarum volumen ingens. Anastausium Christi. Item Battaviam, factum posthumum. Poemata sacra & profana posthuma, quoque apud Plāt. Anno 1599. Cornu-Copæ sive Eustathii in Homerum compendium. Scholia in L. Annaei Senecæ ludum Claudii*

Claudii Caesaris : Observationes breviores aliquot in Plauti Comædiis. Symposiaca Plutarchi Latina fecit ; cum scholiis brevibus. Cassii Sophistæ Problemata cum Latina interpretat. & Græci exemplaris castigationibus. Hesychium Milesium de claris Philosophis, cum versione Latina & Notis; Eunapium de Vitis Sophistarum cum Latina interpretatione; Nonium Marcellum, & Fulgentium Placiadem de prisco sermone, ope veterum Codicum restituit: Apud Plant. Anno 1565. Lexicon græco-latinum, multis vocibus locupletavit, Basil. 1548. Joh. Ravisii Textoris Epithetorum Epitomen recognovit auxitque.

Mortuo Epitaphium hoc illi à filio positum.

HADRIANO IUNIO Hornano, Philosopho, Medico & poëtæ celeberrimo, Bataviæ historico fidelissimo, cujus in omni disciplinarum genere, exquisita eruditio, singularis industria, infinitæ lectionis præstàtia, multiplex linguarum scientia, pari conjuncta comitate, Doctorem omnium admirationē, laudemque meruit, post varia incompatibilis ingenii monumenta, quibus æternam sibi memoriam comparavit, sub hoc marmore condito Patri optime de me merito, Petrus Iunius mestissimus, pietatis ergo P.C. Vixit annis LXXII. obiit 16. mensis sibi cognominis.

Anno Salutis 1575.

Verlus in Effigiem Had. Iunii.
Hoc decus Harleml latitat? Celestibus ire

Tantæ? qui dignus luce atioque loco est?

Sed ridet fumos, solida virtute superstes;

Historiis patriæ nome supremus erit?

Proximus & ordine & merito popularis meus P. Scriverius, de historia Bataviæ nostræ optime meritis, atque adeo de omni politiore litteratura, Ordinum historiographus. Qualis ille sit, scripta indicant: de quo Ampsing. noster.

P. SCRIVERIUS natus Harleml Anno 1576, prima studiorum tirocinia Harleml fecit præeunte Cornelio Schonæo celebri Comico. Iuri civili Lugdun. Batavor. operam daturò amœniores Musæ prævalere. A foro itaque alienus, privatus & lare secreto degit, vir doctorum & bonorum amicitia dignus: Historiographus, philologus & poëta insignis.

Edidit *Vegetium, Iul. Frontinum*, & alios de re militari auctores, è M. S. Codicibus emendatiores, Lugdun. Batavor. Anno 1670. *Aquilii Gelriæ Chronicon cum observationibus Anno 1609. Veterem Bataviam cum comitibus,*

Armenie, an. 1616. *Animadversiones in Martialem*, Lugduni Batavor. an. 1619. & eundē secundo recēluit, ibid. 1621. *In Senecam philosophum Notarum Spicilegium*. Ibid. 1619. *Collectanea Vet. Tragic. cum Seneca trag. cum notis*. Ibid. 1620. *L. Apuleium serio castigavit semel iterumque editum Lugdun. Amst.* 1622. 1624. *Edidit III. Singularibus lib. Iob. Secundi, Iani Douze & Ios. Scaligeri poemata. Ejusdem Scaligeri anthologiam Epigr. Græcor. ex Martiale. Aliaque vulgavit dissimulato auctore. Adornat Miscell. philologica. & novam edit. Mart. sui & Senec. trag. Item rerum Hollandicar. Scriptores Vet. cum Notis. Annales Holland. Vberiores, & scorsim patrie sue description. Ultrajecti, Holland. Zeelandique Diplomata vetustiora. Item Hedam, Brecanumque correctiones, aliaque. Poëmata ejus varia sparsa digna erant, que in unum fascem colligerentur, iunctimque ederentur.*

In effigiem P. Scriverii.

Hos vultus gerit in vili Scriverius ere,

Signaque dat genii sed minus apta sui.

N' l' tabula est. frustra tabulis concluditaristis,

Quem minus angusto limite mundus habet C. Barl.

IOHANNEM PONTANUM in familiam Eruditorum Harlem. Ampfingius refert, & recitat,

quod patrem habuit Harlemi natum, his fere verbis: Ioh. : Isacius Pontanus ita dictus, quod in Ponto Danico sive de Sont sit natus patre Harlemensi, Reipub. Batavica nomine in illas oras Ord. Legato. Vir doctiss. & clariss. qui varia regna ac loca, Germaniam, Galliam, Italiamque, (reportato inde Doct. medici titulo) doctorumque inibi bibliothecas diligentissime perlustravit, & Lugduni Batavorum aliquandiu sublitens, Lipsii ibidem auditor fuit; postea eandem Musarum sedem repetens, edidit typis Rapheleng. *Macrobium auctiorem*. Postea à Geldria Ordinibus vocatus ad illustre Gymnasium Hardrovicenum illustandum, Physices & Mathematicat. professor: Conscripsit ibid. *Itinerarium Gallie Narbonensis, adjecto Glossario prisco Gallico, seu dissertatione, de veteri Gallorum lingua, apud Commelinum Anno 1606. Rerum & urbis Amsterodamensium historiam lib. III. Anno 1611. Originum quoque Francicarum, Hardrovici Anno 1616. Vulgavit quoque disceptationes Chorographicas de Rheno ostiis, adversus Philippum Claverium, Amsterodami Anno 1614. Item disceptationum Chronographicarum novam Syllogen, adversus eundem. Hardrovici. 1617.*

Notas ad M. Ann. Senecæ contra-
versas,

versus, ad P. Scriverium Lugd. Notas in Tragedias L. Am. Seneca & aliorum, ad eundem. Notas in veterum historic. Latin. fragmenta, apud Commel. 1622. Notæ in Apul. P. Scriverii exstāt hactenus ineditæ apud eund. Degit adhuc Hardrovici, totus in scribendis Annalibus Geldriæ atque edendis rerum Danic. monumentis, utpote historiog. Regius.

Nec silentio prætermittendus GEORG. BENEDICTUS à WERTELOS Poëta elegantiss. ac juxta felicissimus. Poëmata edidit *de rebus gestis illustriss. Principis Gulielmi Comitis Nassovii lib. II. Epigrammata item, & Epitaphia, Lugd. Batavor. Anno 1586.* Superfunt multa ejus poemata inedita, apud clarissimum virū P. Scriverium, quæ accepit Heidelbergæ. Obiit Anno 1589. ætat. 25.

De historia nostri temporis, meo quidem judicio, nemo melius meritis quam PET. BORRIUS Ultrajectenſis: descripsit enim & divulgavit originē, causas & continuationem Belli Belgici usque ad annum 1590: & sequentes multis operosis voluminibus prosecutus est. Eandem materiam cantilenis quibusdam numerosis, ad æternam rei memoriam complexus est usque ad annum 1574. Adhæc *continuationem Chronicorum Carrionis*, sub Rudolpho II. & Matthia Impera-

toribus aucta edidit. Et quasi otio adhuc abundasset, Tragicomedias in prosa, alteram de Apollonio Tyri principe, alteram de eodem & Tarsia, filia ejus. Sic Harlemi annos aliquot habitavit, ibique mortuus est, & sepultus. In hanc Classē veniunt quoque qui litteras publice professi Rectores, indulgentia Alberti Ducis Austriæ à Magistratu admissi, quibus id jus datū circa ann. 1389, quorum nomina vetustatis ærugine obducta in occulto latent. Antiquiss. illi, Lambertus Roseveldius & magister Iacobus Meysterus, quorum mentionem feci. Qui parentum & nostra memoria vixere, celebres illi & eruditione clari. Primus mihi in hoc ordine sese obtulit *Helicon Schagen*: qui præfecturam Scholæ ambiit atque exambiit, qui rem litterariam restituit collapsam, & juventutem moratam habuit, & sapere magis docuit veterum disciplina, Anno 1519.

Hunc secutus magister *Gualtherus Hendrici*, qui linguam Græcam & Hebræam, publice in Schola professus est: cui salarium destinatum annum xxiv Librarum Flandricarum, Anno 1527. Cui successit *Doccomius Frisius*, qui educandis erudiendisque pueris apprime idoneus, quod de Dio-

gene refert Erato Lampfacenus. Eum Hadr. Iunii viri incomparabilis Præceptorem fuisse ex temporum circumstantiis colligo. Et post eum *Iacobus Iperius*, qui dicere non tantum sed facere etiam suos docuit, Phœnicis Homericis exemplo, tamen invidiæ obnoxius. Episcopo suspectus, cum novæ inquisitionis consilia invalescere primum cepere. Eum ni fallor secutus *Cornel. Duyck*, qui in Ordine ampliss. locum tum temporis habuit. De eo Senat. C. An. 1768, petente id Episcopo. Et, Schola removendum & alium in locum eius surrogandum, quia in Senatu Augusto veniam à Ferdinando petendam consenserat, dissentientibus plerisque, Senatu remotus & exauctoratus. In locum ejus surrogatus *Cornelius Hagius*, qui à gravitate dicendi, Olympius appellari meruit. Is quoque quoniam ea tēpora scabrosa erant & periculi plena, in hæresios suspensionem venit, & eo nomine male audivit. mors prævenit antequam in iudicium Ecclesiasticum vocaretur, obiit duabus ante septimanis, quam capta patria est. ita non Episcopum in Ecclesia, sed Iudicem in cælesti Curia habuit Deum. Eo ipso tempore *Cornelius Schonæus*, qui proximus ab Hagio collega, Rector creatur medio in armo-

rum strepitu, dissipato discipulorum grege, quos cessante paulatim militum insolentia, receptui canere iussus, erroneos militari more collegit. Is provinciam oppido laboriosam magno animo suscepit, & Scholæ Harlemianæ præfuit citra invidiam annos xxxvi. cultor ingeniorum admirandus, Præceptor meus, cujus memoriam nunquam nisi cum vita deponam. Cornelius Schonæus, patria Goudanus, vir apprimè doctus, nobilissimus Comicus, Terentii imitator, qui ex eo Terentii Christiani nomen meruit: Poëta non infelix; Comœdias scripsit argumēto-sacras, etiam ludicras, & varia poemata erudita. Item Rudimenta Græmatices stilo Valeriano ex decreto illustr. Ordin. Hollandiæ edidit, sed non recepta ob omnibus. Successit Schonæo etiam ante mortem *Theodorus Schrevelius*: nam ingravescēte ætate, fatiscētibz viribus Schonæi, cum aliquot annis vicariam operam optimo seni præstitisset; Coss. tandem commiseratione ducti emaciatum Senem, multorum annorum Rectorem rude donandum, & quasi in Prytaneo alendam censuere, relicto ei salario integro, atque emolumentis omnibus, eūque in locum ejus surrogandum censuit ordo ampliss. Ita vivo adhuc

adhuc & superstitie Schonæo , habita primum oratione, solenni ritu Rector creatus, qui Scholam florentem habuit in exemplum, ex qua ut ex equo Trojano principes Græciæ, ita ex ludo ejus litterario utiles patriæ & Ecclesiæ cives prodire.

Schonæus obiit Anno 1611. Novembr. 23. Ætat. 61. cujus Manes veneratus Theod. Schrevelius hoc Epiraphio.

Rector juvenis Musici Ductor gregis,
Schonæus, egi fabulam scilam prius,
Veram peregi: summus hic actus mihi,
Scenam relinquo, vos valete & plaudite.

Schrevelius qualis fuerit scripta loquuntur, daturus alia atque alia si volet Deus. Ac primum quidem lusit juvenili ætate *Trophaeum Pelusiacum in expeditionem Harlemensium in Aegyptum*: Item de *Patientia lib. 1v. Lugdun Batavor.* Anno 1623. Item *Diatribas Scholasticas, sive Orationes*, continentes potissimum ea quæ ad laudem & commendationem Scholarum spectant, tum quæ ad *Orationes* & oeconomiam earumque faciunt. *Orationes de Calumnia tres.* *Orationem item apologeticam & alteram de Cameracensi, cum provinciam Scholasticam deponeret jam emeritus, aliasque diversi argumenti.* Item *Orationum selectarum seu ræyngæ*, quarum argumenta petita pleraque ex sa-

cris, quædam ex Ethicis & Philosophia morali, nonnullæ etiam ex poetiis omnes fere publice habitæ.

Pœmata etiam varia, Iambos morales quæ exstant Hierosticha, & hymni sacri, psalmi penitentiales, Epicedia, natalitia. Hymen seu epithalamia diversorum. Elegiarum Lib. unum, Epigrammata varia.

Multorum annorum Rector Schrevelius, stationem relinquere jussus, Lugdunum cum se contulisset ad nova studiorum commercia, propter filios, Rector Lugd. creatus, vocatus ad Scholæ Lugdunensis regimen, favente Deo. *Iohannes Middelbovius*, propterea quod Scholam paganam haberet, idoneus judicatus à Magistratu, inconsulto syndrio quem scholæ suæ præficerent: ille Pastoris personam deposuit, Rectoris assumpsit, ille Theologus non indoctus, in literis nihil egit quod memoria dignum, Scholæ præfuit septennio. Verum is cum male audiret, exauctoratus, nec ita multo post surrogatus in locum ejus *Gul. Nyenhuisius*, qui boni ominis causa orationem inauguralem habuit, quæ edidit, Medicinæ non rudis, & Græcæ linguæ ita peritus, ut profiteri eam in Academia cum laude potuisset. Facit ad existimationem ejus, quod

inter N. Testamenti interpretes unus fuit. Nec diu vixit, in flore ætatis discessit, Harlemi elatus, Enchuyfæ sepultus. Postremus ordine, sed non virtute, D. *Iustus Duyft*, qui annis aliquot Conrektoratu functus cum laude, dignus habitus qui ad altiora promoveretur: Rector tandem creatus, & adlectus in ordinem ampliff. qui eruditionis suæ specimina antehac dedit, & daturum insuper confido, digna vocatione ejus. Sed postea ad majora vocatus provinciam scholasticam deposuit, rebus maritimis

præfectus. Duystio successit collega proximus, Urfinus, litterarum coryphæus, magister artium non è multis. Atque hi fere sunt quos Harlemum habuit & habet adhuc hodie complures eruditione insignes, in omni scientia & facultate exercitatos, artium peritos, & humaniorum litterarum cultores perpetuos. Inter hos non postremus Simon Ioh. à Tetrode, vir industrius & poëta non infelix, cōdiscipulus olim meus, chartæ Pergamenæ factor & mercator.

TYPOGRAPHIÆ

Inventum.

IN cohortem eruditorum dignus qui recipiatur inprimis

LAURENTIUS COSTERUS, qui artis typographicæ inventor ingeniosus & pæne divinus, de quo hæc fere traduntur. Typographiam Harlemi inventam nemo nostratum dubitavit, quamvis nonnulli contendant hanc artem Maguntie inventam, quæ veteris Germaniæ primaria Civitas, Episcopatus titulo insignita. Tralatitiam fuisse artem typographicam in Germaniam & irreptitiam concedimus, Harlemi inventam asseveramus, cū Scri-

verio populari meo, contra Moguntiacos Zoilos:

Vana, quid archetypos, & præla Moguntia iactas:

Harlemi archetypos, prælaque nata scias.

Exstruit hic (monstrante Deo) Laurentius artem.

Dissimulare virum hunc, dissimulare Deum est.

Quotquot enim cives Harlemi nati & educati, fide omnes digni hoc quasi per manus traditum à parentibus accepisse; ante annos ccviii, civē non è multis Harlemi fuisse, qui in ædibus satis

fatis splendidis foroque imminentibus è regione Palatii regalis habitabat: Ei nomen fuit *Laurentius Iob*. Sacristeyn, quod ædium significat, nomen familiæ, munus enim hæreditarium fuit in ista stirpe: ita ut hic honos ipsi soli debeatur multis invidendus. Is autem id pro more habebat, exspatiare in suburbano nemore, in silvis obambulare, & cum forte meditabundus in amœnis viretis confedisset, temporis fallendi causa, venit in mentem in fagino cortice, litterarum typos formare, dein nomen incidere, quod impressit dorso manus, relietis totidem in cute litteris: mox versiculum unum atque alterum animi gratia ducere, & recta linea litteras; quas atramento imbuebat novus artifex & puræ chartæ imprimebat. Hoc primum fuit artis maximæ rudimentum, quod ubi feliciter successit, cepit animo altiora concipere. Primū omnium atramenti scriptorii genus glutinosius, tenaciusque excogitavit. placuit inventum. adhibito tandem in consilium & partem curæ genero suo Thoma Petri. qui filios reliquit i. v. qui omnes successive Coss. & consulares fuere, ne quis existimet è fece vulgi fuisse homines, qui tam præclaram artem invenerint, Dei in-

ventum. Inde totos pinacas characteribus expresserunt, sed ab una tantum parte. Exstant hodieque ejus operis adversaria paginis tantum adversis impressa, quæ paginæ glutine commissæ inter se cohærent, ut videantur esse opistographæ. Ex hoc typographico liber prodit, qui lingua vernacula scriptus *Speculum salutis* inscribitur. Hæc prima quasi infantia artis hujus, quæ paulatim incrementa cepit. Nam auctor alta mente præditus, bacillos buxeos protinus mutavit, & characteres plumbeos fecit, mox è stâno fusiles litteras formavit, magis concinnas, & durabiles magis, quas Gerardus Thomæ diligenter asservavit ad fidem posteritatis. Cumque jam progressus facerent indies majores, etiam rem facerent ex arte, & ex voto inchoata succederent, quæstum etiam facerent, Author non fuit par labori typographico. Ita necesse habuit mercenariorū opera uti, quos non admisit in officinam suam, nisi dato primum fidelitatis juramento, ne secreta artis typographicæ eliminarent, aut alios docerent quovis modo. Non obstante eo, *Iobannes* quidam, sive ut fert suspicio *Fauustus*, hero suo infidus, à quo artem omnem fuerat edoctus, ipso pervigilio natalis Dominici, omne typorum

typorum choragium involavit, asportavitque primum Amstelodamum, inde Coloniam Agrippinam, denique Moguntiacum: Vbi hic trifurcifer & lesquilaverno, sibi inventionis novæ laudem arrogans, intra vertentis anni spatium ad annum à nato Christo M. cccc. xlii. iis ipsis quos hero fuerat suffuratus litteris in lucem edidit, *Alexandri doctinale cum Pet. Hispani tractatus*. Hinc rumor vulgo Moguntiaæ artem typographicam inventam in præjudicium Lauræii Costeri. Concedere hoc possumus artem typographicam & exultram in Germania fuisse, sed inventam Harlemi. Nihil obstat, quod Polydorus Virgilius lib. de rerum inventione, hanc laudem tribuit Ioh. Guttenbergio nobili Germano. Nec mirum. nam cum filii & hæredes Laurentii sese fraudatos eo honore sentirent, dolerent etiam, statim apud eos amor & studium propagandæ & excolendæ artis refrixit, nec cura illis in posterum fuit typographiæ propagandæ & instaurandæ: cum alii jam essent qui artem illam in honore habuerunt. Nam anno 1458. Conradus Germanus artem illam Romæ exercere cæpit. Verum post illum Nicolaus Iohan. Gallus, magnopere exornavit atque

emendavit. Sed supra omnes Aldus Manutius Romanus, Græcæ & Latinæ linguæ bene peritus, hanc artem perfecit magna diligentia & labore, nec sumptibus pepercit, aliis in exemplum, atque adeo laudem quæsit ex accurata editione, ut Aldianæ editiones correctissimæ & maxime expetitæ fuerint. Primus ille, qui prælum instituit Græco charactere. Eius rei qua jam probavimus artem Typographicam Harlemi inventam, existat inscriptio in frontispicio domus.

MEMORIÆ SACRUM.

TYPOGRAPHIA

Arts artium, omnium Scientiarum conservatrix, hic primum inventa Anno M. cccc. xl.

Post eruditorum Classēs merito ponendos censeo viros arte insignes; magnam enim affinitatem inter Picturam & Poeticam esse, dixit olim Simonides, qui Picturam tacitam Poësin, Poësin autem picturam loquentem nuncupavit. In eam sententiam locutus Horatius videtur, *Ut pictura Poësis erit, &c.* Utraque enim facultas commune aliquid habet. Nam sicuti Poetis potestas data, quidlibet fingendi & audendi, ita & Pictoribus par licentia. Rursum ut quædam Picturæ videri

*Arte
insignes
Pictores.*

deri cominus volunt, quædam
 eminus; aliæ in opaco, aliæ pro-
 patulo & sub luce videri amant:
 Ita poema aliud obiter & perfun-
 ctorie, aliud accurate legi am-
 bit, *Judicis argutum quod non for-
 midat acumen.* Eorum autem qui
 arte insignes, non unum genus:
 In primis Picturæ honos anti-
 quus. Sicyone primum, deinde
 & in tota Græcia mos ille obti-
 nuit, ut pueri ingenui ante om-
 nia diagraphicon, hoc est, pi-
 cturam in buxo docerentur: Si-
 cut *Romani pueri longis rationibus
 assensum discabant in centum partes de-
 ducere.* Ea etiam ejus artis digni-
 tas, ut in artium liberalium con-
 tubernia recepta jam olim fuerit,
 Semper quidem honos ei fuit
 ut ingenui eam exercerent,
 mox ut honesti, perpetuo edicto
 ne servitia docerentur. Ex arte
 ea, traxere Pictorum cognomi-
 na Fabii clarissimæ gentis. De
 Q. Fabio accepimus, qui nepos
 Qu. Fabii consularis, triumphali-
 lisque, cum natura mutus esset,
 eum Messala orator picturam
 docendum censuit, quod & D.
 Augustum approbasse testantur
 historiæ. Pictoribus igitur pro-
 ximum ab Eruditis locum dari
 nemo artificum invidet. Pictor-
 es autem eos dico qui colorum
 pigmentis spirare imagines faci-
 ciunt, & artificioso penicillo

(prout lubitum sive hominem
 ponere, sive Deum) ad vivum
 exprimunt. Quique Terrarum
 situs, fluviorum vortices, Mon-
 tium & silvarum saltus, æstum
 maris reciprocum; Monstra ma-
 ris Scyllam & Charybdim. Ad-
 hæc Dryades, Hamadryades, Or-
 phea in sylvis, in montibus O-
 reades, Naiades, Napeas & ma-
 ris algosi Nymphas Nereides:
 Qui portentosa etiam monstra
 fingunt: pingunt etiam trifor-
 mam Chimæram, Cerberum
 tricipitem, Hydram Lernæam, &
 plura id genus cerebri sui com-
 menta tabulis mandant audaci
 penicillo. Ars ista tam late pa-
 tet, quam rerum universitas oc-
 culis aspectabilis. A pictura seu
 Graphice excludi non potest Pla-
 stice, quam artis statuariæ, scul-
 pturæ, celaturæ matrem dixit
 Plinius. Et ut olim apud Græ-
 cos Sicionia, apud Italos Flo-
 rentia Pictoribus, & artificibus
 non è multis: Ita Harlemia urbs
 apud Batavos antiqua, picturis
 oleaginis cujuscemodi generis ita
 inclaruit, ut ea quasi nutritrix
 excellentium in quavis arte inge-
 niorum. Et pervulgatum adhuc
 hodie, optimos quosque picto-
 res à multis retro sæculis hinc nu-
 tritos, ut Harlemum Pictorum
 Academia habita semper fuerit.
 Indicant illud tot præclara in

arte ingenia , eorum qui Harlemi nati atque educati sunt. Inter quos ab antiquitate maxime commendabilis *Iob. ab Hemsfen* Harlemius , qui pro more habebat magis imitari antiquos quàm modernos ut vocant *Pictores* : Maiori statura imagines & satis curiosas. Is tabulam pinxit , in qua Christus medius inter Apostolos. Hierosolymam versus , quæ prospectu remotior : Ea adhuc existat Middelburgi , in ædibus Corn. Monixii , qui artis graphicæ summus æstimator. Circa ea tempora , celebris pictor *Iob. Mandin* fuit , qui ad imitationem Hieron. Bosch pro more habebat , Lamias , Striges volatiles , Lemures nocturnos , & Dæmonum monstrosas facies pingere ingenioso penicillo , & plane poetico : Is Antwerpiae , tanto in honore fuit propter artem , ut pub. salario à Civitate donatus fuerit , magno nominis tui honestamento : obiit Antverpiæ. *Albertus* cognomento *Veternaquianus* , quando vixerit , in ambiguo est : Eum Ioan. ab Eyck coætaneum fuisse quidam colligunt ex temporum circumstantiis . Hoc constat , eum antecessisse Gerardum Iohannitam , qui discipulus ejus fuerat non è multis. Hoc certum atque indubitatum est , Albertum , quem jam dixi , Har-

lemi pictorem fuisse olearium , qui pigmentis ex mixtura olei temperatis utebatur , nec aliis , existit olim in templo augusto magni pretii tabula in altari Romano , à parte Australi , quam extruendam illi dederat qui peregrinationis vota fecissent ad visendas S. Bavonis reliquias , qui Roma venerant. Duas imagines ad vivum exprefferat , alteram D. Petri , & D. Pauli alteram. Ad pedem altaris Terrarum situs , nemora & saltus , viarum divortia gratiose pinxerat : in via varios viatores , quosdam ambulantes , quosdam discumbentes , & ad quietem compositos , cibo se reficientes & vino , astante lagena. Excellebat in oris lineamentis , manibus , pedibus ad vivum exprimendis , in torosis itè linteis variante sinuamine. Pinxit quoque effigiem resuscitati à morte Lazari , quæ capta urbe subdole non soluto pretio in Hispaniam translata : Eam tanta admiratione Heemskerckius contemplatus dicitur , ut contemplatione tam divini operis , satiari se non potuerit , & quasi mentis stupore alienatus , dixerit , Credo ejusmodi Artifices , cœlesti nectare & ambrosia pastos , qui suggerente Genio suo , tã divinas imaginationes animo conciperent. Alberti Veteraqui-

natis

natis *Gerardus Iohannita* discipulus, magistri æmulus, qui artem ita illustravit, ut Alberto Magistro suo non cesserit, atque adeo in multis eum antevertit, partim ingenii solertia, partim in artificiosa dispositione, in imaginum vivacitate, in affectibus exprimendis, & servando decoro. Hic Gerard. Iohan. Harlemi vixit apud Iohannitas, inde nomen datum ei, quamvis in Ordinem Iohannitarum non admisus. Opera ejus plane stupenda, & plena devotionis. Inter alias Tabulam pinxit in ampliss. forma, in sublimi altari erectam, Christum in cruce distentum: Fores hinc inde peniles, utrimque intus & extra, pigmentis coloratæ. Eius operis pars potior, militari sacrilegio destructa. Tabula altera, in qua Christus in Cruce relaxatus revulsis clavis, sepulchro inferendus, astantibus quibusdam discipulis & Apostolis, sedente juxta Maria, in cuius vultu omnes doloris affectus expressebat. Eum ita admiratus Albertus Durerus, ut cum tabulam depictam ab eo videret, exclamaret alta voce, Me Hercule, hic Pictor in matris utero formatus, natus ad picturam. Inter Pictores satis celebris *Volcardus Nicolai* Harlemius, genio satis felici, & extemporaneus, cujus

adhuc hodie exstant opera Harlemi in Camera Scabinorū, quæ audaci penicillo colorata, magis accedunt ad Antiquos quam ad modernos pictores. homo non gravis ad juvanda vulgarium Pictorum studia, cum archetypos, characteres, Emblemata varia, historica varia, vili & exili pretio duceret, formaretque ad usum eorum qui vitra pingunt, *ὡς ἀνὰ γράφον*. *Theodorus Harlemius* magis admirandus rudi illo ævo, qui tam præclara edidit. Is qualem Magistrum artificem habuerit, non satis compertum. Certum est Harlemi eum vixisse in vico Crucis non procul ab Orphanotrophio. Qualis ille fuerit loquuntur opera ejus, in primis illa tabula quam à nativitate Christi Anno 1462. pinxerat ad artis regulam Lesbiam: in cuius medio Salvatoris vultum expressebat, relucente ex oculis divina majestate: Valvæ hinc inde; in quarum altera D. Pauli, in altera D. Petri effigies, ea figura quæ proxime ad vivam accederet, accurate depicta decoro capillitio, & barba crispa. Eum fuisse ante tempora Alberti. Dureri tabula indicat. Qui tam arte quam stirpe nobilis fuit. *Iob. Sinapius* Mostardt, à puero picturæ deditus, qui artis graphicæ rudimenta didicerat sub Iacobo Harlemæo,

qui pictor mediocris non contemnendus. Eum stirpe nobilem fuisse dixi, quod à majorum virtute, nomen referret hæreditario jure ab illo, qui in expeditione illa ad Nili ostia, Fredericum Imperatorem & Florentiū Hollandiæ Comitem in Aegyptum secutus ad Terram S., & capto subactoque Pelusio (Damiatam vocant) ab Imperatore virtutis ergo donatus trium capulorum insignibus, quæ revulsā à gladiis totidem in prælio, in campo rubro. Hic Ioh. Sinapius à Sinapi acrimonia nomen accepit, qui avitam illam nobilitatem, arte illustravit, & vita bene morata & plane aulica commendavit illum *pulchro veniens in corpore virtus*: oris facundia gratosus, liberalis in egenos, humanus omnibus & affabilis; Ita magnam nominis sui existimationem consecutus, apud Magnates inprimis: Ita ut Pictor adoptaretur ab heroina Margareta, sorore Ducis Philippi ejus, qui ejus nominis primus Hispaniarum rex. Ille qui aliquandiu in aula vixit, & gratosus apud omnes complura artis suæ monumenta reliquit, quæ cum antiquis certare possent. Magnates tam viros quam fœminas ad vivum depinxit, ut spirare viderentur imagines eorum. Exactis annis. xviii. Harlemum rediit

sedem quietis, ubi honorifice vixit. Frequentabant quotidie domum ejus aurei velleris equites & nobiles: inter alios Comes Burenfis familiaris fuit. Nusquam plura exstiterunt ejus opera uno in loco quam Harlemi, in ædibus nepotis ejus D. Nicolai Zuyckeri, qui Prætor Harlemi non ita pridem. Exstat adhuc in aula Principis primo in atrio, regio Sylvatica, in quā introduci-
tur Venator S. Hubertus venationis jam patronus; supplex Cer-
vo inter dumeta & sylvas; portati inter cornua crucis effigiem. Aliaq; plura dedit. Nam Amsterodami apud Iacobum Ravart S. Annæ genus: & apud Florentium Schooterbosch in suprema Curia Hollandiæ Senatorem, Tabula superstes adhuc, in qua Abraham, Sara, Agar & Ismael depicti. Et alibi alia atque alia, quæ non exstant, incendio consumpta. Subacti judicii homo fuit, & emunctæ naris, pictor insignis, testantibus hinc inde magnis authoribus, Magistro Heemskerckio, & Iohanne à Mabuse, quorum ille, qui rogatus, de arte ejus quid judicaret, respondit libera voce, absque ulla assentatione, eum omnes fere superioris ævi Pictores superare: Hunc ajunt operam ejus expetivisse, in perficiendo opere, quod

quod in Abbatia Middelburgen-
si inchoatum erat. Obiit in se-
nectute vegeta adhuc An. 1556.
Ioh. Schorelius quamvis Harlemi
non sit natus, sed in vico quo-
dam prope Alcmariam, à quo
nomen ei datum, tamen inter
nostratum pictores ponendum
eum censui, quod *Harlemum*
pictorum fecunda nutrix. Is cum
primum Alcmariæ, litterarum
initialium fundamentū jecisset,
& in latinitate progressus aliquos
jam fecisset, cepit ars graphice
illi allubescere, cujus tanto amo-
re tenebatur, ut quavis occasio-
ne, imaginibus imitandis vel ex-
primendis tanto studio incumbere-
ret, ut oblivisci artis ejus non po-
tuerit. Id cum observassent tu-
tores ejus & amici, (qui utroque
jam parente orbatus) ut genio
ejus facerent satis, Harlemū eum
translulerunt, & Gulielmi Cor-
nellii pictoris fidei commiserunt,
pacti de pretio in annos aliquot.
Verum juvante eum industria &
sollertia, ante tempus, rude do-
natus, privatim artem illustra-
vit, cum diebus festis plerum-
que, à meridie nemus suburbani
frequentaret, ubi arbusta, &
querceta pingebat silvarum ima-
gine, præter communem pin-
gentium modum. Ille inter pri-
mos fere ex nostratibus qui Ita-
liam inviserent, & artem graphi-

cam exoticis illustrarent: ob id à
Francisco Florentino aliisque no-
stratum pictoribus lucernā præ-
tulisse, & viam stravisse ad se-
creta artis primus in Belgio di-
ctus. Annos natus xxv, qui tunc
impatiens, Hierosolymam pete-
bat Terram sacram: Reverſus in
patriam, tabulā pinxit votivā,
in qua sui imaginem, cum aliis
Solymæ equitibus palmiferis vi-
vacoloris expressit, quæ exstat
adhuc in aula Principis. Schore-
lius quasi postliminio in patriam
reverſus, à Simone à Saen præ-
sulæ Iohannita, hospitio exce-
ptus, in cujus gratiam opera a-
liquot edidit intra privatos pa-
rietes. Ad hæc familiaris fuit &
gratus Belgii magnatibus, qui
eum crebro inviserent, & amici-
tiam ejus ambirent propter præ-
clara ingenii dona, quibus ex-
cellebat. Erat enim Musicus &
Poëta, peritus jaculandi, lingua-
rum etiam Latinæ, Italicæ, Gal-
licæ, Germanicæ: quamvis sub-
vitæ finem, morbo articulari &
calculi laborasse dicitur, quæ
mala senectutem ejus accelera-
bant. Post mortem opera ejus in
magno pretio habita. Exstat in
ædibus Gul. Schooterbosch viri
consularis Harlemi tabula, in
qua Maria virgo Christum offert
Simeoni in templo, laquearibus
superne variegato, introductis

etiam imaginibus aspectu gratis. Antonius Moor regius Pictor, qui in juventute discipulus ejus fuerat, in grati animi signū pinxit divinam Schorelii imaginem biennio ante mortē ejus: sub cuius effigie scriptum Epitaphium breve, sed eruditum.

Addidit hic arti decus, huic ars ipsa decorem,

Quo moriente mori est hæc quoque visa sibi.

Obiit Anno 1562. Decemb. 6. ætatis suæ LXVII. In qua orbis parre non celebratur Heemskerckia Hollandiæ vicus, quod ibi lucem aspexit primum divitis ingenii pictor *Martinus Heemskerckius*, natus Anno 1498, qui ei natalis fuit. Patrem habuit nomine Iacobum à Veen, Gulielmi filium; Agricola erat & rei rusticæ innutritus: Verum Martinus abhorrebat ab agricultura & re pecuaria, naturæ ductu: Ita picturæ se totum dedit, varia ulus fortuna. Ac prima artis graphicæ tirocinia Harlemi didicit, sub Cornelio Gulielmi & Florentii, qui Pictores plusquā mediocres fuere, qui Italiam, Romam, Florentiam aliasque orbis eruditi partes viderant. Pater Martini ratus parum hanc artē ad farinam facere pro ingenio rustico, filium suum domum ad se revocabat, ut ejus opera in colendis sterco-

randisque agris uteretur, magno cordolio & tædio adolescentuli, quod in arte illa quam occeperat continuare non possit. Cumque opera rustica mulgendi, arandi, sarriendi invitus obiret obniten- te Minerva, patris indignationem incurrit, & metu pœnæ & offensæ, latuit aliquandiu in sænili: tandem Matris commiseratione viatico instructus, Harle- mum transiens Delphos profectus petiit, ubi se totum arti graphicæ dedit & consecravat apud Ioh. Lucæ non ineptum pictorem: Ab eo tempore progressus fecit supra quam credibile est. Tamen sibi ipsi satisfacere nunquam potuit, ad majora semper aspirabat, artis fiducia. Ita cum eodem fere tempore Iohannis Schorelius, admodum celebris pictor, inusitatum pingendi stylum haberet, quem ex Latio in Belgium transtulerat: arsit amore ejus Martinus, nec quievit, priusquam sub disciplinam ejus veniret. Eam occasionem non neglexit Martinus, sed omnem operam impendit arti suæ. Et de novo omnes ingenii nervos intendit, dies, noctes meditabundus, nec acquievit prius quam consummatus in arte, præeuntem Magistrum assequeretur in cursu, & tam prope accederet ad penicillum artificis Magistri, cumque

eumque tam feliciter imitaretur ut opera eorum promiscue habitata vix discerni potuerint, certante utriusque industria quod tacite momordit Schorelium, famæ metuentem: qui, siue invidia, siue æmulatione, causam invenit, cur eum dimitteret. Ille nihil commotus, conduxit ædes Harlemi, quas inhabitavit olim Cornelius è Beresteyn. In hac domo tanquam officina, diversa pinxerat, Solis & Lunæ imagines, quæ statuta augusta proxime ad vivum accederent. Iisdem in ædibus Adamū & Evam gentis humanæ progenitores nudos pinxerat ad vivum exemplar. Inde commigravit, & domicilium habuit apud Iustum Cornelii aurificem: Neque hic otiosus fuit, sed pari studio plura consummatae artis specimina dedit, quæ inter cives distracta. Inter alia opera edidit stupendum maxime Altare in honorem S. Lucæ, quod consecravit Pictoribus qui Harlemi erant, sub discessum, cum Romam cogitaret, monumentum quod in aternā sui memoriam Harlemi reliquit, & tanquam tabulam votivam in tēplo suspendi iussit. In ea tabula sui imaginem introduxerat penicillum manu tenentem, pingentem D. Mariæ imaginem, sedentem è regione, foventem infan-

tem in gremio venustulum. D. Lucæ vultus ad imitationem pictoris cuiusdā, qui egregia statuta depicti dicuntur. Astabat à tergo Lucæ poëta Laureatus, qui Martinum representabat, quo indicare mystice voluit, Picturæ & Poësis amicam affinitatem: ingerente etiam sese Angelo, præferente ardentem tædam, tacito quoque mysterio, & plurā ibidem fecerat ad amussim, quorum fragmenta duntaxat habemus; in aula Principum aservantur in aternam tanti pictoris memoriam. absolvit An: 1532. Hanc tabulā ita estimavit Hend. Golzius pictorum phœnix, ut aliquoties erecta in altum scala ad hanc picturam ascenderit, & osculatus sit in artis admirationē, cujus intuitu animum satiare non potuit. Hoc opus inchoavit & perfecit ætatis anno 34. Et non ita multo post Romā profectus, cujus visendæ desiderium eum jampridem ceperat, ut antiquas statuas & picturas lustraret maximorum in Italia authorum. Postquam eum videndi satietas cepit, reversus in patriam, mutavit manum, & ab arte Schorelii nonnihil declinavit, si iudicio standum optimorum Pictorum. Et cum puer aliquis è discipulis unus, forte retulisset quæ summorum pictorum iudicia de eo essent,

essent, respondisse fertur, Bata-
vica caligine obductos oculos,
Romæ sibi apertos. Discrimen
indicabit Tabula altera, ab al-
tari lanariorum in aulam transla-
ta, in qua fores duæ penfiles, in
quarum alteris nativitas Christi
& Magi tres ab oriente dona of-
ferentes, & divitem gazam; in
qua historia diversi vultus paupe-
rum spiritu & morionum inno-
centium; nec excludi ab ea ta-
bula eos author voluit. In super-
ficie exterioris tabulæ, hinc Ma-
ria, inde legatus cælo ad Mariam
missus angelica facie, purpurea
ornatus chlamyde, rutilantibus al-
lis pronubus. Longum esset re-
censere omnia ejus opera, men-
sas, tabulas, epitaphia, & ima-
ginum varias formas; Natura e-
nim studiosus, qui nunquam ma-
num de tabula, assiduus, multa
expediebat celeri manu. Inter al-
ias quas pinxerat tabulas, excel-
lebat una potissimum immensi
operis & laboris, IV. extrema:
Mortis angustia, iudicium ex-
tremum novissimum, vita æter-
na & portæ inferorum. in qua
introducæ multæ personæ nudæ,
imagines multæ diversarum ac-
tionum & affectuum, tormenta
mortis, cæli gaudia, cruciatus
inferni, extremi iudicii terrores,
hanc tabulam pingendam dede-
rat Jacobus Ravaert, nullo pre-

tio stipulato, verum absoluto o-
pere numeravit aureos Ducatos
ad nutum Martini honorario ac-
quiescentis. Apud Arnoldum
Berestejnium exstabat chorogra-
phia accurate depicta cum pro-
spectu, in qua S. Christophori
imago augusta forma. Ita apud
Magistrum Paulum Berestein
advocatum effigies Ioh. Zureni
viri consularis, quam Golzius
æri incidit, & æternæ memoriæ
consecravit. In summa, erat uni-
versalis in arte, nulla in parte
claudicabat, nudarum imagi-
num intelligens, Promethei in-
star formare doctus. Erat præ-
terea felix in quavis materia in-
venienda, & scite ordinanda, tan-
ta felicitate, ut totum fere ter-
rarum orbem impleverit suis in-
ventis: bonus etiam architectus,
qualem se probavit in opere ar-
chitectorum Portæ Nemoralis
minoris, cuius inventor dicitur.
Vix fidem inveniet si quis enu-
merare historias velit æri incisas,
quas divulgavit, plenas acumi-
nis & leporis, suggerente sem-
per novas materias Theodoro
Cornhartio. Etiam in honore
habitus, nam 22. anno æditus
fuit usque ad vitæ finem. Amste-
rodami latuit cum venia Senatus
tempore obsidionis; erat enim
pusillanimis, ad pacem natus.
Capta subactaque Harlemo, ple-
raque

raque ejus opera in Hispaniam transportata non perfoluto pretio. Denique Martinus Heemskerckius, opibus pollens, liberis carens, beneficus in pauperes erat, & dandis eleemosynis etiam celebris. Legaverat etiam jugerū aliquot, redditus annuos, quos conferri in virgines pauperulas jussit nupturientes, Harlemi aut Heemskerckæ natas, ad subsidia futuri matrimonii, quas, ut gratitudinem publice testatam facerent, & defuncti piis manibus quasi litarent, sepulchro insistentes conjugio initiari voluit, suprema voluntate, citra omnem superstitionem; quod adhuc hodie observatur. Ita Martinus sacculi sui miraculum, cum impleset annos LXXVI, fato functus obiit Anno 1574. pr. Octob. Corpus in facello quiescit versus septentrionem. sed nominis ejus fama nunquam intermoritura, quam diu ars graphica perennabit. Pictoribus Harlemianis accensetur quoque *Rycardus Arnoldi*, qui in vico maritimo, altero ab urbe lapide, patrem habuit Arnoldum piscatorem: Is admodum puer cum esset in ignem incidit, ustulatus altero talo. Harlemum in grabato delatus ad chirurgum serpente per tibia mallo, truncatus tandem altero pede: Ibi frequens ad focum cum sede-

ret otiosus: ecce suggerente Genio, & invitante Natura ad artem se vertit, & collectis ad focum carbonibus & acuminatis, parietes camini albicantis infecit variis picturis. Id cum observassent domestici, interrogarunt eum, an discendæ artis amore teneretur? Quam maxime, respondit, Ad imbecillitatis solatia cum illico Ioh. Sinapio commendarent, facile pacti de pretio. Et quoniam pedi ligneo insisteret, dictus fuit Ricard. cum pede ligneo. Huic arti omne studium & operam impendit, nec lussit operam. Artifex fuit non è multis, commodus silentio, pacis amans, virtutem spirabat, sacras litteras & pacem animæ salutarem amabat. Antverpiæ domicilium habuit, Penates transtulit, ubi tranquillitatis causa mercenariam operam exercuit in pingendis & inferendis aliorum tabulis imaginibus. Omnibus gratus, nemini gravis, facetus etiam, jactitare solitus lingua Belgica, *Ik ben rick en wel gestelt*, allusione ad nomen Richardi suppedanei. Obiit Anno 1577. in Maio, ætatis 95. Communis opinio est inter rara contingentia ponendum hoc quod inter centena millia, vix unum invenias exemplum, in quo natura nostra omnium mater producat duos pluresve ho-

mines, qui statura, vultu, colore ita similes, ut aliqua ex parte, dignosci & discerni non possint. Contrarium docuit par fratrum qui ex eadem matre gemini, qui ita sibi similes, ut à nutricibus, à parentibus discerni non potuerint, Atque hi quidem *Franciscus & Aegidius Sinapii* fuere. Nati Hulstæ in Flandria; Antverpiæ habitabant cum patre, qui pictor vulgaris, sed artis æstimator, genus ducebat à proavo Johanne Mostard Harlemæo. Uterque, patre id volente, arti graphicæ operam dabant. Aegidius artem didicit sub Mandino festivo illo & monstroso pictore, cujus supra mentionem fecimus. Franciscus autem magistrum tam difficilem quam severum Hendricum habuit, cui à fronte recilina cognomen datum. Uterque ita in arte profecit, ut inter illustres pictores censeretur adhuc hodie mereantur. Franciscus in chorographia, terrarum situ, silvarum saltibus, Aegidius in imaginibus tenellis illis pingendis excellebat. Hi fratres in Pictorum contubernium recepti Ann. 1555. Franciscus immatura morte sublatus. Aegidius summus artifex ingeniosus in historiis deducendis. In omni conversatione nemini gravis, in colloquio facetus. Moriturus, liberis re-

linquere se dixit totius mundi thesauros, cujus hæredes reliquit, nihil defuturum ipsis, si manum ipsi admoveant ad stivam. Obiit in extrema senectute An. 1601. *Cornelius Cornelii*. Eum inter illustres Harlemianæ civitatis Pictores ponendū omnes judicant quibus sanum judicium est, dignus qui in Corneliorum familiam Romanam adoptetur, qui ut virtute insignes, ita eruditione clari: inter quos Cornelius Galus poëta *Eliographus*, & alter Cornelius Severus, qui inter Epicos ab antiquis authoribus relatus. Cornelius Batavus Harlemi natus, arte certare cum iis possit, quæ affinis Poësi. Natus etiam honestissimis parētibus & patritiis An. 1562. Illi obsidionis tempore metu belli, relicto domi filio, vitæ suæ fuga consulebant, qui mansit in ædibus, quas pater habitandas dederat M. Petro Pictori, Petri Longini filio. Ita Cornelius Cornelii decennis jam, cum videret, inter domesticos parietes artem graphicā exerceri, à qua natura non abhorrebat, ut qui eo tempore ex lapidibus lateritiis rubris imagines formabat ferro aut cultello: Ita Cornelius Cornelii artis graphicæ fundamenta habuit à Petro Longino juniore, qui in arte sua excellebat in quavis parte, in tem-

temperandis coloribus accuratus, nec litterarum rudis. Ille produxit discipulum qui magistrum suum intra annos pauculos superavit, inde illi nomen datum Cornelii Pictoris per excellentiam, quod & māsīto merito congruum. Cum ex ephebis excessisset xvi i. annorum iuvenis & pictor bonus, profectus in Galliam Rhotomagum vidit, sed propter grassantem pestem non diu ibi commoratus est: Antverpiam se contulit, omnium artium & disciplinarum nutricem. Ubi prima illi cura fuit, ut insinuaret se in amicitia magnatum in arte. Ac primum Franciscum Poerbus salutandi causa adiit, & tandem Aegidium Coignet sollicitavit ut se reciperet in officinam & clientelam suam, apud quem unius anni spatio mutavit manum, ut amœniorem & magis fluentem pingendi modum assumpserit, cui & assuevit, & illico artis suæ specimē dedit: pinxerat enim illic in mappa lineamulierculas aliquot, forma speciosa venustulas, gratiose adumbratas. Amphoram etiam antiquo more omnigeni coloris floribus stipatam, qui tam accurate depicti, ut vivido colore ad naturam proxime accederent, quam tanto habuit in pretio Coignet, ut eam diu domi suæ asser-

varit ad ostentationem, nec vendere voluerit. Ita magnam inivit gratiam apud magistrum suum. Reversus in patriam doctior, nihil remisit de pristina diligentia. Primam quæ alicujus nominis aut momenti tabulam fecit, in qua Contubernium civium militarium ad vivum expresserat, pro varia hominum conditione, servato decoro secundū hominum studia & inclinationes; personis singulis vultus, gestus, amictus, attribuitur. Opus sane præclarū, & quod præfiscine dixerim nullis posterioris ævi picturis cedit. Artem autem illustravit imaginum meditatione, & formarum, membrorum observatione, quæ chartis mandabat, observabat enim pulcherrima, quæ ad antiquitatem proxime accederent, ita tandem summus artifex evasit & lumen patriæ fulsit. Inter opera ejus cōplura, tabula admirabilis est in aula Principis, in qua repræsentavit infanticidium Herodis, in qua parvulorum strages, sæviēte in turbā innoxiam militū ferocia frustra lamentantibus matribus; quæ à spectantibus sine lachrymis videri non potest. Ita primos parentes, protoplastas Adamum & Evam, lenocinante ab arbore Diabolo in paradiso. Et ne longe abeamus, in eadem aula penetrāli in sede

ingens tabula, quæ magnam parietis partem occupat, Epulum Deorum, seu Pelei & Thetydis nuptiæ, in quibus pomum eridis projectum, opus sane heroicum, & pro argumento divinum. Pinxit & alia passim distracta. Actæonis fabula, qui in Dianam incidit & virgines venatrices infelix, apud nos exstat. Eodem fere tempore vixit *Carolus Vermander* natione Flandrus, natus Mulenbekæ, qui illustrium Pictorum vitas, studia atque opera scripsit, suas laudes silentio præterit, dignus tamen, qui catalogo artificum inseratur, qui à puero artem graphicam coluit, & in ea feliciter sese exercuit. Peregrinatus est, & amore artis graphicæ Italiâ peragravit, Romæ aliquandiu commoratus. Reversus in patriam Harlemi familiam habuit & numerosam prolem: in platea nemorali minori habitavit. cum Goltzio conjunctissime vixit, qui illum æstimabat propter artis graphicæ peritiâ & promptitudinem: parem non habuit in inversione extemporanea. varia pinxit Genio plane poetico. Exstat in ædibus nostris Iudicium Paridis in loco nemoroso, in quo introducit, præter Deas quæ sub Iudicium Paridis venirent, Dryades, Hamadryades Naiades, Napæas spectatrices, se-

dentes in corona. Xanthus ipse ad Trojam flavius, aliaque ex poetarum fabulis petita. Infinita alia ad memoriam posteritatis reliquit summus artifex, inventor felix, Poëta laurea dignus, sacrarum etiam litterarum peritus; ex quibus pangendi rhythmos materiam sumebar. Scripsit etiam de fundamentis artis graphicæ xiv. capita numerosis rhythmis. Commentatus etiam in libros Ovidii Nasonis Metamorphoseon. Scripsit etiam de statuis atque imaginibus Gentilium Deorum libros 111. In summa Vermander egregie cordatus homo, quod de Aelio refert Tullius. Obiit 11. Dec. Anno 1606. Ætat. Anno 58.

A pictura ad cælaturam transio affinem picturæ, instrumentis discretæ artes: Nam ut Pictores penicillos tractant, ita cælum cælatores. In hanc scenam veniunt primi *Theodorus Cornbard*, & *Philippus Gallæus*. Utrumque commendat Hadrianus Iunius in Batavia sua, quos artis lumina appellat, non quidem encausticæ, ut quidam putant, sed quæ laminis æreis, adverso cælo scalprique tractu pingunt icones, historiasque cujuscemodi generis. *Theod. Cornbartius* Amstelodamus, magno homo ingenio, sed fati adversi: *Philippus Gallæus* magistro

gistro illo Dii immortales quanto superior, nisi quod inchoatam cum laude artem ille intermisit, in hoc cum surgente ætate, artis gloria gliscit, qui varias iconas pinxit: quod Douza non dissimulat, cujus effigiem Philippus Gallæus in ære æternitati consecravit.

*Qui Batabum gentis Comites, qui
scalpere Erasmus*

*Ausus, & effigiem Iuni animose
tuam,*

*Ille idem docili Gallus me expressit in
ære,*

*Felicem baud alio nomine Doufia-
dem.*

Exstant ejus opera in ære infinita in quavis materia, qui Theodori Cornharti discipulus, qualem Batavia non habuit. *Hedricus Goltzius* de quo pauca subtexere est animus, ingenuis & honestis parentibus natus Mulbrachti, qui vicus in Iuliacenſi Ducatu, natus Anno 1558. in Febr. Puerulus bene habitus, feroculus, venustulus, vix anni spatium supergressus, ductore non egebat, ut qui pede certo incedere visus. proinde negligētius habitus, proptinus in ignem lapsus, illiso in patellam capite spumantem oleo. itaque simiustulata utraque manu, raptum ex igne mater sustulit, remedia adhibuit ad refrigeria, fasciavit manus laminis, quæ

commiseratione mulierculæ cujusdam relaxatæ, & linteo duntaxat involutæ. statim laxatis nervis contracta manus, quam explicare postea non potuit. Nihilominus cum jam puer octennis esset, innatus ad artem Genius latere diutius non potuit; quippe domi, foris parietes, pluit eos pro modulo ingenii picturis implevit. Ita à teneris unguiculis in arte sese exercuit. Nec quiescere potuit mens ignea. in patris officina vitra fecit, mox pinxit suo pte ingenio. Ita tentabat alia atque alia semper majora studio indefesso; quippe arti encausticæ se dedit primum, deinde sculpturæ, non obstante informi manu. Ita æri incidere figuras cepit tanta felicitate, ut Theod. Cornhartio (qui in eo tractu tum cōmorabatur) admirationi esset, cujus etiam opera utebatur. Et jam varia pinxerat Emblemata. Author ei fuit, ut sculpturæ se totum daret, nihil illi defuturum pollicitus. Ita ille impetrata à parentibus venia in Hollandiam magistrum secutus. Hend. Goltzius Harlemi pedem fixit statim ab incendio prodigioso illo, circa D. Iohannis festum. Cornhartius voluptatem capiens ex conversatione discipuli, tam docilis, tam ingeniosus, nihil celavit eorum, quæ ad promovenda ejus

studia facere videbantur. Tandem Hend. Goltzius rude donatus & sui juris factus, pro Cornhartio & Philippo Gallæo sculpsit ad præscriptum eorum. Interea parētibus ejus in Germaniam profectis, solus Harlemi cum esset, & vita solitaria jam minus placeret, ad matrimonium animum vertit. annorum xx. juvenis viduam duxit Margaretam Ioh. filiā. cui unicus filius Iacobus Mathamius, de quo postea dicturus. Stante matrimonio valetudinarius, quasi mæore animi contabescens, nec convalescendi spes ulla, suadentibus Medicis Italiam petiit propter aëris amœnitatē, & Romam adiit celeberrimorum Pictorum patriam. In itinere, nulli artificum quos inviseret, cognoscendum se dedit, ut judicia eorum & quid sentirent de Goltzio tot sculptis à se imaginibus jam claro, penitus cognosceret. In reditu sese insinuavit in omnium eorum gratiam qui artem graphicam profitebantur, nec dissimulavit nomen suum. Nihil attinet opera ejus hic recensere, quæ infinita & in omnium manibus, æri incisæ imagines, inventiones felices ingenii & picturas. Insculpta æri quæ exstant monumenta, probant genium plane divinum in arte graphica. Neque hoc parum ad lau-

dem ejus facit, quod præterquam quod à teneris naturæ decus & formarum diversitatem curiose observaverit, variorum atque optimorum artificum æmulari doctam manum assuevit, stupentibus & confusis imaginum similitudine spectatoribus. Cū nunc Heemskerchium, nunc Franciscum Floridum, Blocklandium, nunc Fredericum & novissime Sprangerum imitaretur, cujus artem plane heroicam & gratiosam ita expressit, ut propius accedere non posse videretur. Lucam Leidenf. & Albertum Durerum ita ad vivum imitatus, ut spectantibus stuporem iniecerit & errorem, ut inter artifices sæpe certamen fuerit de archetypis discernendis, an ea Goltzii aut Lucæ Leidenfis, aut Dureri essent. Atque ut concludam, tandem Goltzius noster Proteus in arte fuit, qui vertit sese in omnes formas stupenda metamorphosi. Quid autem potuerit jam dictus Goltzius stylo & calamo, judicent periti artis. eum admirabitur sera posteritas. Ea communis opinio est fere omnium pictorum, nec vidisse quemquam, nec visuros posteros parem huic. Quotusquisque enim est qui tam subacti judicii homo sit, ut ex tempore absque ulla meditatione imaginem

nem singularem, aut integram historiam etiam, possit calamo ducere, absque ulla litura, tanta perfectione & caltigatione, ut ne una quidem linea à recto declinaret. Hæc egit in patria Goltzius reversus ex Italia. Statuas aliquot antiquas æri insculptas in lucem dedit Commodi Imperatoris, Apollinis Pythii, Herculis victoris: Item XI I. Imperatorum Icones, Augusta forma, quas secum asportaverat ex Italia, cujus memoriam deponere non potuit: quippe pulcherrimas Italorum picturas ita animo conceperat, ut istæ oculis semper observarentur tanquã in speculo; cum nunc gratiosis Raphaelis imaginibus se oblectaret, nunc incarnatione Coregii, nunc Titiani evanidis umbris: aliquando byssina atque ornamenta lenocinantia Veronesi aliorumque opera, quæ Venetiis erant plane stupēda, admirari nunquam satis potuit. Ea cum narraret apud nostratium Pictores, animo parum æquo ferebant indignati. Ab eo tempore minus illi placuere nostratium artis graphicæ monumenta. Postea si quid calamo notaret, alieujus momenti quod esset, præcipue si nudæ imagines essent, rubrica colorabat, aut carbone. Ita paulatim picturis coloratis eorum se dedit assumpto penicil-

lo, ab anno ætat. XLII. Exstant tabulæ complures diversi argumenti, inter quas eminet Historiæ idea, quam in gratiam Petri Borrii pinxerat. Item alteram Danaes fabulam. Præterea amicitia nostræ hoc dedit, ut in eadem tabula Picturam pingeret versicolori veste & canorã Poësin, interveniente Phantasia, quæ cogitatione cœlum adiit, sphaeræ intenta, & Deo cœlorum motori. Et ne quid intentatum relinqueret, eo ipso tēpore artis Chymicæ studio flagrabat naturæ scrutator. Multos habuit invidos & æmulos, quos non magis æstimabat, quam catellos latrantes: qui jam pridem didicerat, placere omnibus perquam difficile, nec Deo quidem concessum: aliorum judicia contemnere solitus, quod nec sibi placere unquam potuerit, rigidus fuit censor, quod semper aliquid in semetipso desideraret, quod à consummata artis regula recederet. Pygmaliones illos, qui sua tantum opera æstimarent, ferre non potuit. Ut humilis animi vir, ita minime avarus, qui honorem auro prætulit, libertatis amans, scrutator antiquitatis, naturalis scientiæ minime rudis. Quæ ego de qualibet scientia differentem sæpe audiui, præterquam de Musica, cujus plane se rudem profitebatur.

tebatur. Neque hoc mirum videri debet; *non omnia possumus omnes*. Hæc fere sunt ad laudem Hend. Goltzii facere quæ videntur, cujus memoriam immortalem futuram auguror. Obiit anno 1617. Ian. 2. ætatis suæ LIX. Manibus ejus hoc Epitaphium consecravi.

*Contemptor æris, laudis ingens belluo,
Lysippus alter, sculptor æris Goltzius
Stus hoc sub ære, & marmore inclusus
jacet,*

Sic æra vivæ, sic loquuntur mortuum.
Inter discipulos Goltzii primo loco ponam cum bona aliorum venia *Iacobum Matham*, privignum ejus, quem educavit & formavit patris officio, cumque jã progressus in arte fecisset non pœnitendos, tandem ablegavit eum in Italiam ad nova artis commercia, ubi patris vitrici commendatione, ad omnia antiquitatis monumenta admissus, plurima stylo mandavit. Reverſus in patriam artis suæ specimina dedit & divulgavit, ut inter Chalcographos celebres recēseri mereatur. Edidit Ceбетis tabulam & nuptias in Cana Galilæa æmulatione quadam privigni & vitrici, aliaque infinita, quibus rem fecit. Patrem secuti filii Adrianus & Theodorus Mathamii, quos proxime ad patrem accedere opera indicant, nec alia eorum o-

pinio est qui cælaturæ operã dāt. *Iacobus de Geyn* inter omnes Goltzii discipulos caput extulit, generosi animi juvenis & ignei ingenii, qui superiorem non ferēs, proprio Marte multa sculpsit supra ætatem & divulgavit, ita ut inter discipulum & magistrum æmulatio semper fuerit. Modestior *Ioan. Zaenredamensis*, inventas ab Hend. Golzio delineationes sculpsit in ære, & feliciter imitatus. Facit ad laudem Ioh. quod Goltzius ejus potissimum opera uteretur; in sculpendis inventis à se imaginibus, quamvis multa suo pte ingenio excogitata in lucem daret, in primis fatuas, & sapere doctas virgines ex Euang. Matth. Cap. 25. Plura dedisset, nisi præmatura morte sublatus fuisset. Immodico artis studio phthisi laborasse dicitur. Obiit Anno 1607. Aprilis die 6. Aetatis suæ XL. Hic filium reliquit *Petrum Sarendam* natum *Assendelphis*. Anno 1597. qui in pictura optica hic parē non habet, quod opera ejus indicāt complura. *Iob. Feldenius*, Magni scriptoris filius, vix ulli æqualium suorum cessit, magis encausticæ quam sculpturæ artem exercebat, ingenio magis quam studio, multa tamen opera edidit, quibus famam meruit. Fuere & alii in arte insignes, qui relicto cælo ad majora adipirant.

runt. Redeo ad posterioris ævi pictores qui penicillo utuntur, quos distinguo etiam pro subiectorum diversitate circa quæ versantur. Quidam enim icones & imagines coloribus pingunt cuiuscemodi generis: quidam naves fluctuantes in mari spumante salo. Alii regionum plagas, stelliferos orbis, topiaria opera, nemora & saltus, stirpes, plantas, feras, volucres in silvis varias obambulantium species, terraque villas adeuntium aëllis ac vehiculis. Iam piscantes, aucupantesque, aut venantes aut etiam vindemiantes. Alii rursum belliciorum pictores, florum alii: Denique alii vitra pingunt, coloribus imbuunt, prout suus cuique Genius & inclinatio. De singulis dicam paucis, ab iis exorsus qui multorum pictorum patres. Quales Franciscus Grebber, Cornelius Angeli Sprong: qui fere coætanei & jam emeriti, uterque felix fuit in personis ad vivum præsentandis, uterque specimina artis dedere satis luculenta, qui florente ævo civium contubernia varia pinxerunt, etiam cum laude. Verum Petrus Grebber patrem antevertit, nec puduit patrem à filio superari, qui Magistrum habuit Hend. Goltzium. Petrus enim Grebber, tam felix inventor, quam accuratus Pi-

ctor, ut cum optimis hujus ævi Pictoribus certare possit. Multa ejus exstant opera, quæ partim in Dania, partim per Belgium distracta. Harlemi etiam exstant complura, in ædibus viri consularis, in laudem Musicæ Tubalcainus, ut qui ipse peritus Musicus. Cornelius Angeli filium habet, assumpto nomine Gerardi Versprang, qui volucris saltu in arte factio patrem obscuravit jam emeritum, & in otio viventem. Inter primos ponendus quoque *Iacobus Campius* tam nobilis pictor quam Mathematicus & Principis Auriaci architectus, ipse in re lauta, qui ex arte non quæsit lucrum, sed nomen. Nec silentio involvendi fratres Halsii, *Franciscus & Theodorus Hals*, quorum alter inusitato pingendi modo, quem peculiarem habet, omnes superat. tanta enim in ejus pictura acrimonia & vivacitas, vigor etiam, ut Naturam penicillo provocare nonnunquam videatur, loquuntur id infinita ejus *πρόσωπον*, ita colorata ut spirare videantur. Exstant tabulæ in aula antiqua civium militarium, in quibus ad vivum depinxit, Tribunos, Duces, Fiscales, signiferos, satellites in armis suis: in Tabula altera accumbentes in mensa, & se mutuo provocantes

salutis haustu. Alter, nimirum Theodorus Hals, vir bonus, & artis graphicæ minime rudis, imagines solitus pingere in minori forma graciles & elegantes, in quibus etiam excellit. *Hendricus Pot* non ignobilis Pictor facetiarum Pater, cui pingere datum serenissimos vultus Regis magnæ Britanniae. Exstant Harleми aliquot insignes tabulae: Una in aula Principis cujus subjectum *Curvus triumphalis* magni Gulielmi Principis Auriaci, cum omni pompa: Et altera Iudithæ historia & Holoferni, in qua exprimens, superare seipsum author videtur, in qua tantum acumen, ut oculorum aciem fugiat. *Petrus Soutman* eo nomine celebrandus quoque, quod regius Pictor in Polonia fuerit, quod ad exultationem nominis ejus non parum fecit: Nam cum reversus in patriam, uxorem duxisset, multi ambiebant depingi ab eo; ita ut omnium votis non potuerit satisfacere. Ita sese insinuavit in gratiam civium, ut cõtubernium civium militarium ad vivum depinxerit, & memoriae sacrum fecerit. *Jacobus Pynas* Harleми non est natus, verum hic artis suæ fundamenta iecit, & inclaruit pictor minime vulgaris. Neque cuiquam horum cessere Petrus à Laer, & frater ejus Roelandus,

qui Orládu ab Italis dictus, fratres Germani, Harleми nati & educati, & à teneris in arte pingendi exercitati, qui in Italia annos aliquot vixere. Quorum natu major in flore ætatis occidit, Genuæ in Italia. Minor frater Petrus à Laer aliquamdiu Harleми commoratus oblivisci Italiae non potuit quæ illustrium Pictorum nutrix: de nova peregrinatione consilia cepit; ita amicis dixit extremum vale: quo ille abierit, & ubi terrarum degat, Empedoclis exemplo adhuc hodie ignoratur. In arte graphica, pingere soliti, nemora & saltus, oves, boves, currus, equites ad diversoria commorantes exutis frenis objecto pabulo, in quibus tantam gratiam atq; elegantiam inesse testantur pictorum coryphaei, ut omnes in ecstasi rapiat & amorem sui. Exstant eorum opera complura Amsterodami, Harleми & in aliis civitatibus, quæ semper habita in pretio, usque in hunc diem. Philip-pus Wouerman in flore adhuc ætatis Harleми natus in arte sua ita excelluit, ut parem vix habeat. Ita alii complures Iacobus de Wit Harlemaeus etiam. Iridem Verbequius. Mitto innumerabiles alios de plebe Pictores. Fuere etiam in urbe nostra pictura non rudes feminae, quæ

quæ nostra adhuc ætate celebres, quæ cum viris certare possint in arte graphica. Quorum altera in hoc sexu admirabilis *Juditba Leyster*, in arte vera Cynosura aut Helice, à qua & nomen gerit uxor Molinei Pictoris eximii. Altera quæ Timareten imitata Myconis, aut Irenen Cratini pictoris filiam, quæ & ipsa pinxit, non rudis Mathesios hæc est. *Maria Grebber* Francisci Grebber filia, soror Petri Grebber. Inter Pictores non postremus Ioh. Torrentius sed infamis, qui in arte Apelles, cum matronas pingeret, quæ se prostituerent nudas, verum in vita discinctus Nepos, de quo hæc fere accepimus: Iohannem quendam Torrentium cognomento Amsterodamensem Harlemum venisse & fixisse ibi pedem, credo loci amœnitate illectum, & habitasse aliquandiu in magnificis ædibus Coltermannorū quondam. Cum sese insinuavit in amicitiam multorum civium non è multis, qui eum æstimabant, matronas etiam pellexit in amorē sui, quæ quotidie domum ejus frequētare solitæ, nec divelli ab eo potuere frustra obnitentibus maritis. Is quando prodibat in publicū, cothurnatus incedebat; cum ambularet in foro, omnium oculos in se cōvertit: benigno affatu quos-

vis salutabat. Domi splendide vivebat, comestationes quotidianas habebat, Genio indulgebat. Media inter pocula jurare solitus in verba Epicuri, plaudentibus assedulis. Fas, nefas, sacra, profana, divina atque humana promiscua habere. Blasphemus in Deum, risit Superos, inferos; in summa, seductor civium, impostor populi, corruptor juventutis, stuprator fœminarum, prodigus æris alieni, decoctor sui. Et quod stupendum maxime, pecuniæ nunquam deerant, suppetebat semper nummorum copia, quasi cœlo pluvio Danaes tempore. Erupit tandem in nervum audacia ejus, vulgata ejus impieras, impudicitia pingendis ad vivum fœminis nudis: vita plane Epicurea & dissoluta, quam diris devovebant cives, quibus aliqua Dei reverentia: clamitare jam omnes, hominem indignum esse quem Terra gerat, è repub. exterminandum. Tandem Magistratus populi voces ad animum revocavit, & sui officii esse cogitavit curare, ne quid Respub. detrimenti capiat. Decretum tandem Iohannem Torrentium jam dictum custodiæ dare, & in carcerem conjicere, examini subijcere, & monstro hoc purgare rempub. Hic Magistratus & Scabinī, quibus ea cura incumbit,

summa qua poterant diligentia & indagine, commercia ejus, contubernia, dicta, facta, colloquia atque adeo secretissima quæque scrutati, eum tandem judicio stiterunt, & examini strietiori subjecerunt. Et cum nihil eorum quæ objicerent & moverent confiteri vellet iterato aliquoties examine: Tandem cum nec preces nec minæ apud eum quicquam valerent, & furdo, quod dicitur, canerent, in æquuleum conjectus, & atrocissimis tormentis excarnificatus. Verum saxo patientior ille Sicano, numellas, fidiculas, laminas contempsit, & Socratem egit, invictus animi. Ita ut nihil eorum extorquere potuerint, quæ intentabant. Fessi carnificina Iudices spectatores, ad ergasteria relegarunt & condemnarunt ad annos xx. Anno 1630. Jul. 25. Tandem intercedentibus viris magnis, & magnæ Britanniæ legato, ergastulo liberatus, Hagam petiit. deinde in Angliam trajecit grantantibus amicis, & fidejussoribus. ex Anglia reversus Amsterodamum se contulit, ubi & mortuus, & sepultus. *Hendricus Vroom* in scenam quoque venit sed diverso à superioribus titulo, ut postea dicemus. *Hendricus* Harlemi natus Anno 1566. Patri nomen fuit Corn. Hendrici, qui plastes

professione, arti figulinæ se dederat, ingeniosus in fingendis vasis luteis & poculis inusitata forma. Patruus illi fuit Frederic. Hendrici, insignis statuarius, geometra, architectus Dantisce pub. Avus ejus, cujus nomen præ se ferebat, statuarius & plastes fuit non è multis, ita ut *Hendricus Vroom*, *Hendrici* nepos, ab arte originem duxerit & genus, qui majores omnes artifices habuit ipse artifex. Varia ejus fortuna; Mater enim post secundas nuptias occasionem filio dedit patriam relinquendi, & fortunam periclitandi. Ita erravit multos annos, & victus quærendi gratia artem figulinam exercuit. Iactatus variis casibus primum in Belgio, sursum, deorsum: tandem in Hispaniam trajecit, dein in Italiam Romam delatus, ubi aliquandiu habitavit apud Hispanum Canonicum, ubi pingebat & ludicra exercebat, delitiæ Domini. Dein commigravit, & domicilium habuit apud illustrissimum Cardinalem de Medices, biennio ibi egit minime otiosus, Paulo Bril eum hortante, ut operam picturæ daret. Inde jam dictus *Vroom* Venetias se transtulit. Ita alias atque alias provincias & urbes sola artis fiducia peragravit, terris iactatus & alto, Tandem Parisios delatus,

latus, apud Pictorem Leiden-
sem aliquamdiu fuit: nec diu ibi
moratus propter annonæ carita-
tem Rhotomagum venit, ubi in
morbum incidit periculosum &
lethalem, qui ope Medicorum
restitutus sanitati, Deo gratis a-
ctis in patriam cogitabat, nec
diu moratus favente Zephyro in
Hollandiam appulit nutricē ter-
ram. Et Harlemum cum peteret,
defunctis parentibus & aliquot
ex consanguineis desideratis,
uxorem duxit Iustam civis fi-
liam, cum imagines æri incisas
imitari penicillo cæpit, pingere
naviculas, cymbas, liburnicas,
mox etiam naves rostratas, & va-
rias navium formas, Protogeni
exemplo. Post unius anni spatium
cum uxore Dantiscum profectus
est ad patrum suum; ibi tabulam
pinxit pro Polonis patribus Igna-
tianis. Patruus ejus in Opticis e-
rudiit eum, in aliis etiam quæ
ad artem graphicam pertinerent.
Ita doctior Dantisco reversus cū
uxore in patriam, tabellas ali-
quot pinxit sacrarum virginum
& martyrum, quas etiam in Hi-
spania venales habuit, devotione
commendabiles. Sed cum mer-
catūra ista parum succederet ex
voto, tacite observare cæpit na-
vium varias formas, onerarias,
Prætorias, piraticas, triremes:
Adhæc navium partes, pergulas,

tabulata, proram, puppim, acro-
teria, rostra, transtra, malum, &
mali galeam, antennas, cornua,
Præterea remos, palmulos, cla-
vum, spiras, funes, rudentes, an-
choras, aplustria, carbasa, reli-
qua; navium armamēta. Harle-
mum sospes reversus, in pingen-
dis navibus sese exercuit, & sa-
tis feliciter. Ita Pictores aliquot,
quos amicos habebat; authores
illi fuerunt, ut pingendis navibus
omnem operā impenderet, quod
& fecit, & profecit indies ma-
gis in arte ista, & cæpit tandem
æstimari, & in pretio habitæ ta-
bellæ ejus. Addit animum luci
bonus odor. Et cum expeditus
esset in arte, servato fere eodem
horizonte, tabulas levi brachio
fecit indies meliores. Adhæc
littora majora, piscatores, &
piscium varias species, epibatas,
nautas ad artem illustrandam quæ
facere videbantur, accurate pin-
xit celeri penicillo: Ita rem fecit
supra quam credibile. Paulatim
etiam artis fama insinuavit sese
in Principum & magnatum a-
micitiā; aureo torque dona-
tus ab Archiducibus in Braban-
tia, & apud Principem in hono-
re habitus, Præfectis rei mariti-
mæ charus, acceptus; quibus &
tabulas obtulit Cameræ conve-
nientes. Ut in pauca conferam,
Hend. Vroom ante omnes sui

avi pictores in re nautica excelluit. Neque enim duntaxat cuiuscumodi generis naves pinxit, verum etiam funes, rudentes, ventorum stationes in aplustribus, vela, aliaque navium armamenta, ad navigationem pertinentia: fundos etiam, scopulos in mari, regiones, navium stationes, fluctus decumanos, arces, vicos, pisces marinos, imagunculas nauticas, aliaque quæ naves comitantur & ornant feliciter cepit pingere. Exstat adhuc Alcmariæ in ædibus Barthesianis in atrio magno prælium navale horribile visu, maximo pretio emptum: Harlemi tabula ingentis procellæ imagine in cœnaculo Principis, quæ omnium pictorum calculo accuratissima habetur. *Cornelius Nic. Wieringen* proxime accessit ad artem Hend. Vroom. Maritimis relictis occipit naturæ ductu delineare & pingere ad rem nauticam pertinentia, funes, rudentes, antennis, velorum expansa, in quibus Hendrico Vroom non cedit: extant ejus opera complura, in primis *Navis illa Pelusica serrata*, quæ in aula civium militarium in æternam memoriam suspensa de tholo. Verum posteriori ævo *Ioh. Porcellus* inter omnes ejus generis artifices palmam meruit omnium Pictorum judicio. Fuere

& alii artis ejus minime rudes *Cornelius Verbeeckius*, & *Ioh. Goderis*. Inter Chorographos, qui regionum plagas, nemora & saltus pinxere nostra memoria, primum locum meretur & palmam *Cornelius Vroom*, Hendrici Vroom non degener filius. Ita in arte sua excellere creditur, qui adhuc in vivis, ut hodie parem non habeat. Quamvis certare cum eo proxime videatur multorum judicio *Petrus Moulin*. quos sequuntur *Ioh. Iacobi*, qui Italiam vidit, & hos sequuntur alii atque alii artis Chorographice minime rudes, *Reinerus Nic. Zuycker*, *Gerardus Bleycker*, *Salomon Rustendael*, & plures alii. In cohortem Pictorum veniunt quoque hyalographi, qui penicillo etiam utuntur, vitra scribunt, pigmentis imbuunt. Inter eos maxime excelluit *Gulielmus Tyboutius* vicinus olim meus, cuius opera in vitro relucunt infinita. inter ea eminent, quæ *Lugduni Batavorum* extant Comitum Hollandiæ icones, in publico civium militarium hospitio: & alterum apud *Iohannitas*, historia vitæ *Iohannis Baptistæ*, in porticu. Item in majori templo augusto, Ducis *Bavariæ*, uxorisque ejus imagines, in supremo ad ortum vitro. Item ab austro *Sebastiani Craenhals* & conjugis

jugis ejus imagines supplicū habitu. Obiit Anno 1599. Jun. 24. Aetatis suæ LXXIII. In proximo fuit *Cornelius Iisbrandi Ruffeus*, qui vitra imbuīt ingenioso penicillo, summus artifex, & aliis signum sustulit ad illustrandam hanc artem. Obiit Anno 1618 Maij 24; quem secutus *Ioh. Boeckhorstius*, qui in triclinio D. Cossi, à Loo in vitro ad vivum expressit Alberti Bavariæ Ducis molitionē, quem templi Bayoni consecrati conditorem fingit, quod à Papa Bonifacio indulgentias obtinuerat. In hoc ordine collocandus *Petrus Holsteyn*, aliique complures ejusdem artis. Ita nulla fere ars, quæ apud antiquos in pretio habita & honore, quæ Harlemi non exculta. Si bellariorū & fructuum pictorē queris, habes Florentium à Diick, quibus & gravidas mulieres & volucres in amorem sui traheret; habes Gulielmum Nicolai Heda: si florum pictores, Ioh. Bolongier; Si *Architectos*, habes Fredericū Vroom, Iacobum Campium, Salomonem de Brey, denique Livium de Key, Magistrum fabricæ in nostra civitate, Et qui hodie maxime celebris Petrus Post, Principi etiam charus, Si statuarios, Hendricum Vroom, Andream Nicolai, qui adhuc in vivis, *Iohannem de Vos* cognomento Bo-

num, qui præter alia novissimè duas statuas affabre factas ex vivo lapide D. Sommerdiick & uxoris ejus, mensa interposita ad vivum expressit, stupente plebe. Nec excludendus summorum artificum contubernio *Iacobus Antonii Ram*, qui in arte Vulcania ita excellit, & omnes transierit in sui admirationem, ~~ante~~ septum erexit faberrime factum ante ædes D. Ossipee in foro, qui Mercator celebris, Hactenus eos recensui qui vel eruditione clari, vel arte insignes cives. Mercatorum honores proximus propter commercia unde & nomen habet, quibus carere non potest humana indigentia. In ordine Mercatorum primi magnarii negotiatores, qui *Mercatores*. mercimonias omnis generis in solidum vendunt, quibus lex non est posita, quibus fere unum velle, par studium vñt ex emere, care vendere, qui potentiores fere. Proximi illi, qui telas, lintea enumerant, vendunt, in Gallias, Britannias, Indias, aliasque orbis partes mittere soliti, magno olim questu. Mercatoribus affines Collybitæ, mensarii, trapezitæ, qui pignora accipiunt quantivis pretii & cuiusvis, lanea, lineæ, argentea, aurea, & quælibet cimelia, & quæstum faciunt limitato fenore, ad usum pauperum pariter & divitum, qui pecunia-

rum

rum inopia laborant. Hi ne modum excedant, aut exorbitent, in quæstu faciendo pacisci cum Magistratu solent æquis conditionibus. Præter hos in nostra potissimum civitate Mercatores lini, qui negotiantur in Silesia, Frisia, unde liciorum magna copia, quæ stipara ingentibus vasis ad nos transportantur, & distrahuntur in alios mercatores seu propolas, qui fila duplicata versatili mola præparant, stipant, eaque in varias orbis plagas convalata ablegant. Lini Mercatoribus proximi negotiatores lanarii, qui maxime in honore semper habit, & cæteris commerciis antistabant apud majores nostros: antiquissimum enim mercandi genus in hac civitate lanificium. Inde magnus civium quæstus foeminarum trahentium pensa, virorum carminantium lanas, quas textores involvunt. Sunt & alii qui lanificio operam impendunt, fullones, panni villosi tonsores, infectores, ad cenforû arbitrium. Ita fama lanificii Harlemi in Hispaniam penetravit. Quanti æstimaverint majores nostri lanificium, censura indicat hodierna adhuc, tum juramentum indicat vetus, quo Coss. pariter & Scabini jurare jubebantur inter alia, statuta lanificii, quæ condita antehac, aut condenda adhuc,

sarta testâ habituros, adhuc confirmaturos & observaturos, cum hac clausula, ut si quis recularret aut detrectaret juramentum facere, lx. libris nostratum multaretur, ut pars tertia fisco cedat, duæ alteræ ærario publico civitatis. Lanariorum studia & negotia maxime viguerunt ab hinc annis cxlv. Nam An. 1501. Lex posita iis qui pannos vendunt propolæ, lanificium exercere. Et Anno 1502, non alios pannos divenderent, aut ulnis metirentur, quam qui Harlemi texti, tincti paratique essent: Atque adeo edicto prohibiti 10. Octob. peregrini & extranei panni. An. autem 1522. Magistratus ut lanificii mercatum promoverent & studia mercantium accenderent, panis cõficiendis præmia destinarent. Eodem hoc anno prælorum usus cepit ad nitorem. Præterea anno 1524. Decemb. 10. inter lanarios societas inita. Ejus societatis præcipuus author Gregorius Aiala, hinc nova instituta commercia. Harlemensium pannorum fama in Hispaniam pervenit. Verum *Lanariorum* honos paulatim exolevit, crescente interim cocturæ cerevisiariæ commercio: Ita Zythepseæ mercatoribus quoque accensendi, qui frumenta, hordeum madefactum, sagopyrum, lupum salicta-

salictarium ad cerevisiarum cocturam, ingenti copia mercati quæstum faciunt, lucro intenti. Verum ut lanariis censores dati, qui lanas, fila lanea, telas laneas inspicerent tractarentque de thollo suspensas: Ita Zytheptis & cerevisiarum coctioribus censores olim positi, quibus liberum olim fuit pitißare & delibare potum illum hordeo & farina coctum. Cocturæ cerevisiariæ 12. sytheptis permissæ uno in anno singulis. Anno 1522. Distractio seu consumptio cocturæ cerevisiariæ tanta incrementa habuit brevi tempore, ut cerevisiarum coctores hodie plures sint quam 1. Nostratium enim cerevisiæ bene coctæ propter gratum saporem & odorem ita expetuntur, ut tota fere Hollandia Borealis, Frisia, Groninga Harlemianam cerevisiam cæteris præferant. Difficile dictu est quantum commodi reipublica capiat ex cerevisiarum consumptione. Causa hæc est, cur Magistratus officinarum cerevisiarum curam habeant non vulgarem ut iis patrocinentur, & jura eorum tueantur, quantum æquitas permittit, adversus manicipes, zythopolas & delatores. Interest reipublicæ multos in civitate Zytheptas esse, qui multorum opera uti coguntur qui fere ex infima plebe homines victum

quæritant, quales molitores, fabri ahenarii, victores seu doliarii, famuli qui ad cortinas cerevisiarias excubant, alii qui cerevisias exponunt, baiuli ferendo tritico aut hordeo madefacto, aut cespite, sunt qui traheis exportant cerevisias, sunt qui in navibus aquarum scaturigines vehunt, in solatia eorū qui artes non didicerunt aut sellularias aut mechanicas. Sunt præterea honesto loco nati cives bynopici, quorum opera carere non possunt Zytheptæ, qui hordei madefacti acervos struunt in usum coctorum cerevisiarum. Nec ponendi postremo loco infectores, aut tinctorum nostratium officinæ, qui celebres apud exteros, qui lanas & telas laneas cujuscemodi coloribus qui in pretio habentur imbuunt, ad omnes colores miscendos & temperandos ingeniosi & felices, & aliis admirationi; sed villosi generis panni ab Italis & Hispanis mirifice appetiti, tum ob gratam levitatem, tum pertinacem eximii nigroris gratiam. Nec excludendi mercatorum numero frumentarii & oinopolæ, qui ex annonæ caritate quæstum faciunt. Transeo ad mechanicos & opifices industrios, inter quos palmā merentur Textores, qui excellunt in arte ista textili, qui operum sub-

tilitate Arachneos labores provocare possent, quorum lintea toto orbe notissima, regum & reginarum inprimis præcipuæ delitiæ, quorum cum nive certat candor, cum sindone tenuitas, cū bysso pretium. Crescente telarum & linteorum pretio, vetigalia imposita Anno 1586. in Maio. Byssum Damascenum à se inventum jactat Italia, artem illam imitata in linteis Harlemla, quam pluris æstimat Italia; illa artificiosa textura reges & principes & heroínas in sui admirationem traxit: nulla enim aula, nulla familia illustis, in qua non Damascena lintea in mensis & tricliniis. Ita linearum telarum pretium invalescere cœpit indies magis, crescente hominum curiositate. Incredibile visum mihi quod Iac. Viverius refert, quod tela una 75. ulnarum Hollandicarum, trium duntaxat librarum pondere, ulnæ singulæ xiv. florenis venditæ, Anno 1598. Verum superat omnem fidem, quod Harlemla accidisse Ampsingius narrat, de quodam cive viro honesto Iocobo Ioh. Smuyfers, qui eo tempore in vico olitorio prope macellum habitabat. Anno 1610. Augusti 16. die, permutabat telam 50. ulnarum tenuissimam Areadneam (qualis antehac nunquam visa) pro xlv. do-

liis, vino generoso onustis. Pro miraculo habitum, nec filetur artificis nomen, qui Godefridus Gulielmi, qui eo tempore habitabat in vico sororum discalceatarum, quod refertur in perpetuam ejus memoriam. Nondum dixi extremum, tela una trium ulnarum in latitudinem Damascena variegata utrimque pari nitore, summo artificio texta, regibus aut magnatibus offerenda à D. Ordinibus empta, pro singulis ulnis 50. florenos numerarunt. In filo duplici hoc quoque rarum fuit, quod fili duplicis semuncia una vendita fuit, libra Flandricas in usitate tenuitatis stamina, persoluto nentibus pretio Lxxx florenorum. Sunt & alii textores, qui telis coloratis provocare pictores possent, alii qui telas contractas & villosas texunt & distrahunt infinitas singulari industria. In hanc classem quoque veniunt Sericarii, qui ex bysso, ex serico heteromallo telas faciunt multiformes & variegatas. Verum sellulariorum immentis series, quales aurifices, polymitarii, phrygiones, pelliciones, vestiarii, sutores multique alii. Adhæc qui officinas domi habent, pharmacopolæ, tragematopolæ, cupediarii, popinari. Mechanicorum & fabrorum magna copia, quippe fabri sunt ærarii,

ærarii, ferrarii, lignarii, scrinarii, cæmentarii: ita infinita artis mechanicæ nomina sunt, quæ longum esset recensere, quæ singula sua habent contubernia, & statuta etiam, ex quorum præscripto vitam instituunt, & res suas administrant; ita cuique in vocatione sua leges positæ ad civilis commercii cōservationem. Nondum dixi omnia, quippe in civitate eadem ex infima fece Romuli, scurræ ac nebulones, lixarum vulgus, mangones, cerdones, vespillones, quisquiliarum coactores, fumariorum purgatores, denique qui ad latrinarum & cloacarum eluviem conducti, quorum opera catere non potest civium communio & societas. Ex his tanquam ex elementis contrariis constat corpus reipub. quod tamen propter qualitates contrarias & operationes non

dissolvitur, ita dispensante Deo. Ita non male Respublica corpus dicitur; compaginaturn enim ex membris pluribus quod divini muneris beneficio animatur, & summæ æquitatis agitur nutu, ac regitur quodam lumine rationis. Et ut corpora nostra sine mente, sic Civitas sine lege, suis partibus & nervis, sanguine & membris uti non potest. Nota, corpus illud animam habere & motum à Deo, ad nutû æquitatis componi & regi rationis lumine. Cælorum motori Deo uni & trino, sit laus, honor & gloria, quod opitulante divina gratia, non obstrepēte senectutis imbecillitate, Annales Patriæ ad umbilicum perduxerim, ab Anno Urbis conditæ D. VI. ad annum Christi 1646. quos digessi in libros VI. continua serie. In quo jam acquiesco.

TEPATA seu PRODIGIA.

AD tædium Lectori excutiendum visum est subijcere memorabilia quædam stupenda, tum prodigia tum infortunia cœlestis iræ. Ac primum quidem quod observavi, fuit circa annum 1268. Filius Enakim, hoc est Gigas Sparenwoudæ natus, cui nomen Nicolaus ab Heyten, tam procerus, ut cum

adolevisset, omnes sui ævi viros mole corporis antiret, & magnitudine cæteris antistaret, ut qui staturæ corporis maximæ in Belgio essent, infra ejus brachia intacta transirent. Calcei quibus indutus quadruplo majores, quàm ordinarii. Propter molem corporis, & capitis silvam, erat terror pueris, tamen bonæ indolis

Gigas
natus.

homo, facilis, non austerus.

Anno 1347. ipso S. Adolphi die excitato incendio, nulla fere urbis regio intacta ab igne. Verum quadriennio circiter post, Anno 1351. mense Iul. ipso legationis Apostolicæ die, terribile fuit incendium ac juxta periculosum, ut magna urbis pars consummaretur, laborantibus civibus incendio occurrentibus.

*Cetus
imma-
nis.*

Anno 1402. ingens cetus 1. pedum Santfordiam vivus appulit cum horrendo boatu.

*Siren-
ve mu-
lier ma-
rina,*

Anno 1403. paulo ante obitum Alberti Bavarix Ducis suborta ingenti tempestate, qua naves complures pessundatae, everse à radicibus arbores, ruinosae aedes, convulsis aggeribus, & obicibus, inundationes, quæ seculum Pyrrhæ minari visæ, æstuante insanum gurgite; ea inquam tempestate monstrosa mulier sive Siren dicenda, in grege natantium deprehensa in mari Australi; quæ longius evagata tandem in lacum de Purmer delata, & aliquamdiu ibi commorata, stipato interim & solidato aggere, enatare non potuit in mare, atque ibi aliquamdiu palustribus aquis cū innatarer, squamosi pecoris instar, erecto vertice conspicua, oculos accolarum rusticantium in se converterat: Anno 1403. hoc monstro

primum territæ rusticæ, quæ ad multam indies venire solitæ; jam novo monstro assuetæ, animos sumunt propius intuenti; & tandè audaciæ clypeo assumpto, juvantibus in partem piscatoribus, monstrum ceperunt, edito fæmineo ululatu in terram subduxerunt, & postea lembo impositum Edamū deportarunt, viridi musco deformem: Ubi cum purgata limo palustri mulier apparuit pube tenus, nuda & mura piscis fera & agrestis, quoniam in mari, in palude nata & educata, ad elementum suum redire conata aliquoties sed frustra. Inde magna vis hominū ex quavis parte visendi studio. Illa circumamicta, & assuesceta paulatim esui panis, & lactis, tandem Edamenses petentibus illud Harlemais (nam pro miraculo habitum) ex Nereidum stirpe unam, quæ mulier monstrosa superne desit in piscem, ad Harlemenses misere. Harlemum delata, concursu civium perculsa, mulierum conspectu læta, mansuescere paulatim cæpit, & gaudere hominum cōmercio. Mansuesceta mulierum conversatione & alloquio, muta quamvis, didicit pro scēminarum more sila ducere, & pensā trahere lino. Ita aliquamdiu vixit Harlemai, atque obiit: quam ob exhibitam Cru-

cis imagini reverentiam, eam in cæmeterio loco consecrato sepultam prohibent.

Triton. Neque ea absurda adeo videri debent, cum pro certo referant magni authores annis abhinc XL. captum fuisse in mari Frisico quendam Tritonem seu ut vulgo vocant virū marinum toto corporis habitu nobis adsimilem, nisi quod barba, & cætero capillitio hispidus admodum esset, atque setosus: assueverat autem & iste, tum panis tum cæterorum in usu quotidiano cibarium esui. Vixit annos complures in hominum societate, sed feritatem exiire non potuit nisi ipsa morte. Nec libera factionibus & seditionibus nostra civitas. Nam

Factio. Anno 1404. Symon à Sanen & cum eo quinque alii obruncati & eodem tempore c c c & amplius urbe ejeti.

Motus civicus. An. 1444. concursus civium, & motus tumultuantium & malignantium propter exactiones graves. quo tempore Nicolaus ab Adrichem consul in suis ædibus captivatus, cum manus ei iniecissent, qui juraverant in execrandam Afellorum factionem. Id cum intellexisset Ducissa Isabella, sub vespere, ipso D. Willebrordi festo, Harlemum contendit summa qua potuit festinatione. ubi sedato prius tu-

multu Gubernatorem constituit Mag. Goswinum de Wilde, qui totius Hollandiæ, Zeelandiæ magnus præses. Anno sequenti nondum cessante simultate, & odio *Nova factio.* invalescente indies magis, factio erupit nova, cum Philippus Burgundiæ Dux, omnia restituit in integrum, & partes conciliavit, mediantibus D. Ioh. Nassoviæ Comite, & D. Ioh. Hensbergensi Episcopo Leodienfi. Sed *Valravus facinus cruentum.* facinus cruentum magis & diabolicum, quod anno 1457 perpetravit Walravus à Brederode. Nam cum Magistratus vestigalia exigeret à Clero inusitato more, inde querelæ ad Coll. civium indignatio, clandestina concilia, tacita murmura. Consules ut populi insanix obviam irent, ordinata legatione Nicolaum Iperium Consulem & Gerardum à Noortwiick Scabinum, & Guilielmum Paedts qui Harlemi à secretis erat, ad Davidem Episcopum Trajectensem misere, ad impetrandum diploma inhibitionis: quod cum indignissime tulisset Walravus filius Brederodii naturalis, positus ad Biltam insidiis. Consulem, Scabinum pariter & Secretarium, oppressit latrocinantium in morem: quo facinore ita exacerbavit & patrem suum, & Patres patriæ, ut toto decennio parricidiū illud

expiari vix potuerit. Anno vero
Iusti de 1482. D. Iustus de Laleyn Hol-
Laleyn landiæ tum gubernator, neglecto
strata- fidelitatis juramento, occupata
gema. sollerti stratagemate Horna, Har-
 lemmum contendit spe prædæ ma-
 joris, sed fortiter resistentibus
 Harlemeis, vel L. interfecerunt ex
 militibus ejus, nec Ducibus pe-
 percissent, si potiri iis datum. Ve-
 rum cessante tumultu, à summis
 potestatibus graviter id ferenti-
 bus, ne impunitatis spe, majora
 audendi fiduciam caperent, re-
 fractariis civibus gravis multa
 imposita est, videlicet xii. mil-
 lium florenorum. Monstra Ne-
 ptunia & immania cete multoties
 appulisse ad littora nostra, ob-
 servatum quoque, quæ fere por-
 te debant mala incommoda, bel-
 la, latrocinia, & plura id genus
 damna. Nam Anno 1500 men-
 se Jul. cetus appulit marinus non
 ita magnus 24. & amplius pe-
 dum. Sed anno proxime sequen-
 te, ejectus ad littora nostra Ce-
 tus longus 50. pedum. Anno
 1469. adeo intentum frigus fuisse
 Annales indicat, tantam hye-
 mis asperitatem & inclemetiam,
 ut viri complures fortes etiam &
 robusti, quorum adversus fri-
 gora cutis callum duxerat, ma-
 num pariter & pedum digitos,
 & plurium membrorum jactu-
 ram fecerint. Anno 1500. Mon-

stri simile quoque quod anno ju-
 bilæo, Bavarovici maritimi ac-
 cidit, ubi fœtus in utero matris,
 gemitus dederit, & ejulatus do-
 lorificos. Erat enim in vico isto
 mulier paupercula, jam partu-
 riens, quæ confessa publicitus,
 fœtum uterinum per dies 14. ex-
 citasse lamentabiles gemitus, &
 iterata suspiria. Anno 1503.
 Novum & illud quod in Mar-
 tio, adventante Hispaniar. Prin-
 cipe, missi obviam gratulabun-
 di vir cōsularis Gerardus à Bere-
 kenrode in equo, comitantibus
 duobus aliis ordinis equestris vi-
 ris. Et anno insequenti. Anno
 1504. simile exemplum gratula-
 tionis Jul. 30. pauci itidem cives
 jussi Principi in occursum ire, si-
 ne pompa, qui Harlemum cum
 advenit, à Magistratu honorifice
 exceptus, congratulantibus civi-
 bus, donatusque opimo bove &
 vini cado. O simplicitatem Bata-
 vicam. Anno 1509. Pestilitates
 variæ quoque, ita dispensante ut
 omnia humana Deo, cum è me-
 dio sublatis infinita hominū mil-
 lia, fere ad internecionem to-
 tius civitatis. Anno 1512. Sicuti
 Harlemum Lemi urbs incen-
 diis obnoxia semper fuit, ita in-
 undationibus famosa, propter
 lacus vicinitatē hinc inde: Nam
 ipso D. Hieronymi festo, in Se-
 ptembri, inundatio pœne uni-
 versa-

versalis per totam Hollandiam, Sparendami inprimis, quæ minari visa sæculum Pyrrhæ, cum plurimæ domus & villæ, absumptæ & absorptæ, periclitante toto aggere. Anno 1520. & sequentibus aliquot, monstra Neptunia appulere alia atque alia. quippe 20. April. monstrum immane horrendum visu ad littora nostra appulit decumano fluctu præcipitatum, quod omnes in admirationem rapuit & stuporem, longum pedes 80. Anno 1522. Et biennio post mense Aprili ad Bavarum littora appulit, excitato horrendo boatu, Monstrum horrendum, informe, ingens, atque adeo Hellepontiaci terror balæna profundi. Anno 1522. Laverniones duo furati duntaxat 71. drachmas Aegineas, capite damnati multatique sunt. Et cum carnifex re male gesta in iustitia exsequenda, concitaret in se Civium odia, diras atque execrationes, qui Carnificem lapidibus impetebant, iussus Prætor insuper eos tanquam seditiosos cives, in carcerem abducere.

Circa ea tempora (narrantem hoc patrem audiui) civem quendam bene potum insanix proximum, venisse ad tabernam vinariam sero vespere, petiisse vinum sibi promi: recusante cautiona id facere, vi irrupisse, &

ad cellam vinariam ingressum vini cyathum promptissime, ebibisse, & relicta in dolio pecunia domum abiisse. Delata ad Prætozem querela, apprehendi hominem iussit accusatû de vi, qui paulo post ex sententia ludicum capite damnatus. Anno 1529. Morbi sudoriferi qui & Anglicani ita grassabantur in civitate nostra, ut nulla fere domus esset, in qua non esset æger. intra 24. horas plerique morbo isto correpti moriebantur, cessante omni remedio humano & medentium ope. Suffocati permulti sub culcitro, in mense Martio potissimum. Postea salutare sydus affulsit, & Æsculapius apparuit quasi è machina, qui obibat civium domos, & curabat hunc morbum epidemium, peculiari & infallibili remedio, juvante conatus ejus Deo hospitatore, ad refrigeria incolarum. Anno 1531. Agger prope Sparendamum aquarum violentia tribus in locis perruptus fuit, & aquis pervius, ipso omnium Sanctorum festo, bacchante septentrionali procella. Eodem anno Cometa apparuit in cælo non impune ut solent, & ante eum Cetus immensæ molis pedum, circiter 75. Anno 1556. Hispaniarum rex in Belgium misit D. de Lata virga Brederodium, cum litteris.

litteris fiduciariis, ut D. Ordines ad petitiones admittendas induceret. Anno 1558, Carolus imperator immortalis memoriæ Princeps obiit præmatura morte. Anno 1564. frigus memorabile erat in Decemb. duravit septimanas xj & tres dies. Eo ipso tempore, tanta brumæ asperitas fuit, tanta aeris inclementia, ut Schalda glacie incrustatus equos admitteret, & tentoria expensis velis, in quibus omnia venalia tanquam in sollemni nundinatione. Anno 1566. Mart. xj. cæcus eiectus ad littora vi tēpestatis prope Santvordiam maritimam & arcem Brederodiam longus 41. crassus 35 pedes, qui vivus per nares spirabat aquarum salutarum scaturigines. Anno 1568. April. 23. memorabile & illud visum nostratibus, quod duo opimi boves, facti per urbem trāsitū, Bruxellas abducti, quibus Ducem Albanum Ordines honorarent; quorum alter 10. pedes longus, xj. crassus, 3000 & amplius librarum, & alter circiter 2000. qui eo tempore æstimati 500. florenis. Anno 1570. Iun. x. Mag. Ioh. Zurenus ab ampliss. Ordine deputatus ad legationem, ut in Italiam proficisceretur, Romam peteret, Pontificem adiret. Causa legationis hæc fuit, ut apographum sive

exemplar peteret fæderis initi inter Abbarem quendam & Patres Xenodochii D. Elyzabethæ sacri de dominio D. D. Albatorum, quorum reditus propter vitam omnino dissolutam proscrip- ta erant, non abnuente Pontifice. Anno 1572. in aere & cælo prodigia complura observata: quippe ipso obsidionis tempore, grando terribilis cælo cecidit monstrosæ magnitudinis, cum multa strage, juglandis instar, aut ovi quale capræ pariunt ad aquæ ductum non procul à lacu, bacchante simul Borea, fulminante Iove. Anno 1574. in Ianuar. natum est horribile monstrum, editum à militis cuiusdam conjugis in ædibus Laurentii Iohan. qui factor Cameræ, quæ hoc pro- elogio habet, *Amor vincit omnia*. Sed feralis maxime hic Annus 1574. & memorabilis statim post obsidionis tempora capta jam urbe, cum Cellitarum pater, qui Vespillones, ingravescente indies contagio, foro ut sic dicam cessit, relicto cænobio. quo tempore mortui dicuntur & peste sublati tria hominum millia & 335, ut vix superessent, qui funera ef- ferre ægri possent. Verum omnium gravissima pestis quæ anno 1635. de qua egi Annal. lib. 4. Anno 1575. me puero in agris vicinis & suburbanis mures prodi-
giosi

digiosi nati, qui omnia depascebant, sata, fruges, gramina, unde annonæ gravitas & ingens alimentum penuria.

Tempestas,

Anno 1577. in Jun. toto tri-duo tempestas à Septentrione, cum maximo & irreparabili damno aggerum circumquaque, domorum, villarum, & jumentorum, ovium mugitu, balatu opem hominum implorantium, cum Harlemum visâ insula pæne inaccessa. Eodem anno dira famines Harlemi non durabilis fuit, cujus adhuc memini, quo tempore pane hordeaceo victitabant miseri cives, usque dnm Hispanorum milites præfidiarii urbe excederēt, quia milites Principis Auriaci Spatendam navibus occupant, qui frumenta Harlemum destinata intercipiebant.

Fames.

Terræ-motus.

Anno 1580. Signa aliquot futuri terræ motus, cum mare, nullo spirante vento, subito intumesceret, & in puteo aquæ motu subterraneo turbulentæ essent; Ita tandem intra Terræ viscera plurimas generari exhalationes, & terram moveri compertum circa vesperam hora 6. & 7. per omnem Hollandiæ tractum. Anno 1598. Carthorum ad littora cætum vidi immensum, arenis immersum, & locis maritimis vadosis detentum. An. 1601. XIII. Cal. Ian. monstrum appu-

Cætus mar.

lit ad nostra littora, quo non immanius ullum, & forte stans propius in littore,

Mirabar molemq; fere obscænumque priapum

Et formam informem, patulosque in gutture rictus

Et sanie, & multo stillantes sanguine fauces.

Hoc eodem anno Inundationes crebræ, sed minus periculosæ, crescente & alluente hinc inde indies lacu, & exuberante; verum non diu duravit hoc incommodum. Nam anno proxime sequenti, Chomarchi objecto agere tam spatioso quam acclivi, aquarum impetum fregerunt.

Inundation.

Anno 1611. Mea adhuc ætate frigus Arctoum plane, eo ipso tempore cum legatus Spinola cum suis Hagam-Comitis ad Pacis fœdera venisset.

Frigus Arctoum.

Anno 1614. Decemb. 18. die cetus denuo ejectus ad littora novo portento. Anno 1618. Novemb. 29. die apparuit ingens Cometa in cælo terribili cauda, cujus virga porrecta in 64. gradus, multorum malorum prognosticum & bellorum, hinc in Belgio secuta schismata in Ecclesia, in Politia, civium factiones, fratrum odia: Secuta in Germania bella, latrocinia, exilia documento nobis, raro fulsisse impune Cometas.

Cetus marinus. Cometa.

*Frigus
aspe-
tum.*

Cæterum cum indies alia atque alia nova semper contingant quæ omitto plura dicere, frigus illud nuperum adhuc memorabile inprimis, quale parentum memoria non fuit, frigus sane gravissimum urendi vim habens: quod capit Anno 1645. Dec. 8. Idus ipso D. Nicolai festo; duravit circiter 14. septimanas

usque ad 18. Martii diem, cum testæ glacie flumina, mare Australe equis pervium, cum tanta esset angustia, ut grana, hordeæ, lupuli, legumina, atque adeo ligna ramalia, cespites, carbones deessent ad coquendas cerevisias. Ita ut in parte Boreali, cerevisiarum penuria laborantes, aquam potare necessitas cogeret.

DE FELICI HARLEMENS. IN ÆGYPTUM

expeditione, HADRIANUS IUNIUS: in Batavia hæc narrat.

Hanc urbem sequitur capti novo consilio Pelusii (Damiatâ nominât inelytam Ægypti urbem) gloria: Cujus cum traheretur in longum obsidio, portum urbis transversa catena ferrea inter duas validas turres munitum, una atque altera holcade, quarum carinas & proras ferræ in crenatos dentes limata obmunierant. Harlemæi, qui in ea expeditione militabant, observato vento secundo atque opportuno invadunt, diffracta catena interiorem in sinum penetrant, sicque patefacto portu classi Christianæ rei bene gerendæ occasionem aperuerunt, capta deditaque urbe munitissima copiosissimaque. Cujus rei memoriæ sempiternæ institutum reor, moremque per manus in hunc usque diem traditum observat Harlemæa pubes, ut Kal. Ianuarii (quæ an hujusce stratagematis testes fuerint clam me est) naviculas ferratis proris instructas, imaginesque victoriæ argumenta, bacillis suffixas, in publicis supplicationibus circumferat. Certiorisque fidei testimonia supersunt ex ære Corinthio tintinnabula seu æramenta bina, quæ in æditissimæ turris fastigio suspensâ, arguto iunitu late perstrepunt, à re Damiatica nuncupata.

In Trophæum Pelusiæcum TH. SCHREVELII,
CIVIS & AMICI mei suavissimi.

Ausa Urbs HARLEMUM Pharios attingere fines,
Et trabe Nile tue findere tergo aque:
Ausaque serrato perumpere ferrea rostr'o
Vincula, & obstructi frangere claustra fleti.
Magnanima Urbs! magnæ Damiatæ mœnia cepit,
Victricique tulit FERULA leta manu.
Horruit Ægyptus, devotaque pectora Marti
Mirata, illorum sub juga colla dedit.
Quæ dum das lucæ victuris indita cartis,
Schreveli, Patrie consulis Historiæ.

Grande.

Grande operæ pretium ! Hoc facinus non debuit altâ
 Nocte tegi ; bei ! Torpor, delituisse, fuit :
 Rem Cedri dignam tabulis, temploque Monetæ !
Que ne post lateat, tu Theodore, facis.
 Equid erit præmi tandem ? Num Patria munis,
 Nomen ut accepit, sic dabit ipsa tibi ?
 Auguror. & (nobis sic Diva Amathuntia pres sit :
 Sic ego sum felix, tuque in Amore potens)
 Spondeo, te penna solvi metuente, Poëtam
 F A M A, ultra Eëos, Hesperiosque feret.

PETRUS SCRIVERIUS.

AD HARLEMVM.

O U R B S à magno celebrari digna Marone!
 Mentior an Patriæ fallor amore meæ ?
P E L U S I portus V I R T U S tua fregit adunca
 Holcade, veliferis concidit hostis equis.
 Magna equidem virtus ! Andinis digna Camœnis:
 Sic mihi sic visum municipique meo est.

P. SCRIVERIUS
ab Iverendeel.

T H. SCHREVELII, TROPHÆVM PELVSIACVM

H A R L E M U M patria est, patriæ me dicere laudes
 Inssit amor, mentisque ardor, tu suffice Vires
 Phæbe pater, cæptique leves pia vota laboris:
 Harlemios ausus, & plusquam Heroica gesta,
 Serratamque cano Neptuni in gurgite navem;
 Qua septemgemini coeunt trepida ostia Niliv:
 Longa retro series, quam non longa va vetustas,
 Non, atas, non tempus edax memori eximet avo.

Clejo exantlatos terraque, marique labores,
 Gestaque in antiquis Mavortia condita fastis,

*Docta doce, nec enim te fallit cana senectus;
Sic ego, sic prima repetens ab origine casus
Te duce prisca sequar veteris vestigia famæ,
Da facilem cursum, atque audacibus annue capitis.*

*Postquam Arabes, Parthique truces, recutitaque turba,
Immanesque Getæ, qui Terram invadere sanctam
Atque Palestinam, turritaque mania Idumes,
Ense minabantur, subjectisque ignibus urbes,
Delere, & validas evertere funditus arces:*

*Qua fas, quaque nefas invisam exscindere gentem.
Quique Crucem, Christumque Deum pleno ore fatentur.
Iamque Palastinis Turcarum Exercitus oris
Fervere, & infesto grassari milite capit.*

*Quæ simul Ausonias vulgatur fama per urbes
Nec Batavum vanas implet rumoribus oras;
Extemplo turbati animi; simul omne tumultu
Conjurat trepido Harlemum, sævitque juvenus
Battavia, vitamque volunt pro laude pacisci.
Iamque Getis inferre manu lacrymabile bellum
Germani Batavique parant, & tendere ad Indos,
Auroramque sequi, Parthosque reposcere signa.
Haud mora, diverso populos sub sole jacentes
Cæsar ad arma vocat Fredericus, & undique cogit
Auxilia, & rauco crudeſcunt omnia cantu.
Et fremit, & toto volitat Mars horridus orbe*

*Primus init bellum Fredericus, & agmina primus
Cæsar agit, votisque absentem interficit hostem,
Nescius heu Cæsar fati, sortisque futura!
Huic comites Rychar dus erant, acerque Philippus
Galli ambo, reges armis fulgentibus ambo.
Insignes, densa juvenum stipante caterva.
Inde Caledoniis venit Richardus ab oris,
Horridus in jaculis, & pelle Libystidos ursæ.
Quem legio late comitatur agrestis eunt em,
Anglia quam dederat medio Neptunia ponto*

*Insula, pars leues clypeos, pars spicula gestat
 Bina manu, fulvosque lupi de pelle galeros
 Tegmen habet capiti, docti pars cominus enses
 Stringere, tela gerunt lateri falcata sinistro.
 Saxones, Austriacique duces, in praelia magnum
 Agmen agunt peditum, magnique ipsi agminis instar.
 Hos super accelerat fama Florentius armisque
 Illustis, stirpisque comes generosus avitæ;
 Horrida præcipue cui gens, assuetaque bellis.
 Quin & magnanimum misit sacunda Philippum
 Flandria, & armatas equitum peditumque phalanges:
 Et conjuratos non segnius ibat in hostes
 Geldriaci ductor populi fortissimus Otto:
 Atque alii procures, nec non ignobile vulgus,
 Infertique globo pedites, veteresque Sabaudi,
 Belgarum Bavarumque manus, Harlemia pubes,
 Qui Mosam, Vahalimque bibunt, Rhenumque bicornem:
 Omnibus unus amor, vel sævam exscindere gentem,
 Vel si fata obstant (quod Dii prius omen in hostes
 Convertant) pulchram per vulnera querere mortem.
 Sic acies turmasque legunt, pilataque cogunt
 Agmina, diversa cœunt in littore gentes,
 Tam variæ linguis, habitu, quam nomine & armis.
 Haud aliter cœit agmen apum, cum forte duobus
 Regibus incessit magno discordia motu,
 Ingentes animos angusto in pectore versant
 Spiculaque exacunt rostris, pugnamque lacessunt,
 Fit sonitus totaque acie fragor intonat, & vox
 Auditur, tenuem clangorem imitata tubarum.
 Aut veluti glomerantur aves in littoris ora,
 Strymoniaæve in nube grues, ubi frigidus annus
 Trans pontum fugat, & terris immittit apricis.
 Iam Zephyri excussos suadent laxare rudentes,
 Crebrescunt optata aura, dat buccina signum:*

*Vela dabant lati ventis, pelagique volabant,
 Et vada sulcabant æratis cærule rostris,
 Nauticus exsurgit sublatus ad æthera clamor.
 Iamque adeo totum constratum classibus æquor,
 Cyaneas, pelagique putes innare revulsas
 Cycladas, aut montes concurrere montibus altos.
 Sic gelidam Æsonides Scythiam, & Phryxæa petebat
 Æquora, & angustas quondam sine nomine fauces,
 Cum rapere auratam subiit de Colchide pellem:
 Sic Argiva manus, Danaumque exercitus omnis,
 Et conjurati venerunt ad Pergamam Graii
 Lædæam propter Helenam, cum mille carinis.*

*Postquam altum tenuere rates, terræque recedunt,
 Pronus erat Titan, inclinatoque petebat
 Hesperium temone fretum, ruit Oceano nox.
 Sollicito interea Cæsar sub corde volutat
 Eventus belli varios, casusque futuros
 Mente agitans, magno curarum fluctuat æstu:
 Huic comes in prima Ioachimus puppe sedebat
 Proximus, ille hominum sacer interpretisque Deorum,
 Qui pecudum fibras, qui præpetis omina pennæ,
 Et volucrum cantus, & fati conscia norat
 Sidera, fatalesque colos, & fulmina dextra,
 Felicesque Iovis stellas, & Castoris ignes;
 Quem sic alloquitur, dictisque ita fatur amicis,
 Cultor, & antistes sacrarum maxime legum,
 Cui Deus arcanum, & nulli exorabile fatum
 Nosse dedit, casusque dedit præscire futuros,
 Eja age, & intrepide, quidquid Grynæus Apollo,
 Et Lyciæ dictant sortes, ea sive secunda,
 Sive adversa fient, terræ pelagique pericla,
 Eloquere, & quæ sit rerum fortuna mearum.
 Cui vates nec cura animum fortissime Princeps
 Mordeat ulla tuum, finemque impone rogandi;*

*Fata viam invenient, fatorum immobilis ordo,
Atque ita diu longa suspensum ambage tenebat.
Cæsar adhuc: Causas nequicquam tendis inanes,
Fare age, & extemplo ventura pericula pande,
Aut si læta magis dexter promittat Apollo,
Pauca refer mihi que hæc edissere vera roganti,
Si tantum de te merui, vel si tibi quicquam
Dulce meum. Tandem vates sic ora resolvit.*

*Infandum Frederice jubes narrare dolorem,
Principio adversis ventosum scindimus æquor
Alitibus; nec læta viam Fortuna secundat,
Æthiopsque Arabesque jugo submittere, & acres
Debellare Getas, Scythicamque exscindere gentem,
Aut Solymam everfis invadere manibus urbem
Nondum fata sinunt, si qua est prudentia vati:
Stat sua cuique dies, stat terminus omnibus ævi:
Sed si tantus amor casus cognoscere vestros,
(Quamquam animus meminisse horret, luctuque refugit)
Expediâ paucis, & te tua fata docebo.
Scilicet incertæ, breve & irreparabile tempus
Omnibus est vita, sed vitam extendere factis,
Multaque vivacem per sæcula mittere famam
Hoc virtutis opus; nisi me præsaga mali mens
Fallit, & ancipiti ludit Fortuna regressu,
Luna novem junctis rutilum cum cornibus orbem
Implebit, Phæbusque diem Solemque reducet,
Auferet atra dies animam, vitamque reposcent
Fata tuam, rumpetque simul quos ne verat annos
Atropos, ut placida compositus pace quiescas.
Non natale solum, non regna paterna revises
Ausonia, nec pinniferi caput Appennini;
Consortemve thori, nec dulcia pignora natos;
Talis lege Dei de vexo tramite vitæ
Per varios præceps casus rota volvitur ævi,*

Serius aut citius metam ut properemus ad unam.

Talia voce canit, lacryma cecidere canenti.

At Caesar quamquam trepidat formidine pectus,

Et solito majore metu mens agra laboret,

Attamen in cælum erectus, manantia fletu

Ora tegit, crudumque premit sub corde dolorem,

Quippe viro turpe esse putat timuisse futura.

Interea ecce vigil nitido patefecit ab ortu

Purpureas Aurora fores, & ab aquore Eöo

Surgebant roseæ, media inter cæcula flammæ;

Cum Caesar (pressum servans sub pectore vulnus)

Obliquum sulcabat iter, longoque petebat

Æquora circuitu, Siculisque allabitur oris

Classis, ibi è fluctu Trinacria cernitur Aetna,

Quæ visu horrendum ignivomis fornacibus arsit.

Illic (ut perhibent) immania membra Gigantis

Iugeribus porrecta novem, sub montibus altis

Semiseputa jacent, spirantis naribus ignes,

Flammarumque globos, liquefactaque saxa vomentis.

Vix è conspectu Sicala telluris in altum

Vela dabant, subito calumpice nigrius, imbres

Ventosque pluviasque atro cum turbine cogit:

Aspera crescit hyems, omni que à parte feroces

Bella gerunt venti, fretaque indignantia miscent;

Antennaque gemunt, reboant stridore rudentes:

Sæpe dat ingentem fluctu ratis icta fragorem;

Nec levius pulsata sonat, quam ferreus olim

Cum laceras aries ballistave concutit arces.

Intonuere poli, tremunt alti regia cæli;

Perruptisque fragore polis, micat igneus æther.

Ipse Atlas humeris cæli qui sustinet orbem

Extimuit, ne forte sacer tot ab ignibus æther

Conciperet flammæ, totusque ardesceret axis.

*Nec cælo contenta suo Iovis ira , sed illum
 Cæruleus frater lethalibus adjuvat undis .
 Ipse gubernator tendens ad sidere palmas
 Poscit opem , nulloque ratem sinit ire magistro ;
 Sic quo non voluit , sed quo rapit impetus undæ
 Per vada cæca volant , ventoque æstuque minaci .
 Tres adeo incertos picea caligine soles
 Errabant pelago , & totidem sine sidere noctes .
 Tum venti posuere , omnisque repente resedit
 Flatus , & insani ceciderunt aquore fluctus .
 Septima jactatos Grajis lux reddidit oris ,
 Piræos subjere sinus , & proxima fessæ
 Ostia , quæ trepidis statio gratissima nautis ,
 Quæ Pandionis se ostentant eminus arces ,
 Cecropidumque lares turrita que mænia Athenæ .
 Iactatam vento , quassamque à gurgite classẽ
 Cæruleo instaurant , & duro robora ferro
 Intexunt , rimasque tegunt , & hiantia stringunt ;
 Votaque servati solvunt in littore nautæ .*

*Iamque dies abiire decem , cum vela secundis
 Turgebant Zephyris , placido natat aquore Classis ;
 Prosequitur surgens à puppi ventus euntes :
 Et tandem Idaliũ , gravidamque Amathuntæ metallis
 Prætereunt , tumidique legunt divortia ponti .
 Et Pelusiaco sulcant vada proxima Nilo .*

*Cæsar ut è celsa vidit septem flua puppe
 Ostia , vela legi jubet , arma , animosque parari ;
 Arciere viros , Martemque accendere cantu :
 Ipse cava Triton circumsonat aquora concha .
 Consternati Arabes , turri speculantur ab alta ,
 Et totum aspiciunt allabi classibus aquor ,
 Armatique cavis expectant turribus hostem
 Cominus , omnis eo terrore Ægyptus , & Indi ,
 Fidentesque fugæ , sternuntur pectora , Parthi .*

*Exemplo Eöas ea fama vagata per oras
 Adventare hostes , adnare per aquora classẽ ,
 Et fremere invisam Christi de nomine gentem .
 Caesar & electi proceres , de nocte triremes
 Ingressi , tentant aditus , perque omnia lustrant .
 Vastus in accessu dubio sinus , arcet utrimque
 Hinc maris , hinc rapidum Nili septemplex æstum ,
 Qua fugit amplexus repetique reciproca Thetis .
 Hic gemina in portu turres , jactaque per altum
 Dente ratis , solidoque aptatur machina ferro .*

*Tum supera aspectans cæli convexa , precatur
 Insignis pietate Comes Gulielmus & armis ,
 Maxime calicolum , pater atque hominum sator , & rex ,
 Siderei qui templa colis flammantia cæli ,
 Qui vaga flagrantijacularis fulmina dextra ,
 Quem tellus , tumidique timent vada carula ponti ,
 Orsa juves , nostrosque leves invictæ labores ;
 Aeternum molimur opus , sub gurgite Nili ,
 Si qua fata sinunt , da rumpere ferrea ferro
 Vincula , & eversis evertere manibus urbem ;
 Immanesque domare Getas , & barbarâ regna
 Sauromatum : armipotens Deus , & rex ætheris altæ
 Annuït , & nutu totum tremefecit Olympum .*

*Tantum effatus , & interea revoluta ruebat
 Matura jam luce dies , Solemque reduxit .
 Continuo sociis edicit signa sequantur ,
 Atque animos aptent armis , pugnaque parent se ;
 Nam Zephyri ventis implebant vela secundis .
 Insonuere tubæ , validoque Harlemla puppis
 Impete scindit iter , fidis comitata carinis :
 Iamque propinquabant urbi , portusque subibant ;
 Hic Deus æquoreas qui cuspide temperat undas ,
 Extulit os sacrum , navemque immane tridenti
 Impulit , illa fugit liquidas impulsâ per undas*

Ocyor & jaculo, & ventos aequante sagitta.
 Intremuere cava, gemitumque dedere cavernæ:
 Inde aliæ accelerant cursus, stupet inscius ipse
 Dux Batauum, felici animos tamen omine tollit.
 Fit via vi, rumpunt aditus, solvuntque repente
 Mole sua strictas & acuto dente catenas
 Puppis, & excusso strident retinacula ferro:
 Exoritur clamorque virum, clangorque tubarum.
 Haud tamen audaci cessit fiducia Partho,
 Sed contra ruere, & venientes pellere terra:
 Pars effusa onerat telorum grandine naues,
 Pars lato librant emissa hastilia ferro,
 Missilibus certant alii, tum saxens imber
 Ingruit; atque ipsis metuenda phalarica muris
 Intorquent alii collectis viribus, illi
 Imbutas hydro his noxia tela sagittas.
 Tela simul, flammæque micant: pars maxima glandes
 Spargit liventis plumbi, pars ventilat ignes,
 Donec rostra tenent siccum, & sedere carinæ
 Omnes innocuæ, socios de puppibus altis
 Pontibus exponunt ductores. Haud mora multi
 Pugnandi studio, brevibus se credere saltu;
 Per remos alii descendere, perque rudentes
 Idem omnes simul ardor agit, ruit ocyor Euro
 Harlemea manus, primoque in limine clausas
 Arietat in portas, atque urbem territat armis.
 Ac velut effusi facto velut agmine venti,
 Qua data portaruunt, & terras turbine perflant,
 Insequitur clamorque virum, stridorque rudentum;
 Omnis Arabs, omnes vertebant terga Sabæi;
 Et trepidi positos dedebant oppida telis.
 Invadunt DAMIATAM Urbem, primosque trucidant.
 Horrifico interea miscentur mania luctu,
 Et resonant clamore viæ, gemituque cadentum.

Verum ubi paulatim Martis deferbuit ira
 Pacem orant, victasque manus ad sidera tot
 Famina, virque, senex, pueri, innuptaque pu-
 Tum Caesar (magna procerum cingente coror
 Convocat Ausonius, sociosque hortatur orantes.
 Maxima res effecta viri, timor omnis abesto:
 Quod superest tolerate alacres, fortissima bello
 Pectora; forsan & hac olim meminisse iuvabit
 Si Solyma Bellona velit nos urbe potiri.
 Arma parate animis, & spe præsumite bellum.
 Interea Batavum Comes invictissime, tantis
 Progestis hæc dona feres: nec plura loquutus.
 Donat equum phaleris insignem, ostroque superbum;
 Levibus atque kamis consertam, auroque trilicem
 Loricam, galeam capiti, colloque monile
 Baccatum, & duplicem gemmisque auroque coronam.
 Præterea meritis feret HARLEMEA juvenus
 Præmia digna suis, animosque aquabit olympo:
 Eja triumphali jam cingite tempora lauro
 Harlemo-batavi, pugnacis fulmina Martis;
 Et capite æternæ immortalia præmia laudis.
 Principio hæc parti referetis signa trophæi
 In patriam, fulvum stellis cingentibus ensẽ,
 Sanguineo medium campo: Crucis addit honorem
 Et Pater & Solyma venerandus Præshyter urbis,
 Testis Arabs, & Mars, & late Gloria vultu,
 Et decus & niveis Victoria concolor alis;
 Cæsareæque fides dextra, plaususque virorum,
 Neptunus, pater, & captivo gurgite Nilus;
 Famaque anus, quam nulla annis obliteret ætas,
 Multaque quam seri referant post sæcla nepotes.
 VROIT VIM VIRTUS, REVIRESCIT VULNERE VIRTUS!

FINIS.





00000010013712

84/7435

